





Ex Bibliotheca
majori Coll. Rom.
Societ. Jesu

48.6.19.

48 40

B B

19 0

1





AXIOMATA THEOLOGICA
SANCTI PATRIARCHÆ
AVGVSTINI

S. Romanæ Ecclesiæ Doctoris Maximi

DE ANGELIS

Quibus explicantur difficiliora, quæ de illis contro-
uertuntur in Scholis. Dubijs ex illis ortis
breuiter disputatis, & resolutis.

A P. BENEDICTO A S. IACOBO FERRARIENSE

*Congregationis FF. Eremitarum Discalceatorum
Augustinensium.*

DEFINITORE GENERALI,

Et Sacra Theologia Lectore.



FERRARIÆ M.DC.LXXVI.

Ex Typographia Heredum Iulij Bulzoni Lilij Impress. Episcopalis.
SUPERIORVM PERMISSV.

172 V C V A

SECRET

[illegible]

1. THEORY OF THE CASE

Adm. Reu. in Christo Patri

F. MARTINO

A S. Guilelmo Congregationis Eremitarum Excalceat.
S. AVGVSTINI Italiae Generali Vic. Dignissimo.

Æ. D. F.



Nihil mihi incundius (Admodum Reuerende Pater) in hisce meis circa S. P. N. Augustini doctrinam lucubrationibus contingere poterat, quam ut hoc de Angelis opusculum eo possimum tempore absoluerem, quo Sacram hanc Eremitarum Augustinensium Excalceatorum familiam in supremo Generalis Vicarij munere, & onere moderaris. Tunc enim erga me beneficia, innatus amor, filij obligatio iam à longo tempore obstrinxerant, ut tibi quod tuum magis, quam meum planè erat redderem. Nec aliud ex meo inopi. peno magis tempori congruum, vel personis accomodatum, licet re exiguum, affectu tamen maximum, & munusculum, & tributum offerendum esse duxi. Tempori quidem; quia inter varias regiminis vicissitudines, in quibus non infrequentes occurrunt rerum mutationes, illorum Beatorum Spirituum offertur laeta, qui vel Deo assistentes ingi contemplatione perfruantur, eiusque Maiestatem continuo Sacram laudum concentu predicant, vel rebus inferioribus praesidentes, sic miro ordine cuncta moderantur, ut in paucè innumera, & infinita multitudine mirabilis, tam spiritualium, quam corporum appareat dispositio naturarum. Quapropter si ex principijs illius Samij Sapientis, [de quo Vates cecinit;

a. Mente Deos adiit, & quæ natura negauit

Visibus humanis, oculis ea pectoris hausit.]

philosophari volumus; non solum caelestium orbium, sed etiam totius Vni-

uersi molem harmoniam quamdam puris mentibus incundissimam iure merito appellare possumus: cuius supremæ partes, quas in hoc opusculo describo, non incongruè Hierarchia nomine gloriantur: Hæc est enim, Arcopagita testè, b. Ordo sacration, quæ scientia, & operatione ad Dei similitudinem pro viribus nititur, & pro modo suo ad illius imitationem, ex indulta sibi diuinitus hæc subuehitur. Huius annua nostra hæc Religiosa Respublica sub tuo regimine, hoc etiam potissimum tempore, quo totus fere Catholicus orbis in armorum commotionibus, & fragoribus strepit, sic in diuinis concentibus, & contemplationibus tranquilla persequar, ut tam quæta beatitudine, [si mortalitatem demas] perfui videatur. Si personas spectes; Maximi Patriarchæ nostri Augustini axiomata selecta offero, illius inquam, summi S. R. E. Theologi doctrinam, & qui inter Sacros Doctores, tam in Græca, quam in Latina Ecclesia clarissimos, qui pro temporum ratione Christianam nostram Religionem, & conseruauit, & strenuè defenderunt, talis fuit c. [verbis cruditi viri Hieronymi Torrensensis vtor:] ut nemo eorum maioribus quam Aurelianus Augustinus Natura, Deique donis instructus ad res Ecclesiæ iuuandas plus studij, diligentiaque contulerit: Huius ego licet minimis, & indignus filius verbis, & luce, quæ magis recondita, & in sacris litteris abstrusa de his Beatissimis Spiritibus videntur, quorum presentia nostrorum sensuum aciem fugit, sublato volamine Aureliano fulgore nota facere totis viribus conatus sum, ut non sine fructu, & delectatione sublimes ille Angelorum Personæ, Naturæ, Proprietates, Charites, Felicitates, munera, ordines, & Custodiæ appareant: Hæc olim enim anno reparata salutis, millesimo, sexcentesimo, quadragesimo secundo, quando prima vice in hoc Sacro SS. Patriarcha Ioseph canobio erectum fuit Theologicæ Scolasticæ studium moderante nostro hanc Religiosissimam Congregationem Adm. Rem P. bona memoria sene Ioseph à Matre Dei in Lectorem ex nostris PP. Ferrariensibus primas, licet innumeris, delectus fuit, exponere rudi est Minerva libuit, cupiens tamen ex tunc meliori data opportunitate, quid de tam sublimi, & Spirituali Republica S. P. N. Augustinus docuerat explicare, nec fuit sine fructu votum. Cum enim omnes Prima Partis Summæ Angelici Doctoris Tractatus, & Primæ secundæ difficiliores Controversias explicassem; discendi magis, quam docendi cupidus, otium potius studendi, quam regendi potestatem exoptans à te cum Visitationis Generalis munere fungeretur, in Pedemontana Prouincia Conuictibus humanissimè receptus fui, & his liberius vacandi commoditas,

& facultas libenti animo collata ; Vbi ea, qua per' transtrum degusta-
ram, profundius penetrandi copia fuit : Iure merito igitur dixi, magis
tuum, quam meum esse hoc opus : quod propterea libens, ac lubens tibi tam-
quam vero Patrono dico, & offero, & eo libentius quod est antiqui debiti
iusta solutio, & eo magis debiti, quod alias tum in eadem Provincia Prae-
ris Provincialis officio fulgeres, eadem otia non semel benignè obtulisti :
Hocque eo magis magno mihi in pretio esse debet, quod à Serenissimis ; &
Realibus Domus Sabaudiae Principibus in grauioribus, & sacratioribus curis
occupatus me infimum nostra Religionis alumnorum tanta humanitate respe-
xisti. Cuius etiam officijs debeo ; quod ad Primum Definitoris Generalis gra-
dam assumptus fuerim : Reliquum est, ut dum hos veluti terrestrium An-
gelorum Choros regis, hac quæ de caelestibus ex Paterno Augustiniano
thesauro depromere potui, ea, qua polles, benignitate excipias : Dum ego Om-
nipotentem supplex exoro, ut quas ipse in mentem tuam pias pro commu-
ni totius Eremitana Discalceatorum familia bono cogitationes immisit, &
tu heroico animo inclusas fones, eodem adspirante reipsa declares, atque
perficias : ut omnibus nobis talis existas, qualis S. Pater, & Patriarcha
noſter Augustinus extitit, summi, & immortalis Boni amore flagrans, &
inuanda huic Religiosa eius Respublica studio perpetuò vacans. Quæ Chri-
stus Dominus diu nobis incolumem seruet, & ip̄ perpetuum beet.

Paternitatis tuæ Admodum Reuerendæ

Seruus, & Filius Obsequentiſs.

Fr. Benedicſus à S. Iacobo

AP-

APPROBATIONES.

EX commissione Adm. D. P. Martini à S. Guillelmo Vic. Generalis, opus istud, continens AXIOMATA D. P. N. AVGVSTINI, Scholasticam de Angelis materiam, siue tractatum concernentia, à R. Patre Benedicto à S. Iacobo Ferrariensi, Sac. Theologiæ Lectore, nec non Generali nostræ Congregationis Definitor Dubijs explicata attentè per-
volui, atque non mediocri animi voluptate plusquam semel perlegi.
Cumq; in eo ne quidquam minimum repererim, Catholicæ Fidei dog-
matibus dissonum, aut morum integritatem obnubilans; quin potius
queque opportuna sunt ad beatarum intelligentiarum Sacramenta refe-
randa, summa puritate, ac subtilitate discuti: Hinc censeo fore, iure
optimo, idem opus, communi omnium utilitati, præli beneficio comit-
tendum. Et ita subscribo.
Romæ in Conuentu Iesu Mariæ die 14. Mensis Iulij Anni 1675.

*Fr. Calistinus à Iesu Maria Augustinianns Excalceatorum
Sacra Theologia Lector Ordinarius.*

CVM ex commissione Admodum R. P. Matthæi à S. Eustachio Vicarij nostri Generalis, opus continens Axiomata Theologica S. P. N. Augustini S. R. E. Doctoris Maximi de Angelis, controuersijs, & dubijs explicata à R. P. Benedicto à S. Iacobo Ferrariensi in nostra Congregatione pluries S. Theologiæ Lectore, & ad præsens primò Definitor Generali studiosè perlegerim, nihil in eo reperi, quod correctione dignum iudicarem, sed potius multum, quod laudarem, non modicum vndè proficerem; in omnibus enim Quæstionibus Angelicam Doctrinam catholicæ fidei, bonis moribus, rectaq; rationi conformem redolere mihi videtur: Non exiguam igitur utilitatem omnibus studiosis, & maximè Augustinianâ doctrinam zelantibus, si typis mandetur, arbitror allaturû.
Datum Comacini in Conu. nostro SS. August. & Mauri die 10. Iulij 1675.

*F. Fabianus à S. Maria Magd. Eremit. August. Excalceatus
S. Theologia Lector indiguus.*

Nos

Nos F. Martinus à S. Guilelmo Fratrum Eremitarum Excal-
ceat. Ordinis S. Augustini Congreg. Italiæ Vic. Gen.
Dilecto Nobis in Christo Patri Fratri Benedicto à
S. Iacobo eiusdem nostræ Congreg. Sacerd.
Professo, Theol. ac Deffin. Gen. salutem ✓

VT opus inscriptum SS. Patriarchæ AVGVSTINI Sanctæ Rom. Eccles.
Doctõris Maximi AXIOMATA THEOLOGICA, quibus explican-
tur, Selecta difficiliora, quæ de Angelis controuertuntur in Scholis; &c.
à te elucubratum, & à duobus Patribus nostræ Congreg. Theologis reco-
gnitum, & approbatum Typis dare possis, harum vi litterarum, nostriq;
Officij, ac muneris potestate quantum ad nos attinet, seruatis in reliquo
seruandis facultatem impartimur. In nomine Patris, & Filij, & Spi-
ritus Sancti. Amen.

Dat. Nicea in nostro Conuentu S. Ioannis Baptista die 22. Iulij 1675.

F. Martinus à S. Guilelmo Vic. Gen. &c.

F. David à S. Maria Sec. Gen.

Die 1. Iulij 1675.

Videat Reuer. D. Andreas Bertonus Canon. Theol. & referat, &c.

Fr. Prosper Vinc. de Florentiola Lect. Theol. & Vic. S. Officij Ferr.

Approbatio pro Emin. & Reu. D. Card. Cerro Ferr. Episc.
ac pro Reuer. Patre Inquisitorre Ferraria.

DVplici decoratus caractere, ac vtriusque Tribunalis functurus mune-
re, opus inscriptum [SS. Patriarchæ AVGVSTINI Sanctæ Romanæ
Ecclesiæ Doct. Max. Axiomata Theologica, quibus explicantur sce-
lesta difficiliora, quæ de Angelis controuertuntur in Scholis. Dubijs ex
illis ortis breuiter disputatis, & resolutis à Patre Benedicto à S. Iacobo
Ferra-

Ferrariensi Congreg. F.F. Eremitarum Discalceatorum Sancti Augustini Sacrae Theologiae Lectore, exactissime, ut oneris erat, perlustravi, illudque per omnes sui partes Sanctissimae Fidei veritati consonum, virtutis decoratum nitore, scientiarum Speculatiuarum subtilitate firmatum, SS. Patrum sententijs, & autoritatibus innixum, sacris eruditionibus cumulatam, iustitiae virgente pondere, pronuntiandum adiudicavi, ac dignum sane, quod praelo donatum, studioforum euulgetur profectui.

Datum Ferrariæ, die 15. Augusti 1675.

Andreas Bertonus Sacrae Theol. & I.V. D. Sanctae Ferrarien. Ecclesiae Can. Theol. & Sacri Tribunalis Sanctae Inquisitionis Consultor.

Stante suprad: Attestatione.

Imprimatur

Fr. Io: Michael Bergamaschi Inquisitor Gen. Ferrariæ.

Imprimatur

E. à Balneo Vic. Gen.



AXIO-

A X I O M A T A
S. P. A V G V S T I N I.
D E A N G E L I S.

C O N T R O V E R S I A P R I M A
D e E x i s t e n t i a , & E s s e n t i a
A n g e l o r u m

A X I O M A P R I M V M.



Existentiam Angelorum fide tenemus
Ex enarratione in Ps. 103. ad illa verba.

*Qui ambulat super pennas ventorum, qui facit
Angelos suos spiritus, & ministros suos
ignem flagrantem.*



*Vani non videamus apparitionem Ange-
lorum; abscondita est enim ab oculis nostris,
& est in quadam Republica magna Impe-
ratoris Dei; tamen esse Angelos nouimus
ex fide, & multis apparuisse scriptum, le-
gimus, & tenemus; nec inde dubitare*

fas nobis est.

DVBIUM PRIMVM.

Vtrum existentia Angeli ratione naturali probetur.

PRæmitto hic primo; quod si nomine Angeli intelligatur substantia intellectualis Superior natura homine, quam propter subtilitatem spiritum appellamus, & propter nunciandi munus vocamus Angelos. Existentiam Angeli esse de fide, vt docet hic S. P. in axioma, nam multis apparuisse Angelos legimus in script. SS. & in eisdem sæpe fit mentione de illis vt in Ps. 103. eo loco quem S. P. ad hoc nostrum intentum explicat id est *qui facit Angelos suos Spiritus, &c.* Hunc locum etiam S. Paulus Apostolus in epistola ad Heb. cap. 1 interpretatur de illis spiritibus probans eos esse inferiores Filio Dei, qui nunquam filij vocantur per naturam, sed ministri, & in Ps. 8. *Minuisti eum paculo minus ab Angelis*, vbi etiam S. P. sic exponit, *addis illa clarificatio, qua resurgens ascendis in Cælum Gloria inquit, & honore coronasti eum, & constituisti eum super opera manuum tuarum. Quandoquidem, & Angeli sunt opera manuum Dei, etiam super Angelos constitutus accipimus unigenitum filium, quem minus paulo minus ab Ange-*

lis, per humilitatem carnalis generationis, atque passionis audivimus, & credimus.

Præmitto 2. quod si per Angelos intelligantur substantiæ intellectuales, completæ omnino independentes à corpore, & à materia, aliquos existimare temerarium esse, negare Angelos esse: quia dicunt videri definitum esse in Concil. Lateranensi sub Innoc. III. cum dicit Deum simul ab initio temporis vtramque de nihilo condidisse creaturam spirituales, & corporales, Angelicam scilicet, & mundanam, ac deinde humanam quasi corpore, & spiritu constitutam, &c. Quo loco cum Sacrosanctum Concilium opponat Creaturam spiritualem, quam vocat Angelicam, mundanæ, & humanæ, neque dicat illam constare ex corpore, & spiritu, sicut humana, neque ex solo corpore sicut natura corporalis mundana, satis aperte indicare videtur, Angelos esse substantias spirituales, completas omnino independentes à corpore. Præterea quia in actis Apostolorum cap. 23. refertur hæresis Sadducæorum dicentium, *neque esse*

*esse resurrectionem, neq; Angelos neque spiritum: quo loco cum pro eodem sumat scriptura. Angelum, & spiritum immediatè enim post subdit. Pharisei autem multa consentiunt putata resurrectionem, & Angelos, seu spiritum videt. ostendere Angelos esse substantias, omnino independentes à corpore; Denique quia qui negaret Angelos esse, aliquid assereret sine ratione, & fundamento contra id, quod communiter docent S. R. E. D. D. & Theologi, tanquam pium, & conforme religioni, in quò còsistit formaliter ratio propositionis temerariæ. Hæc ratio nimis probat, & propterea nō probat intentum. Aliud est enim negare Angelos esse, & aliud est negare illos esse puros spiritus carentes quocumque corpore, & quacumque materià, qui enī primū negaret nō solū loqueretur sine ratione, & sine fundamento, sed etiam contradiceret Sacræ Scripturæ, tam in locis supra citatis, quam in alijs plurimis, & determinationi S. R. E. tam in Concilio supradictò, quàm alibi; vnde nō solum haberet assertionē temerariā; sed etiam hæreticam. Qui verò primo admissio negaret hoc secundum; an loqueretur omnino sine fundamento, & sine ratione infra in dubio *An Angeli sint incorporei*, videbimus: propterea.*

Præmitto 3. nō esse hæresim, vel errorem contra fidem negare Ange-

los esse substantias intellectuales, completas, carentes omni compositione cuiuscumque corporis, vel materiæ: nam S. Th. q. 16. de malo art. 1. in corpore docet non multum referre ad fidei christianæ Doctrinam, siue Dæmones habeāt corpora, siue non; pro quo citat etiam S. P. lib. 12. de Ciuitate Dei, idē sentiunt Sixtus Senensis lib. 5. Biblioth. Sanctæ Annotat. quinta: Caranza in summa Concil. añot. ad acti: Quintam septimæ Synodi Generalis, quæ fuit secunda Nicæna. Bañez. Zumel: Molina: Vasquez, & alij in commēt. ad q. 50. primæ Partis S. Th. ad art. primum.

Nec obstat locus Concilij Lateranensis sup. cit. nam ibi Concilium voluit solum determinare: Deum simul ab initio temporis omnes creaturas condidisse; reliqua verò pertinentia ad distinctionem creaturarū conditarum remisit ad disputationes Theologorum, in quibus tamen voluit uti modo loquēdi magis comuni. Hoc ex eo cōmuniter ostēditur, quòd cum plures PP. ut infra patebit; docuerint Angelos esse corporeos, nunquam tamen in Ecclesia fuit sententia ista existimata hæresis, aut damnata: immo D. Bernardus, & Rupertus viri doctissimi non multis annis ante prædictum Concilium docuerunt, rem hanc esse in opinione positam. Præterea etiā dato quòd Concilium definiuisset ibi

aliquas creaturarum esse spirituales, & inuisibiles, aliquas visibiles, & corporeas, & harum alias esse mundanas, aliam humanam ex spiritu, & corpore constantem, non tamen sequeretur; ex tali definitione Concilij haberi creaturas omnino spirituales: eo quod opponeretur creaturis visibilibus, & esse dicatur creaturas inuisibiles, & spirituales; eo quod non habeant adiunctam materiam, vel corpus; nam responderi posset quod solum seq. non habere corpus visibile, & sensibile, quale habet creatura mundana, & humana, sed tamē habere magis tenue, & subtile ab illis solum visibile, quibus Dominus oculos aperire voluisset, ut dixit Ioannes Episcopus Thessalonicensis; vel certē sibi magis subiectū, ut indicauit S. P. in lib. de Genesi ad litteram posse dici: [quod tamē postea retractauit;] nam ratione huius maioris subiectionis, & tenuitatis licet haberent Angeli sibi corpora vnita, ac pro inde essent corporei. Nihilominus, ut docet S. Th. quest. 16. de malo supracit. act. 1. ad prim: magis possent dici spiritus quam nos, cum, & ipse aer spiritus dicatur.

Premitto 4. Sadducæorū errorem fuisse quod dicerent nullum esse spiritum intellectualem, immortalem, & omnino independentem à corpore sensibus subiecto: credebant enim, omnia esse corporea, & sensibilia. In eo errore fuerunt etiā aliqui Phi-

losophi naturales, qui, & ipsam animam, etiam rationale corpus esse dicebant, & Manichæi, qui Deum ipsum lucem quamdā corpoream esse affirmabāt ut refert S. P. in lib. Cōf. ut videre est apud S. Th. opusc. de spiritualibus creaturis art. 5. & qu. 16. de malo art. 1. ad 6. & qu. 6. de potentia art. 6. His positis: vertitur in cōtrouersiam vtrum possit ratione naturali demonstrari, existere Angelos sumendo pro Angelis substantias intellectuales, completas, omnino independentes à corpore: in quā sunt duæ oppositæ sententiæ.

Prima est aliquorum Thomistarū qui docēt hoc sufficienter demonstrari, & à priori, & à posteriori.

Secunda sententia est pluriū, tum antiq; tum rec. qui docent eorum existentia ratione naturali euidenter demonstrari non posse. Valentia in prima parte disp. 4. q. 1. puncto primo Paragrapho *queret autem*, & Becanus prima parte Tract. 3. qui est de Angelis q. 1. & Petrus à S. Ioseph. lib. 3. cap. 1. Resol. prima §. *Vernum quod existant Angeli, & alij plures* & hanc ego arbitror esse apertam sententiam S. P. in axiomatica positā si attentē perpendantur illa verba: *Quamuis non videamus apparitionem Angelorum, abscondita est enim ab oculis nostris, & est in quadam Republica magna Imperatoris Dei; tamen esse Angelos nouimus ex fide.* His verbis satis aperte declarat nos omnem cer-

certitudinem, quam de Angelorum existentia habemus, ex fide habere, & cum dicit nos non videre, & esse absconditam ab oculis nostris, sufficienter docet, nos non habere de hoc euidenciam naturalem sufficientem ad demonstrationem veram Metaphysicā, vel saltem Physicā propterea.

Dico nos ratione naturali euidēter probare non posse, quod existāt Angeli nullo genere demonstrationis. Hæc assertio prob. primo, quia si euidenter hoc probari posset, vel esset à priori, vel à posteriori. Non à priori quia hoc vel esset ab intrinseco, vel ab extrinseco, non ab intrinseco, quia non est de essentia Angeli, sicut nec vllius alterius creaturæ, quod existat; nec ab extrinseco, id est à causa producente, quia Deus non necessario, sed liberè creaturas producit, cuius decreta libera, nisi ipse manifestet, vel per effectū, vel per reuelationem, non cognoscimus; sed nec à posteriori hoc euidenter probatur quia nullus est effectus nobis euidenter naturaliter notus, qui nos ducat in cognitionē certā, & euidenciam talis existentie. Hoc clare infrā patebit in solutione argumentorū oppositæ sententiæ, in quibus aperietur non dari euidenciā in illis requisitam ad naturalem demonstracionem: ergo, &c.

Dices 1. probari euidenter intantum à priori ex perfecta similitudine

vniuersi cum ipso Deo sic. Hoc vniuersum est productum ad representandum perfectiè ipsum Deum, & eius attributa, & perfectiones, sed non repræsentaret perfectiè, nisi in eo esset summus gradus naturæ, puta intellectualis purus, & segregatus ab omni concretionē materialitatis, & corporeitatis. Ergo necesse est admittere talem gradum in rerum natura. Maior est certa, & euidens; nā quodcūq; agens agit ad assimilandū sibi passum, quantum potest; minor etiam est certa; nā euidens est, quod vniuersum cum tali gradu est magis simile Deo, quam sine tali gradu; est enim ipse Deus purissimus actus, & primus intellectus segregatus, non solum ab omni corporeitate, & materia, sed etiam ab omni potentialitate; ergo licet non possit dari talis creatura, quæ careat omni potētialitate; saltem per illam quæ comparitur secum, solummodo potentialitatem obiectiuam in esse substantiali perfectiū repræsentabitur Deus; quā per vniuersum; quod careat tali gradu, hoc argumēt, nullo modo habere vim demonstratiuam. Primo quia adhuc manet dubium, an remaneant alij gradus, & aliæ rerum species producendæ. Secundo pendet etiam lis sub Iudice, an implicet creatura tam pura in esse spiritali, quæ non admittat compositionem verā, & realem ex actu, & materia spiritali, & de facto in schola D. Bonaventuræ.

uenturæ cōmunitur: tenetur omnes Angelos, qui de facto sunt; constare ex materia spiritali, quod etiā cōstanter asserunt eius discipuli, esse de mente S. P. N. Augustini; quæ sententia in ratione nō haberet fundamentum, nisi teneret implicare creaturam carentem compositione vera, & reali ex partibus realiter contradistinctis; præterea non est necesse quod agens per intellectū assimilet sibi effectum, tam in ratione agendi, quam in modo essendi, puta in idea; nam hæc est spiritalis: effectus verò est materialis, & corporeus, & multo minus in potentia intellectiva, vel in natura; alioquin agēs intellectualem creaturam semper produceret effectum naturæ intellectuales, & omnes creaturæ a Deo productæ essent intellectuales; præterea perfecta assimilatio in natura est quando agens est uniuocum, non verò quando est æquiuocum, ut est Deus; non euidenter ergo, & cum omni certitudine requisita ad demonstrationem ex similitudine effectus cum agente infertur similitudo in natura cum ipso agente. Dices cū Thomistis; quod licet agens æquiuocū, & per intellectum non semper producat effectum sibi similem in natura, nihilominus tale agens æquiuocū & intellectualem, quod est Deus producit aliquam creaturam sibi similem in natura; cum enim semper sibi assimilet effectum in ratione agendi, &

hæc sit intelligere Dei, quod est formaliter ipsum esse Dei, & hoc esse sit formaliter intellectualem, & eminenter continens omne esse omnium creaturarum; ut sibi assimilat aliquas creaturas in esse eminentiali; ita videtur non solū possibile, sed etiam necessarium ad perfectionē Vniuersi, quod sibi assimilet aliquas creaturas in esse formali, seu intellectualem, ac proprio Dei; atque adeo in sua natura; quod non habet locum in artifice creato; nam huius idea in qua sibi assimilat effectum neque est formalis, neque identicè natura ipsius artificis, sed ab illo realiter, & prædicamento differt; neque continet eminenter esse effectus. Præterea Artifex creatus non agit ad communicandū se sicut Deus, sed solū ad exprimendam suā artem, & propterea non est mirum si effectus non est similis artificis creato nisi solū in idea; At Artifici creato potest esse similis etiam in natura, Hæc instantia licet asserat probabilitatem secum, non tamen asserit euidentiā, & certitudinem requisitam ad demonstrationem; nā licet sit verum, Deum esse agens intellectualem, & intelligi Dei esse ipsum esse Dei; nihilominus sola intellectio non est ei ratio agendi ad extra; sed etiā ipsa volitio; quæ volitio Diuina est in ordine ad creaturas sit libera nulla ratione intrinseca, vel extrinseca potest necessitari, ad producendum has, vel illas creaturas, sed merè li-

rè liberè pro suo libito producit quas vult, quādo vult, & quomodo vult, & sicut produxit creaturas in tempore; cum tamen in sententia aduersariorum potuisset eas producere ab æterno, ita etiam data possibilitate harum creaturarum, intellectuālium carentium omni compositione physica, non est euidentius quod propterea, eas produxerit. Dixi data possibilitate earum; quia vt supra dixi, adhuc est in opinione; an tales creaturæ omnino physice simplices sint possibiles. Præterea adhuc data necessitate assimilandi sibi hoc Vniuersum in esse intellectuāli, non propterea sequitur intentū; nam potest responderi, sufficiēter assimilari ei in hoc gradu per illas creaturas intellectuāles, quæ sunt compositæ ex materia, & forma; discrepantia illa, quæ affertur inter Deū Artificē increatū, & Artifices creatos si probat, nimis probat, ac proinde nihil probat, si enim aliquid probaret, conuinceret vtique huiusmodi creaturas deberi & ipsas assimilari Deo in ipso esse intellectuāli increato, & independēti; quod implicat contradictionem, sequela probatur, quia hæc est natura Dei, ac proinde si effectus iste deberet ei assimilari in natura, etiam in his prædicatis, quæ sunt de formali cōstitutio ipsius essentia Dei, deberet assimilari. Dices sufficere quod assimilētur in aliquo prædic: similitudo, n. non importat æqualita-

tem. Respondeo quod etiam Artifici creato assimilatur eius effectus, in aliquibus prædicatis, ac proinde huiusmodi replicā non conuincere intentum. Aliqui ex his qui nobiscū sentiunt putant posse etiam infirmari prædictam rationem ex perfectione Vniuersi desumptā: ex eo quod sequeretur etiā euidenter colligi dari gradum rerum supernaturālū, quales sunt gratia, gloria, & vnio hypostatica, quorum tamen existentiam solo lumine supernaturali fidei cognoscimus. Verum hoc non sequi. Prob. 1. quia illi duo gradus gratiæ scilicet, & gloriæ non sunt substantiarum, sed qualitatum, quæ per se nō producuntur, sed in substantia; neque enim potest dari substantia creata, quæ sit supernaturalis, nam l. substantia esset, & diceretur supernaturalis, quia esset superior alia substantia, & sic essent innumeræ substantiæ supernaturales; imò excepta infima specie substantiarum, omnes aliæ species essent supernaturales; nam vnaquæque haberet aliam, vel alias quibus esset superior; vel esset supernaturalis, quia produceretur a Deo per creationem, & sic materia prima, elementa, Animæ rationales, cæli, & spiritus creati essent entia supernaturalia, quod nullus audebit dicere; solis ergo accidētibus, siue physicis, siue metaphysicis conuenit supernaturalitas; cū enim supernaturale dicatur relatiuè ad naturale, seu ad naturam

turam, vel tamquā ad subiectum vnde sumitur ratio supernat. quoad substantiam l. tamquam ad causam ū de sumitur ratio supernatur. quoad modū; forma verō, accidentalis cū sit perfectio substantiæ, quæ est res naturalis, tunc dicitur, & est supernaturalis quo ad substantiam, quando perficit suū subiectum supra exigentiā illius, vel alterius subiecti creati eo; quod nec illi, nec alteri subiecto creato debetur ex princip: illius, & constitutione naturali; ac proinde à solo Deo producitur; tūc vero dicitur supernaturalis secundum modum, quando licet habeat causam naturalem, à quā possit produci, tamen à solo Deo producitur nulla causa naturali tunc postulāte, vel ad ipsū disponente; vt quando oculus miraculo sē restituitur, ex quibus patet hos gradus, & has entitates supernaturales nō inferri euidenter à perfectione Vniuersi; cū pendeant à gratuito beneplacito Dei, & sint vel quò ad substantiam, vel quo ad modum supra exigentiam cuiusq; substantiæ creatæ. Præterea cum lumine naturali non innotescant nobis euidenter nisi perfectiones naturales Vniuersi; cum loquimur de demonstratione naturali, non possumus arguere nisi ex perfectione naturali ipsius, quæ scilicet illi naturaliter debetur; gradus verò rerū supernaturaliū non debetur Vniuerso, & ideo sine illo ad huc dicitur Vniuersū na-

turaliter perfectū; est, n. perfectū vt coll. ex lib. 5. metaph. t. 21. cui nihil eorum de est quæ ipsi naturaliter debentur, & per hoc patet responsio etiam ad instantiam de gradu vniōis hypostaticæ; sine hoc enim gradu Vniuersum in ordine naturali fuit perfectum per plura sæcula antequā poneretur.

Dices 2. saltem probari posse à posteriori euidenter ex effectibus scilicet ipsorum spirituum. Primo quidem ex motu cæli; hic enī neq; est à forma cæli, neque immediate à Deo; ergo debet esse ab aliqua substantia intellectuali incorporea creata. Consequentia probatur ex sufficienti partium enumeratione. Anteced. vero prob. quia neq; primo est à forma, quæ sit anima, quia cælum non est animatum, neq; esse potest; anima enī nō vnitur corpori propter corpus, sed propter suā perfectionem, id est propter suas operationes, ad quas indiget corpore quia sunt finis mediatas animæ, sicut etiam cuiuslibet substantiæ; vt habetur lib. 2. de cælo t. 17. Vnde necessario deberent esse in Cælo operationes animæ; sed nullæ tales actiones ibi reperiūtur; ergo, &c. maior est certa ex communi experientia, & lumine naturali nota; minor prob. quia ibi nec est vegetatio, nec sensatio vlla; nam actiones istæ requirunt corpus corruptibile ex primis qualitatibus mixtum; omnes enim

enim sensus super tactum fundantur, qui est apprehensiuus primarū qualitatum; omnia etiam organa potentiarum tam vegetatiuarum, quam sensitiuarum requirunt determinatam proportionē elementorū, à quorum natura cælum est remotum, cum sit naturæ superioris omnibus elementis. Neque ibi est intellectio; cum enim hæc non exerceatur per corpus, eo non indiget, nisi quatenus per sensus ipsius (qui nullo modo cæle concedendi sunt) phantasmata ministrantur; Neque est motus localis, tum quia, ut anima moueat corpus, non oportet, quod vniatur illi ut forma, sed sufficit si vniatur per contactum virtutis, ut motor mobili, quo pacto Platonici Erhaici dicebant omnes animas vniiri corporibus; & Aristoteles lib. 8. Phys: postquam à textu 40. & deinceps, ostendit primum quod mouet seipsum motu vero, reali, & physico, debere componi ex duabus partibus, quarum vna sit mouens, altera verò mota, assignans modum, quo hæ duæ partes vniuntur, & text. 43. & 44. docet quod motus sit per contactum vel duorum ad inuicem, si vtrumque sit corpus, vel vnus ad alterum, & non è contra si vnum est corpus alterum verò non; tum quia motio localis per se sola, si non procedit à cognitione, & appetitu, non est actio vitalis, cum possit, & ab extrin-

B

feco motore, & per naturalem emanationem fieri, ut in grauib, & leuib. Neque potest dici talem cælestium corporum motum esse à forma inanimata; ut est ille grauiū, & leuium; tum quia forma naturalis eatenus est principiū motus localis, quatenus tali corpori secundum suam formam debetur aliquis locus; cælo autem secundum suam formā non magis conuenit vnus, quam alter locus: sic arguit etiam S. Th. lib. 3. contra gent: cap. 23. & q. 5. de potentia art. 5. &c. Tum quia, cum natura sit determinata ad vnū, non potest inclinari ad motum propter motum; nam hic in sui ratione includit difformitatem, & cum sit essentialiter via vltior, non potest habere rationem finis, & consequenter non potest propter se, sed tantū propter terminum esse necessarius, & connaturalis corpori. Quapropter si forma cæli inclinatur ad motum hoc debet esse propter aliquid determinatum, quod ex motu consequitur, puta, propter determinatum locum, ad quem magis accedens secundum condicionem motus naturalis celerius mouetur; quo acquisito, in eo naturaliter quiescat, & à quo recedens violenter moueatur; sed cælum neque vno tempore velocius, quam alio mouetur, neque violenter recedit ab occidente, vbi ad ipsum naturaliter ex oriente reuertitur, neque quiescit: ergo talis motus

motus cælestis non potest esse a forma intrinseca. Confirmatur quia motus indeterminatus, qualis est ille cæli non potest provenire à forma determinata, qualis est illa cæli, ut hab. ex cap. 1. lib. 2. de Cælo.

Neque potest dici, quod proveniat immediatè ab ipso Deo. Pertinet enim ad ordinè diuinæ Sapientiæ, & Providentiæ, ut quæ potest efficere per causas secundas, non faciat per seipsum; Huius rei ratio optima à S. Th. p. 1. q. 104 art. 6. assignatur ex eo, quod cum Deus sit ipsa Bonitas per essentiam, vnumquodque tribuendum est illi secundum suum optimum; & cum in gubernatione, quæ ad Providentiam spectat, duo sint, ratio scilicet gubernationis, quæ est ipsa Providentia, & executio; optimum verò in cognitione practica qualis est ratio gubernationis, sit cognoscere particularia, in quibus est actus; in genere verò executionis, qua res gubernantur, & ad perfectionem perducuntur, optimum sit rebus creatis gubernatis magnam perfectionem tribuere, qualis est, quod aliquid non solum in se sit bonum, sed etiam alijs sit causa bonitatis; propterea spectat ad diuinam providentiam, si ratio gubernationis spectetur, ut Deus immediate omnia gubernet: si verò executio, quod creaturas inferiores per superiores, & nobiliores regat, & consequenter cælestia corpora per Angelos mo-

ueat; desumpta est hæc doctrina ex S. P. N. Augustino lib. 3. de Trin. cap. 4 vbi docet omnia corpora per spiritus regi, quem etiam de more sequutus est S. Greg. Magnus lib. 4. Dial. vbi ait nihil in mundo visibili disponi, nisi per invisibilem creaturam. R. Valentia loco cit. huiusmodi argumèta non convincere planè evidenter intentum; Eo quod ad cælorum motum posset sufficere aliqua alia vis ipsorum cælorum, & maxime si cæli essent animæ prædictæ, quod vitrum ita non sit, non potest evidenter definiri, licet sit communior sententia, quæ docet non esse animatos; Quod sic ostendit. Ex nullo capite potest evidenter ostendi non dari in cælis operationes vitales superioris ordinis, vel in quidditate, vel in modo essendi, nostris. Falsum est enim requiri omnino necessario corpus corruptibile, ut patet in Beatis, quorum corpora sunt incorruptibilia ex gratia, & dono Dei, & tamen iuxta communem sensum Theologorum exercere poterunt suas sensationes, & operationes vitales, quæ non repugnant illi statui: Neque est omnino evidens cælum esse omnino naturæ superioris elementis, de quo satis egi tomo 2. Philos. Naturalis cap. 2. quod est de cælo, & astris pag. 571. Præterea non repugnat motum illum esse à vi appetitiva, & cognoscitiva formæ ipsius cæli in bonum Univerſi; Immo data etiam negatio-

negatione animationis calorum, non constat euidenter, quod motus ille non possit esse ab ipsa forma, quæ non sit, anima; nam dato quod illa corpora sydereæ, ut tenent plures, essent naturæ igneæ; & quod solum sydera mouerentur, cæli verò immoti manerent; non posset euidenter ostendi, quod ipsa se ipsis non moueantur, & discurrant ibi per vias sibi determinatas, eo pacto quo videmus ignes, quos vocamus artificiales plures, & insolitos motus exercere, qui quandoque nobis videntur excedere vires naturæ, & Cometas; ac alia meteora ignita moueri per aerem, neque est omnino euidenter grauius, aut leuius celerius moueri prope suam sphaeram, aut centrum, ut plures, & graues A. A. moderni ostendant. Per quæ patet, quod licet non debeat ille motus immèdiatè attribui ipsi Deo; ut rectè arguitur in vltima instantia; nihilominus non desunt rationes, per quas possit refundi in vim motricem intrinsecam; absque eo quod recurratur ad formas assistentes, & motores extrinsecos.

Secundo demonstrare conatur à posteriori ex effectibus beneficorum lamianum, & arripetitorum; quales sunt, ignotis linguis loqui, maxima, & ingentia pondera transferre, modis naturæ humanæ cursum, superantibus, prædicere futura, & remotissima à sensibus,

B 2

& cognitionibus nostris, & his similibus, quæ vim corporeæ substantiæ manifestissimè superant; & non nisi à substantia intelligente præstari possunt. Si dicas tales effectus posse tribui vel immèdiatè ipsi Deo, vel animabus defunctorum impiorum. Contra est primo; quia plures ex illis effectibus repugnant Sanctitati, & Bonitati, ut sunt maledicere, imprecari, blasphemare, & vsus rerum illarum ad malum finem, & actus ex genere suo peccaminosos, ut faciunt venefici, incantatores, & Lamiae. Secundo quia plures ex illis arguerent in Deo impotentiam in agendo; nam aliquando medicamenti aliqui effectus in arrepticijs impediuntur, ut sunt vehementes torsiones, quæ sublati humoribus cessant; vnde si essent immèdiatè a Deo, non impedirentur. Contra est tertio, quia non videtur rationale, ut obseruat S. Th. q. 16. de malo art. primo: animam separatam hic oberrare; statim enim ac quis moritur, anima illius vel penetrat cælum, vel ad infernum detruditur, vel in alijs receptaculis iuxta exigentiam ipsius collocatur; & oppositum huius docet idem Angelicus Præceptor esse hæresim, sic habet in 4. dist. 45. q. 1. art. 1. quæst. 2. & in prima parte q. 64. art. 4. ad 3. Contra est quarto, quia licet daretur posse animas ex suis receptaculis exire, non ta-

men

men possent mouere localiter aliquod corpus, & consequenter, nec etiam linguam arreptitij; quod probat S. Th. q. 16. de malo art. 10. ad 2. & prima parte q. 117. art. 4. Primò quia cum anima humana teneat infimum gradum substantiarum spiritualium, non habet virtutem mouendi nisi corpus sibi unitum, & ab ipsa viuificatum, cuius signum est quod si aliquod membrum arefcat omninò, & moriatur, esto unitum corpori non amplius obedit animæ ad motum localem; præterea si anima separata moueret corpora, id faceret solo nutu, & imperio voluntatis, sed coniuncta corpori hoc non potest facere: ergo nec etiam separata. Probatur consequentia quia separatione non fit potentior, aut efficacior ad operandum: neque corpora redduntur illi magis subiecta ad obediendū; modus enim existendi in corpore nihil derogat prædictæ virtuti, esto derogat virtuti intellectuæ; Anima enim alio perfectiori modo intelligit separata, quam coniuncta; ex eo quod dum est in corpore recipit à sensibus species, quibus intelligit, & ad actus omnes intellectationis iuuatur, quibus separata iuari non potest; At verò ut nutu suæ voluntatis sit potens operari, nihil potest obstarè coniunctio corporis: nam ut moueat non eget contactu quantitativo; denique si

possibile esset animam mortui in alterius corpus intrare, & illud mouere; multo magis posset in suū, quod est falsum. Sic arguit quidam eruditus modernus, & in Doctrina S. Th. egregiè versatus in suis manuscriptis; His tamē nō obstantibus, Valentia, & Becanus locis citatis putant neque his indicijis euidenter conuinci esse Angelos modo supra explicato: ille quidem, quia putat plures ex illis effectibus posse provenire à causa prima propter fines nobis ignotos; eo quod eiusmodi homines ut potè mentis impotentes in illis sermonibus; siuè actionibus qualescumque sint, minime peccant: sic discurret Valentia, Verum quia aliquando in his actionibus dantur aliquæ maxima deformitate præditæ, quæ non videntur vlllo bono fine cohonestari posse, ut sunt blasphemix, delatio, & obedientia ad Veneficos, & Sagas, seù Lamias in omni opere peccaminoso, non videntur hæc vlllo modo posse referri in ipsā primam causam immediatè; Propterea magis placet responsio Becani, qui dicit non esse evidens huiusmodi effectus, non posse fieri ab animabus separatis. Nam ad illos producendos ad suū tria requiruntur. Primo peritia linguarū. Secundo vis mouendi instrumenti, vocis, vel alia corpora. Tertiò voluntas mentiendi, aut male agendi.

di. Sed certum est primo animas separatas interdum callere varias linguas, quas in hac vita didicerunt. Secundo certum est animas damnatas habere voluntatem malè agendi. Terrio probabile est habere vim mouendi corpora; nam licet D. Th. loc. citatis hoc neget, tamen multi alij satis probabiliter hoc affirmant, & ideo nihil euidenter ex his concludi potest. Ad id, quod dicebatur esse hæresim, apud S. Th. quod longe à receptaculis animæ oberrent. R. S. Th. ibi hoc non docere de omnibus omnino animabus in vniuersum: nam in prima parte loco ab arg. citato solum dicit, esse erroneū dicere, quod pœna sensibilis, tam dæmonum quam animarū differatur vsq; ad diē Iuditij, quod est valde diuersum ab intento arguentis, & in alio loco num. 4. tantum abest vt doceat esse hæresim, aliquas animas esse extra receptacula communia animarum, vt in responsione ad octauum concedat animas

separatas aliquando in loco nostrę habitationis puniri ad nostram instructionē, vt earum pœnas videntes retrahamur à culpis. Ex supradictis manet, quod licet sit certum ex fide; ac etiam ex prædictis rationibus, & obiectionibus naturali lumine probabilissimum appareat esse Angelos modo explicato; non tamen hec posse demonstratione naturali euidenter probari; maxime si nomine Angelorum sumantur naturæ omnino spirituales creaturæ, segregatæ ab omni, & quacumq; compositione physica; seu ex materia etiam spiritali, & actu realiter non identificatis. Rectissime ergo dixit S. P. in Axiomate hæc abscondita esse ab oculis nostris, & esse Angelos nos ex fide tenere: imò, & in Enchiridione cap. 58. ait *Quomodo se habeat superna illa societas. & quæ ibi sit differentia personarum, &c. dicant qui possunt, si tamen possunt probare quod dicunt. Ego me ista ignorare confiteor.*



AXIO-

AXIOMA SECVNDVM.

Natura Angeli est Spiritualis
ex enarratione in Ps. 103.

*Angelus officij nomen est, non natura. Quærris nomen
huius natura spiritus est; quærris
offitium, Angelus est.*

D V B I V M.

Vtrum Angeli sint immateriales, & incorporei.



Vo hic quæruntur, quæ fortasse videbuntur alicui esse omnino idem re, & ratione; cum apud plures auctores idē sit non solum realiter, sed etiam formaliter materiale, ac corporeum, & consequenter etiā immateriale, ac incorporeū. Verum quia in aliquorum Doctorum scholis admittitur materia spiritualis, & in aliquibus etiam materia indifferēs ad esse spirituale, & ad esse corporeum, quæ determinentur ad esse spirituale per coniunctionem cum actū, seu forma, quæ sit omnino spiritualis, & ad esse corporeum per actum seu formā, quæ sit corporea, quod intendunt esse germanam mentem, & Doctrinā S. P. N. Augustini; prop

terea necesse est in præsentī, de vtroque puncto determinare; separatim perpendendo quid re vera sentiat S. P. in hoc puncto. Primo quidem videndo quid dicendum sit circa esse corporeum, vel incorporeum Angeli. Deinde circa hoc quod est esse materiale vel immateriale.

Præmitto solut. primi puncti: Hoc quod est esse incorporeum in scholis communiter tripliciter accipi. Primo, ut opponitur extenso, & quanto siuè per se, siuè per accidens. Secundo, ut opponitur composito ex materia capaci formæ, & extensionis seu quantitatis molis. Tertiò, ut opponitur ei, quod licet in entitate non sit cōpositum ex materia prædicta, & forma, habet tamē corpus sibi vnitum, vel exigit habere. Alias acceptiones huius nominis alij assi

assignant istæ sunt communiores ad quas aliæ facillè reuocari possunt. Quæst. procedit de his tribus modis: an Angeli re vera sint omnibus tribus modis incorporei; inquâ sunt duæ extremæ inter se oppositæ sententiæ.

Prima est Angelos esse corporeos, id est habere corpora sibi naturaliter vnita; pro ea citatur communiter Plato, in Timæo, & alibi de quare videndum est S. P. lib. 8. de Ciuit. Dei cap. 14. 15. & 16. quibus locis explicat sententiam Platoniceam de hac re etiam testimonio Apulei Platonici lib. de Deo Socratis. Idem senserunt plures P. P. antiqui, vt Origenes lib. 2. Periarclii: cap. 2. , & 3. vbi docet nihil præter Patrem Filium, & Spiritum Sanctum viuere sine corpore, & cap. 8. ait Angelos esse corporeos, & habere suas animas: Tertullianus lib. de carne Christi ait Angelos esse corporis alicuius, licet non carne præditos. Lactantius lib. 2. Instit. cap. 15. Auctor lib. de Eccl. dogmatibus, (qui falso olim tribuebat: S. P.) cap. 11. 12. Io: Cassianus collatione 3. cap. 13. Ioannes Episcopus Thessalonicensis cuius sententia habetur in septima Synodo Generali Actione quinta; vbi iste Auctor affirmat ita Ecclesiam Catholicam docere. Rupertus Abbas lib. primo de operibus; Trinitatis cap. 11. Idem senserunt etiam Cardinalis Caieranus in cap. quartum Genesis, & in

cap. primum Epistolæ S. Pauli ad Ephesios. Auerroes lib. de Anima, & Augustinus Nyphus Tract. 3. de Demonibus cap. 34. & alij plures Philosophi, qui sequuti sunt illam Platoniceorum opinionem. Sciendum tamen est A. A. huius sententiæ non tribuere omnibus Angelis corpora eiusdem rationis; Nam alijs tribuunt cælestia, alijs ignea, alijs aëra. Philosophi quidem propter diuersos effectus. Patres vero propter aliqua Sacræ Scripturæ loca.

Citatur pro ea comuniter S. P. qui licet in Enchiridione cap. 59. & lib. 21. de Ciuitate Dei cap. 10. videatur de hac re dubius, nihilominus censetur alias magis in hanc sententiam propendere vt lib. 11. de Ciuitate Dei cap. 23. lib. 2. de Genesi ad litt. cap. 17. & lib. 3. cap. 10. , & epistola 115. ad Nebridium. Verū salua pace eorum D. D. , qui putant hanc fuisse mentem S. P. cenfeo eā ipsum, nec constanter tenuisse, & ea quæ in fauorē huius sententiæ Platonice potius dubitando, quam asseuerando locis citatis scripserat vt potè Philosophus Platonice sufficiens retractasse lib. primo retractationum cap. 26. vbi retractans ex q. 67. quod ei iam seniori, ac proinde & in S. S. Scripturis ac S. S. P. P. magis versato displicebat, ait *Quod dixi Spiritualliter Summos Angelos viuere, infimos vero animaliter, audacius dictum est de infimis, quam vt possit l. scrip-*

vel scripturis Sanctis l' ipsis rebus ostē-
di. quo loco retractando eos ani-
 maliter viuere, consequenter retrac-
 rat eos esse corporeos; hæc enim
 sunt necessariū, & essentialiter con-
 nexa. Secunda sententia, est comū-
 nis in Scolis hodie; est q. D. Tho-
 mæ prima parte q. 50: art. p. q. 51.
 art. p. in quest. vnica de spiritali-
 bus creaturis art. 5. q. 16. de malo
 art. p. vbi docet Angelos esse omni-
 no expertes corporis, atq; adeo
 esse creaturas intellectuales, & com-
 pletas in sua specie; sic tenent ex Phi-
 losophis Peripateticis ferè omnes
 cum suo Principe Aristot. lib. 6. & 12
 metaphys. cap. 6. 8. & vltro, &
 ex P. P. S. Dionisius lib. de Diuinis
 nominibus cap. 4. Diuus Ignatius
 Epistola ad Trallianos D. Bañus in
 hom: *Quod Deus non est Auſtor ma-*
lorum: in fine D. Greg. Nazianzen.
 orat. 2. de Theologia vesus finē D.
 Greg. Nyſſenus in lib. de Vita Moy-
 ſis ante medium D. Io. Chryſoſtom.
 hom. 22. in Genesim, & S. Epipha-
 nius contra hæresim vigesimam sex-
 tam S. Io. Damasc. lib. 2. fidei Orth.
 cap. 3. S. Hieronymus in epist. ad
 Auitū de erroribus Origenis. S. Ful-
 gentius lib. de fide ad Petrum cap. 3
 S. Greg. magnus lib. 4. moralium
 cap. 9. & Theodoretus lib. de Diui-
 nis decretis cap. de Angelis, Scho-
 lastici communiter etiam extra scho-
 lam S. Thomæ eam docuerūt in lib.
 2. sententiarū. Distinctione octaua

ibi tamen magister non videtur eam
 definire.

Eam ego non dubito esse senten-
 tiam S. P. non solum propter relata
 supra ex lib. primo Retract. cap. 26
 sed etiam quia in Axiomate dicit
 quod *nomen natura eius* [idest An-
 geli] *spiritus est*, quod vtique non
 ita absolutè diceret, si putaret Ange-
 lum esse corporeum, nam semper S.
 P. contradistinxit inter corpus, &
 spiritum per hoc quod *Corpus, non*
nisi per loci spatium aliqua longitudi-
ne, latitudine, altitudine consistit, &c
 vt docet in epistola 28, quæ est ad
 S. Hieronymum, & lib. 2. de Gene-
 si ad cap. 4. *Omne corpus habeat ne-*
cesse est dimidium sua quantitatis. De
 spiritu vero, & incorporeo dicit in
 lib. de Incarn. Verbi cap. 2. *Impos-*
sibile est de incorporeo diuisionem ali-
quā fieri, & quia aliqua corpora pro-
 pter tuitenuitatē, vt aer, & vētus di-
 cuntur spiritus, distinxit in lib. 5. de
 Genesi ad litterā cap. 9. sic. *Nam, &*
aer iste siue ventus dicitur spiritus, sed
quoniam corpus est, non est spiritus vi-
ta. Cum ergo absolutè vocat Ange-
 los spiritus, procul dubio sensit eos
 esse omninō realiter contradistinctōs
 à re corporea: quod adhuc cla-
 rius patet si attendit legatur illa enar-
 ratio in Ps. 103. vbi cum psalmistā
 dixisset quod Deus facit Angelos
 suos spiritus, & ministros suos ignē
 vrentem, exposuit li ignem vren-
 tem esse accipiendum non propriē,
 sed

sed methaphysice quā expositionē non addet et, si sentiret Angelos habere corpora, Vide quæ dixi Tomo 3. Philosophiæ naturalis; qui est de Anima cap. 2. & cap. 12.

Hæc secunda sententia est vsque adeo plausibilis hodiè in scholis, vt Valentia, Vasquez, Gonetus, & alij plures moderni post Concilium Lateranense non vereantur primam relatum, licet eorum P.P. quos citauit auctoritate fultam detemeritate notare; Concilium enim Lateranen. in cap. firmiter de Summa Trinitate ait. *firmiter credimus quod vnus est solus verus Deus, aternus, &c qui ex nihilo condidit vtrâque naturâ spiritualem, & corporalem. Angelicâ videlicet, & mundanâ, & deinde humanam quasi communem ex corpore, & spiritu constitutam.* Hic Concilium asserit Angelos esse spiritus, quæ admodum anima hominis est spiritus, sed anima hominis nullo corpore constat, sed est spiritualis vt habetur in alio Concilio Lateran. sub Leone Decimo definitum: ergo Angeli sunt omnino spirituales, & incorporei. Præterea Concilium dicit hominem esse substantiam mediam & communem inter Angelicâ, & corporalem creaturam, quia homo constat spiritu, & corpore; ergo Angeli qui non sunt medij inter spirituale & corporalem substantiam, non constant corpore, & spiritu. Deniq; Concilium opponit, & distinguit Ange-

C

los ab omni substantia corporea; ergo sensit Angelos esse omnino incorporeos. Quibus sic stantibus.

Dico Angelos esse omnino incorporeos, & hoc esse non solum de mente S. Thomæ, vt supra dictum est, sed etiam S. P. N. Augustini non tantum in locis sup. adductis, sed etiâ in lib. primo retract. cap. 11. & 13. & lib. 2. cap. 14. vbi retractat, quod alibi scripserat, nempe Angelos esse animas, & docet non animas, sed spiritus esse dicendos. Probari solet communiter hæc conclusio ex scripturis sacris, in quibus Angeli vocantur spiritus vt in supra cit. Ps. 103. in epistola ad hebr. cap. primo; consuevit autem Scriptura Sacra, vt notat S. Thomas opusc. 13. cap. 18. nomine spiritus designare aliquid incorporeum, vt Iô. 4. *spiritus est Deus* Isaïæ cap. 131. *Ægyptus homo, & non Deus & equi eorum caro, & non spiritus,* & in actibus Apostolorum cap. 23. reprobarur sententia Sadducæorū negans spiritus. Probât alij ex eo; quod Angeli mali ceciderunt de Cælo, vt habetur Lucæ 10. & Isaïæ cap. 9. At si Angeli essent corporei, non potuissent de Cælo cadere, nisi vel frangendo, vel penetrando Cælum, quorum vtrumq; est naturaliter impossibile. Verum hæc ratio nihil probat apud eos, qui ponunt cælos esse fluidos, & parum apud eos qui dicunt eos esse solidos, nam quemadmodum communiter dicitur corpo-

12

ra damnatorū futura in inferno penetratiuē; alias tam magna multitudo non posset ibi recipi, sic etiā posset dici Angelos illos esto corporeos penetrasse cælos descendendo ad maiorem ipsorum pœnam, & confusionem; Probant alij ex eo, quod in corpore vnius arreptitij, vt habet Math. cap. 5. Erat Legio Dæmonū; quæ ex Sācto Hieronymo ibi cōstat 6666, quod esset omninō impossibile: si Angeli haberēt corpora; Respōderi tamē posset, vt obseruat S. Th. q. 16, de malo art. primo ad 3. Dæmones habere corpora perexigua; quæ multo facilius ingrediuntur, per tenuissimos meatus, & poros, quam subtilissimus aer. Prob. 2. hæc assertio illa eadem ratione, quā vitur S. Th. prima parte q. 50. art. primo in corpore ad prob. hanc cōelus, quam placet nunc hoc pacto proponere, & tanquam probabilissima vti ad hoc intentū. Deus fecit Vniuersum perfectū, sed ad perfectionē Vniuersi spectat, quod in eo sint creaturæ omninō spirituales, & independentes à corpore tamquā ab altera sui cōparte spirituali; dicēdū est igitur creatās illas quas Angelos appel auus esse talis naturæ. Maior est certa ex Deu: cap. 32. *Dei perfecta sunt opera*, & Gen. cap. primo, vbi, & singula creata, & vniuersas creaturā dicuntur valde bona ad insinuandum perfectionē Vniuersi, & probatur ratione tum quia

ab Artificē infinitæ Sapientiæ, Potētiae, Bonitatis, & perfectionis in agēdo nō debet procedere nisi effectus perfectus; tum quia Deus in creādo Vniuerso intendit suæ Bonitatis, & Perfectionis manifestationem, & cōmunicationem, & propterea condidit hunc mundum ex varijs rerum gradibus illisq; in suo genere perfectis: quia nullus per se, & quomodo cūque conditus, aut seorsum sumptus sufficiebat ad finem in rerum creatione, & Vniuersi constituitōne intentum. Minor prob. quia ad perfectionem Vniuersi, requiruntur omnes gradus generales entis, & bonitatis; hoc enim sonat ex vi vocis perfectio Vniuersi: sed inter hos gradus maxime perfectus, & possibilis est gradus talium substantiarum spiritu alium incorporarum; ergo ad perfectionē Vniuersi spectat, quod sint in eo tales creaturæ; quod talis gradus sit valde perfectus, & condu cens ad perfectionē Vniuersi probatur; quia, vt notat Angelicus Doctor loco citato, nō potest effectus esse perfectus nisi assimiletur agentī in eo per quod agens agit. Hoc enim significat ipsum agere, quod est communicare id per quod Agēs agit, vt explicat idē Angelicus Doctor q. 2. de Potentia art. primo in corpore, sed ratio agendi Deo est suum intelligere, vt habet adiunctū velle, & ipsum intelligere, & velle Dei constitunt essentialiter, & cōple-

pletius esse Dei, seu naturam eius, iuxta ea quæ dixi supra in controuersijs de Sciētia, & voluntate Dei; ergo Vniuersū hoc, vt est effectus Dei, non potest esse perfectū nisi assimiletur ei, non quidem in toto, sed in aliquo sui gradu in natura intellectu ali. Quod iste gradus sit possibilis, probatur: quia nec repugnat ex parte Dei, qui potest quidquid non implicat contradictionem, neque ex parte ipsius rei. Primo quia non repugnat substantiam esse creatam, & esse incorpoream, hoc enim prædicatum nō excedit limites creaturæ, cum relinquat in ea dependentiam à Deo, & limitationem in tali gradu, & genere essendi, imō, & in tali specie. Secundo quia cum causa efficiens intendat sibi assimilare suum effectum: quo effectus erit similior secundum gradum, eo erit aptior, vt ab illo fiat. Cum igitur Deus rerū omnium causa sit substantia intellectualis, & spiritualis, videtur non solum possibile ex parte rei, sed etiam magis consentaneum ex parte causæ, vt ab illa procedant creaturæ penitus immateriales, & intellectuales, quam solum, vel totaliter corporeæ, vel partim corporeæ, & partim spirituales. Tertio suaderi potest, quia ad perfectionem cuiuslibet generis, & gradus pertinet, vt reperiatur id quod est perfectum in illo gradu, & genere; quia quod est perfectum naturaliter, prius est imperfecto: quod

C 2

pactō actus est prior potentia; cum igitur gradus intellectualis imperfectè reperiatur in anima rationali, erit concedenda in natura creata substantia in qua perfectè reperiatur; sed hæc non potest esse nisi creatura immaterialis ergo. Deniq; hoc probatur ex operatione intellectus: constat enim intellectionē esse operationē, quæ per corpus exerceri nō potest, vt est in confesso apud omnes; ergo oportet quod substantia, cuius illa operatio est actus, habeat esse in dependens à corpore, sicut enim est vnumquodq; ita est operari ipsius; licet enī aliqua substantia intelligens vnatur corpori; hoc non conuenit illi in quantum intelligens est, sed in quantum eget operationibus per corpus exercitis ad complementum intellectualis operationis, quatenus nimirum intelligit abstrahendo à phantasmatis; ergo debet dari aliqua substantia intellectualis omnino in dependens à corpore; intelligere namque abstrahendo à phantasmatis accidit operationi intellectuali, & pertinet ad imperfectionem intelligentis; quod autem per accidens iungitur alicui, non in omnibus cum eo reperitur. Dices me non posse, vti hac ratione ad probandum intentum; eo quod in præcedenti dubio eam reiecerim tamquam insufficientem ad probandam ipsorum Angelorum existentiam, quod si non probat existentiam, nec etiam probabit

bab t tale prædicatum quidditatiuū
 ipforum: multo enim remotiora sūt
 à nostra cognitione prædicata essen-
 tialia, maxime differentialia ipforū,
 quam sit eorum existentia. R. me su-
 pra reieciſſe hanc rationem tamquā
 insufficientem ad probandum euidē-
 ter, seu ad demonstrandum phyloſo-
 phicè, quod exiſtant; non verò tam-
 quam insufficientem ad topicè pro-
 bandum dictam existentiam; immò
 vt probabilissimam eam admiſi, &
 vt talem etiam ad probandum hoc
 intentum admitto. Cum enim ar-
 gumenta demonstratiua non habe-
 mus, debemus vri probabilioribus,
 quæ inuenire possumus: hoc enim
 modo prudēter philosophamur. Cō-
 tra hanc eandem rationem obij-
 ciunt aliqui cum Caietano, & pluri-
 bus Platoniciſ. Probari quidem per
 eam dari huiusmodi substantias ad
 perfectionem Vniuersi, non tamen
 omnes illas, quas nos intelligentias
 vocamus, esse huiusmodi, sed ali-
 quas esse incorporeas idest supre-
 mas illas, & D. O. M. propinquo-
 res; aliquas verò corporeas idest in-
 fiores, utraſque tamē esse homine
 superiores, & harum varietatem per-
 tinere ad decorem Vniuersi, ac pro-
 inde, vt prædicta ratio concludat e-
 tiam probabiliter de omnibus, oport-
 ere ostendere, non esse possibilem
 hanc intelligentiarum distinctionē,
 R. Satis esse ostendere nullam esse
 necessitatem huius distinctionis, eā-

que ex nullo capite posse probari ef-
 ſe admittendam, & primo quidem à
 posteriori ex nullo signo, vel effec-
 tu colligi poteſt talis diſtinctio, im-
 mò potius habetur oppoſitum; non
 enim poteſt concludi ex bonitate,
 vel malitia ipſorum Angelorum, vt
 dicatur Angelos bonos esse incor-
 poreos: malos vero corporeos, vt
 aſſerunt aliqui Platonicoꝝ. Om-
 nes enim Angeli à Deo creati potu-
 erunt peccare, & ſecundum probabi-
 liſſimam ſententiam ſupremus eorū
 peccauit, & cecidit, neq; colligi po-
 teſt ex operatione propria naturæ
 intellectualis, quæ eſt intellectio; ad
 hanc enim non requiritur corpus,
 cum non accipiant cognitionem à
 rebus, vt accipiunt homines; neque
 ex actione aliqua, vel ex termino a-
 licuius operationis; nam eiufdē ratio-
 nis naturaliter loquendo eſt in om-
 nibus, cum præter intellectiōem, &
 volitionem (ſi eſt circa corpus) nō
 tranſcendat motionem localem, quā
 poſſunt omnes efficere; vel ſi
 tranſcendit, non poſſit ex ullo ſigno
 oſtendi aliquibus illam conuenire,
 aliquibus verò non. Probari poteſt
 ſecundo à priori. Quia cum quanti-
 tas ſit accidens, non poteſt naturali-
 ter eſſe per ſe, ſed debet eſſe in ma-
 teria corporea tamquā in ſubiecto;
 vt habetur lib. 7. metaph. cap. 8.
 ſed omnes Angeli carent tali matre-
 ria, vt dicam infra; ergo, & quoad
 quantitatem, & quoad ſubſtantiam
 ſunt

sunt incorporei.

Dices primo in septima generali Synodo, quæ est secunda Nicæna videtur definitum Angelos esse corporeos, nam in actione quinta fuit lectus quidam liber B. Iohannis Episcopi Thessalonicensis, ubi hæc habentur *De Angelis, & Arcangelis sic sentis Ecclesia, esse quidem intellectuales, sed omnino non corporis expertes, inuisibiles, ut vos Gentiles putatis* (disputat enim ibi Episcopus iste cum quodam gentili.) *verum tamen corpore pradiis, & aereo; sine igneo, ut scriptum est, qui facit Angelos suos spiritus, & ministros eius ignem vrentem, sic autem multos sanctorum Patrum sensisse cognovimus; quorum est Basilii cognomento magnus, & Beatus Athanasius, & Methodius, & qui stant ab illis. Solummodo autem Deus incorporeus, & informabilis; intelligibiles autem creatura nequaquam ex toto sunt incorporea, & imitabiles pictura existunt; quare etiam in loco existunt, & circumferentiam habent. Quanquam autem non sunt, ut nos, corporei, ut potest ex quatuor Elementis, & ex illa materia; nemo tamen, vel Angelos, vel Demones, vel animas dixerit incorporeas, multoties enim in proprio corpore visi sunt, sed ab illis quibus Dominus oculos aperuit: nos igitur eos non ut Deum, sed ut creaturas intelligibiles, & ministros Dei, non tamen ut verè incorporeos pingimus & colimus quod autem in forma homi-*

nis pingantur in causa est, quod in eis visi sunt, si quando ministerium Dei apud homines obierunt. Tharastius Patriarcha colligens prædicti Patris sententiâ. sic ait *Ostendit Pater quod & Angelos pingere oporteat, quando circumscribi possunt, ut hominibus apparuerunt.* Respondit autem Concilium veluti approbans sententiam Iohannis etiam Domine. Ergo secundum Concilium verè Angeli habent corpora, & singula, quæ sunt in Concilijs narrata, descripta, aut relata esse de fide: sicuti est quid quid est in scripturis, sed ea solum, ut ait Iustinianus in suo Edicto: quæ intendit Concilium definire, & de fæto suis, vel decretis, vel Canonibus vel confessionibus pro definitis, & de fide ab omnibus Catholicis tenenda statuit: quo pacto fertur in Concilio Florentino illa solum esse de fide, quæ continentur in Decreto Eugenij Quarti: qui illud congregavit & approbavit; ac proinde in dicto Concilio Nicæno fuit quidem definitum de fide; licere Angelos pingere; Synodus enim illa fuit congregata sub Adriano Primo Papa anno Domini 787. Imperantibus in Oriente Constantino, & Irene eius matre, contra hæreticos; qui damnaabant cultum sacrarum imaginum in Ecclesijs, & alibi, easque ejciendas esse docebant propterea ibi eas esse adorandas, & æstetendas, relati-

decre-



decretum est; quod verò asseritur ibi Angelos esse pingendos, eo quod sint corporei, fuit tantum probatio desumpta ex Doctrina Philosophica Platonis, quæ tunc maximè vigebat in scholis, & ferè omnes P. P. tam Græci, quam Latini in ea erant maximè instructi, & versati, ut patet ex eorum operibus; exclusis illis, quæ Sacræ Scripturæ, & fidei Catholice repugnant; sed non nitentur huic soli rationi; fuit enī ibi adductum aliud medium verissimū, quod solum erat sufficiens ad habendam certitudinem huius rei. Hoc autē erat quod Angeli in forma humana appaeruerunt; quāpropter ad intentum nihil referebat, an Angeli re vera essent corporei, nec ne. Neque enim necesse est omnes probationes, quæ adducuntur ad explicandam, vel suadendam, vel probandam veritatem dogmatum S. Fidei esse de fide, sed possunt esse aliquot, quæ sint solum probabiles, & pro tali eo sæculo habebatur illa. Quapropter cōmuniter sentiunt Theologi verba illa Concilij *etiam Domine* non esse definitiva earum omnium, quæ dixit Episcopus ille Ioannes Thessalonicensis, ut patet ex contextu, nam definitio de puncto principali, quod erat in controuersia; an scilicet pingendæ, & venerandæ essent imagines, habetur solum post allatas multorum P. P. sententias, quæ afferuntur post verba predicti Ioannis iūdo

dicunt nec etiam approbatam fuisse illam sententiam, quod Angeli essent corporei, nā hæc nec continetur in Decreto Concilij, nec etiam habetur in illa collectione Tharasij Patriarchæ, qua facta Concilium annuit illis verbis *etiam Domine* collectio enim illa non solum fuit brevis & recta, sed etiā paucis optime expressimens principale intemum prædicti Episcopi Thessalon. Duo hic obiter aduerto circa hoc factū. Primum est à quibusdam Neotericis sequentibus Doctrinam Gregorij de Valentia tomo primo in prima partem Disp. 4. Generali q. 2. in quā agit de substantia Angelorū. S. *ad secundū* doceri Ioannē illum falso citasse Basilium, & Athanasium pro sua sententiā, quod Angeli essent corporei. Hoc enī mihi videtur durissimum ad credendū; eo quod venerabilis ille Episcopus, quem Concilium Beatum appellat, loquebatur tunc coram Cō.ilio Generali, quod constabat ex trecentis quinquaginta Episcopis, ut patet ex actione 3. dicti Concilij in relatione subscriptionis, quorum plurimi erant Græci, & in operibus horum S. S. P. P. & suorum Doctorum peritissimis; unde non est verisimile, cum voluisse afferre in re tanti momenti id, de quō potuisset argui de mediatio, & impostura. Præterea non est credibile quod si falso citasset, non habuisset in tam magna congregatione.

ne Venerabilium P. P. & D. D. nec vnum reclamantē, & re vera, quoad S. Basilium nullus poterat reclamare; nam hic S. Doctor in lib. de spiritu Sancto cap. 16. non solum vult Angelos esse corporeos, sed etiam in proprijs corporibus videri posse, & visos aliquando fuisse docet. Fallitur ergo P. Valentia, & qui cū eo sentiunt in hoc puncto.

Alterum quod aduerto in presenti est id quod notat Pater Bartholomæus Carrāza in summa Conciliorum in dicta Actione quinta prædicti Concilij Nicæni, nempe hanc cōtrouersiam an Angeli sint corporei nec ne, nondum esse S. Ecclesiæ censura terminatam.

Dices 2. S. P. N. Augustinū Epist. 111. & 115. lib. 3. de Trin. cap. 11. in expositione Ps. 85. & 145. & in Enchiridione cap. 59. & alibi docere Angelos esse corporeos, & solum dubitare an corpora Angelorū sint tractabilia, in dō lib. 3. de Genesi ad ad Iram cap. 7. asserere Angelos cōstare ex corpore elementi aeris quē postea sequuti sunt Rupertus Abbas lib. primo de Trinitate cap. 11. non solum in sensu, sed etiam in verbis; & S. Bernardus Abbas Claruualēsis lib. quarto de consideratione ad Eugenium. Qui tamen postea serm. 5. in cant. dubius de hoc manet, & dicit rem esse opinabilem propter varias Patrum sententias; ergo non licet sequenti Doctrinam S. P. Au-

gustini recedere ab eo in sententiā hac. & aliqui non esse misū hos PP. & illos supracitados hanc tenuisse sententiam, vt probabilem, vel sub dubio vtriusq; opinionis fundamenta ex posuisse, nā tunc plures erāt Sectatores doctrinæ Platonis, quam Aristotelis, & quidem de S. P. non est dubium cum ipsemet hoc sape confiteatur, & in lib. Confessionum dicat S. Senem Simplicianū ei gratulatum fuisse, quod non in alios libros Philosophorum, quam Platoniorum incidisset, eoquod Platonici paucis mutatis fieri poterāt Christiani. Opinio autem horum Philosophorum; quæ tunc erat probabilior, vt patet ex relatis, in obiectione præcedenti assererat, vt referunt S. Thomas cap. primo, & quarto, & post ipsum Marsil. Ficinus lib. primo Theologiæ Platonis cap. 5. dari quatuor ordines substantiarū inter Deum, & nos. Primum appellabat Deorum secundorum, id est inferiorū ipso vno vero Deo Primo ente, & omnium entium Auctore. Secundum intellectuum separatorum & hos duos ordines incorporeos asserbat. Tertium vocabat Animarū cælestium, ponebat enim corpora cælestia animata. Quartum vero Dæmonum in hoc aere, & mundo sublunari commorantiū, & hos duos ordines corporeos esse docebat; propter quos ponebat animas humanas corpore incorruptibili constare, & in hoc

hoc visibili, & elementari corpore esse tamquā Nautas in naui. P. Mattheus Hauzeur melius cæteris, quos huc vsque viderim in hoc puncto, respondet prius in Indice Sacræ Theologiæ Scholasticæ post secundum tomum suæ Anatomix in opera S. P. in difficultatibus Angelorū diffi. 2. dolendo quod tam leuiter & superficialiter de tanti Auctoris sententia sentiat; deinde in obseruatione ad cap. 10. lib. 21. de Ciuitate Dei vbi S. P. agit de passione Spirituum ab igne corporeo difficultate prima respondet S. P. non tribuisse illis corpora propria, quasi ab eis informata, & animata, ex propria opinione, sed ad summum quædam corpora eis in pœnam à Deo annexa, siuè aerea, siuè ignea in quò obseruat Magistrum sententiarum lib. 2. dist. 8. optimè sensisse de mente S. P. Augustini nam re vera loco supra citato ex lib. primo retract. cap. 26. ad q. 67. retractat, quod ex Plat. Schola posuerat *infimos Angelos animaliter vivere*, vt supradictum est, & cū tribuit corpora eis, potius Dæmonibus, quam bonis Angelis affligat. Ergo illis in pœnam censet alliganda non ex natura rei. Præterea quia præter loca supra cit. etiam lib. 15. de Ciuitate Dei cap. 23. ex professo docet Angelos esse ex natura sua spiritus. Vltimo quia in dicto cap. 10. lib. 21. de Ciuitate Dei expressè ponit, Angelos esse incor-

porcos his verbis *cur non dicamus quamuis miris, veris tamē modis etiā spiritus incorporeos posse pœna corporalis ignis affligi, si spiritus hominū etiam ipsi profecto incorporei, & nunc potuerunt includi corporalibus membris, & tunc potuerunt corporū suorū vinculis insolubiliter alligari; adhærebunt ergo spiritus Dæmonum immo spiritus Dæmones, licet incorporei, corporeis ignibus cruciandi; nō ut ignes ipsi in quibus adhærebant eorum iunctura inspirentur, & animalia fiant, quæ consent spiritū, & corpore, sed vt dixi miris, & inefabilibus modis adhærendo accipientes ex ignibus pœnam, non dantes ignibus vitam. Quid Clarius? Si dicas etiam in hoc capite S. Patrē asserere spiritus habere corpora illis verbis sunt quadam sua, etiam Dæmonibus corpora, sicut doctēs hominibus visum est, ex isto aere crasso, atque humido cuius impulsus vento flante sentitur. Respōdeo; ex hoc eodem loco satis fieri clarum, & manifestum, quod quando tribuit Angelis, aut Dæmonibus corpora, nō loquitur ex propria sententia, sed ex sententia Platoniorum; hoc enim sonant illa verba; *sicut doctēs hominibus placuit*; vt obseruat dictus P. Hauzeur loco citato: sic etiā in lib. 3. de Genesi ad litteram cap. 10. vbi agit de corporibus Dæmonum, non loquitur absolutē ex propria sententia: subdit enim *si ergo hac ita sunt. Non impedit ista desin*
Etio*

Etio nostram scripturam, &c. & præterea addit Si quid de his transgressibus Angelis diligentius requirendum est, alius erit accommodatior scriptura locus.

Maneat ergo pro complemento quæstionis huius fixa, & firma regula eiusdem S. P. quam tradit in dicto cap. 10. lib. 2. 1. de Ciuitate Dei *Si quisquam nulla habere corpora Dæmones asseruerat, non est de hac re aut laborandum operosa inquisitione, aut cōsentiosa disputatione certandum.* Quæ postea de more sequutus est S. Thomas, & q. 16. de malo art. primo docuit quancunq; sententiam quis asserat, non multum pertinere ad Doctrinam Fidei christianæ cum neutra sit de Fide. Sic etiam in resp. ad 2. explicat locum illum S. Gregorij in quo dicitur Angelum esse animal rationale, esse intelligendū metaphoricè propter similitudinem rationis; & in 2. dist. 8. q. 1. art. 1. ad 2. secundum eminentiam perfectionis, & ex eo quod habet virtutem cognoscendi sensibilia non quod sit cōpositus ex materiā, & formā: vnde non est audiendus Viues, qui in comment. lib. 15. de Ciuitate Dei cap. 23. asserit S. P. Augustinū sensisse, Angelos bonos, & Dæmones esse corporibus præditos, non enim vltimū ostendit locum cui non conueniat responsio, quā assignat S. Thomas prima parte quæst. 51. art. primo in resp. ad primū, vbi ait S. P. lo-

D

qui non asserendo, sed ex opinione Platoniorū, qui ponebant esse quædam animalia aerea, quæ Dæmones nominabantur.

Omitto alia argumenta, vt sunt illa desumpta ex cap. 6. lib. Genesis quod Angeli iuxta versionē Septuaginta genuerint homines Gigantes, & quod res corporeæ non possint agere in puros spiritus, & quod Dauid musica trænaret Dæmonem torquētem Saulem, quia sicut sunt communia, ita communes habent responsiones, de quibus nouissimè agit P. Io. Baptistā Gonetus tomo 6. sui Clypei Theologiæ Tomist. disp. 2. art. primo § 111.

Exclusa corporeitate Angelorū, exclusa est etiam ipsorum materialitas in scholis eorum, qui tenent vbi nō datur materia, vel quātitas molis nec etiam ibi dari rationem corporis, aut corporeitatis, & vice versa, vt tenent communiter Thomistæ, & ferè omnes Scotistæ, ac etiam plures aliæ Scholæ; verū quia non desunt, vt notauī in principio dubij, asserentes latius patere materiam, quā corpus, & à nulla creatura posse excludi rationem materiæ, esto in quibusdam non sit ratio corporis, vt in Angelis, & hoc esse germanam sententiam S. P. propterea in præsentī me remitto quoad Angelos, ad ea, quæ dixi in tertio tomo Philosophiæ naturalis circa animam rationālē capite duodecimo pag. 489.

Dico

21 Dico 2. non esse de mente S. P. quod detur in Angelis materia propriè dicta. Hoc sic probò: si admitteret in Angelis materiam, vel admitteret materiam corpoream, vel spiritualem; neutram admittit, ergo non est de mente S. P. dari in Angelis materiam propriè dictam.

Major est certa, nam quodcunque ens quod datur à parte rei, vel est ens corporeum, vel spirituale. Hæc enim duo membra adæquatè diiudunt ens reale in tota sua latitudine, ita ut etiam ipse Deus, qui non continetur sub vilo prædicamēto: nihilominus contineatur sub altero ex his membris, idest sub ente spirituali. Minor patet, quia si ex propria sententia admitteret in Angelis corporeitatem, non cōcederet postea ipsos esse incorporeos, ut concedit in supracitato cap. 10. ex lib. 21. de Ciuitate Dei: implicat enim in terminis constare ex materia corporea, & esse incorporeum; quod verò non admittat materiam spiritualem est clarum ex lib. 7. de Genesi ad litteram cap. 7. ubi expressè eam reiicit his verbis. *At verò illa spiritualis materies, si fuit vlla vnde anima fieret, vel si est vlla vnde animæ fiunt, quid est ipsa quod nomen, quam speciem, quæ vsum in rebus conditis tenet? Vinit an non? Si viuit, quid agit, quid cōfert vniuersitatis effectibus? Beatam nē vltam gerit, an miseram, an neutram? Vniuficet aliquid, an ab hoc etiā opere*

vacat, & in quodam secreto vniuersitatis otiosa requiescit? Sine vigili sensu, motuque vitali? Si enim nulla prorsus adhuc vita erat, quomodo esset vita futura, quodam incorporea, nec viuæ materies? aut falsum est, aut nimis late: Hic S. P. vlt: adeo apertè reiicit materiā spiritualem, ut locus iste non indigeat explicatione, sed solum attenda lectio. Quidam eruditus tēctator Doctrinæ S. Bonauenturæ, cui hunc locum obieci; Respondit S. P. negare quidem materiam spiritualem: sed admittere materiam, quæ nec sit corporea, nec spiritualis, quæ postea ex coniunctione cū actū redderetur corporea, aut spiritualis iuxta diuersitatem ipsorum actuum, seu formarum. Nouum philosophandi genus, si in rebus materialibus Eatenus ipsæ formæ dicuntur corporeæ, & materiales quatenus educuntur de potentia ipsius materiæ; ergo non à forma habet materia ut sit corporea; Sed potius è contrā habet ipsa forma à materia ut sit corporea, & materialis. Præterea si hoc effugium esset verum possemus pari ratione omnem gradum genericum ponere à parte rei non solum ratione nostra, sed etiam realiter contradistinctum à gradu differentiali, qui postea per coniunctionem physicam, & reale cum differentia ipsa illum contrahentem constituat talem speciem. Quid ni enim hoc non datur, si datur enti-

entitas à parte rei realiter indifferens ad alteram compartem, quæ in se, nec sit corporea, nec spiritualis. Propterea ego arbitror hos Philosophos hallucinatos fuisse circa materiam metaphysicam, quæ non est aliud, quam ipse gradus genericus, quemadmodum in Scholis communiter ex Philosopho dicitur; eum locum, quæ tenet materia in Physicis, tenere genus in Logicis, & Metaphysicis: & eandem distinctionem realem, quam ponit Physicus inter materiam, & formam, posuisse istos inter ens, & substantiam ex vna parte, & corporeum, & spirituale ex altera parte; ita ut detur entitas, & substantia à parte rei, quæ non sit in se, nec formaliter, nec identicè corporea, nec spiritualis. Si hoc deglutiunt, deglutiant etiam dari à parte rei animalitatem; quæ non sit in se nec formaliter, nec identicè rationalis, aut irrationalis, sed per coniunctionem physicam habeat, vel vnum, vel alterum, iuxta diuersitatem ipsarum differentiarum. Si hoc non placet illis, non video quid aliud possit venire nomine huius materie indifferentis, nisi fortè recurrant ad potentiam obiectiuam, quæ etiam Logica dicitur, cuiusque rei, & hanc appellent ipsi materiam, & tunc erit quæstio de voce in qua magis propriè arbitror loqui eos, qui dicunt materiam propriè dictam esse eam, quæ est altera pars com-

positi physici substantialis, &c. quæ definitur à Philosopho *primum subiectum, ex quo aliquid fit, quod se desit in hoc abibit ultimum, &c.* Hæc enim est communior acceptio, & in quæstionibus, de voce illa est magis vera, & propria, quæ est communior, & magis recepta. Propterea in Conclusionem expressi me hic loqui de materia propriè dicta.

Dices 1. S. P. lib. 12. Confessionum cap. 17. ait. *Cælum, & terram quidem inuisibilem, visibilemque naturam non indecenter appellatum, ac per hoc uniuersam creaturam, quam fecit in Sapientia idest in principio; Deus huiusmodi duobus vocabulis, esse comprahensam. Verumtamen quia non de ipsa substantia Dei, sed ex nihilo cuncta facta sunt, quia non sunt id ipsum, quod Deus, & inest quedam mutabilitas omnibus, siue maneant, sicut aterna Domus Dei, siue mutentur, sicut anima hominis, & corpus communem omnium rerum inuisibilem, visibilemque materiem adhuc informem, sed certè formabilem, unde fieres cælum, & terra, idest inuisibilis, atque visibilis, iam utraque formata creatura, his nominibus enunciata, quibus appellaretur terra inuisibilis, & incomposita, & tenebræ super abyssum ex distinctione, ut terra inuisibilis, & incomposita intelligatur materies corporalis, ante qualitatem formæ. Tenebræ autè super abyssum spiritualis materies ante cohibitionem quasi fluitis*

is immoderationis, & ante illuminationem Sapientia, &c. Similia habet S. P. cap. 18. 20. 21. 28. & 30. dicti lib. 12. Confessionum, & in lib. de Genesi contra Manicheos cap. 5. Adduci etiam solet locus ex lib. de mirabilibus Sacræ Scripturæ cap. 1. qui circumfertur inter opera S. P. Augustini: sed re vera non est opus ipsius, ut notarunt D. D. Louanien- ses in censura dicti libri, & Cardinalis Bellarm. in lib. de Script. Ecclesiasticis in obseruationibus ad opera S. P. ex prædictis igitur locis colligunt Discipuli S. Bonauenturæ esse de mente S. P. quod derur in Angelis vera, & realis materies: Sic arguit acriter ex illis P. Matthæus Veglenſis Theologus publicus Patuij in suo erudito lib. de Angelis ad mentem S. Bonauenturæ. Q. 26. quæ est de materia Angeli cap. 2. Respondeo ex illis locis nullo modo haberi hanc esse sententiam S. P. primò quia apertè dicit ibi se loqui ex sententia aliorum, nam immediatè ante verba relata supra, ait. *Quid si dicat, & alius?* & immediatè post finem relationis dictæ Sententiæ, quæ absoluitur in fine dicti capitis 17. in ipso principio cap. 18. Statim subiungit. *Quibus omnibus auditis, & consideratis nolo verbis contendere. Ad nihil enim utile est nisi ad subuersionem audientium?* ex quibus manifestum est, & ipsam loqui ex sententia aliorum, & sentire hanc

disputationem tandem reduci ad quæſtionem de voce: secundo constat ipsum non loqui de materia, quæ est substantia, & altera pars compositi physici substantialis, & primum Subiectum formarum substantialium: nam describens materiam de qua loquitur in dicto lib. duodecimo cap. 6. ubi narrat quid olim, & quid tunc sentiret de materia prima, concludit. *Mutabilitas enim rerum mutabilium capax, ipsa est formarum omnium, in quas mutantur res mutabiles. Et hæc quid est? Numquid animus? Numquid corpus? Numquid species animi vel corporis? Si dici potest nihil aliud est, & nõ est hoc eam dicerem* (id est materiam de qua ibi loquitur,) & tamen virumque erat, ut species caperet istas visibiles, & compositas. Et quis non videat hic loqui S. P. de materia in alio sensu, quàm cõiuniter accipitur à Peripateticis, cum assignet ei pro primo prædicato veluti generico mutabilitatē, & pro prædicato veluti differentiali, quod sit talis mutabilitas rerum, & formarum omnium in quas mutantur res mutabiles. Et quis neget materiam sic explicatam, reperiri in quacumque creatura, quantumuis spiritali, cum, & ipsa possit esse, & non esse, & posito quod sit, possit habere, has vel illas formas accidentales spirituales, putà intellectiones, volitiones, species intelligibiles, & similes, quæ de facto fuerunt mutatae

in Angelis in principio Mundi, cum de gratia in qua conditi erant ceciderunt, & auerterunt se à summo bono. Non loquitur ergo ibi S. P. de materia, quæ sit pars substantialis compositi physici, quæ sola nunc in S. holis venit nomine materiæ propriè dictæ. Imò reducitur difficultas ad quæstionem de voce, ut aduertit ibi S. P. Tertio patet etiam ipsum non loqui ex propria sententia, ex eo quod in dicto capite 17. in verbis relatis meminit materiæ spiritualis, eamque contradistinguit à materia corporea; quàm tamen reiecit lib. 7. de Genesi ad litt. cap. 7. ut supradictum est ex superfluitate ipsius, cum nullum vsum, aut effectum habeat,

aut habere possit in rebus. Non est ergo de mente S. P. nec materia indifferens ad esse spirituale, & corporeum: nec materia spiritalis loquendo de materia propriè dicta. Quod si adhuc potentiam obiectiuam cuiusque rei vis appellare materiam, voca ut vis, dummodo enim constet de re, de verbis non curamus.

Claudo hoc dubium ea ipsa clausula, quæ vsum est S. P. in eo absoluto in dicto lib. 12. suarum Confessionum cap. 30. his verbis. *In hac diuersitate sententiarum veram concordiam pariat ipsa veritas, & Deus noster misereatur nostri, ut legitimè lege utamur præcepti sine pura Charitate.*



20
AXIOMA TERTIVM.

Datur in Angelis aliqua compositio
ex lib.6. de Trinitate cap.6.

*Creatura quoque spiritualis, sicut est anima, est quidem
in corporis comparatione simplicior, sine compara-
tione autem corporis multiplex; est etiam ipsa
non simplex, &c. Nihil enim simplex
mutabile est, omnis autem crea-
tura mutabilis.*

D V B I V M.

Qua compositiones sint in Angelis, qua non.



Vnt plures compo-
sitiones, vel ratio-
nis, vel reales, de
quibus fit questio
tam à Metaphysi-
cis, quam à Teolo-
gis, an sint in Spiritibus creatis. Pri-
ma, quam excogitarunt aliqui est
ex Essentia, & esse. Secunda ex na-
tura, & subsistentia. Tertia ex su-
biecto, & accidente. Quarta ex ge-
nere, & differentia. Quinta est ex
materia, & forma. Sexta est ex parti-
bus quãtitatiuis: de his hoc eodẽ or-
dine breuiter explico mentẽ S. P. &

Dico 1. non dari in Angelis com-
positionem, neque realem, neque
rationis ex Essentia, & esse. Hæc
Conclusio est terẽ omnium Nomi-
nalia, qui loquuntur coherentẽ,
& consequenter ad sua principia, &
sequitur necessariò ex principijs Do-
ctrinæ S. P. eamque sic probo. Om-
nis compositio siue realis, siue ra-
tionis requirit extrema distincta rea-
liter, si compositio est realis, ratione
nostra, si compositio est rationis:
Sed inter Essentiam realem, & exi-
stentiam realem non datur distin-
ctio nec realis, nec rationis in vlla
crea-

creatura, & consequenter, nec etiā in Angelis, ergo in eis non datur compositio neque realis, neque rationis ex Essentia, & esse. Maior est certa, & inconfesso apud omnes, tam Philosophos, quam Theologos, vna enim sola simplicissima Entitas, siue gradus si manet solus est indiuisus, & consequenter nō compositus sub earatione sub qua est simplex, & indiuisus. Minorem probaui vniuersaliter de omnibus omnino creaturis in Axiomatibus Metaphysicis S. P. cap. 6, quod est de Essentia, & Existentia, pag. 49. §. dico 8. quia Essentia, & esse, seu existentia idem omnino formaliter, & adæquatè significant, ergo non datur distinctio nec realis, nec rationis inter vnā, & alteram requisita ad compositionem. Antecedens probatur ex S. P. in cuius libris nunquam inuenitur nomen essentia, quin significet esse, siue existentiam, ita vt sit principium irrefragabile apud ipsum, in nullo penitus differre Essentiam ab esse; hoc est manifestum ex cap. 12. lib. de Immortalitate Animæ; vbi ait *Primum autem verum est omnis Essentia non ob aliud Essentia est, nisi quia est*. Et in lib. 12. de Ciuitate Dei cap. 2: explicando illa verba, *Ego sum qui sum, ait, cum Deus summa Essentia sit, hoc est summe sit, & ideo Immutabilis sit rebus, quas ex nihilo creauit esse dedit, sed non summe esse, sicut ipse est, & alij dedit esse am-*

plius, alijs minus, atque ita naturas essentiarum gradibus ornamit: Sicut enim ab eo quod est sapere vocatur Sapientia, sic ab eo quod est esse vocatur Essentia. Si ergo per S. P. omnis Essentia, non ob aliud est Essentia, nisi quia est, profectò nulla est prorsus distinctio inter Essentiam, & esse, qui enim dicit non ob aliud profectò quamcumque aliam rationem, & quemcumque alium conceptum, in adæquatū excludit. Præterea si quemadmodum à sapere vocatur sapientia; ita ab eo quod est esse vocatur Essentia, vt loquitur hic S. P. cum inter sapientiam, & sapere non detur distinctio, nec realis, nec rationis; ita etiam inter esse, & Essentiam nulla prorsus dabitur distinctio.

Argumenta quæ contra hanc doctrinam adduci possunt habes loco citato producta, & soluta; propterea ad ibi dicta me remitto. Duo solum quæ sunt potiora fundamenta Aduersariorum, placet hic adducere, & soluere.

Primum quod est S. Th. in prima dist. 5. q. 5. art. 2. in corpore, & in secunda dist. 3. q. 3. art. 1. in corp. est argumentum à posteriori. Ex eo quod quæcumque res creata habet causam efficientem, & est tale. Omne quod non habet aliquid, siue esse à se, est possibile respectu illius, sed omnis quidditas, seu Essentia creata habet suum esse ab alio efficiente; & non à se; ergo est possibilis respectu illius.

illius. Ergo in tali quidditate, seu Essentia inuenitur actus, & potentia, & consequenter compositio ex Essentia, quæ est potentia, & ex esse, qui est actus. R. distinguendo maiorem, est possibile respectu illius à quo habet esse concedo maiorem; est possibile respectu ipsius esse, nego maiorem; est enim ipsum esse realiter, & formaliter, quod antequam producat, est obiectiuè in mente Diuina, ac proinde Essentia, & existentia obiectiua non adhuc existens extra Deum; quando verò producit, siuè est productum, est ipsa Essentia, & esse, siuè existentia, realis, nulla prorsus data distinctione reali, aut rationis inter essentiam, tamquam potentiam, & existentiam, tamquam actum. Sic etiam distinguo minorem. Omnis quidditas, siuè Essentia habet esse ab alio efficiente contradistinctum re, aut ratione ab ipso esse, siuè ab ipsa existentia nego minorem, identificatum realiter, & formaliter, tam à parte rei, quam ratione nostra, adæquatè concedo minorem: ergo in tali re &c. nego consequentiam; nihil enim ibi est quod habeat rationem actus contra distincti à potentia vlllo modo; sed est deceptio nostri intellectus, qui ex modo quo concipit in rebus corporeis compositionem ex materia, tamquam potentia, & forma, tamquam actu, ita distinguit inter Essentiam tamquam

potentiam, & existentiam tamquam actum: cum tamen nihil aliud sine quam duo nomina idem omnino, & eodem modo significantia, & vt vulgo dicitur duo synonyma.

Alterum argumentum quod videtur esse à Priori, & censetur Achilleanum ab Aduersarijs est huiusmodi. Nulla quidditas creata est suum esse: hoc enim est proprium ipsius Dei; ergo, distinguitur à suo esse siuè à sua existentia; Probatur antecedens, potest intelligi quidditas rei, ignorata existentia ipsius: ergo nulla quidditas creata est suum esse. Prob. antecedens. Quidditas rei creatæ pertinet ad quæstionem quid est: Esse, siue existentia ad quæstionem an est. Sed intellecta vna quæstione potest ignorari altera. Ergo intellecta quidditate rei potest ignorari eius existentia: ergo essentia & existentia distinguuntur, vel realiter, vel ratione. R. distinguo antecedens, nulla Essentia, seu quidditas creata est suum esse reale, & obiectiuum concedo: esse enim obiectiuum cuiuslibet creaturæ, quod est in mente Dei, est realiter distinctum ab ipso esse reali creaturæ; quæ fuit producta in tempore. Nulla quidditas creata à parte rei est suum esse reale nego antecedens: Immo nō solum realiter, sed etiam formalissimè est ipsum suum esse: nam sicut ait S. P. *non ob aliud Essentia est, nisi quia est*. Ad id quod additur hoc esse proprium Dei, & pro-

proprium Dei esse, ut sit simul, & suum esse reale, & suum esse obiectivum: nam esse obiectivum eiusdem Dei est identificatum cum ipso Deo, non sic creatura, cuius esse reale acceptum est ab ipso Deo distinctum realiter à suo esse obiectivo: quod est in mente Dei, & præterea est etiam proprium Dei, quod suum esse non sit productum ab ulla causa, & consequenter quod sit Essentia, existentia, & ens omnino necessarium; non sic Essentia, siue existentia creaturæ, quæ sicut est contingenter producta, ita potuit non produci; Vnde siue dicatur Essentia, siue dicatur existentia creata semper est contingens, & sic negatur consequentia.

Ad probationem antecedentis. R. distinguo antecedens; potest intelligi Essentia rei ignorata existentia reali, & obiectiva simul, nego: ignorata Essentia, & existentia reali, concedo: potest enim esse quod aliquis ignoret, an res illa quam intelligit sit producta necne; aut si sciat, quod fuerit producta, ignoret, an defuerit esse: sed non potest esse quod ignoret existentiam obiectivam ipsius; nam si illam intelligit, intelligendo dat illi esse, & existentiam obiectivam; hoc enim est ipsum intelligi; existere obiectivè in cognitione alicuius. Ad ultimam probationem.

R. ita pertinere ad quæstio-

nem quid est existentiam obiectivam, sicut pertinet Essentia obiectiva: nam si non existit obiectivè in mente disputantis res illa, cuius Essentiam vult scire, nec etiam erit in mente ipsius eius Essentia; non sic de reali Essentia, siue existentia: nam quod sit in rerum natura pendet ab eo, quod sit producta, & quod non defuerit esse; quibus conditionibus ignoratis, ignoratur etiam, an sit à parte rei; Sed tunc sicut ignoratur existentia realis, ita ignoratur Essentia illa realis, & sic distinguo consequens: intellecta quidditate, & Essentia obiectiva, potest ignorari existentia realis, concedo; potest ignorari existentia obiectiva, & nego; & sic negatur ultima consequentiæ. Et ecce solutæ omnes vires huius magni Achillis: reliqua, quæ possunt obijci contra hanc Doctrinam, habes adducta, & soluta in axiomatibus metaphisicis loco citato.

Dico secundo in Angelis esse compositionem ex natura, & substantia (& sub hac ratione dari compositionem ex actû, & potentia; natura enim habet rationem subiecti, & consequenter potentia, & substantia habet rationem actus.) Prob. conclusio, quia sicut fuit assumpta natura humana sine propria substantia ad unionem hypostaticam personæ Divinæ, ita potuit assumi natura Angelica sine propria: sed ex hac assumptione colligitur realis

E com-

compositio in homine ex natura, & substantia; ergo eadem compositio debet etiam esse in Angelo; de hoc etiam puncto egi in dictis Axiomatibus Metaphysicis cap. 7. quod est de substantia pag. 103. *S. Prosequendo nunc*, propterea ad ibi dicta me remitto.

Dico tertio dari etiam in Angelis compositionem, ex subiecto, & accidente; (& hanc etiam esse compositionem ex potentia, & actû, ut patet) Prob. concl. quia operationes immanentes Angeli sunt accidentia realia, & phisica, & possunt adesse, & abesse præter subiecti, id est ipsius Angeli, corruptionem, ut patet in actionibus liberis: ergo de facto in eo est compositio ex subiecto, quod est substantia ipsa spiritualis, & ex accidentibus illis. Præterea sunt in illo habitus supernaturales, species vel inditæ, vel acquisite iuxta diversitatem sententiarum; quæ omnia constât esse accidentia subiecti in quo sunt. Probari solet ab aliquibus hæc conclusio ex eo quod sit solius Dei proprium, quod eius actio sit ipsius virtus, & natura; ac proinde cum eo realiter identificata, & propterea quod in qualibet creatura eius operationes sint distinctæ realiter, & consequenter accidentales. Alioquin sicut in Deo ex eo quod eius intellectio, & volitio sunt eius substantia, Verbum, & Amor, qui sunt termini Intellectio-

nis, & volitionis procedunt ut personæ subsistentes, similiter procederent, ut tales, in Angelis, quod est falsum. Valeat quantum valere potest; non enim vacat modo hoc examinare.

Dico quarto in Angelis esse compositionem ex genere, & differentia est communis apud Scholasticos in secundo Dist. 3. q. 1. S. Thomæ, Scoti, Capreoli, Hervæi, nostri B. Egidij; ac pariter nostri Thomæ de Argentina ex quibus hic in dicto loco artic. 3. eam sic probat. In eo de quo aliquod genus prædicatur essentialiter, salva sua naturali distinctione ab omnibus alijs speciebus eiusdem generis, reperitur compositio generis, & differentia, sed Angelus est huiusmodi nam substantia, quæ est summum genus primi prædicamenti, prædicatur æqualiter de spiritibus, & de corporibus; ergo in spiritibus Angelicis datur compositio ex genere, & differentia, Prob. 1. quia omnis natura finita, & limitata, quæ participat conceptum communem multis naturis, à quibus essentialiter differt est composita ex genere, & differentia; Sed talis est Angelus, qui participat conceptum substantiæ communem quibuscunq; substantijs, & conceptum spiritus communem, etiam animabus rationalibus à quibus specie differt; ergo est compositus ex genere, & differentia.

Con-

Contra hanc doctrinam stant Durandus loco citato, & Henricus quodlib. 7. q. 8. ex quibus iste negat Angelos esse in aliquo genere, eo quod careant materia à quâ sola arbitraturs esse summendam rationem genericam. Durandus verò concedit quidem Angelos esse in genere, quia ad hoc sufficit, ait ille, quod res sit limitata re, & ratione; negat tamen componi ex genere, & differentia, quia ad hoc requirit, ut sit quid compositum ex pluribus partibus realiter distinctis constituentibus vnum per essentiam; ex quarum vna sumatur genus, ex altera verò differentia; quibus partibus carent Angeli, & omnes res simplices, ut etiam accidentia, & præcipuè ex parte ex quâ desumenda est differentia, & sic consequenter negat eos esse compositos huiusmodi compositione. Antequam proponam argumenta, & fundamenta horum D.D. aduerto hic occurrere æquivocationem circa illum terminum compositio, nam re vera strictè, propriè, & rigorosè loquendo significat plures res vniri simul ad constituendum aliquid; ex propter cum à Theologis postea resoluitur hæc quæstio reduciur ad conceptus mentis, quorum alter sit genericus, alter verò differentialis in mente nostra realiter distinctos; ac proinde illa compositio est potius dicenda esse in Intellectu nostro, quam in ipsis Angelis; vnde

esset aptius vti verbo constitutionis, quod est commune, tam ad compositionem, quàm ad illa quæ per identitatem habent ut concurrant in vnam naturam; Et sic posset dici quod à parte rei Angeli constituuntur ex gradibus generico, & differentiali; in intellectu verò datur compositio illa duorum conceptuum ratione nostre operationis distinctorum realiter in mente nostra. Verum quia vsus obtinuit, ut sub illo termino proponatur quæstio, & resoluaturs per compositionem physicam, & per compositionem metaphysicam. Vtui obtemperans, & à quæstionibus de voce abhorrens sub terminis vsitatis eam resolui. Quo posito ad argumenta aduersariorum procedo.

Dices igitur primo pro Henrico in omnibus alijs rebus genus desumitur à materia, & differentia à forma; Sed Angeli carent materia; Ergo non est vnde desumatur gradus genericus ipsorum & falsum esse absolute loquendo, quod in alijs rebus genus desumatur à sola materia, sed sumitur à tota quidditate rei sub gradu conuenientiæ communiore, & ampliori, quam sit differentia; ac proinde debet concipi, & significari per nomen concretum, quod importat quamdam veluti contrahibilitatem, siue potentialitatem, ratione cuius dicatur in Logicis, & in metaphisicis, se habere veluti materiam, vnde ratione huius similitudinis, &

proportionis dicitur desumi à materia; de cætero non minus desumitur à materia, quam à forma; vt patet in hoc termino, Animal, quod est genus, & tamen nemo potest verè dicere, quod desumatur solum à materia; nam sola materia non est principium sentiendi, quale debet esse Animal.

Dices secundo pro Durando: Naturę simplices carent differentia, Sed Angeli sunt naturę simplices; ergo carent differentia, & consequenter non potest dari in eis hæc compositio. Probatür maior, quia differentia significat quale, & propterea prædicatur in quale; sed nihil est in Natura simplici, vt est substantia Angelī, quod prædicetur in quale; ergo naturę simplices, & Angelicę carent differentia, Probatür minor, quia, quid quid est in Naturis simplicibus est tota natura rei; Sed tota natura rei prædicatur in quid, non verò in quale; ergo in naturis simplicibus nihil est, quod prædicetur in quale. R. catenus dici naturam rei posse prædicari in quale, quatenus in prædicatione non solum attenditur in significatione nominis res significata; sed etiam modus significandi; quapropter, esto res significata per nomen, quò exprimitur differentia, sit totum, quod est in re, propterea enim ponitur concretum; modus tamen significandi, non est per modum totius, sed per modum partis;

eoquod non significatur per modum subsistentis, sed per modum aduenientis alteri; vnde communiter non significatur nomine substantiuo, vt significatur genus, & species, sed adiectiuo. Præterea non prædicatur simpliciter in quale, vt prædicatur accidentia de prædicamento qualitatis; sed prædicatur in quale quid, quod est idem, ac dicere, quod hæc prædicetur ad modum qualitatis, id est vt aliquid, quod est extra conceptum generis, & veluti adueniens illi, prædicatur tamen vt quid essentialiale, & de quidditativo conceptu illius subiecti, de quò prædicatur.

Dices tertio in Naturis simplicibus si daretur conceptus differentię diuersus à conceptu generis, esset omnino idem conceptus differentię, & conceptus generis, nec possent differre vt totum actuale, & vt pars constitutiuus illius, vt debent differre species, & differentia; forent enim æquè determinati conceptus sub indeterminato conceptu generis, ac proinde eadem omnino ratione, quā vnus esset conceptus speciei, esset etiam conceptus differentię; & sic differentia non esset differentia, sed species. R. cum S. Th. opus. 39. cap. primo conceptus Generis, differentię, & speciei non differre ex parte rei significatę, sed ex parte modi significandi, nam genus significatur vt totum potentiale; sed prædicatur vt pars potentialis; Diffe-

rentia verò importat quidem totum, sed prædicatur vt pars actualis, designans, & determinans partem potentialem: species verò, sicut & definitio, dicunt totum actuale, vt designatum, & determinatum; species quidem implicite, definitio verò explicitè, & sic semper in modo significandi, & prædicandi sunt diuersi conceptus.

Dices quarto in rebus compositis aliud est, quod differt, aliud id, quò differt; aliud id quod constituitur, aliud verò id, quò constituitur; sed simplicia seipsis constituuntur, & distinguuntur; ergo cum differentia sit id, quò species sub genere constituitur, & ab alia specie distinguitur, non habet locum in rebus simplicibus: cuius rei signum est, quod nullè assignantur differentiæ accidentium; ergo compositio, siue constitutio ex genere, & differentia non habet locum nisi in substantijs compositis. Communiter compositionem, ex genere, & differentia, non esse realem, sed rationis, vel conceptuum, & idcirco posse sumi ab eadem entitate, modo supra explicato, & falsum esse, quod accidentia non habeant differentias in predicamentis enim accidentium, dantur, & summa genera ipsorum, & species subalternæ, & infimæ, & consequenter differentiz, per quas diuiduntur genera, & constituuntur species. Verum tamen est, quod & in illis, & in

multis alijs rebus, vt plurimum, assignantur proprietates, loco differentiarum essentialium: nam istæ nos latent in plurimis tam substantijs, quam accidentibus.

Huic responsioni, vt sit conformis principijs, quæ posui in Philosophia Rationali, nempe vniuersalia hæc dari à parte rei, quæ postea sùnt prædicabilia per diuersos nostros conceptus diuersimodè significantes, & explicantes illos gradus, qui sunt à parte rei, nec esse habeo addere, quod esto simplicia seipsis constituantur, & seipsis distinguantur; nihilominus beneficio distinctionis virtualis fieri, vt alia sit virtualiter perfectio, quæ substantia, seu natura simplex participat gradum genericum; alia sit virtualiter perfectio, quæ participat gradum differentialem; licet enim sint hæc duæ perfectiones realiter inter se identificatæ; nihilominus beneficio quætitatis virtualis, seu virtutis sit, vt admittant distinctionem virtualem, sicut in rebus corporeis beneficio quantitatis molis admittitur diuisio realis.

Exemplum sit in ipsis Angelis, in quibus perfectio standi, seu essendi per se, in quâ conueniunt cum corporibus, facit vt sint in eodem genere cum istis: Perfectio verò entis intellectiui facit vt differant ab eis; esto hæc duæ perfectiones inter se sint identificatæ.

Per hæc manet inconcussa Regula

li S. P. quam tradit in Lib. Catho-
goriarum in cap. 7. ubi ait, *Vi genus
nullum est, quod non habeat differen-
tiam; sic nec differentiam intelligere
debemus, quae species non habebit.*

Dico 5. Angelos non esse com-
positos ex materia, & forma, neque
ex partibus quantitatis. Prima
pars huius Conclusionis sequitur ex
dictis dubio praecedenti. Cum enim
ibi conclusum fuerit, non dari in eis
materiam ullam, sequitur per neces-
sariam consequentiam, quod nec
etiam ex ea componantur, quia ta-
men circa hanc compositionem ali-
qua de nouo occurrunt propterea
hic de ea specialiter agendum. Sen-
tentia haec est expressa S. Thomae q.
50. partis primae articulo primo, &
omnium Thomistarum; Scoti, & se-
re omnium Scotistarum; Nostri B.
Egidij, nec non, & Argentinae, &
Gregorij Ariminensis, & iam in
scholis Augustinianis communis sen-
tentia in lib. 2. sentent. dist. 3. q. p.

Contra eam stant Auicembron:
relatus à S. Thoma loco citato. Alē-
sis 2. parte suae summæ qu. 20.
membro 2. art. 2. S. Buonaventura
in 2. Sent. dist. 3. art. 1. q. 1. & 2.
Ricardus dist. dicta art. 1. qu. 2. &
art. 2. Aureolus apud Capreolu in
qu. 1. ad dictam dist. 5. ad argu-
menta contra primam. Nouissimè
eam docet Mattheus Veglenensis loc.
supra citato. Differunt tamen D. D.
illi inter se quod Auicembron: vult

materiam Angelorum esse eiusdem
rationis cum materia sublunarium.
Alensis, Ricardus, & Aureolus di-
uerse rationis. S. Buonaventura ef-
se eandem secundum essentiam, nō
verò secundum esse.

S. P. non admisisse ex propria
sententia in eis materiam, nec con-
sequenter compositionem ex ea fa-
tis constat ex supradictis, quidquid
alij sentiāt in oppositum; patet enim
ex locis supracitatis, & cum reieci-
se materiam spiritualem, & quando
loquitur de materia eiusdem ratio-
nis cum nostra, proficitur se loqui
ex sententia aliorum; & quando re-
fert sententiam Platoniorum, ibi
subdit eos esse incorporeos, & in
retractatione aperte docet nec ex
scripturis, nec ratione ostendi talem
informationem materiae vel spiri-
tualis, vel corporee; quapropter de
mente S. P. non est ambigendum.

Has observationes ante me fece-
runt D. D. nostrae Religionis, B.
Egidius Columna in secundo sen-
tent. parte 1. q. 1. ad dist. 3. Art. 1.
posita resolutione cum sibi obieci-
set sententias S. P. relata postea do-
ctrina, quum ipse sequitur per qua-
tuor vias explicata, & probata ver-
sus finem S. Quod verò addebatur de
Augustino super Genesi ad litteram lib.
7. ad illa verba Gen. insufflauit &c.
subiungit.

*Dici debet quod ibi Augustinus nō
loquitur asserendo. sed magis inuesti-*

gam-

gando, & veritatem inquirendo. ibique apertè ostendit S. P. rejicere tam materiam corpoream, quam spiritua- lem ex anima rationali, & conse- quenter etiam ab Angelo; & cum iterum sibi obiecisset, quod si vellet aliquis dicere hoc fuisse de intentio- ne Augustini, quod anima, esset fa- cta ex aliqua materia. Respondet, & rectè ipsa verba Augustini solue- re seipsa hoc est ipsam obiectionem: Nam ait: *pro suo genere querenda est materia animæ, & subdit: si anima quid incommutabile esset, nullo modo eius quasi materiem querere deberemus, mutatur enim anima à vitijs in virtutes, & è conuerso.* Non ergo queremus materiam animæ, de qua fiat quantum ad esse, sed ponamus ibi materiam, quomoddò ex vicio fiat virtuosa, vel è conuerso: mate- ria autem huius est ipsa anima; Ani- ma enim vna, & eadem existens nec est virtuosa, nec vitiosa; erit ergo anima materia animæ vitiosa, vel materia animæ virtuosa, &c.

Hic est discursus nostri B. Ægidij ijsdem verbis ipsius: quo clarè ex- plicat mentem S. P. esse, nullam aliam nec in Anima, nec in Ange- lis ponere materiam nisi mutabilita- tem ipsam in ordine ad formas acci- dentales; & si placet etiam addere potes potentiam ipsam substantiæ Angelicæ in ordine ad substan- tiam, si ponis eam distingui, vel vt rem, vel vt modum ab ipsa entitate

Angeli. Eodem modo penetrat men- tē S. P. noster Thomas Argentina in quæst. prima ad dictam dist. 3. art. primo in quo cum sibi obiecisset pro 6. Argumento tres Auctoritates S. P. vnā ex lib. 12. Confess. ex cap. 20. vbi exponens illud *Gen. prim. In principio creauit Deus Cælum, & ter- ram* ait *In principio*, idest in Verbo suo sibi cogerno fecit informem materiam spiritualis, & corporalis creaturæ. Secundam ex lib. 7. de Genesi ad litteram cap. 28. vbi vi- detur velle, quod sicut in corpore quæritur materia, de qua factum est sic etiam in anima sit requirenda ma- teria, de qua facta sit. Tertiam pari- ter ex lib. 4. de Gen. ad litteram cap. 3. vbi dæmones dicuntur animalia aerea, & Angelos habere corpora sibi naturaliter vnita. Postea in B. ad sextum sic aperit mentem S. P. Ad sextum dicendum quod in pri- mo dicto, vt apparet ibidem ex di- ctis Augustini; ipse non loquitur ibi secundum opinionem propriam, sed secundum dictum Augustini dicen- dum, quod non loquitur ibi deter- minatiuè, sed inquisitiuè, quod ap- paret, quia postea oppositum istius concludit dicens, quod anima nec facta est de materia rationali, quia sic fieret anima de anima, nec de mate- ria corporali. Ad 3. dictum Augu- stini dico quod Augustinus non di- cit hoc assertiuè, sed opinatiuè, reci- tando dicta aliorum, vt etiam appa- ret

ret ex suo modo loquendi: quia ipse ibidem dicit: *Dæmones aërea dicuntur animalia*, non enim dicit sunt, sed dicuntur. Hæc ibi habet Argentina.

Hæc studio notavi, eo quod quidam Sectator Doctrinæ S. Buonaventuræ obiecit mihi quod in hac parte essem singularis inter discipulos S. P. Augustini; & quod in hoc puncto non attingam mentem S. P. eo quod in Tom. 3. Philosophiæ Naturalis cap. 12. quod est de simplicitate, & spiritualitate Animæ rationalis reiecerim ab ea compositionem ex quacumque materia tam corporea, quam spiritali; In quo an fuerim singularis, & an id iure fecerim, non solum dictus Lector, & discipuli eius, sed etiam quotquot de hac re ambigunt ex supradictis facile colligere poterunt; ubi enim concurrunt in eandem Sententiam S. P. Thomas, & noster B. Egidius, ut est in præsentī, non licet Theologo Augustinianæ familiæ Excalceatorum ab ea recedere ex lib. 2. nostrarum Const. cap. 5. §. 7. In hoc ergo, & vi Legis, & vi Auctoritatis nostrorum D. D. immò S. Ecclesiæ, nō quidem definientis, sed magis in hanc partem inclinantis, & ponderationum, quas adduxi in dicto cap. 12. tom. 3. pag. 431. quæ sicut concludunt de Anima rationali, ita à fortiori cōcludunt de Angelis, quas hic modo piget transcribere: sentio

omniñò dicendum esse non dari in Angelis compositionem physicam, & realem ex vna parte substantiali, quæ sit materia, & ex altera parte item substantiali, quæ sit forma. Probāt aliqui hanc Cōcl. Auctorit. Sac. Scripturæ Luc. 21. vbi dicitur, quod *Virtutes movebuntur*, quod communiter de SS. Angelis exponitur; ex quo sic arguunt. Quod est materiale non est Virtus, sed virtutem habens; quo pacto homo non dicitur simpliciter Anima, aut Virtus, sed Animam, aut virtutem habens; ergo ex vi huius loquutionis videtur necessariò inferendum tales Angelos nullo modo habere materiam, quæ sit subiectum talis virtutis. Hæc probatio non est admodum efficax; cum enim hæc appellatio virtutis attribuatür vni choro Angelorum, ex secunda Hierarchia ad distinctionem aliorum ordinum; parum refert, quod habeant, vel non habeant materiam; cum enim hæc nomina sint desumpta ab officijs, & non semper accipiantur in toto rigore Scholastico, parum refert ad hoc ut verè dicantur Virtutes in communi usu loquendi, quod habeant, vel careant materia. Melius probatur ex illis locis Scripturæ, in quibus absolute Angeli dicuntur Spiritus; hæc enim appellatio non solet in communi usu loquendi (nisi fortè per hyperbolē) attribui, nisi Enritati quæ careat corpore, & materia. Melius adhuc probatur

batur secundo Auctoritate S. Dionisij Areopagitz, cui multum deferunt omnes Theologi, & maximè cū de Angelis loquitur. Hic igitur in lib. de Diuinis Nominibus cap. 4. vocat Angelos substantias intellectuales à corruptione morte, & materia mundas, incorporales, & immateriales, & in lib. de Cælesti Hierarchia cap. 1. & 15. quærit, & explicat quare immaterialibus substantijs SS, DD. terrenas figuras tribuerint, idem docent S. Ioannes Damascenus lib. 2. de fide cap. 3. & S. Seuerinus Boetius de duabus naturis. Probatur tertio ratione, & discursu cuiusdam Anonymi in doctrina SS, DD. Augustini, & Thomæ valde eruditi sic, Si Angelus esset compositus, ex materia, & forma, vel hæc forma esset Anima, vel non; hoc secundum dici non potest quia ex Scriptura habetur Angelos esse intellectuales: neq; primum; tum quia in eadem Scriptura in qua sæpè agitur de Angelis nunquam fit mentio de animabus ipsorum, sicut fit de animabus hominum; quæ ratio licet sit ab auctoritate negatiua, est tamè tanti momenti, vt propter eam S. P. N. lib. p. Retract. cap. 11. & 16. & lib. 2. cap. 4. retractauerit quod aliquando improprie dixerat, vtens voce Animarum Angelorum; tum quia, vel hæc Anima esset separabilis à materia, vel esset inseparabilis. Si primum, iam Angelus esset cor-

ruptibilis, & mortalis; si secundum iam essent Angeli inferiores hominibus, seu animabus hominum; nam longè nobilior est Anima separabilis à materia, itaut possit separata existere, quam Anima inseparabilis, quia minus ab illa dependet. Probatur 4. quia, vel illa materia est eiusdem rationis cum materia corporum naturalium, vel diuersæ; hoc est spiritalis, vt vult Alensis, & alij; vel materialis, vt volunt Auctores supracitati: Hoc secundum esse non potest, quia hæc materia corporum, vt constat experientia, & ex capacitate, & potentia naturali ipsius ex sua natura postulat quantitatem tamquam propriam passionem, & per illam posse extendi, & diuidi cum alijs prædicatis quantitatis molis. Ergo si Angelus habet talem materiam, habebit illam cum quantitate, alioquin non haberet id, quod ex sua natura postulat, quod naturis rerum repugnat; Est enim impossibile quod secundum naturalem ordinem rerum sit in aliqua materia modo illi præter naturali. Nec primum potest dici, tum quia cum materia sit propter formam, & non è contra, ideo forma illi vnitur, quia illa indiget, vel ad constituendum essentiam compositi, vel ad operari; alioquin si ad neutrum illa egeret non ordinaretur forma ad compositionem cum tali materia, nec esset actus naturalis illius, & talis materia ad neutrum

trum deservire posset formæ Angelicæ; non ad esse, quia cum Angelus sit substantia intellectualis, & subsistens, debet esse independens à materia; non est sic de forma hominis, quia licet sit intellectualis, cum tamen sit ordinata ad constituendum hominem, qui est essentialiter ens corporeum, non potest constituere hoc ens sine aliqua materia, quæ propterea in eo debet esse corporea. Nec indiget ea ad operari, quia neque ad intelligere, cum materia quæcumque illa sit, non possit esse principium talis actionis, neque elicitiuum, quia hoc debet esse actus substantialis, & spiritualis, neque receptivum cum sit actio, maximè immanens intra principium, à quo elicitur, neque ad movere, quia res, quo magis est immaterialis, eo facilius movetur, ut patet in primo Motore, qui est in summo gradu immaterialitatis, & tamen movet omnia immotus, & præterea ordo, & gradus substantiarum incorporearum est actiuior, quam quælibet substantia corporea, & extensa; ut est videre in motibus corporum cælestium; ergo

repugnat dari in illo ordine entitatem substantialem per modum puræ potentie indigenæ forma substantiali, ac realiter distincta ad constituendum Angelum. Prædicta ratio de materia spiritali est desumpta ex S. P. N. libr. 7. de Genesi ad litteram, ubi illam rejicit cap. 7. ex iisdemmet capitibus, quia scilicet assignari non potest necessitas eius, nec ad constituendam speciem, nec ad videndum, nec ad operandum; verba eius supra retuli propterea non repeto.

Secunda pars Conclusionis, in qua negatur compositio ex partibus quantitativis, sequitur per necessariam, & immediatam consequentiam ex supra dictis. Vbi enim non est proprium subiectum alicuius accidentis, nec etiam ibi naturaliter est tale accidens. Atqui subiectum proprium, & naturale quantitatis molis est materia prima, ut habetur lib. 7. Metaphysic. text. 8. Ergo si in Angelis non est materia, nec etiam erit quantitas molis, & consequenter nec etiam compositio ex partibus dictæ quantitatis.



AXIOMA QVARTVM.

Datur Differentia inter Spirituales Creaturas, quæ tamen an specifica sit, à nobis ignoratur.

Ex lib. ad Orosiũ contra Priscillianistas, & Origenistas cap. 2.

Essæ Sedes, Dominationes, Principatus, Potestates in Cælestibus apparatus firmiſſimè credo, & differre inter se aliquid indubitata fide teneo; Sed & quanam ista sint, & quid inter se differant nescio. Neque sanè ignorantia periclitari me puto, sicuti in obedientia, si Domini præcepta neglexero.

D V B I V M

Vtrum Angeli differant specie inter se.

Questio ista procedit tam de possibili, quam de factò. De differentia numerica inter eos non est dubium; certum est enim eos verè, ac propriè differre numero inter se, tamquam singularia quædam verè indiuidua, non autem vt vniuersales aliquas species quales Aristoteles Platoni falsò attribuit; in Scholas ab eo esse inductas.

Probari etiam hoc potest, quia scriptura Sacra passim commemorat eorum ministeria, & varias actiones erga homines. Actiones autem sunt singularium. Præterea verè existunt in rerum natura, quod esse de fide supra ostensum est. Quidquid autem existit est indiuiduum, & singu-

lare, vt docent Philosophi. Difficultas nunc est inter Theologos Vtrum vel omnes Angeli, vel aliqui eorum ita differant numero, ac officio, & dignitate, vt simul etiam conueniant omnes in eadem specie atomæ. An verò aliqua multitudo sit vnius speciei; Alia verò alterius speciei, &c. An verò ita differant specie inter se, vt sint tot in vniuersum Angelicæ species, quot sunt, numero Angeli indiuidui, & singulares: In hac questione nihil habemus de fide compertum, neque circa questionem de factò, neque de possibili; sed res incerta est, in qua sunt duæ Metaphys. & Theologorum sententiæ.

Prima sententia est neque esse,
F 2 nec

nec etiam esse posse plures Angelos eiusdem speciei. At omnes, & singulos differre specie: Hoc habet D. Th. prima parte q. 50. art. 4. in lib. 2. contra Gentes c. 93. & in Tract. de Ente, & Essentia cap. 5. Sic etiam Auicenna lib. 5. Met. c. 5. Herueus in 2. dist. 3. qu. 2. Abulensis Paradoxo 4. c. 34. & qu. 29. in c. 21. lib. Numerorum. Capreolus in 2. dist. 3. qu. p. Concl. 5. & Caietanus in Cōment. dicti articuli prædictæ q. 50. primæ partis, & in Quæstione peculiari in caput illud 5. de Ente, & Essentia, & communiter Sectatores D. Thomæ hoc tenent, sed circa possibilitatem; an sit solum respectu potentia ordinariæ, an verò etiam respectu potentia absolutæ est dissensio etiã inter ipsos; nam Caietanus & plures alij cum eo sentiunt implicare contradictionem; ut sint plures Angeli eiusdem speciei, & consequenter nec etiam per dictam Potentiam posse esse plures eiusdem speciei. Aliqui sentiunt hoc solum esse respectu Potentia ordinariæ, & non implicare contradictionem, licet de facto non sint, & pro hac parte citantur Capreolus loco citato, Ferrariensis noster in dictum cap. 93. lib. 2. contra Gentes. Bannez in primam partem loco citato. Soncinas lib. 12. Metaph. qu. 50. & hanc dicunt esse germanam sententiam D. Thomæ.

Secunda sententiã extra Scholam

S. Tho. est communior esse posse, & de facto esse plures Angelos eiusdem speciei, ita sentiunt Beatus Albertus magnus 2. p. Tract. 2. qu. 8. S. Bonaventura in 1. dist. 3. part. p. art. 2. qu. 1. Alensis p. 2. suæ summæ q. 20. memb. 6. articulo secundo. Scotus eadem dist. q. 7. Gabriel. qu. 1. Noster Thomas Argentina eadem dist. qu. 2. art. 2. & alij. plures propterea.

Dico primo possibile esse aliquos Angelos solo numero differre: Prob. hæc assertio primo ratione illa, qua vitur Scotus loc. cit. Omnis natura creata quantum est de se, & de ratione suæ speciei est cōmunicabilis pluribus suppositis, & indiuiduis, sed quod est hoc modo cōmunicabile non repugnat ei, vel naturaliter, vel supernaturaliter multiplicari numero; ergo omnis natura creata, & consequenter Angelica potest, vel naturaliter, vel supernaturaliter à Deo numero multiplicari. Maiorem probat Scotus; quia nulla natura creata est de se hæc; hoc enim est proprium Diuinæ Naturæ, Ergo non exigit magis esse in vno indiuiduo, quam in alio. Eadem maiorem probant aliqui Thom. ex eo quod S. Doctor prima parte qu. 7. art. 1. in corp. & in qu. de spiritualibus creaturis art. 8. ad 4. & lib. 7. Metaphisicæ lect. 13 & alibi, docet; Intellectum nostrum intelligere naturam cuiuslibet speciei per abstractionem.

tionem à singularibus; ergo esse in vno, vel in pluribus est præter rationem naturæ specificæ; ergo seruatō intellectu naturæ specificæ potest illa intelligi, vt in pluribus existens, quod non posset esse, si esset ei essentialē esse ita in vno, vt non posset nec etiā per absolutam potentiam esse in pluribus, nam illud solum est verè essentialē alicui; sine quo res illa nec esse, nec intelligi potest. Præterea idem Doctōr Angelicus in prima parte qu. 11. art. 3. & in primo dist. 14. qu. 4. art. 2. & alibi docet naturam Diuinam, quæ est suum esse non posse per diuersa esse numero multiplicari, nec esse Vniuersalem; sed esse Essentialiter hanc ad distinctionem omnium naturarum creatarum, quæ possunt fieri vniuersales, eo quod non sunt Essentialiter suum esse. Postremo probatur dicta maior: quia ita se habet natura specificæ ad differentias indiuiduales; si uti se habet generica ad specificas; nam species, & indiuiduum sunt composita Metaphisica; sed natura generica v. g. animalis, ex eo quod de se non est vltima differentia, potest cum pluribus coniungi, siue in pluribus reperiri; ergo etiā specificæ propter eandem rationē poterit esse in, & cum pluribus differentijs indiuidualibus. Hæc postrema ratio apud me habet vim demonstrationis. Minor primi argumenti probatur quia de facto non posse mul-

tiplicari in pluribus indiuiduis naturā, quæ de ratione suæ speciei est communicabilis multis indiuiduis prouenit ex eo, vt docet Sanctus Thom. lib. 7. Metaph. lect. 13. & lib. primo Perhierm. lect. 10. quia talis naturæ communicabilitas impeditur, vel primo ex eo, quod tota natura comprehenditur in vno indiuiduo; vel secundo quia perpetuò conseruatur in vno indiuiduo, vt patet in Sole; vel tertio quia forma est tota in hac parte materiæ, & natura in hoc numero indiuiduo; vel quarto quia forma illa completa in ratione talis Entis Spiritualis non est apta nata recipi in materia, ex cuius sola diuisione volunt plures Peripathetici, & cum eis ferè omnes Thomistæ oriri diuisionem numericam; Sed nihil horum obstat, quominus Deus, saltem de Potentia absoluta possit Angelos multiplicare numero; ergo possibile est saltem per Diuinam Omnipotentiam esse plures numero Angelos in eadem specie. Probatur hæc Minor, quia non impedit primum, neque secundum, eo quod multiplicatio numerica formarum, quæ naturaliter sunt, & conseruātur; pertinet in Doctrina Sancti Thomæ qu. 6. de Potentia art. 2. ad 3. & in secundo Sententiarum dist. 18. qu. 1. art. 3. incorp. ad ea, quæ sunt impossibilia naturæ, impossibilitate orta, non ex repugnātia terminorum secundum affirmationem, & negationem, sed

ex defectu potentiae Creaturarum, vel ex aliquo impediēte resistente: quo pacto est impossibile respectu Creaturarum fieri plures Soles, & plures Mundos, & resistente voluntate Dei, quæ solum vult vnum esse Solem, & vnum Mundum, & defectu potentiae in ipsis Creaturis, quæ non possunt producere, nec Solem, nec Mundum. Non sic respectu Diuinæ Omnipotentiae absolute consideratæ. Habetur hæc Doctrina in S. Thoma. qu. prima de Potentia art. 3. & in lib. primo Sent. dist. 42. qu. 2. art. 2. in corp. Cum igitur Deus, vt docet S. Thomas ibidem, possit facere quidquid non implicat contradictionem poterit facere ea, quæ sunt impossibilia viribus naturæ creatæ, prædictis duobus modis; ac proinde, sicut potest creare plures Mundos, & plures Soles, ex eodem Angelico Doctore locis citatis, sic etiam poterit facere ea, quæ sunt, aut præter, aut supra naturam; ac etiam ea, quæ nobis videntur esse contra naturam; Nam respectu Dei, nihil est contra naturam, aut supra vires ipsius potentiae. Omnis enim natura creata ad nutum eius obedit, & omnia sunt ei æqualiter subiecta, cū eius Omnipotentia sit infinita, & infinite superans omnes Creaturas; ergo ex prædictis duobus primis capitibus non repugnat quin Deus possit multiplicare Angelos intra eandem speciem, nec etiam in Sen-

tentiam S. Thomæ. Tertium caput libenter admittimus; non enim volumus, quod sicut multiplicari numerò potest natura specifica albedinis, licet hæc numerò multiplicari non possit, ita possit multiplicari numerò ipsa natura indiuidua Gabrielis, licet non ipse Gabriel. Nec etiam impedit Quartum, tum quia in Doctrina S. Thomæ non est vnica causa: multiplicationis numericæ absolute loquendo diuisio materiæ; sed vel hæc, vel potentialitas adesse, seu distinctio quidditatis, seu Essentiæ ab existentia, quam cum eodem Angelico Doctore communiter mordicus propugnat eius S. hola. Nam, & in primo Sententiarum dist. 2. qu. prima articulo primo, vt locis supra citatis ex eo infert Deum esse vnum numerò, & multiplicari non posse, quia in Deo neque est materia, neque est potentialitas ad esse, sed est suum esse; At in Angelis, & est potentialitas ad esse, cum nulla Creatura in Sententia S. Thomæ sit suum esse, vt habet opusc. 30. & opusc. 42. ergo etiam secundum eundem Angelicum Doctorem poterit multiplicari numerò Angeli in eadem specie; tum quia, licet naturaliter loquendo velit vnicam causam dictæ numericæ multiplicationis esse diuisionem materiæ, quod est desumptum ex Philosopho lib. primo de Cælo à textu 92. vbi negat posse esse plures Cælos eiusdem rationis; eo quod

quod forma occupat totam materiam, & lib. 7. Metaphys. tex. 28. & lib. 10. tex. 25. ubi ait homines differre numero ex materia, non ex forma, & lib. 12. Metaph. textu 49. negat posse esse plures numerò Motores cuiusque Orbis Cælestis, quia quæcumque sunt vnum specie, & plura numerò habent materiam; Motores vero Cælorum sunt immateriales. Ex dictis patet magis ad mentem S. Thomæ differere Thomistas illos, qui docent, diuinitus posse dari plures Angelos intra eandem speciem solo numerò differētes, quàm illi, qui negant. Quibus addo hoc constare etiam ex alijs capitibus. Primo quidem, quia aliquando vtitur ratione illa, quam supra adduximus pro principaliori ex Scoto desumpta, vt in supradictis constat eiusdem locis citatis. Secundo quia Opusc. 32, apertè docet principium indiuiduationis non esse dimensiones quantitatis; eoquod quantitas est accidens, indiuiduum vero est substantia; sed solum per illas demonstrari ait indiuiduū hic, & nunc tanquam per signum proprium indiuidui. Tercio; quia in quodam codice manuscripto inuento in Bibliotheca Cænobij S. Marci Florentiæ Relig. PP. Prædicatorum sub titulo S. Thomæ; habentur duæ celebres quæstiones; quarum prior est de principio indiuiduationis, posterior vero est de motoribus Cælorum. In fine prio-

ris dicit, & docet Principium indiuiduationis animæ, & consequenter rerum Spiritualium esse multiplex; & primo quidem principium effectiuum indiuiduationis esse Deum; secundo materiale respectu ipsius animæ esse corpus; tertio principium formale esse ipsam entitatem animæ, ipsa enim se indiuiduat per modum principij formalis: Ex quibus patet ipsum sentire nec etiam in rebus corporeis adæquatum indiuiduationis principium esse materiam affectam quantitate. Quarto expresse in Opusc. 16. dicit, ruditer argumentari eos, qui probant non posse multiplicari intellectus; quia ex natura sua non habent causam multiplicationis numericæ; nam licet intellectus non habeat illam ex natura sua, posset tamen illam sortiri ex naturali causa. Horum verborum S. Th. sensus non est ille quem eis tribuit Vasquez; scilicet, quod Voluntas Dei possit esse formale principium indiuiduationis; hoc namque apertè implicat; Deus enim nequit supplere vicem causæ formalis intrinsecæ; propterea ipsemet Angelicus D. loco supra citato docet; Deum esse solum principium effectiuum indiuiduationis, & principium formale sumendum esse solum ex entitate rei. Sensus ergo Doctrinæ Angelicæ est quod cum natura Angelica ex proprijs principijs naturalibus siue intrinsecis, siue extrinsecis non exigit neces-

necessario pluralitatem indiuiduorum, sicut exigit natura materialis, non nisi supernaturaliter ex Diuina virtute procedere debet in illis multiplicatio numerica; Deus enim in agendo se accommodat rebus agendo modo illis proportionato iuxta exigentiam illarum secundum propria principia naturalia.

Quæres hic vnde habeatur quod natura materialis corruptibilis exigit pluralitatem numericam intra eandem speciem, & quod eam non exigit Natura Spiritualis completa. R. communiter Thomistæ hanc exigentiam in rebus corporeis haberi ex quadruplici capite. Primo ex parte ipsius materiæ; cum enim hæc exigit naturaliter sub quantitate existere, & per illam in varias partes extendi; naturaliter potest secundum eandem partem successiue, vel secundum diuersas simul varias formas eiusdem rationis recipere, & positis ab agente naturali dispositionibus requisitis necessario illas exigit. Secundo ex parte formæ; nam hæc proportionatur materiæ; vnde sicut materia per quantitatem diuiditur in partes eiusdem rationis, ita & forma; præterea cum forma introducat in partem materiæ, non autem in tota materia; vnde fit vt sit minor in entitate quam esset si in tota introduceretur, limitatur à parte materiæ vt possit, vel in illa eadem parte materiæ successiue, vel

in diuersis numero partibus simul multiplicari. Tertio dicunt huiusmodi exigentiam haberi ex parte Agentis; cum enim hoc sit multiplex numero nec vnum possit in totam materiam agere, sed tantum in partem; necessario, vel in illa eadem, vel in diuersis alijs partibus reliquit locum alijs agentibus inducendi formas eiusdem speciei. Quarto haberi dicunt ex fine; vnde sumitur ratio necessitatis materiæ; finis enim multiplicationis numericæ est conseruatio speciei, vt habetur lib. 2. de Anima Text 33. Species enim in vno indiuiduo corruptibili conseruari non potest, & hinc oritur necessitas vt materia debeat esse in potentia secundum varias sui partes, vel secundum eandem successiue ad plures formas eiusdem speciei. Ex his quatuor capitibus igitur oritur exigentia multiplicationis numericæ in natura materiali corruptibili iuxta principia Scholæ S. Th. Non sic est in natura immateriali completa, quæ ex nullo prædictorum quatuor capitum exigit pluralitatem numericam: non enim exigit ex parte materiæ, cum ea careat; neque ex parte formæ; hæc enim sufficienter secundum totam perfectionem intentionem suam, & entitatiuam existit in vno indiuiduo; ac proinde diuisio illi naturaliter comperens secundum modum suæ naturæ, est solum formalis, & essentialis, non verò numeri-

ea, vt patet in formis cælestibus, quæ vnicum solum indiuiduum naturaliter exigunt; cum tamen debuissent plura indiuidua eiusdem rationis produci, si numerica multiplicatio ab illorum natura exigeretur. Præterea cū differentiæ indiuiduales non perficiant essentialiter naturam specificam, eoquod sint extra quidditatem illius, non exiguntur ab illa plures, nisi propter conseruationem speciei, quæ ratio cessat in formis materialibus occupantibus totam materiam, siue constituentibus composita incorruptibilia, & in Naturis spiritualibus, putà Angelicis. Nec exigitur ex parte agentis qui est infinitæ virtutis, cum sit ipse D. O. M. Nec denique ex parte finitis.

Natura enim Angelica, cum sit spiritualis, est immortalis, & incorruptibilis, & solum per annihilationem potest desinere; & propterea in vnicō indiuiduo potest conseruari. Hæc sunt præcipua fundamenta in Schola Thomistæ pro solutione huius difficultatis, quantum potui colligere ex classicis D. D. illius supra relatis; quæ placuit hic breuiter, & clarè proponere tum propter variam eruditionem, quam continent, tum etiam, vt illis expensis, possim colligere, & inferre quid sentiat S. P. in hoc puncto.

In his aduerto primo non esse certum Angelorum multiplicationem intra eandem speciem solum extra-

ordinariè, & per solam Diuinam Omnipotentiam absolutè confideratam, non vero de lege ordinaria posse haberi, immò de facto haberi; quia ex nullo principio Theologico, aut Philosophico potest hoc certo probari. Precipuum enim fundamentum Sententiæ Thomisticæ est illud Axioma Aristotelicum supra relatum, quod naturaliter loquendo principium multiplicationis indiuiduorum intra eandem speciem sit materia signata, siue affecta quantitate; quod tamen hodie extra Scholam S. Thomæ non est communiter receptum.

Aduerto secundo quod licet ex illis 4. capitibus relatis non habeatur, quod Natura Angelica exigit multiplicationem indiuiduorum intra eandem speciem, non tamen inde rectè colligi quod non exigatur, aut saltem si non exigitur quod non possit haberi, etiam operante Deo solum vt Auctore Naturæ, prædicta multiplicitas; nam vltra illa 4. posset assignari ex parte Naturæ Spiritualis indifferentia, quam habet vt sit vel in vno, vel in pluribus indiuiduis: Ex parte Agentis potest Assignari Scientia, Voluntas, & Omnipotentia Diuina, quæ sunt attributa Dei non alligata etiam naturaliter operando ad producendum magis vnum solum, quam plura indiuidua. Denique ex parte finis posset assignari etiam pulcritudo Vniuersi, &

non sola conservatio speciei; quemadmodum enim in sententia valde probabili ponuntur plures celi eiusdem speciei; ac etiam plura sydera intra eandem speciem etiam ab illis, qui ponunt illa esse incorruptibilia; itaut tota diuersitas, quæ in eis apparet, non ex differentia specifica; sed vel ex differentia indiuiduali, vel ex differentiis accidentalibus proveniat, tam in figura, quam in coloribus, vel etiam in operationibus quemadmodum in his indiuiduis corruptibilibus videmus intra eandem speciem maximam diuersitatem, & varietatem in his omnibus, quibus positus.

Dico tertio tres esse plausibiles sententias circa questionem de facto nam Thom. tenent omnes Angelos de facto differre specie. Alij omnes esse eiusdem speciei. Alij verò dari plures species, & intra quamcumque speciem dari plura indiuidua, & vnamquamque ex his tribus sententijs habere Patronos graues, & rationes probabiles non contemnendas.

Prima Sententia, quæ est communis inter discipulos S. Thom. & à qua solū nostrum Franciscum Syluestrum Ferrariensem lib. 2. contra Gentes c. 55. scio discessisse: quam etiam sequuntur noster B. Egidius quodlib. 2. qu. 2. & noster Thomas Argentina in 2. dist. 3. qu. 2. art. 2. Probatur ab illis primo hac ratione.

Quando non constat Deum de facto fecisse aliquid de potentia absoluta, dicendum est fecisse id; quod conueniebat, & exigebat natura rei, secundum propriam naturam, & principium; sed non constat de facto Deum per absolutam potentiam, vel omnes Angelos, vel aliquos solo numero differentes creasse; constat autem ex supradicta Doctrina eorumdē Thom. multipliciter numericam non exigere naturam Angelicam secundum rationem speciei, & propria principia naturalia; ergo dicendum est omnes Angelos differre specie. Maiorem probant, quia Deus secundum potentiam ordinariam operatur modo proportionato, & accommodato rebus, & iuxta exigentiam ipsarum; hoc enim pertinet ad perfectionem ipsarum rerum, & totius Vniuersi, ut quod à Deo factum est, sit perfectum. Minor probatur, quia hoc non constat, ex S. Scriptura; nam quod in ea dicatur multos Angelos ministrare Deo, mitti ad custodiendos homines, vel ad alia munera obeunda, & quod omnes Angeli Sancti simul cum hominibus Beatis constituent vnam Rempublicam, siue Ciuitatem Sanctam Hierusalem, non arguit pluralitatem numericam intra eandem speciem; nam hæc omnia stare possunt cum diuersitate specifica singulorum Angelorum inter se. vtrumque enim stare potest cum diuersitate specifi-

ca naturæ; ratioque ministerij non est potius huius naturæ intellectualis, quam alterius, ut videre est in hominibus, & Angelis; pendet namque ex voluntate Dei; Et societas ipsa Patriæ cælestis magis fundatur in communicatione gratiæ, quæ non postulat identitatem specificam in Natura, quam in ipsa identitate specifica naturæ. Probatur secundo, quia sicut sub genere substantiæ corporeæ constat esse diuersas species Naturas, ita videtur consentaneum rationi, quod admittatur etiam sub genere Substantiæ spiritualis diuersas species, & sicut Vniuersitas Substantiarum spiritualium cum sit longe perfectior vtraque, & multiplicatio numerica non sit per se intenta, sed ob conseruationem speciei, nec per se faciat ad perfectionem Vniuersi, cui sit multiplicatio materialis, non verò formalis, qualis est specifica, necesse erit dicere omnes Angelos inter se specie differre.

Secunda Sententia in qua dicitur omnes Angelos cuiusque ordinis, & Hierarchiæ esse eiusdem speciei, & solo numero differre, est S. Basilij lib. 3. contra Eunomium, quem sequuntur B. Alb. Magn. parte secunda Tract. 2. qu. 8. Sanctus Bonauentura in secundo dist. 3. art. 2. qu. prima vbi cum S. *Respondeo dicendum* sub num. 27. marginali reuolueret Sententiam Thomistarum subdidit. *Nobis nec per Scripturam, nec*

*per dicta SS. nec per Officia innoscitur tanta diuersitas; ideo non videtur nisi præsumptio hoc dicere, maxime cum non appareat in promptu aliqua ratio cogens. Subiungit postea opinionem suam sic. Alia est positio sobria, & Catholica, quod in Angelis est ponere distinctionem quantum ad personalitatem tantummodo, aut in omnibus, aut in aliquibus, & concedenda sunt rationes ad hoc inductæ tum ex parte ministerij, tum ex parte assimilationis ad Deum, tum ex parte assimilationis mutue. Probatur hæc Sententia ratione satis valida deducta ex Doctrina S. P. qui in Enchiridione cap. 29. Respondens Quæstioni cur Deus voluerit reparare ruinam hominum, non verò ruinas Angelorum R. *Placuit itaque Deo ut quoniam non tota multitudo Angelorum Deum deserendo perierat in perpetua perditione remaneret &c. Alia verò creatura rationalis &c. quoniam peccatis, & originalibus, & proprijs tota perierat ex parte reparata, quod Angelicæ Societati ruina illa diabolica minnerat superpleret. At si tota Natura alicuius speciei saluaretur in vno indiuiduo, iam pereunte vno Angelo tota natura illius speciei periisset; Ergo dicendum est totam aliquam Naturam specificam non saluari in Angelis in vno indiuiduo; sed vel omnes, vel saltem plures Angelos solo numero differentes contineri intra eandem speciem. R. Aliqui Thomistæ ex**

Doctrina, quam tradit S. Tho. in Q. de spiritualibus creaturis art. 3. ad primum S. P. N. A. non comparare naturam humanam cum Angelica in Naturalibus, quia ista non perierunt in Dæmonibus, sed in Beatitudine supernaturali, secundum quam solum perierunt, & in hoc docere S. P. distingui totam naturam Angelicam ab humana ex diuersis modis perueniendi ad illam; Omnes enim Angeli conueniunt in hoc quod per unam electionem acquirunt, vel perdunt Beatitudinem irreparabiliter; homo autem discursu temporis paulatim illam acquirit, vel perdit, & ideo absurdum fore totum hunc ordinem deficere ab illa Beatitudine, cum alter totus non defecerit. Hæc tamé explicatio, salua pace, & veneratione quam profiteor DD. qui ea vtuntur, est nimis violenta; nam modus acquirendi ipsam Beatitudinem, cum sit via ad ipsam, est extra Essentiam, & quidditatem ipsius Beatitudinis. Præterquam quod non repugnat, quod aliquis homo vnico actu electionis in extremo suæ vitæ constitutus in vltimo instanti Beatitudinem acquirat, vt rectè probat Noster P. Ioannes Gregorius à Iesù Maria in suo Opusculo de vltimo instanti; immò aliquibus sic contigisse quandoque apud Sacros Historicos habetur: ex quo patet mentem, & rationem S. P. esse quod non erat conueniens in illa Monarchia Spiritu-

tuali Summi Regis deesse aliquam speciem ex spiritualibus creaturis.

Probatnr secundo auctoritate S. Basilij qui lib. 3. contra Eunomium, cum iste Hæreticus obiecisset, *Spiritum S. esse naturæ diuersæ à Patre, & Filio*, quandoquidem ordine est vltimus in Diuinis personis; R. S. D. hoc non sequi; nam constat in Angelis esse Ordinem, & tamen vltimum Angelum non idcirco esse diuersæ naturæ ab alijs. Probatnr tertio auctoritate S. Athanasij qu. 4. ad Antiochum, vbi ait; *Vna est, & eadem essentia Angelorum: sicut etiam vna tantum est Essentia hominum.*

Tertia Sententia, quæ hodie videtur esse plausibilior extra scholam S. Tho. est, nec omnes esse diuersæ speciei, nec omnes omnino esse eiusdem speciei; sed in quacumque specie dari plures Angelos eiusdem speciei. Diuisionem harum specierum aliqui pro suo arbitratu petunt ex diuersitate Hierarchiarum. Alij ex diuersis choris &c. Prædictam sententiam dicunt esse S. Cirilli lib. 3. Thesauri, quem sequuntur Aletius secunda parte qu. 20. memb. 6. art. 1. & 2. Gabriel Dyonisius Carthusianus, & Marsilius in secundo dist. 3. qu. 3. & serè omnes Scotistæ, nec non, & serè omnes DD. societatis. Prebatur communiter hæc assertio; oprimo quia ordo, & pulchritudo Vniuersi videtur talem varietatem postulare; vt patet in diuersis animalibus.

diuiduis eiusdem speciei in rebus inferioribus; secundo quia cum fides doceat inter Angelos varias esse Hierarchias, & ordines, & propterea magnam dignitatis diuersitatē, colligitur valde probabiliter essentialis, & specifica diuersitas inter ipsos ordines, quod licet aliqui refundant in diuersitatem gratiarum pro libito Diuinæ voluntatis; Nihilominus cum dona gratuita sint Angelis collata iuxta proportionem donorum naturalium, iuxta D. Tho. videtur dicendum in tanta multitudine eos, qui magis conueniunt in meritis gratiæ, conuenire etiam in prædicationis eiusdem naturæ specificæ. Probant alij ex eo, quod ideò dicuntur homines prædestinati ad reparandas ruinas Angelorum, quia proportionaliter gradus gloriæ hominum responsurus sit gradui gloriæ quem habuissent Angeli mali, si non cecidissent, ita ut sicut innumeri infantes post Baptismum morientes sunt habituri æquale præmium, ita & plures Angeli mali, si non cecidissent, cum illis fuisset collata gratia iuxta proportionem naturalium: consequenter prædictos Angelos esse solo numero differentes, sicut sunt ipsi infantes. Verum nec etiam ista ratio conuincit; nam Beatissima Virgo est Prima inter puras creaturas: quæ reparat ruinas Angelorum, & tamen ipsa sola habet plus gratiæ, & gloriæ quam habuerint non solum

Angeli, qui ceciderunt, sed omnes Angeli simul. Vbi etiam obiter aduerto non esse certum, quod solum tot homines sint saluandi, quot Angeli perierunt; neq; hoc docet S. P. & S. Anselmus; vt aliqui volunt, ex lib. 22. de Ciuit. Dei cap. primo, & ex libr. Cur Deus homo &c. docent enim solum per homines electos reparandas ruinas Angelorum; sed an alij supra prædictum numerum sint saluandi nec ne, non dicunt, vt legēribus prædicta loca clarum fiet; immò S. P. in cap. 29. Enchiridionis: Notitiam huius numeri hominum saluandorum reseruat solum cognitioni Diuinæ, quod non faceret, si solum tot saluandos esse putaret, quot sunt Angeli, qui perierunt: hoc enim pacto numerus horum hominum saluandorum posset naturaliter sciri ab Angelis cognoscentibus numerum dæmonum, quem tamen in sola visione Beatifica cognoscituros Angelos bonos, & Sanctos in finem docet idē S. P. in Enchiridione cap. 61, immò S. Isidorus lib. primo de Sum. bono cap. 2. nu. 13. dicit soli Deo esse notum conformiter ad dicta S. P. in cap. 29. eiusdem Enchiridionis. Vide S. P. lib. 22. de Ciuit. Dei cap. primo, & S. Anselmum lib. cur Deus homo cap. 18.

In hac sententiarum varietate puta hoc esse problema quod pro libito in quauis ex prædictis sententijs possit sustineri, cum præcisa auctoritate

tate prædictorum SS. & aliorum DD. non habeamus maius fundamentum pro vna, quam pro alijs sententijs. Propterea optimè docuit S. P. lib. contra Priscillianistas cap. ultimo; vnde desumptum est Axioma pro fundamento huius dubij: hoc soli Deo esse notum, & parū referre ad Fidem Catholicam quidquid dicatur de hære. Hoc idem post ipsum docuit S. Ioannes Damascenus lib. 2. de Fide Orth. cap. 3. vbi non per transitum: sed ex professo de hac re agit. Præterea S. Pater Noster in lib. 12. de Genesi ad litteram de hoc

puncto agens perperis singulorum rationibus, & fundamentis, concludit. *Potest fieri ut etiam in spiritualibus, vel intellectualibus multos quosdam gradus quisquam esse contendat, aut ipsos, si possis, ostendat; eosque distinctos iuxta aliquem prouectum magis, vel minus reuelationum illustriū; Sed utcumq; se ista habeant, accipiantur, ut libet ab alio sic, &c. ab alio aliè sic. Quot, & quanta singulorum sint generū differentia, ut in uno quoque aliud alio gradatim superferatur, ignorare me fateor:*

Et Ego quoque cum S. Patre.

AXIOMA QVINTVM.

De Numero Angelorum.

Ex Enchiridione ad Laurentium Cap. 29.

Sperna illa Hierusalem mater nostra Civitas Dei, nulla civium suorum numerositate fraudabitur, sed uberiore etiam copia fruat se regnabit. Neque enim numerum, aut Sanctorum hominum, aut immundorum Demonum novimus, in quorum locum succedentes filij S. Matris Ecclesia, qua sterilis apparebat in terris in ea pace, de qua illi ceciderunt, sine ullo temporis termino permanent. Sed illorum Civium numerus, siue qui est; siue qui futurus est in contemplatione est eius Artificis, qui vocat ea quæ non sunt, tamquam ea quæ sunt, atque in mensura, & numero, & pondere cuncta disposuit.

D V B I V M

An Angeli sint in magno numero.

Dico primo esse de fide, Angelos esse in magno numero, quod probatur primo Auctoritate S. Scripturæ, Danielis enim cap. 7. habet.

habetur. *Millia millium ministrabant ei, & decies centena millia assidebant ei.* & Iob. 25. *Numquid est numerus militum eius?* & Matth. cap. 25. *An putas quia non possum rogare Patrem meum, & exhibebit mihi modo, plusquam duodecim Legiones Angelorum.* & Lucæ cap. 2. *facta est cum Angelo multitudo militum celestis &c.* Probatum secundo ratione, qua vitur S. Thomas prima parte qu. 50. Artic. 3. in corpore, Quod aliqua sunt perfectiora, eo in maiori excelsu sunt creata, ut patet in corporibus celestibus ratione magnitudinis; perfectio enim Vniuersi est principaliter intentata: sed Angeli inter omnes creaturas sunt perfectissimi: ergo sicut cæli superant magnitudine, ita Angeli debent superare multitudine res inferiores.

Dices, Aurum, & Lapidès pretiosi sunt nobiliora mixtis, ut patet, & tamen ab istis illa superantur in magnitudine, & multitudine; Ergo non est vniuersaliter verum, ea quæ sunt perfectiora esse creata in maiori excelsu. Respondent Thomistæ, prædictam propositionem esse veram de entibus nobilioribus secundum gradum ordinis, non vero secundum specificum; ac proinde cum aurum, & lapides pretiosi simul cum omnibus alijs mixtis faciant solum vnum gradum ordinis; habent enim eundem modum essendi, & permanendi in esse, & participandi

esse; ac proinde non potest fieri comparatio inter ista. Hæc responsio supponit illam Deitatem communem, quam tradunt Thomistæ nempe, quod perfectio vniuersi spectatur penes varios gradus, & ordines rerum, qui sumuntur ex modis essendi; cum enim perfectio cuiuslibet rei constituat differentiam graduum rerum, quæ pertinent ad perfectionem vniuersi, quæ differentia debet sumi per ordinem ad varios modos essendi, vel differentia ipsius esse; variatur autem modus ipse essendi ex ordine, & potentia ad esse; nam in triplici gradu, & ordine possunt esse ea, quæ participant esse; aliqua enim ita participant, ut non habeant in se aliquid, quod sit ens in potentia tantum, ut sunt Angeli, loquendo de potentia subiectiua, & substantiali.

Aliqua ita participant esse, ut habeant in se partem materialem, quæ est essentialiter ens in potentia; ita tamen, ut huius potentialitas sit completa per vnicam formam, ut sunt corpora celestia; vel habent materiam, cuius potentia non completur per vnicam formam, sed per plures successiue, ut iunt corpora sub-lunarium; differunt verò ista in esse per D. Thomam lib. 10. Metaph. lect. 9. per esse corruptibile, & incorruptibile; illud enim potest etiam per vires agentium naturalium naturaliter, & ordinariè operantium non esse; hoc verò non potest non esse

esse nisi per omnipotentiam Dei illud annihilantis, vel extraordinariè operantis. Hoc esse incorruptibile, vel est omninò separatū ab eo, quod est potentia ad esse, modo supra explicato, vt Angeli, vel est coniunctum cum eo, vt cæli; & sic patet, quomodo, esto ponantur cæli incorruptibiles, adhuc habent Angeli gradum ordinis, & modum essendi nobiliori modo participatum; cum sint in supremo gradū, & ordine modi essendi, ex tribus assignatis; & quomodo prædicta instantia de Aureo; & Lapidibus pretiosis, non conuincat falsitatem Regulæ assignatæ; cum comparatio sit faciendæ solum penes tres gradus in toto vniuerso. Hæc Doctrina est valde speciosa, sed non recepta communiter nisi in Schola D. Thomæ, primo quia adhuc vertitur in controuersiam inter Discipulos S. Thomæ, & S. Bonauenturæ, an detur in Angelis materia propriè dicta, vt supra visum est.

Secundo quia incertum est, an cæli sint corruptibiles, vel de facto etiam aliquando corumpendi. Nō nego tamen quin sit valde probabilis; ex qua saltem duos modos, & gradus essendi possumus constituere. Alterum incorruptibilē, & hunc Angelorum, & Animarum rationalium, ac etiam materiæ primæ, quæ solum per annihilationem possunt desinere. Alterum verò corruptibilem, in quod ponantur omnia com-

posita physica substantialia, si corpora cælestia sunt corruptibilia, & ex proportionē magnitudinis, quæ habent corpora cælestia ad alia, corpora excedendo istas, satis probabiliter arguere excessum multitudinis, & numeri Angelorum, respectū horum inferiorum; tãto magis quod S. Dionysius Areopagita, cui multum deferunt Scholæ, cum agitur de Angelis in lib. de Cælesti Hierarchia cap. 14. docet numerum Angelorum excedere numerum rerum materialium; Ait enim *Multis sunt Beati Cælestium mentium Exercitus, qui infirmum, & contractum numerum corporeorum quibus utimur modum superant, & transeunt, atque scilicet desinuntur à sola earum summa, Cælestique intelligentia, ac scientia, &c.* Ex quo loco colligitur rectius sensisse de multitudine Angelorum excedente numerum omnium indiuiduorum huius vniuersi, eos qui admittunt talem excessum, inter quos, non solum est Lyranus, sed etiam D. Thomas parte prima qu. 50. art. 3. in corp. vbi ait, *dicendum est quod etiam Angeli secundum quod sunt immateriales substantie in quadam multitudine maxima sunt, omnem materialem multitudinem excedentes.* Et utitur pro suo intento prædicto loco D. Dionysij; quam modernos illos, qui illum negant, quibus miror adhæsisse Io. Baptistæ Gonnet tom. 6. disp. 2. Artic. 2. §. 2.

ut certum; cum tamē se Thomistam ex seuerioribus profiteatur, tanto magis quod ipse Angelicus Doctor finem corporis dicti articuli claudit his verbis. *Vnde rationale est, quod substantia immateriales excedant secundum multitudinem substantias materiales, quasi incomparabiliter.* Aliqui exponunt hæc loca S. Dionisij, & S. Thomæ de excessu specierum, non verò de excessu singulorum indiuiduorum; tanto magis quod ipse Angelicus Doctor qu. 6. de Potentia, artic. 6. ait, *substantia incorporea ut dicit Dionysius 14. cap. Cælestis Hierarch. omnem multitudinem specierum materialium transcendunt.* & quidem eos excedere numerum omnium specierum rerum materialium patet, quia singulis speciebus earum sunt assignati singuli Angeli tutelares, ut docent S. P. N. Lib. 85. qu. 16. Origenes hom. 13. in lib. Numer. S. Gregorius Nazianz. Oratione de Theol: Theodor. lib. de Diuinis decretis cap. de Angelis; & est communis apud Theologos, & præter illos sunt alij deputati singulis hominibus, ut habetur in actibus Apostolorum cap. 12. *Angelus eius est;* & Math: cap. 18. *Angeli eorum semper vident faciem Patris;* vel singuli singulis, vel etiam vni plures, vel boni, ut asserit idem S. Tho. prima parte qu. 113. artic. 2. ad primum, & colligitur ex illo Zachar. cap. 3. *dabo tibi ambulantes de his*

qui nunc hic assunt, ut exponit Ribera, vel vnus bonus, alter malus ad hominum iustitiam, & exercitium, ut ait S. Hieronym. in cap. 18. S. Matthei; præter quos sunt, & alij deputati singulis Regnis, & Prouincijs iuxta illud Daniel: *Princeps Persarum;* ac etiam singulis Urbibus, & Communitatibus, ut docet S. Tho. loco mox citato. Præter quos sunt etiam Motores Orbium Cælestium. Præter hos sunt alij adstantes ante Deum quasi expectantes quid illis præcipiatur ad mundi gubernationem, cui præsent, ut habetur Apoc. cap. 5. vbi dicuntur septem Spiritus missi in omnem terram. Denique sunt plurimi alij præter ministrantes qui dicuntur assistentes, iuxta illud Danielis cap. 7. *Decies centena millia assistebant ei.* qui ut docet D. Greg. lib. 2. moral. cap. 3. soli secreta Diuinorum mysteriorum in ipsa claritate Diuinæ essentiae percipiunt, & per illos alijs denunciantur; Propterea solum illi supremæ Hierarchiæ dicuntur assistentes, & hi nunquam dicuntur missi, sicut nec etiam Dominationes, quod intelligitur de missione locali, & exteriori; non autem de quacumque præsertim directiua; ut docent S. Thom. in cap. primum ad Hebr. & prima parte qu. 112. art. 3. & 4. & S. Dionysius cap. 7. & 8. de cælesti Hierarch. & D. Gregor. hom. 34. in Euang. Ex quibus patet excessus valde notabilis

H

lis

lis omnium Angelorum collectiue sumptorum supra omnes species, de quo non est dubium. Verum quod hæc solum fuerit mens D. Thomæ in dicto artic. 3. qu. 50. partis primæ, ut vult Gonet loco citato, & alij cum ipso, & ante ipsum, non credo; do quidem, quod in dicta questione de potentia faciat mentionem de multitudine specierum; nam si excedunt numerum omnium indiuiduorum profecto excedunt etiam numerum omnium, specierum materialium, sed aduerto in hoc eodem loco dici signanter *omnem multitudinem specierum materialium*, per quod videtur significari non solum excedi numerum ipsarum specierum, sed etiam numerum quorumcumque indiuiduorum, in quibus sunt prædicata specifica cuiusque speciei materialis, sed quidquid sit de hoc; aduerto vltius in artic. 3. qu. 50. supra citato, sili studio, illud verbum specierum; & dicit *omnem materialem multitudinem excedentes* non enim excederetur omnis materialis multitudo, nisi excederetur multitudo omnium, & quorumcumque indiuiduorum quarumcumque specierum. Præterquam quod ratio ipsa D. Thom. & paritas de corporibus cælestibus in ordine ad hæc inferiora nihil concluderent, si comparatio esset solum faciendæ cum speciebus non verò cum singulis indiuiduis quarumcumque spe-

cierum. Ratio enim est quia perfectio Vniuersi est illud; quod Deus intendit in creatione rerum, & propterea quanto aliqua sunt magis perfecta, tanto sunt in maiori excessu creata; non esset autem tam notabilis excessus, si solum excederet numerum specierum, non vero etiam numerum omnium indiuiduorum; nam etiam guttæ maris, & arenæ litoris excedunt hunc numerum; non ergo casu filuit hic S. Thom. species sicut etiam lib. 2. contra Gen. cap. 92. Nec etiam comparatio corporum cælestium, cum inferioribus ali quid probaret, corpora enim cælestia magnitudine superant magnitudinem cuiusque corporis singularis, & cuiusque indiuidui corporei.

Dices, ex Deut. cap. 32. habetur, quod Deus constituit terminos populorum iuxta numerum filiorum Dei, idest Angelorum, ut explicant communiter DD. quem locum exponens D. Gregorius ait, Angelos Beatos tot esse, quot sunt Electi ad Patriam ex hominibus; sed homines electi ad gloriam non excedunt numerum indiuiduorum quarumcumque specierum; ergo nec etiam Angeli, & cum Lirano locum illum ad litteram esse intelligendum de diuisione gentium facta à Deo occasione confusionis linguarum, de qua Propheta immediatè ante loquitur cum ait, *Quando diuidebat Abrissimus gentes, quando separabas filios*

Adam

Adam quando scilicet confudit linguas eorum, vt vnus alterum non intelligeret, & tunc diuisi sunt in varias gentes, & linguas, & tot constituta, quot ex filiis Israel ingressi sunt *Aegyptum*, qui fuerunt 70. Illud quod asseritur ex D. Gregorio non est certum, nec recipitur communiter; nam cum omnes habeant suum Angelum tutelarem, & præterea sint alij multi, vt cum plurimis SS. PP. vidimus supra, necesse est dicere numerum Angelorum in notabilissimo excessu superare numerum electorum; tanto magis quod non solum electi, sed etiam reprobj habent suum Angelum Custodem, & in communiore sententia idem Angelus non mittitur successiue ad custodiendos plures homines; itaut vno defuncto deputetur ad custodiendum alterum nasciturum. Confirmatur primo ex doctrina Patrum in cap. 18. Matthei vbi habetur parabola de 99. ouibus relictis in deserto, & centesima cum magno labore requisita, & inuenta, quam S. Ireneus lib. 3. cap. 21. & 29. & Origenes hom. 2. in Gen. & 7. in Iosue. S. Cyrillus Hierosolimitanus Cathedesi. 15. S. Amb. in Apologia Daudica cap. 5. S. Hilarius ad dictum locum S. Matthei, S. Greg. loc. citato, & S. Athan. qu. 2. qui per nonaginta nouem intelligunt numerum Angelorum, & per vnã deperditam Naturam humanam, Præterea Dyonisius Carthus, in co-

ment. lib. de cælesti Hierarch. S. Dyonisij Areopagitæ ad cap. 14. refert quamdam reuelationem factam Sanctæ Birgittæ, quod tot sunt Angeli, vt vniciuique hominum decem Angeli possint assignari ad custodiendum &c. Loquitur autem ibi de Angelis infimi Chori, quibus est appropriatum nomen, quod est commune omnibus; nam alij non mittuntur ad custodiendos homines singulares, nisi vel ratione officij, vel ex speciali Dei priuilegio, quo pacto pie creditur B. Virg. fuisse in Custodem deputatum S. Gabrielem, qui & Archangelus nominatur, & de Choro Seraphim esse communiter docetur, & hoc de solis Angelis bonis; nam & mali sunt etiam ipsi in magna multitudine, itaut aliqui arbitrentur eos esse tertiam partem Spirituum creatorum ex illo Apoc. vbi dicitur quod Draco traxit cauda tertiam partem stellarum; vbi nomine stellarum accipiuntur cõmuniter Angeli; quibus positis,

Dico secundo definitum numerum Angelorum à nobis sciri non posse, ita vt S. Hier. in expositione illius capituli septimi Danielis *Milia Millium &c.* dicat positum esse ibi numerum finitum pro infinito, & hoc indicant verba illa Iob. 25. *Numquid est numerus militum eius.* Hoc idem docent alij PP. idest S. Ioan. Chrysostomus hom. 2. contra Anomæos S. Anselmus in cap. 7. Apoc. S. Greg.

Mag. lib. 17. Mor. cap. 7. S. Basilii lib. de vera Virginit. S. Dionysius Areopag. lib. 6. de cælesti Hierarch. cap. 14. vbi dicit talem numerum soli cælesti intelligentiæ notum esse; idest vel Deo; vt exponit Hugo de S. Viçt. vel ipsi Angelo, vt exponunt Alëxis, & Alb. Mag. quod etiam licet non ita clarè videretur indicare S. P. in Ench. cap. 61. Probatur etiam ratione; quia talis nume-

rus pendet, ex sola voluntate Dei; ac proinde non potest cognosci nisi ex reuelatione Diuina, quæ nulla extat de hac re; neque enim habemus talem numerum expressum in Scripturis; vel ex traditione Ecclesiæ, aut P. P. neque euidentia ratione colligi potest, cum Angeli sint perfectissimæ substantiæ, quæ primo, & per se fuerunt propter Deum conditæ.

AXIOMA SEXTVM.

Angelus Natura sua respectu potentia creata est immortalis, & incorruptibilis.

Ex Lib. 2. de Ciuitate Dei Cap. 16.

IN his, quæ intelligunt, præponuntur immortalia mortalibus, sicuti Angeli hominibus, sed ista præponuntur naturæ ordine.

D V B I V M

Vtrum Angeli natura sua sint incorruptibiles.

HÆc est vna ex illis disputationibus in quibus explicatis terminis nulla remanet quæstio, quod maximè in præsentia præstandum est propter diuersos modos loquendi PP. & DD. propterea.

Dico primo: corruptibile, & incorruptibile tripliciter sumi posse. Primo pro eo quod in se habet prin-

cipium alicuius mutationis siuè substantialis, siuè accidentalis, & hoc modo Angeli non sunt incorruptibiles, nec immortales; quia omnes sunt mutabiles accidentaliter secundum operationes intellectus, & voluntatis, & possunt mutari de bono in malum, vt patet in Angelis qui ceciderunt. Vnde Iob cap. 4. dicitur

Ecce

Ecce qui seruiunt ei non sunt stabiles & in Angelis suis reperit prauitatem, & S. Athan. in cōp. de Spiritu S. ait In creatis nihil esse Natura immutabile cum Angeli non serauerint suum ordinem, Diabolus ceciderit de caelo; Adam si prauaricatus, & omnia alterentur; hæc tamen acceptio est valde ampla, & in cōmuni vlu loquendi non ita propriè vsurpata. Secundo sumitur corruptibile pro eo, quod habet in se principium corruptionis propriæ dictæ; quæ fundatur in parte physica, & conuenit corporis per ordinem ad agens naturale; hoc modo Angeli non sunt ex natura sua corruptibiles, aut mortales; à nulla enim creatura possunt naturaliter destrui, & hoc intendebant P. P. quando asseruerunt Angelos esse ex natura sua incorruptibiles, & immortales. S. Dyon. Areop. cap. 4. de Diuinis nominib^{us} D. Iulianus lib. primo de futuro sæculo cap. 2. in Bibliot. PP. S. Athan. lib. p. de communi Essentia Patris, Filij, & Spiritus Sancti, & S. Ioannes Damascen. lib. p. Institutionum cap. 7. quos se iungunt communiter Scholastici, & præcipue S. Thomas prima parte qu. 50. art. 5. in quo etiã sensu definitum est in Conc. Later. id quod habetur in Bulla Leonis X. idest animas rationales esse immortales, quod multo magis valet in Angelis; cum sint natura superiores: definiuit enim ibi Pontifex con-

tra illos philosophos: seu Atheos, qui dicebant animas simul cum corporibus interire, & eandem esse causam corruptionis vtriusque: quam definitionem collegit ex illo D. Matthei cap. 10. vbi dicitur Christianis, nè timeant eos qui occidunt corpus, animam autem non possunt occidere; sed potius timeant eum, qui & Animam, & Corpus potest perdere in Gehennā, quod plane intelligitur de corruptione in ordine ad causam secundam. Tertio potest sumi corruptibile, & mortale pro eo, quod non habet repugnantiam ex natura sua, vt possit à Deo annihilari, à quo pendet in esse, & conseruari; quæ corruptibilitas à Caierano appellatur potentia Logica; non ex eo, quod sit solum per intellectum; sed quia non fundatur in aliqua parte rei Physica, & substantiali contradistincta realiter ab altera comparte, vt fundatur corruptio corporum; sed habet pro fundamento totam entitatem rei, & hoc modo etiã Angeli sunt natura sua corruptibiles, & mortales, quia ex natura sua non repugnat illis à Deo annihilari, & possent de facto, si Deus vellet; nec potest illis hoc modo communicare incorruptibilitatem, sicut non potest communicare creaturæ, quod non egeat sua conseruatione; vt docet S. Thom. qu. 5. de Potentia, artic. 2. Hoc est illud quod docuerunt PP. qui dixerunt Angelos esse natura sua

sua corruptibiles, & mortales, & solum esse incorruptibiles, & immortales per gratiam. Ita S. Io. Damasc. lib. 2. de fide Orth. cap. 3. Sophronius in sua Epist. quæ habetur in sexta Synodo Generali Constantinopolitana art. 2. S. Cyrillus lib. 2. contra Iulianum, & l. 8. Thesauri cap. 2. S. Ambrosius lib. 3. de fide ad Græganum cap. 2. S. Ireneus lib. 2. contra hæreses cap. 2. & S. Iustinus Martir. lib. 99. qu. 23. ipsosque in hoc sensu locutos fuisse, patet ex rationibus, quas illi adducunt; nam S. Cyrillus, & S. Io. Damasc. adducunt hanc, quod omne quod cepit esse, potest natura sua desinere esse. S. vero Gregorius, quia omnis creatura ex nihilo facta est, quod autem est tale, per se ipsum tendit ad nihilum: quod antea sepe docuerat S. P. N. Sanctus autem Iustinus, quod Angelorum immortalitas, ex alterius voluntate dependet. Consequenter ad horum PP. doctrinam, Scotus, S. Bonaventura, Ricardus, OKam. & Gabr. in secundo dist. 3. docent omnem creaturam ex se esse mutabilem, & accidentaliter, & substantialiter. Præ clariori dictorum intelligentia, tria in hoc puncto, sunt valde observanda.

Primum est huiusmodi corruptibilitatem Angeli respectu Dei non esse solam denominationem extrinsecam à Potentia actiua Dei; sed esse veram, & realem potentiam sun-

datam in natura rei, sine vlla tamen inclinatione ad non esse; cum enim omnis inclinatio sit ad bonum, non potest dari potentia inclinans ad non esse, quod de se est malum; & hoc est quod intendunt PP. cum dicunt Angelos esse natura sua corruptibiles, & solum per gratiam incorruptibiles; & quod cepit, posse etiam ex sua natura desinere; & probari solet ea ratione, quæ vtitur S. Tho. prima parte q. 25. art. 2. & Henricus quod lib. 6. & 8. qu. 3. quia non ideo solum res est possibilis, quia Deus potest illam facere; sed etiam quia non repugnat, nec est implicantia, in prædicatis talis rei; & præterea quia obiectum est prius potentia, si non realiter, saltem ratione, cum ista ab illo specificetur, & denominetur, ita & res est annihilabilis, non ex eo solum, & præcise, quia Deus potest illam annihilare; sed præterea quia ob eandem rationem non est repugnantia, & consequenter est potentia obiectiua, seu Logica in ipsa re ut possit annihilari. Thom. contendunt huiusmodi potentiam esse solummodo obedientialem, & hoc de mente S. Thom. ita ut P. Io. Baptista Gonet. tom. 6. disp. 2. art. 4. S. ex quibus redarguat Arriagam eo quod disp. 2. de Angelis, Sect. 6. subsect. prima dixerit rationem D. Thom. probare quidem Angelos corruptione propriè dicta destrui non posse, & per annihilationem destrui non posse

posse minime probare. quasi non penetrauerit profundum discursum S. Thom. Quæstio. est de voce.

Secundum quod aduerto, est axiomata illa PP. in quibus dicitur Angelos esse incorruptibiles, & immortales per gratiam Dei, non esse intelligenda de gratia habituali iustificante; nec de gratia actuali supernaturali requisita ad operandum bene, quam S. P. Augustinus, & PP. Concilij Mileuitani contra Pelagiū, statuerunt requiri, præter illam gratiam, quam hæreticus ille vocabat donum creationis. Sed esse intelligenda de dono conseruationis; nam Conseruatio non est Angelis debita, vt obseruat Albertus Magn lib. de quatuor Coeuis. qu. 5. artic. 3.

Tertium, quod aduerto, est per gratiam immortalitatis, & incorruptibilitatis Angelis communicatam PP. non intelligere negationem potentie ad defitionem simpliciter, eo quod talis potentia, vel consideratur in Angelis in ordine ad Deum, vel in ordine ad causas secundas. Si primum Angelus per gratiam immortalitatis ex liberalitate Dei illi collatam non amittit naturalem potentiam suæ naturæ, adhuc vt possit destitui; manet enim semper subiectus Omnipotentie Dei; nec potest communicari illi à Deo carentia talis subiectionis in ordinem ad conseruationem sui; alias enim exime-

retur à dominio absoluto Dei; quod implicat. Si vero negatio talis potentie consideretur respectu cuiuscumque Creaturæ, neque hoc modo potest dici, Angelum esse incorruptibilem per gratiam; quia hoc modo est ex natura sua incorruptibilis, & immortalis, Sensus ergo illorum PP. est; negationem actus destructionis, seu annihilationis cum potentia tamen ad illum esse ipsis Angelis gratuitam; gratia est enim Angelis, quod non annihilentur, aut destruantur, cum possint destitui, & annihilari; Non posse autem destitui, & annihilari villo modo; non est illis gratia, talis enim gratia est illis, & cuiuscumque Creaturæ incommunicabilis; & soli Deo ex natura sua conuenit, iuxta illud ad Thimoth. cap. 6. *Qui solus habes Immortalitatem*, quia nec desinit esse; nec ab villo destitui potest, quibus positis.

Quæritur hic: posito quod Deus nullam substantiam sit annihilaturus, vt colligitur ex illo Ecclesiastici cap. primo, *terra autem in æternum stat*, & ex cap. 3. *Omnia opera quæ faciit Deus perseverant in æternum*. Et quod Deus operetur secundum potentiam ordinatam, & secundum modum proportionarum, & connaturalem naturis rerum; an dici possit Angelos esse Natura sua incorruptibiles etiam respectu Dei sic operantis. In quo.

Prima sententia est aliquorum.
Tho.

Thomistarū affirmantium; qui putāt esse de mente S. Tho. prima parte qu. 50. artic. 5. ita Caietanus ibi. Sotus in quarto dist. 43. qu. 3. art. 8. concl. 1. & Medina in prima secundæ qu. 8. art. 4.

Secunda Sententia est communis extra Thomistas; eamque tuentur communiter recentiores propterea. Dicendum est; Angelos etiam suppositis illis duabus condicionibus esse natura corruptiles respectu Dei solummodo. Probat̃ur primo; quia. Decretum de non annihilando Angelos est gratia illis facta; sed solummodo tollit actum, & relinquit potentiam, vt dictum est. Ergo &c. Probat̃ur secundo; quia tale decretum, est quid consequens ad Omnipotentiam Dei, per quam sicut ex nihilo conditi sunt, ita & in nihilum redigi possunt: sed tale decretum nihil minuit de illa potentia; ergo sicut præcise à decreto sunt ex natura sua annihilabiles; ita etiam posito decreto. Probat̃ur tertio; quia ad hoc vt incorruptibilitas conueniens Angelis sit physica, & ad hoc vt dicatur Deus operari conuenienter naturæ Angelicæ, satis est vt illam physicè non dextruat, nec concurrat cū causa secunda ad illorum corruptionem. Cum quo tamen stat, quod illos annihilare possit: Angeli enim ex natura sua non petunt necessario sui conseruationem; ac proinde nec etiam incorruptibilitatem per anni-

hilationem, sed solum per negationem physicę corruptionis, cuius sūt incapaces. Quod confirmari potest à simili: nam ignis ille qui est in centro, seu in concauo terræ, cum sit longè positus à contrarijs, petit perpetuitatem in actu secundo, & tamē adhuc natura sua, & physicè dicitur corruptibilis; hæc enim illi ex natura sua non repugnat; ergo similiter Angeli, licet per ordinem ad causas secundas petant perpetuitatem, cū tamen non repugnet illis ex natura sua à Deo annihilari, poterunt dici corruptibiles respectu illius. Probat̃ur ultimo, quia suppositis quibuscumque non potest Deus communicare creaturæ vt sine illo conseruari possit. Sed hoc est idem, ac dicere, semper remanere in creatura naturam corruptibilem; ergo adhuc illis duobus suppositis remanet natura Angeli corruptibilis respectu Dei, est, sit incorruptibilis respectu creaturarum.

Dices primo Angelus dicitur simpliciter producibilis; licet à solo Deo possit produci, ergo simpliciter dicitur corruptibilis; quia à solo Deo corrumpi potest. Sed hoc communiter negant PP. ergo simpliciter dicendum erit esse incorruptibiles respectu Dei; & negando consequentiam; nomen enim productionis est commune productioni ex materia, & productioni ex nihilo; At nomē corruptionis propriè, & rigorosè dicitur

citur solum in ordine ad agens naturale, quod destruat rem per introductionem contrarij in materia; quo pacto Angeli non sunt corruptibiles, & hoc solum voluerunt PP. asserentes Angelos esse incorruptibiles per naturā, & hoc pacto se explicauit S. Cyrillus loco supra citato, vbi ait quod Angelus est quidem immortalis, sed non Deo.

Dices secundo, Angeli postulant conseruationem ex natura sua; nihil autem producitur vt statim corrumpatur; vt habetur lib. 8. Phisic. textu 43. Sed hæc conseruatio quam exigunt Angeli non est limitata ad tempus; ergo infinita. R. Angelos cōparatos ad causas secundas exigere durationem infinitam, cum à nulla creatura possint vnquā destrui; per ordinem verò ad causam primam postulare solum tantam, quantum voluerit ille concedere, Deus enim nō est plus debitor creaturæ post creationem illius, quam ante, & propterea sicut potuit non creare, ita potest non conseruare; vt obseruat S. Tho. qu. 5. de Potentiā artic. 3. arg. 3. neq; enim tenetur, aut ex vi creationis aut ex debito iustitiæ, aut ratione gratitudinis illā conseruare non annihilandō, vt aduertit Alb. Mag. loco supra citato; sed quantum ipse voluerit, tantum potest illam conseruare.

Dices tertio, si Deus Angelum annihilaret, operaretur aut contra

aut supra naturam ipsius; annihilatio enim non est illi connaturalis; sed hoc non potest stare cum eo, quod est esse natura sua corruptibilem respectu Dei. ergo &c. R. talem annihilationem, forè supernaturalem in ordine ad causas secundas; quia excedit vires omnium earum: non tamen respectu Dei, neque respectu Angelij; cui sicut non erat supernaturale non esse antequam produceretur; sic nec etiam illi est supernaturale non esse postquam productus fuit; nec etiam respectu Dei etiā operantis, vt est Auctor naturæ; nam hoc non excederet vires ipsius, quā talis est, si hoc modo operari vellet.

Dices quarto, Aqua dicitur natura sua frigefactiua, & humefactiua, & ignis calefactiuus, & combustiuus, esto dependant à Deo in omnibus suis operationibus, ergo etiam Angelus poterit dici natura sua incorruptibilis; licet dependeat à Deo in suo esse. R. esse disparem rationē de prædictis elementis, & alijs agentibus creatis in ordine ad suas operationes, & de Angelis in suo esse; nam ante Dei cooperationem supponitur ignem habere vim calefactiuam; combustiuam, &c. & Aquā similiter vim humefactantem, & refrigerantem, per quas ita inclinatur ad agendum, vt sua natura postulent concursum Dei. (Quem dicunt aliqui, quod si negaret, fieret aliquod contra naturam dictorum agentium;

& paterentur violentiam; eo quod sit violentum, quando quis contra internum impetum, & inclinationē rei ipsam mouet, vel detinet.) Alij verò cum quibus Ego sentio, dicunt quod non paterentur quidem violentiam; eo quod subiectio essentialis, quam habet quælibet creatura Deo, facit ut nihil sit ei violentum ex illis, quæ Deus disposuerit de illis; At in illo casu Deum solummodo operaturum, ut absolutum Dominū non verò ut Auctorem Naturæ, qui de lege ordinaria omnibus præbet concursus requisitum ad operandum. Non sic se habet res in natura Angelica; in ea enim non supponitur aliquid, tamquam potentia, vel inclinatio realis ad ipsum suum esse,

propter quod Angelus natura sua postulet esse. Natura enim seu existentia Angeli est idem realiter, & formaliter in sententia, quam Ego sequor, ut fusè explicauī in Axiomatibus Metaphysicis cap. 6. & consequenter pendet à voluntate Dei quoad suum esse totum; nec Deus conseruat ipsius Essentiam cooperando cum inclinatione Angeli ad esse, sed omnino perse solus conseruat in esse; neque enim potest conseruari existentia, quin etiam conseruetur essentia eius; cum sint omnino idem, & re, & ratione; unde respectu illius Angelus ut dictum est natura sua est destruibilis, corruptibilis, & annihilabilis.

CONTROVERSIA S E C V N D A

De Angelorum potestate circa Corporalia.

AXIOMA PRIMVM.

Angeli quandoque assumunt corpora.

Ex Lib. 15. de Ciuitate Dei. Cap. 23.

Vtrum possint Angeli, cum spiritus sint, corporaliter coire cum feminis; Scriptum est enim; qui facit Angelos suos spiritus, id est eos qui natura spiritus sunt, facit esse Angelos suos, iniungendo eis officium nunciandi, &c. Sed utrum eorum corpora consequenter adiunxerit dicendo, & ministros suos ignem arden-

ardentem: an quod charitate tamquam igne Spiritualis fervere debeant ministri eius, ambiguum est: apparuisse tamen hominibus Angelos in talibus corporibus, ut non solum videri, verum etiam tangi passent, eadem verissima Scriptura testatur. Et quoniam creberrima fama est, multique se expertos; vel ab eis qui experti essent, de quorum fide dubitandum non est, audisse confirmant. Silvanos, Panes, & Faunos, quos vulgo incubos vocant, impios sapè extitisse mulieribus, & earum appetisse, ac peregissee concubitus; & quosdam Damones, quos Dufios Galli nuncupant, hanc assidue immunditiam, & tentare, & efficere plures, talesque assueverant, ut hoc negare impudentia videatur, non hic aliquid audeo temerè desinere: utrum aliquis Spiritus elemento aereo corporati (nam hoc elementum etiam cum agitur stabello, sensu corporis, actūque sentitur) possint etiam hanc pati libidinem, ut quomodo possint, sentientibus faminis misceantur? Dei tamen Angelos Sanctos nullo modo illo tempore sic labi potuisse crediderim; &c.

D V B I V M

Vtrum Angeli assumant corpora,
& quomodo.

Angelos non habere corpora sibi naturaliter vnita, supra in præcedenti controuersia etiam ex mente, & Doctrina Sancti Patris demonstratum est. In præsentia tria videnda sunt; primò an assumant corpora vera, & realia; secundo quomodo assumant; tertio ex quo corpore forment talia corpora. Hæc sequentibus assertionibus breuiter explico. &

Dico primo, Angelos posse, & quandoque de facto assumere vera corpora. Hæc assertio est Sancti Pa-

tris in Axiomate, quo loco vtitur etiam Sanctus Thomas prima parte, quæst. quinquagesima prima articulo secundo ad hoc probandum, & est certa apud Scholasticos in secundo dist. 8. & ante ipsos hoc docuerunt communiter PP. dicentes, Angelos interdum in veris corporibus visibilibus apparuisse. Sic habet Sanctus Pater non solum in axiomate posito, sed etiam in Enchiridione cap. 59. & alibi S. Athanasius ser. 4. contra Arrianos, S. Gregorius Magnus lib. 28. moral. cap. 4.

& S. Ioannes Damascenus lib. 2. de fide Orthodoxa cap. 3. & alij. Probatur etiam ratione illa, qua vtitur S. Thom. loco citato, quæ sic explicari potest. Tribus modis possunt fieri Angelorum apparitiones, idest vel sola imaginatione, vel præstigiiosa illusione, vel realiter, & verè existēte exterius re sensibili, & per realem speciem apparente; Sed ex scripturis Sanctis habentur plures Angelorum apparitiones, quæ solummodo tertio modo fieri potuerunt: ergò dicendum illas fuisse in veris corporibus assumptis. Maior patet ex sufficienti partium enumeratione. non enim videtur esse alius modus exco gitabilis, quo Angeli apparere possint, qui ad vnum ex illis tribus non pertineat, aut sit reducibilis. Minor probatur, quia apparitiones illæ, quæ narrantur factæ primò Agar Ancillæ electæ de domo Abraham; secundo ipsi Abraham; tertio: Loth. 4. Tobia, & 5. illa facta Sancto Patriarchæ Ioseph Sponso Beatissimæ Virginis, Sancto Petro, & alijs, non potuerunt fieri nisi in corporibus assumptis; ergò dicendum est, hoc modo factas fuisse stante Regula Sancti Patris Nostri Augustini communiter recepta, quod ea, quæ in Sacris Scripturis docentur, aut narrantur, sunt cum proprietate intelligenda, quando sine vilo incommodo fieri potest; vt est in præsentis. Si dicatur fuisse visiones imaginarias. Contra

est, quia quod taliter videtur est solum in imaginatione videntis. Si dicas fuisse præstigiomas. Contra est primò, quia hoc suspicari de illis viris Sanctis, & quibus factæ sunt, & qui eas retulerunt, nefas est. Secundo quod apparet præstigiomè apparet existenti in mala dispositione, illudiu, nec diu durat; sed illæ relatæ ex Scripturis, & aliæ similes habuerunt veros, & reales effectus, non fuerunt illuforiz, diu durarunt, & fuerunt factæ viris Sanctis vt plurimum; ergò dicendum est eos apparuisse in veris, & realibus corporibus.

Dices primò ad formationem veri corporis sensibilis requiritur figura, color, & temperies primarum qualitatum, mollieties, & durities, nec non alia huiusmodi accidentia; sed Angelus nihil potest facere in corporibus præter motum localem, vt docet S. Thom. prima parte quæst. 110. ergò non possunt assumere vera corpora. Confirmatur ex Concilio Ancyrano, quod à Gratiano appellatur Anchiritanum, ab alijs verò Anquiranum, quod, licet fuerit Provincialiale, fuit tamen receptum in sexta Synodo generali, vt patet ex secundo Canone huius Synodi; in fine dicti Concilij habetur; *quod sceleratæ quadam mulieres Damonum illusionibus seductæ nocturnis horis cū Diana Paganorum Dea, & innumera multitudo mulierum credunt se equitare super quasdam bestias, & multa*

certa-

*terrarum spatia pertransire, quæ falsa opinione decepta hæc vera esse credunt, & credendo a recta fide deuiant, &c. & sic etiam in lure Canonico in Decr. 26. qu. 5. can. Si quis aliarum; & aliquot sequentibus; & in cap. Epi scopi in eadem questione habetur illud, quod referunt Lamie se vidisse, & peragrasse varias mundi partes, solum secundum imaginationem id contigisse. Sic etiam quod quibusdam hominibus dicitur commigisse: ut videantur transformari in bestias, & deferre onera; in somnijs solum per imaginationem hoc contigisse videtur, & confirmatur auctoritate S. P. A. lib. 18. de Ciuitate Dei capite 18. vbi cum in capite præcedenti narrasset commutationem sociorum Vlyssis in bestias; & in hoc aliquas alias fieri solitas, conclusit. *Hæc vel falsa sunt, vel tam inusitata, ut merito non credantur* Sec. *Nec sanè Dæmones naturas creant, si aliquid tale faciunt, de quolibet factis ista vertitur quaestio, sed specie tenus, quæ à verò Deo sunt creata commutant, ut videantur esse, quod non sunt. Non itaque solum animam, sed nec corpus quidem ulla ratione crediderim Dæmonum arte, vel potestate in membra, vel lineamenta bestialia veraciter posse conuerti: sed phantasticum hominis, quod etiam cogitando, siue somniando per rerum innumerabilia genera variatur, & cum corpus non sit, corpus tamen similes mira celeritate for-**

mas capit, sopitis, aut oppressis corporis hominis sensibus ad aliorum sensum nescio quo ineffabili modo figura corporea posse perducì, ita ut corpora ipsa hominum alicubi iaceant viuensia quidem, sed multò grauius atque vehementius, quàm somno suis sensibus obferatis. Phantasticum autem illud veluti corporatum in alicuius animalis effigie appareat sensibus alienis, talisque etiam sibi homo esse videatur, sicut talis sibi videri possit in somnis, & portare onera, quæ onera si vera sunt corpora, portantur à Dæmonibus, ut illudatur hominibus partim vera onerum corpora partim iumentorum falsa cernentibus. Hæc ibi Sanctus Pater confirmat aliquibus exemplis, Sec. ergò pariter hoc videtur dicendum de apparitionibus factis à Sanctis Angelis. Confirmatur secundo: quia cum Angeli possint apparere per visionem imaginariam, non est ratio: cur appareant in corporibus assumptis. R. ad argumentum, quod cum Angeli possint mouere localiter poterunt etiam formare corpora sensibilia, & quidquid ad illa consequitur, ut sonos in ære, figuras, quæ resultant in materia quanta per condensationem, rarefactionem, & diuisionem, sic etiam colores applicando actiua passiuus, froriantur ex mutua actione elementorum, vel apponendo aliquod corpus lucidum, vel obijciendo corpus assumptum corpori lucido, vel condensando corpus

pup lucidum, si colores oriantur ex præsentia luminis in perspicuo terminato per opacum, ut docet Sanctus Thomas lib. 3. meteor. lect. 6. Rolsūt etiam producere primas qualitates, earumque temperiem celebritate mirabili miscendo corpora simplicia, licet corpus ab ipsis formatum non habeat perfectam temperiem, qualis est illa corporum animalium; possunt etiam facere imperfectam mollitiem, & duritiem, vel applicando vapores induratos, vel ita condensando corpus, ut durum appareat. Aliqui dicunt tales mollities, & durities esse phantasticas, non veras, quatenus Angelus sua virtute impedit tactum hominis, vel cedit ei in aliqua parte illius corporis assumpti, ita ut partim appareat molle, partim durum, taliter tamen quod si homo attenderet, & perfectum tactum haberet, faciliè discerneret in tali corpore non esse veram duritiem, nec veram mollitiem, qualis est in ossibus, & carnibus nostris, ut accidit in illo casu, quem refert Caietanus secunda secundæ qu. 95. ad artic. 3. Hoc clarius fiet, si attendantur ea, quæ Christus Dominus post suam Resurrectionem dixit Apostolis, ut habetur lo. cap. 20. *Palpate, & videte, quia Spiritus carnem, & ossa non habet.* Nam si non posset sensu tactus discerni corpus phantasticum à vero, illud argumentum, vel nullum esset, aut certe non efficax.

Ad confirmationem Respondetur primò; nos hic loqui de apparitionibus Angelorum, quas refert Sacra Scriptura. R. secundo cum Abulensi in cap. 4. Matth. quæst. 47. & Victoria in relectionib⁹ de Magia num. 23. duo contineri in prædicto Concilio: vnum est, quod verè illæ mulieres putarent se equitare super bestias, & multa terrarum spacia peragrarè. Alterum est, quod putarent se equitare cum Diana, & hanc esse Deam Paganorum, & quantum ad hoc secundum definiuit Concilium illusionem istarum mulierum esse contrariam Sanctæ Fidei, & qui talia credunt fidem perdere; credere enim esse plures Deos, est contra fidem. De primo puncto nihil determinat de fide, sed solum explicat veram sententiam, quod ut plurimum hæc in imaginatione opera Dæmonis perficiuntur. Ad auctoritatem S. P. Respondetur ipsum ibi velle solum hominibus, qui putant se in bestias conuersos fuisse, & sub graui onere multum laborasse, id in grauissimo sopore, & somno accidisse; nam si haberent sensus liberos, faciliè iudicarent se non esse conuersos in bestias, non tamen propterea negat aliquando alijs spectantibus aliquem apparere posse conuersum in bestiam ratione corporis assumpti à Dæmone sub tali figura. Videantur Aleasis parte secunda suæ summæ quæst. 43. memb. 3. art. primo, & Gabriel in secundæ.

secundo dist. 8. quæst. 2. ad secundum, Alphonsus a Castro libro primo de iusta hæreticorum punitione cap. 16. & Caietanus loco citato. Ad secundam Confirmationem R. conuenienter apparuisse Angelos in veris corporibus assumptis, ut habet S. P. lib. 3. de Trinit. cap. 11. quia eorum apparitiones ordinabatur ad significandam apparitionem Filij Dei in vero, & reali corpore. Secundo Respondetur ex S. Dionysio epist. ad Titum, Angelos sic apparuisse, ut per eos totus homo perficeretur, idest secundum intellectu per visionem, & illuminationem intellectualem, secundum imaginationem per visionem imaginariam, & secundum sensum externum per realem verorum corporum representationem. R. tertio ex S. Thom. prima parte quæst. quinquagesima prima art. 2. & quæst. 6. de Potentia artic. 7. ut familiariter cum hominibus conuersando demonstrarent intelligibilem societatem, quam homines expectant se cum illis habituros in vita futura Sanctorum.

Dico secundo: huiusmodi corpora, quæ assumunt Angeli, esse quidem vera secundum formas per se sensibiles, non verò semper veritate secundum naturam speciei, quam representant, v.g. Hominis, Leonis, Aquilæ, Columbæ, &c. Probatur quia cum Angeli non indigeant corporibus assumptis propter se, sed

propter nos, ut scilicet exerceant in illis aliquas operationes iuxta exigentiam infirmitatis nostræ, ut locutionem, motum localem, & manifestationem sui, vel proprietatum superioris substantiæ; iste enim est finis, ut ait S. Dionysius lib. de cælesti Hierarchia cap. 2. & 15. visibilium formationum; sed corpora vera veritate naturæ, ut humana, &c. non sunt apta, immò maximè inepta ad exequenda ministeria Angelica, & ad prædictam repræsentationem, nam ratione grauitatis sunt inepta ad motum, & velocia ministeria ipsorum, & ratione animæ non possunt esse simul manifestatiua proprietatum Angelicæ; etenim ut docet S. Thom. in secundo sententiarum distinctione 8. quæst. prima: Proprietates, quæ secundum veritatem sunt in aliquo corpore, ducunt in cognitionem principiorum subiecti, non autem substantiæ spiritualis; secus verò proprietates, quæ solum secundum similitudinem sunt in corpore, nam sub illis non intelligitur res aliqua subsistere præter ipsam substantiam spirituales, & corpus illud tenuissimū, v. g. ignis, aut aeris, quod est subiectum necessarium illorum accidentium, ut patet cum apparent in figura ignis, Leonis, Aquilæ, &c. ergo dicendum est Angelum non assumere corpora vera veritate naturæ confirmatur, quia, ut notauit S. Thom. per dictam operationem non dicitur Ange-

Ange-

Angelus assumpsisse linguam asinæ, quando loquutus est ad Balaam; nec Dæmon serpentem in quo loquutus est Eux: nec corpus hominis, quod habitat, & vexat.

Dices: si Angeli non assumerent vera corpora veritate naturæ, esset fictio in ipsis Angelis, & aliquid frustra in talibus corporibus assumptis esset, ut formatio oculorum, aurium &c. cum hæc ad proprium usum Angelorum non pertineant. & neque fictionem esse, neque frustra fieri, quia non assument Angeli formas humanas, ut homines esse credantur, sed ut per humanas proprietates, & opera spirituales Angelorum virtutes, & opera designentur; quæ admodum nec etiam metaphoricæ loquutiones sunt falsæ, in quibus ex aliorum similitudinibus res aliæ significantur; & sic patet nec etiam sequi secundum inconueniens: oculi enim, & aures, & similia membra non assumentur ab Angelis, ut in illis exerceant opera vitæ, sed ad significandas varias proprietates Angelorum, & ad congruam instructionem eorum, ad quos mittuntur, ut docet S. Dionysius cap. ultimo de cælesti Hierarchia, Dixi in conclusione *non semper*, quia si appareant in forma ignis, nihil vetat, quin minus assument verum corpus ignis eo modo, quo possunt assumere, ut mox explicō; nam tale elementum ex sua natura non est ineptum ad prædictas;

& præterea sicut communiter dicitur corpora alia, quæ assument, esse ut plurimum formata ex aere, qui per suam tenuitatem est aptus ad prædicta officia; sic idem poterit dici de igne, qui habet maiorem tenuitatem, & velocitatem, nec non & actiuitatem.

Dico tertio non assumere corpus uniendo se illi per modum formæ, ut videtur sentire Aureolus relatus à Capreolo in secundo distinctione tertia quæst. prima, artic. secundo, nec etiam per modum hypostasis, ut videtur velle Tertullianus lib. de carne Christi; affirmat enim ibi Angelos *assumpsisse carnem humanā, & eo ipso factos esse, quod natura non sunt*; sed solum per modum intrinseci motoris mobili ad sui, vel ad superioris substantiæ manifestationem. Hæc assertio est communis inter Doctores in secundo dist. 8. eamque docet, & explicat S. Thom. qu. 6. de potentia ad primum, & in 2. dist. 8. quæst. prima art. 6. in corpore ad primum. Probatur communiter quoad primam partem, quia Angelus est substantia completa, & consequenter non potest esse forma alterius; forma enim est quid incompletum faciens simul cum materia unum per se, & completum, quod repugnat Angelo. Secunda pars probatur, quia nulla creatura potest viribus naturæ mutare naturalem modum essendi alterius; sed modus natura-

tura-

rius, sed modus naturalis essendi cuiusque substantiæ est per se subsistere independenter ab alio; ergo non potest Angelus separare subsistentiam alterius naturæ, & illi communicare suam. Præterea superuacaneum videtur pro breuissimo temporis spatio talem vnionem hypostaticam facere. Denique Sanctus Pater epistola tertia, quæ est ad Volusianum, appellat mysterium Incarnationis singulare, eo quod non habeat exemplum, quod esset falsum, si Angelus hypostaticè sibi vniret corpora. Tertia pars probatur à sufficienti partium enumeratione: cum enim assumere corpus sit illud sibi vnire; assumere enim est idem, ac ad se sumere, quod est idem ac illi se coniungere, ita ut sint quidem realiter distincta entia, sed localiter indistantia; Angelus non vnit se corpori informatiue, aut hypostaticè, ut dictum est; ergo per modum motoris mobili, cum quo non facit quidem vnum simpliciter, quod docet Philosophus lib. primo Physic. fieri solum tribus modis, idest continuatione, indiuisibilitate, & ratione; sed solum secundum quid; quo pacto figurata vniuntur figuræ, causa mouens suo instrumento, & quilibet motor mobili, quod mouet; propterea potest Angelus assumere, & deponere corpus assumptum; quando vult, quod non esset, si illi vniretur per modum formæ, vel hyposta-

sis; nam vniones istæ sunt naturales secundum esse, supra quod non potest voluntas creata, sed solum diuina; vt docet S. Thom. dist. 8. qu. 1. artic. 2. ad 2. & qu. 6. de Potentia artic. 7. ad 4. Aduerte tamen quod non sufficit ad assumptionem vnio motoris cum mobili Angeli enim motores orbium cælestium non dicuntur illos assumere; sed præterea requiritur, vt assumens corpus vnatur illi tamquam instrumento ad sui, vel alterius manifestationem; vnde ipsemet assumens format tale corpus; quod probatur à priori ex doctrina S. Dionysij loco citato, vbi docet finem omnium assumptionum esse cognitionem virtutum spiritualis substantiæ. A posteriori verò ostenditur, quia de facto Angeli formant talia corpora, quæ sint apta ad talem representationem, & vt plurimum non vtuntur illis corporibus veris veritate naturæ specificæ, quam foris repræsentant, vt cum exterius repræsentatur Homo, Aquila, Leo, Agnus, Columba, &c. eo quod ista sint inepta ad talem repræsentationem; illorum enim proprietates non repræsentarent proprietates assumētis, sed naturam corporis, cuius sunt proprietates. Dictum est debere vniri tamquam instrumento vel ad sui, vel alterius manifestationem, vt Dei, vel Angeli superioris; omnes enim apparitiones, quæ leguntur factæ in veteri testamento, in quibus dici-

dicitur Deus fuisse loquutus, vel apparuisse, factæ sunt ministerio Angelorum, ut probat S. P. lib. 3. de Trinitate ferè per totum. Angelus enim assumens corpus aliquando figurabat illud ad exprimendas suas proprietates, & tunc dicitur assumere, & apparere; aliquando figurat illud ad exprimendam diuinam Maiestatem vel proprietatem superioris Angeli, & tunc ipse Deus, vel Angelus superior dicitur formare, & assumere illud corpus, & in illo apparere. Videatur S. Gregorius lib. 28. moral. capite secundo, ubi explicat apparitionem factam Moyfi, ut habetur Exodi cap. 3. & Glossa Ordinaria ait. *Angelus qui Moyfi apparuisse describitur modo Dominus, modo Angelus memoratur. Angelus, quia exterius loquendo seruit: Dominus, quia intèrus presidens loquendi efficaciam tribuit; Cum enim loquens ab interiore regitur, & per obsequium Angelus, per inspirationem Dominus memoratur.*

Dico quarto. Angelos assumere corpora ex substantia tenuissima, & ut plurimum ex aere mixto, eaque propria virtute formare. Prima pars huius assertionis est communis apud Theologos in secundo distinctione 8. cum enim Angeli in corporibus assumptis subito appareant, & subito illa relinquunt, debent illa formare ex substantia apta ad subito euanesendum, qualis est substantia te-

nuis, & ut plurimum noster aer; tum quia est maximè transmutabilis, & citè continuabilis; tùm quia cum sit mixtus vaporibus, facillè potest condensari, & sic figuram recipere, & retinere, & per alicuius corporis lucidi oppositionem diuersimodè colorari, ut patet in nubibus, & maximè quando formatur Iris; Dixi ut plurimum, quia possunt Angeli prædicta corpora formare ex singulis elementis, ut quando apparent in forma ignis &c. vel ex pluribus elementis; non tamen ita facillè ex terra ratione densitatis, & duritiei. Altera pars assertionis est Scoti, Gabr. & Sancti Bonauenturæ in commentarijs dictæ distinctionis 8. & ratio est, quid illa formatio non excedit vires naturales Angeli, cum perficiatur solum per motum localem, quem omnes Angeli possunt efficere; unde quando S. Thomas prima parte quæst. 51. artic. 2. ad 2. & 3. dicit Angelos formare corpora virtute diuina, id dicit, quia in tali assumptione sequuntur imperium, & directionem Dei, cum præsertim formet huiusmodi corpora ad representandum ipsum Deum; & hoc quidem quoad Angelos Sanctos. Probatur secundo quia quando Dæmones assument corpora ob malos fines, non possumus dicere tunc Deum illis ad hoc supernaturalem, vel specialem virtutem communicare, aut illis talia corpora præparare. Si quærās an

ex eadem materia tam Angeli boni, quam mali sibi forment corpora. Respondetur nullam esse efficacem rationem ad dicendum, quod sit differentia; cum eadem corpora ad diuersos fines valere possint; nam & ho-

mines corporibus eiusdem rationis nunc bene, nunc male vtuntur; quapropter sine fundamento à quibusdam dicitur Angelos bonos ex cælesti, malos verò ex terrestri materia corpora formare.

AXIOMA SECVNDVM.

Non potest Angelus in corpore assumpto exercere actiones vitales quoad substantiam.

Ex Lib. 4. de Trinit. Cap. 11.

Facile est spiritibus nequissimis per aerea corpora facere multa, qua virentur anima terrenis corporibus aggrauata, etiam melioris affectus &c. Quid magnum est Diabolo, & Angelis eius de corporeis elementis per aerea corpora facere qua caro miretur; aut etiam oculis inspirationibus ad illudendos humanos sensus phantasmata imaginum machinari, quibus vigilantes, dormientesue decipiat, vel furentes exagitet? Sed sicut fieri potest vs homo vita, ac moribus melior spectes nequissimos homines, vel in fune ambulantes, vel multimodis motibus corporum multa incredibilia facientes, nec ullo modo talia facere concupiscat, nec eos propterea sibi prapponendos existimet, &c. sic anima fidelis, & pia non solum si videat, verum etiam propter fragilitatem carnis exhorreat miracula Dæmonum, non idèò tamen aut non se posse talia dolebit, aut ob hoc illos meliores indicabit.

D V B I V M

Vtrum Spiritus possint in corporibus assumptis producere aliquam formam substantialem, vel accidentalem.

Dico primo Angelum neque in corpore assumpto, neque simpliciter posse producere vllam formam substantialem, vel vllam qua-

litate disponentem ad illam. Hæc assertio est communis apud Theologos; eamque docent communiter cum Magistro in secundo sent. dist.

7. & 8. S. Thom. prima parte quæst. 110. S. Bonaventura, Scotus, Ric. Gabriel, Durandus, & alij tam antiqui, quam recentiores. Probatur primo auctoritate S. P. qui in lib. 3. de Trinit. cap. 7. cum comparasset Angelos agricolis, postea cap. 9. negat illis huiusmodi virtutem; & S. Ambrosius lib. primo de fide contra Arrianos cap. 8. ait: dum ab Angelis assumuntur corpora, non mutari substantiam; Hoc habetur etiam definitum in Concilio Bracaren. can. 2. de conceptione, & formatione hominis, & can. 8. in vniuersum definitur quod nullas naturas in mundo Diabolus fecerit. Probatur secundo ratione, quia forma substantialis non potest produci nisi vel per creationem, vel per educationem de potentia materiæ; sed neutrum possunt Angeli; ergo &c. Probatur minor quoad primam partem tum auctoritate S. P. loco citato, ac etiã lib. 12. de Ciuit. Dei cap. 24. vbi ait; *Angeli etiam si adhibent, vel insi, vel permissi operationem suam rebus, qua gignuntur in hoc mundo, tamen non eos dicimus creatores animalium, quam nec Agricolas frugum, atque arborum.* Idem docet S. Io: Damascenus lib. primo de fide cap. 3. quos sequuntur ferè omnes Scholastici. Ratio, quam assignant, est, quia creare per modum causæ principalis arguit infinitam virtutem in creante, quæ soli Deo competit. Probatur etiam

quoad secundam, quia Angelo, cum sit solum substantia intellectualis, nõ competit alia operatio, quam intellectualis, quapropter non potest operari ad productionem rerum corporarum nisi per modum artis; sed ars non potest simpliciter per se inducere formam substantialem; ergo nec etiam Angeli. Probatur etiam, quia semel dato, quod possent formas substantiales producere saltem materiales, easque corrumpere, totus orbis esset illis subiectus, quod est contra illud Apostoli ad hebr. cap. 2. *non enim Angelis subiecit Deus orbem terra.* Hoc quod dictum est de formis substantialibus, est etiam intelligendum de qualitatibus disponentibus ad illas.

Dices primo, quod est causa causæ est causa causati; sed Angeli sunt causa motus cæli, qui est causa generationis, & productionis formarum; ergo &c. Respondet S. Thom. prima parte qu. 105. artic. primo ad primum, & qu. 110. artic. 3. ad secundum Angelos causare formas rerum non influendo, sed mouendo ad ipsas, idest mediatè tantum adducendo, vel reducendo corpora illa cælestia concurrentia ad generationem. Contra hanc solutionem videtur militare illud, quod idem Angelicus Doctor docet qu. 70. dictæ primæ partis artic. 3. ad 3. & alibi sæpè; idest cælum virtute sui motoris producere animalia, & actionem instru-

instrumenti tribui principali agentis, & consequenter quod motor cæli immediate generabit viuētia. & ex eodem S. Thom. in secundo loco citato cælos producere viuētia in virtute sui motoris, quatenus scilicet est director, & moderator actionis mediante motu cæli ad modum artificis per artem temperatē virtutem agentium naturalium, non autem physicē agendo, aut influendo per modum causæ naturalis, propter rationes supra adductas. Hoc idem docuerat S. Pater lib. 3. de Trinit. cap. 9.

Dices secundo S. P. N. lib. 15. de Ciuit. Dei cap. 23. asserere Angelos malos se miscuisse mulieribus; unde etiam narrat aliquos sensisse, quod ex illis nati sint gigantes; ergo non est deneganda eis potestas ad producendas substantias. & communiter D. D. admittere Dæmones incubos, & succubos; non tamen inde sequi eos potuisse sua virtute generare, sed semine aliunde recepto. Videatur S. Thom. prima parte qu. 51. art. 3. ad sext. & quodlibeto 6. art. 8. ad 6. Abulensis in cap. 6. Genesis qu. 8. & cap. 7. Exodi qu. 12. & colligitur ex doctrina S. P. N. Augustini lib. 3. de Trinitate cap. 8. & 9. Videatur noster Leonardus Coquæus in commentarijs de Ciuitate Dei addictum caput. 23. lib. 15 de Ciuit. Dei. Non defuerunt tamen qui existimarunt Angelos bo-

nos feminarum pulcritudine captos ad obscænum earum amorem, & cōcubitum lapsos; ita Iosephus lib. pr. Antiquitarum cap. 5. citatur etiam pro hac sententia S. Iustinus Martyr apologia prima pro Christianis. Clemens Alexandrinus lib. 3. Stromatum, & lib. 5. describit quosdam Angelos mulierum amore lapsos cælestia eis consilia communicasse. In eadem sententia sunt Athenagoras oratione ad Antoninum; Eusebius lib. 5. de præparatione Euangelica cap. 4. Methodius apud S. Epiphanium hæresi 64. Tertullianus lib. de habitu muliebri, & lib. de velandis Virginibus, vbi ad Angelos refert illud D. Pauli Ep. prima ad Cor. c. 11. mulieres in Ecclesia debere velari propter Angelos Dei; S. Ambrosius lib. de Arca, & Noe. Lactantius etiam lib. 2. diuinarum institutionū cap. 15. qui putat fuisse illos Angelos qui missi erant à Deo ad custodiam generis humani; sic etiam Seuerus Sulpitius in exordio prioris libri de Sacra Historia. Reijciunt tamen hos, & merito S. P. N. Augustinus in dicto capite 23. lib. 15 de Ciuit. Dei, S. Ioannes Chrysostomus hom. 22. in Genesim, Theodoretus quæst. 47. in Genesim, vbi acriter inuehitur contra dictam sententiam, & contra eius assertores, & multis Sacræ Scripturæ testimonijs probant eos, qui deliquerunt fuisse filios hominum, non Angelos. Philastrius libro

bro de hæresibus cap. 108. censet esse hæresim, asserere Angelos miscuisse se cum fæminis ante diluuium, & inde natos esse gigantes. Videatur Leonardus Coquæus loco citato de Ciuitate Dei.

Dico secundo, Angelos posse pro ducere motum localem, & qualitates ex natura sua non disponentes ad formę substantialis productionē, vt ex qualitatibus materialibus sonum, lumen, species sensibiles; ex spiritualibus verò signa quædam intellectusalia; & species intelligibiles. Prima pars de motu locali est certa apud omnes; nam ipsa corpora, quæ assumunt, mouent; ac etiā cælos, & cooperantur Deo in administratione vniuersi applicando actiua passiuus; & ratio est, quia talis motus non excedit vires Angelicæ, cum habeat virtutem longè vniuersaliorem, & altiore, quam anima rationalis, quæ mouet suum corpus localiter. Ex quibus infertur virtutem Angeli se extendere ad omnia, ad quæ se extendit motus localis; & primò quidem potest ex causis naturalibus eas applicando elicere plures effectus aliquando secundum, aliquando præter cursum consuetum nature tum propter vehementiam virtutis actiue, vel propter multitudinem rerum aggregatarum, tum etiam propter habitudinem passiuorum; propterea effectus, qui non sunt in potestate alicuius virtutis naturalis pro

ducere non possunt; vt v. g. suscitare mortuum, nisi virtute diuina; quædo enim conati sunt viribus nature hoc facere Dæmones, vt tentarunt tempore S. Petri incantamenti Simonis Magi, semper deprehensi, fuit esse præstigium. Secundo possunt Dæmones per maleficas talinare in fantes excitando in ipsis vehementem passionem iræ, inuidiæ, odij, &c. vnde inficiantur Spiritus, qui per oculos inficiunt aerem, & hoc mediante corpus infantis propter ténacitatem aptissimum ad recipiendum infectionem, quo pacto dicitur in libro de somno speculum nouum infici ad aspectum mulieris menstruatæ. Tertiò possunt inducere homines ad iudicium falsum, vel præstigijs facta solum mutatione ex parte cognoscentis, vel ex parte obiecti, vel ex parte medij; ex parte quidem obiecti, vel summa celeritate res varias, & veras occultando, vel apponendo, vel assumendo varia corpora habentia figuram verorum corporum secundum speciem, vel disponendo varias res, ex quibus aliquid tertium apparens resultet, eo modo, quo aliqui dicunt ex dispositione candelæ, & paleę naturaliter apparere serpentes; ex parte verò medij aerem cōdensando ad hoc, quod obiectum appareat maius, vel minus eo, quod in se est; ex parte verò organi apponendo, vel applicando aliquid naturaliter actiuum, vnde

de

de resultet illufio. Denique ex parte specierum fenfibilium illas vario modo componendo, agitando, mutando, vel faciendo illas ad organa fenfuum refluere. Videantur Gabriel in fecundo dift. 8. qu. 2. & Alentis fecunda parte quæft. 43. memb. 3. artic. primo.

De qualitatibus, quæ non funt ordinatæ ad generationem fubftantialem, fiue fint corporales, vt funt lux, fonus, fpecies fenfibiles, & huiufmodi qualitates impreffæ, dummodo non fint difponentes ad productionem fubftantiarum, concedunt communiter D. D. eas poffe ab Angelis produci; tum quia non apparet implicantia, vel repugnantia fufficiens ad denegandam illis talem virtutem; nec videtur fuperare vires actiuas naturæ Angelicæ; immò fpectât ad rectam adminiftrationem vniuerfi; nec obftat ratio materialitatis talium accidentium; nam materiale potefl eminenter contineri in ente fpirituâli; nec perfectio talium qualitatum; virtus enim Angeli eft perfectior, & vniuerfaliior, quam cuiuslibet agentis creati virtus. Quod poffint Angeli producere qualitates impreffas deducitur ex S. Thoma, prima fecundæ qu. 23. artic. 4. vbi docet, quod omne mouens trahendo ad fe patiens tria facit. Primò dat ei inclinationem, fiue aptitudinem, vt in ipfum tendat. Secundo fi corpus generatum eft extra locum proprium,

dat ei moueri ad locum. Tertiò dat ei quiefcere in loco, cum peruenierit: quod fimiliter ait efle intelligendum de caufa repulfionis. Inclinatione illa ad motum nihil aliud eft, quam virtus impreffa mobili ad hoc, vt moueatur. Ex quo fic arguo; licet Angelus quando immediatè mouet corpus, v. g. cælum, fortasè non imprimat illi talem qualitatem, quia folum ponitur ad hoc, vt fit inftrumentum mouentis quando feperatur à mobili, nihilominus aliquando debet neceffariò talem qualitatem producere, vel quando detinet corpus graue fufpenfum in aere, vel quando mouet ipfum ita eleuatum, vel quando exiftens definitiuè in corpore affumpto projicit lapidem furfum; Ergò neceffariò eft ponenda talis potestas in Angelis. Antecedens probatur, quia in talibus cafibus, faltem in tertio, non potefl assignari aliud per quòd Angelus ille moueat tale corpus. De fono confentiunt omnes poffe fieri ab Angelo; Angelus enim in corpore affumpto loquitur; & præterea fonus fequitur ad plurimos motus locales, quos Angelos poffe producere eft certum. Si quæras an poffit efficere fonum fine motu locali. Refpondeo aliquos affirmare, eo quod non implicet eandem qualitatem terminare actiones fpecie diuerfas; exemplificant in vibratione, quam putant efle qualitatem phyficam, vel realiter diftincta à fu-

à subiecto, aut faltem modaliter, quam dicunt posse terminare actiones specie diuerfas, creationem videlicet, generationem, & motum localem, & præsertim si sit terminus secundarius, vt in præsentī ponitur esse sonus; sic enim etiam calor, raritas, & leuitas propter eandem rationem possunt terminare varias actiones. Alij negant, quia videtur imperceptibile, quomodo sine collisione corporum possit fieri sonus, qui requirit illam fractionem aeris; quorum sententia mihi videtur magis probabilis; nam ratio, & exemplum non conuincunt oppositum; non ratio, quia nihil impedit quominus per varias specie motiones fiat talis sonus, dummodo necessariò interueniat motus localis corporu n, sine quo indispensabiliter non produci- tur sonus; nec exemplum; nam in sententia, quam sequor, non datur tale vbi contradistinctum realiter, aut modaliter à mobili.

De speciebus sensibilibus docent aliqui eas posse ab Angelis produci in imaginatione hominis, & hoc modo eos loqui hominibus, quod probant à pari de impulsu, qui & ipse est qualitas corporea, quando per eum mouentur corpora.

De lumine, & similibus qualitatibus est expressa sententia eorum, qui docent Angelum esse in loco per operationem motus, vel luminis, & alicuius rei similis, quos sequi-

tur noster Ferrariensis in tertio contra gentes cap. 68. immò Angelicus Doctor in tertio dist. 22. quæst. 2. artic. 2. quæstiuncula prima ait Christi Domini animam fuisse in Limbo, & tenebras exteriores ab eis exclusisse locum illum illuminando.

De speciebus intelligibilibus cõmuniter docent Scotistæ eas posse produci ab Angelis, & hoc modo vnum loqui alteri imprimendo ei talem speciem eius, quod vult illi manifestare; immò & aliqui Thomistæ docuerunt ab Angelis imprimi animabus hominum tales species, quando eis aliquid reuelant, esto sentiant, quod vnus Angelus eas non imprimat in intellecta alterius; quia putat omnibus Angelis fuisse infusas ab exordio suæ creationis; de quo infra cum de loquutione Angelorum dicam,

Dices primò. Si possent producere qualitates materiales supradictas, possent etiam disponere primo, & per se ad generationem substantialem; non enim datur maior ratio cur contineant eminenter, itaut possint producere, vnã qualitatem corpoream, & non contineant hoc modo alteram; ergò vel negandum est de omnibus, vel admissa continentia vnus admittenda est continentia alterius; vel assignanda est maior ratio, quæ non apparet. R. maiorem rationem esse illam supra assignatam ex sacra Scriptura, idest quod Deus

Deus non subiecit illis orbem terrarum; subiecisset autem, si dedisset illis talem continentiam qualitarum per se disponentium ad generationes, & corruptiones substantiales; possent enim totum hunc orbem in generabilibus, & corruptibilibus substantijs immutare.

Dices secundo cum B. Egidio nostro, Modus agendi proportionatur modo essendi; sed esse Angeli est omnino immateriale; ergo nullo modo potest producere qualitates materiales. R. argumentum hoc nimis probare; & propterea nihil probare; si enim esset vniuersaliter verum modum agendi debere proportionari in omnibus, & per omnia modo essendi, nec etiam Deus, qui est omnino immaterialis, & in summo gradu spiritualitatis, posset producere aliquid materiale. Prædictum igitur axioma est intelligendum de actione primaria, & immanente; non vero de secundaria, & transeunte.

Dices tertio cum Durando, Deus, & natura nihil faciunt frustra; sed iam dantur in mundo sufficientes causæ prædictorum effectuum præter ipsos Angelos; ut est manifestum discurrentibus per singula ex prædictis; ergo frustra, & gratis conceditur Angelis vlla alia virtus in hæc inferiora præter virtutem, & potestatem motus localis. R. non esse frustra, quod eorundem specie effectuum dentur plures causæ specie differen-

tes, ut patet in calore; lumine, & in productione plurium animalium imperfectorum; fortassè enim plurium qualitarum producibilium ab Angelis non dantur in hoc mundo corporeo causæ sufficientes. Sed quidquid sit de hoc, etiam dato quod essent, non propterea Angelorum operatio in illo esset superflua; pertinet enim ad diuitias diuinæ Bonitatis, & Liberalitatis, & ad ostensionem harum diuinarum perfectionum tum naturæ fecunditas, tum etiam quod eiusdem effectus dentur plures causæ sufficientes.

Dices quarto S. Thomas sæpissimè negat Angelis potestatem producendi vllam formam præter motum localem; ergo &c. R. cum nostro Ferrariensi lib. 3. contra gentes cap. 68. Sanctum Thomam loqui de forma substantiali, vel si de accidentali, de omnino materiali, & disponente per se ad generationem, & corruptionem, quales non sunt prædictæ, de quibus supra dictum est, quæ communiter dicuntur qualitates intentionales. Maneat ergo cum S. P. N. *non esse magnum Diabolo, & Angelis eius de corporeis elementis per aerea corpora facere, quæ caro miretur etiam occultis inspirationibus ad illudendos humanos sensus, phantasmata imaginum machinari, quibus vigilantes, dormientesque decipiat, vel furantes exagitet*, quod si hæc possunt viribus naturæ Spiritus mali, & permit-

et utantur agere in pœnam peccatorum, quis dubitet hoc posse eisdem viribus Sanctos Angelos in bonum vsum ad utilitatem bonorum?

Occasione huius Doctrinæ S. P. quæri potest hic primò; quomodo Dæmon possit huiusmodi occultis inspirationibus, & phantasmatis imaginum, vel alio modo eludere humanum sensum. Pro solutione, Aduertendum est ex Gabriele in secundo dist. 8. qu. 2. art. 3. esse discrimen inter errorem, illusionem, & præstigium; Error enim dicitur quod cumque falsum iudicium ex quacunque causa illud falsum esse contingat; illusio verò appellatur in præsentia materia illud iudicium falsum, quod accidit propter aliquam immutationem factam circa obiectum, vel circa sensum, vel circa medium, per quod obiectum percipitur à sensu; præstigium verò appellatur solum error ille, qui contingit ob immutationem factam solum circa sensum aliquem interiorem, vel exteriorem. Quibus positis, R. cum Alexandro Alensi in summa parte secunda qu. 43. memb. 3. artic. primo, ac aliis Theologis in commentarijs, & quæstionibus ad distinctionem tertiam libri 2. posse tribus præcipuè modis fieri, vt sensus humani in eo genere decipiantur. Primò per immutationem aliquam circa obiectum addendo illi aliquid, ob quod huius, vel illius figuræ appareat, etiamsi in rei

veritate secundum se maneat idem, cum res corporales, in ijs, quæ ad motum spectant, obediunt Angelis siue bonis, siue malis, vt docet S. Thom. prima parte qu. 110. artic. 3. & sic possunt facere vt aliqua corpora appareant alterius formæ, seu figuræ ac sint in se; & hoc modo docet S. P. N. Augustinus lib. 18. de Ciuitate Dei cap. 18. Dæmonis opera factum quod fertur de Arcadibus in lupos conuersis, & de socijs Diomedis conuersis in aues, & de socijs Vlyssis conuersis in bestias à Circe venefica. Secundo modo potest Dæmon organum sensus afficere, seu inficere aliquo humore, ob quem res aliqua aliter appareat, quam sit in se; quo pacto naturaliter experimur sensui gustus aliquo prauo humore infectio aliter videri esse sapor, quam sint in se. Tercio potest immutare medium, sicut potest organum, nam, vt docet S. Thom. in secundo dist. 8. quæst. vnica artic. 5. ad 4. potest facere, vt species sensibiles, quæ sunt in phantasia, transeant ad sensus externos, & ita eos immutent, ac si re vera à rebus externis ad eos deducerentur eo modo, quo fit, quando est vera sensatio rei externæ. Potest etiam certo aliquo modo ita componere, & ordinare phantasmata, vt faciliè quis in hoc genere decipiat purans se id sentire, quod non sentit, eo modo quo dormientibus contingit, vt notat Cuietanus in

in secunda 2. quæst. 93. artic. 3. & his tribus modis posse decipere admittunt omnes Theologi; isti enim possunt fieri per solum motum localem, quem omnes posse Angelos efficere concedunt; & sic applicando actiua passiuus mutare possunt res illis dictis modis prout voluerint, seu ut permittuntur. Quartum modum possumus addere ex doctrina illorū D D. qui censent præter motum localem posse eos efficere supradictas qualitates, ut lucem, sonum, & species; hæc producendo, vel in medio, vel in organo, quia, ut notauit noster Thomas Argentina in secundo dist. 11. qu. prima artic. 2. potest Angelus loqui ei, ad quem mittitur duobus modis. Vno modo ex collisione aeris formando quosdam sonos ab homine intelligibiles. Alio modo nouas species sensibus immitiendo per ostensionem nouorum sensibilium.

Quæres hic secundo: an Angelus quando mouet corpus assumptum, in quo est, moueatur, & ipse, & quomodo, & communiter moueri per accidens moto corpore, quando ipsum corpus totum mouetur motu recto secundum se totum, non verò quando mouetur solum secundum partem, vel quando mouetur totum circulariter. Hæc alectio est S. Thomæ prima parte quæst. 51. artic. 3. ad 3. & in primo dist. 37. qu. 4. & in secundo dist. 8. qu. 7. artic. 4. quæ-

stiuncula 4. & nostri Beati Egidij ad eandem distinctionem qu. 2. ad primum dubium: Probatur primò a posteriori, quia in ordine ad motum ita se habet Angelus in corpore assumpto, sicut se habet anima in ordine ad suum corpus, quod informat; conuenit enim utrique ratione suæ spiritualitatis hoc, quod est esse totum in toto, & totum in qualibet parte; sed anima dicitur moueri solum per accidens, quando totum corpus mouetur motu recto, non autem quando mouetur motu circulari, vel quando solum vna pars corporis mouetur in recto; ergo &c.

Probatur secundo à priori; quia tunc solum moto mobili motor mouetur per accidens, quando in eo est definitiuè; propterea enim non dicitur moueri Deus per accidens moto corpore, in quo est, quia in eo non est definitiuè. Ea verò, quæ sunt in loco definitiuè, idest ita sunt hic, ut non sint alibi, licet sint tota in toto, & tota in qualibet parte mobilis, necesse est ut moto mobili, in quo sunt, nisi illud deferant, moueantur per accidens, idest ad motum alterius; tunc enim solum ad motum illius mouentur, quod primo, & per se respiciunt; motus enim proportionatur modo essendi mobilium; sed nec anima, nec Angelus sunt definitiuè in qualibet parte corporis, in quo sunt, sed solum in toto: licet enim verè sint in qualibet parte, ita tamē

sunt in ea, ut sint etiam in alijs partibus; ergo non mouentur per accidens, nisi moto toto corpore motu recto, non verò motu circulari, eoquod in hoc non mouetur totum, sed semper manet in eodem loco. Ex quo colligunt motorem cæli non moueri per accidens ad motum illius; tum quia cælum non mutat locum secundum se totum; tum quia non determinatur motori locus secundum aliquam partem substantiæ orbis, quæ nunc est in oriente, & postea in occidente, sed secundum determinatum situm quia semper est in oriente virtus mouens, ut docet Aristoteles lib. 8. *Physic.* text. 84. & S. Thom. in commentarijs illius loci, & in prima parte quæst. 51. art. 2. in corpore.

Huic doctrinæ, quamvis valde plausibili, non assentior in omnibus, & ratio est, quia tunc reuera aliquid dicitur moueri, vel per se, vel per accidens, quando deserit vnum locum, & acquirit alium; sed de facto datur motus circularis, in quo mobile deserit vnum locum, & acquirit alium; ergo etiam in hoc motu circulari dabitur motus per accidens tam Animæ, quam Angeli. Probatur minor; in illis circulari, qui notabilissime excedunt quantitatem molis ipsius mobilis, puta hominis, qui in eomouetur, tunc designatis in eo quatuor punctis, v. g. A ad Orientem, B ad Meridiem, C ad Occidentem,

D ad Septentrionem, profecto quando homo deseruit spatium puncti A & acquirit spatium puncti B, cum non sit amplius nec secundum se totum, nec secundum partem in spatio A, tunc dicitur moueri totum corpus per se; & per consequens Anima rationalis, siue Angelus moueri etiam per accidens, cum non minus acquirat nouum spatium in hoc motu circulari, quam acquireret, si moueretur motu recto; Præterea in eo quod dicitur mota parte corporis v. g. manu remanentibus reliquis corporis partibus immotis non moueri tunc animam, seu Angelum in ea parte existentes per accidens, non planè quiescit intellectus; cum enim motus localis essentialiter saluetur in hoc quod est deferre vnum locum, seu spatium, & acquirere alium, siue sit per se, siue per accidens, siue secundum se totum, siue secundum partem solum, semper dicitur verè, & realiter moueri; nec officit ly definitiue; nam do quidem in reliquis partibus corporis non moueri, cum istæ non moueantur; sed non capio, quod prout anima, seu Angelus existens in ea parte, si eam deserat, non moueatur per accidens, ea mota, & do instantiam in Sanctissimo Eucharistiæ Sacramento, in quo motis speciebus sacramentalibus dicitur moueri corpus Christi Domini per accidens, esto vna solum hostia moueatur, & non moueantur omnes hostiæ,

stiz, in quibus Sanctissimum illud corpus existit. Denique illud, quod dicitur de motoribus cælorum, habet quidem magnam probabilitatem ratione auctoritatis Sancti Thomæ, & Aristotelis, tum ratione communioris consensus. Sed cum sit hodiè etiam plausibilis in scholis sententia illa, quod cæli sint immoti, & in eis moueantur sydera, ut pisces in aqua, maximè si ponantur cæli fluidi, ut nunc ponuntur à plurimis; Ea posita satis probabiliter diceretur in quolibet sydere esse proprium motorem, & eo moto moueri etiam ipsum per accidens; Principium enim illud, quod virtus mouens sit solum in Oriente videtur gratis excogitatum, & magis esse secundum phantasiam nostram, quam secundum rationem.

Quæres vltèrius, an quando Angelus mouetur per accidens ad motum corporis assumpti, acquirat aliquid intrinsecum, ratione cuius di-

catur mutari. R. Negatiuè, sed solū esse denominationem extrinsecam à corpore acquirente nouum locum, & nouam distantiam. Probatur primo exemplo animæ rationalis, quæ nihil intrinsecum acquirit, immò & in sententia, quam ego sequor, nec etiam corpus ipsum acquirit aliquod vbi, vel quid simile intrinsecum per solum motum localem. Probatur secundo quia cum Angelus, & anima rationalis abstrahant secundum se à quantitate molis, à situ, & distantia, non habent distantiam vllam ad locum, vel punctum fixum, nisi ratione corporis, cui coniunguntur; si enim nulla essent corpora, nulla esset distantia secundum locum; ergo illam mutare non poterunt nisi ratione mutationis factæ in corpore; ergo inuariata coniunctione ad corpus tam Anima, quam Angelus dicentur moueri per accidens ad motum corporis per solam denominationem extrinsecam.

AXIOMA TERTIVM.

Angelis non conuenit illapsus in Animas hominum.

Ex Lib. de Fide ad Petrum Cap. 3.

INe sit singulis spiritibus naturalis terminus, quo à se inuicem distinguuntur, & vnus in altero non est.

Pono hic Axioma istud, quia licet Liber ille de Fide ad Petrum communiter hodie censeatur esse S. Fulgentij; nihilominus

nus

nus antiquitus habebatur pro germano opere S. P. N. Augustini, & ut tale citat illum S. Thomas, quando ex eo desumit aliquid. Et hoc axioma ex dicto Libro utuntur S. Bonaventura in secundo dist. 8. artic. 4. quæst. 2. Beatus Egidius notiter pariter in secundo eadem distinctione artic. 5. & notiter Thomas Argentina in secundo dist. 7. quæst. prima artic. primo concl. 3. sub nomine Sancti Patris ad probandum Dæmonem non posse illabi animabus nostris.

D V B I V M

Vtrum Angeli possint illabi Animæ rationali, vel corpori.

Dico primo, Angelos non posse illabi animabus nostris. Hanc assertionem probant antiquiores Doctores ex lib. de Ecclesiasticis dogmatibus cap. 46. & 83. inter quos sunt S. Bonaventura, & B. Egidius notiter, & Argentina locis citatis sub nomine Sancti Patris Augustini; sed reuera liber ille non est Sancti Patris, ut rectè obseruauerunt Doctores Louanenses in censura dicti libri, & Cardinalis Bellarminus lib. de scriptoribus Ecclesiasticis in obseruationibus ad opera Sancti Patris; est tamè communiter recepta doctrina illa, quæ in citatis locis habetur, nempe quod proprium est solius Dei illabi animæ nostræ; quod idem docet Venerabilis Beda in cap. 5. Actuum

Apostolorum ad illa verba Apostoli Petri ad Ananiam *Cur tentauit Sabanas car tuum &c.* Probatur etiam ratione communiter recepta, quia illapsus propriè dictus est esse præsens intimè non quomodocumque, sed secundum substantiam, præsentiam, & plenum dominium regituum; itaut illabens conseruet esse rei, cui illabitur, & possit operari in illa, & de illa quidquid voluerit; sed hoc est proprium solius Dei, ut patet; ergo solius Dei, non verò Angeli, aut alterius Creaturæ est posse illabi in alteram. Hac ratione vtuntur communiter Thomistæ, & Gabriel in secundo dist. 8. qu. 2. & 5. S. Bonaventura, & prædicti nostri Doctores supracitatis locis. Probatur secundo

do à nostro Argentina loco citato, quia quidquid est in essentia rei, ut essentia est, hoc facit ad esse rei, & conseruat eam in esse; propter hoc enim essentia dicitur ab esse, ut docet S. P. lib. 7. de Trin. cap. 10. Sed nullus Angelus facit ad esse rei, nec conseruat eam in esse: ergo nullus Angelus est in essentia animæ, ut essentia est, & per consequens non illabitur ei. Si dicas per hanc eandem rationem probari posse, quod Angelus non possit esse in essentia alicuius corporis, quia nec facit ad esse corporis, nec conseruat esse corporis, cuius rei contrarium communiter admittitur, & experientia Engumentorum compertum est. Respondet idem ibi hac ratione probari solum, quod Angelus non sit essentia corporis, ut essentia, siue substantia est, quod vltro conceditur; quia reuera solum est in essentia, seu substantia corporis, ut extensa est, non verò ut essentia, & substantia est; & hanc testatur esse Doctrinam magnorum Doctorum. Consequenter ad hæc.

Dico secundo, Angelum non posse illabi corporibus illapsu propriè dicto. Probatur eadem ratione, quæ probatum est non posse illabi animabus nostris; nam nec etiam corpora conseruat in esse, nec habet plenum dominium in ea, ita ut possit operari in illis, & de illis quantum vult; nam solum potest agere in eis, quod ei à

Deo conceditur, mandatur, vel permittitur, & præterea, ut ait Argentina, non est intra essentiam, ut essentia est, sed solum ut extensa est. Probat eandem assertionem Durandus in secundo dist. 8. qu. 3. art. 6. quia à quocumque remouetur superius remouetur etiam inferius; sed intra, & extra, cum sint differentie loci, se habent ad illum, sicut ad superius; substantiæ autem Angeli non competit locus; nam abstrahit à loco, sicut abstrahit à quantitate, & sit; ergo non potest ei competere prædictus illapsus, qui requirit intimam præsentiam secundum substantiam illabentis, & eius, in quo fit illapsus. Hæc ratio non habet vim, nisi in sententia eorum, qui docent Angelos esse in loco solum per operationem, vel per applicationem virtutis, non verò in sententia eorum, qui tenent esse in loco etiam ratione suæ substantiæ; propterea sisto in prima ut pote vniuersaliori, & efficaciori.

Dixi illapsu propriè dicto; nam id, quod aliqui dicunt de illapsu Angelorum solum mediante operatione in corpus, eo quod ratione alicuius operationis sit intra terminos illius, ut videtur sentire Durandus loco citato num. 7. non est propriè illapsus, sed habet quamdam similitudinem cum eo; verum defectu pleni dominij supra ipsum corpus, vel etià præsentia secundum substantiam, quam negant Thomistæ, non erit il-

lap-

lapius propriè dictus; hæc enim duo necessariò, & essentialiter requiruntur ad illapsum propriè dictum, ut patet ex definitione eius supra data, & communiter recepta.

Dices primò. Sanctum Patrem Augustinum libro 12. de Genesi ad litteram cap. 13. loquendo de vi diuinandi dicere *non sanè mirum est, si etiam Dæmonium habentes aliquando vera dicunt &c. quod cerè nescio qua oculia mixtura eiusdem Spiritus sit, ut tamquam vnus sit patientis, atque vexantis; ex quo loco sic arguitur.* Non potest spiritus malignus se sic miscere, & facere quasi vnum spiritum cum anima humana; nisi illabatur ei hoc enim requiritur ad veram mixturam, ut scilicet vnum miscibilium sit intra alterum &c. ergò vera spiritus illabitur animæ. Respondet B. Egidius noster loco citato, dici ibi malignum spiritum facere vnum spiritum cum eo, quem vexat, eo quod ei vniatur applicatione, & oppressione, ut habetur in libro de Ecclesiasticis dogmatibus; non verò ex eo, quod illabatur ei. Quam resolutionem explicare possumus per definitionem supra traditam de illapso propriè dicto, in qua requiritur plenum dominium supra substantiam eius, cui fit illapsus; quod numquam habet vlla creatura in aliam; cui etià, si placet, dici non posse fieri intimam præsentiam in essentia, seu substantia animæ, vel corporis, ut pluribus

Theologis placet.

Dices secundo ex eodem S. P. in dicto libro 12. de Genesi ad litteram cap. 22. *Angeli nostras cogitationes non visque oculis, quia non corpore, sed spiritum vident: verum hoc interest, quod illi nostras, etiam si nolumus, noverunt: nos autem ipsorum, nisi ostendantur, nosse non possumus.* Ex hoc loco sic formatur argumentum. Sine illapso in animam non potest spiritus cognoscere occultas, & internas cogitationes animæ rationalis ipsa inuita; sed spiritus, ut habet ibi S. P. etiam nobis inuitis cognoscunt nostras cogitationes; ergò illabuntur animabus nostris. Probatum maior ex epistola prima ad Corinthis cap. 2. ubi dicitur, quod nullus scit quæ sunt hominis, nisi spiritus hominis; & quæ sunt Dei nemo nouit, nisi spiritus Dei; ergò vel identitas, vel vnio intima requiritur ad hoc, ut vnus spiritus possit cognoscere intimam animæ, etiam illa inuita; sed identitas non potest dari inter Angelum, & animam, ut patet; ergò intima vnio concedenda erit, quæ non potest stare sine illapso. Respondet etiam huic loco B. Egidius ibi. Spiritum etiam malignum dici cognoscere cogitationes nostras, eo quod per aliquos effectus factos in corpore huiusmodi cogitationes illi innotescunt; ait enim numquam, vel raro posse esse aliquam cogitationem in corde, quin vel exterius, vel sal-

tem interius reluceat in corpore aliquod signum, propter quod cogitationes nostræ Dæmonibus innotescant; quod dicit se fufius explicaffe in quæstionibus de cognitionibus Angelorum.

Maneat ergo ex dictis Angelum illuminare quidem, & producere species in anima, non tamen illabi in tra illam; eo quod nec est causa essentius, nec vt pars illius, neque vt virtus eius, neque conseruans eam, nec habens plenum, & totale dominium in ipsam; dici verò illabi improprie corpori, vel quod idem est, esse intra ipsum, quatenus scilicet potest esse intra ipsas dimensiones corporis, & ibi etiam operari; nam licet corpus, quod mouet localiter alterum corpus, non sit, nec naturaliter possit esse intra illud, hoc tamen nõ repugnat spiritui; ratio discriminis est, quia quantitas ipsorum corporum impedit ne corpus mouens sit intra corpus; quod ab eo mouetur; quod impedimentum non est in Angelo, & licet substantia, & operatio Angeli non recipiatur intra substantiam, & essentiam Angeli immediatè, ita ut sit causa illius productiua, vel conseruatiua; nihilominus rectè potest dici esse intra corpus illud, in quo operatur, quia ad hoc satis est, vt recipiatur intra dimensiones eiusdem corporis, & ratione huius poterit dici esse intrinsecus ipsi corpori. Di-

ces, Glossa ad illud Abac. cap. 2. *Dominus in templo Sancto suo*, dicit, quod Dæmones simulacris exterius præsidere possunt, non tamen interius adesse; ergo falsum est, quod Spiritus recipiantur intra dimensiones corporum. Præterea quæcumque sunt simul, & indiuisa loco, quidquid est intra vnum est etiam intra alterum; sed corpus humanum, & anima rationalis ipsum informans sunt indiuisa loco; ergo si Angelus non potest esse intra animam, nec etiam poterit esse intra corpus. R. sensum illius Glossæ esse, quod Dæmones non sunt intra simulacra, vt formæ informantes, ita ut ex Dæmone, & simulacro fiat vnum tertium, vt fit ex anima, & corpore, & vt falsò putabant fieri Gentiles; non tamen negare, quod non possint esse intra illa, vt motores præsentis mobili; Ad rationem R. negando maiorem; nam accidentia corporea sunt intra corpus, vt formæ propriæ illius, & tamen non sunt in ipsa anima; incapax enim est anima rationalis informari quantitate molis, & consequenter alijs accidentibus corporeis, quæ ipsam consequuntur; & sic licet Angelus non possit esse intra animam, vt dictum est, potest tamen esse illi præsens, vt sunt illa accidentia corporea ratione corporis, intra quod est, & in quo interius operatur

AXIOMA QVARTVM

De Comestione Angelorum in corpore assumpto.

Ex Epist. 49. ad Præsbyterum Deo gratias in solutione ad primam quæstionem.

Quomodo contrarium est, & Christum post Resurrectionem cibatum, & in resurrectione, qua promittit ciborum indigentiam non futuram; cum & Angelos legamus eiusmodi escas, eodemq; modo sumpsisse non ficto, & in animi phantasmate, sed manifestissima veritate, nec tam necessitate, sed potestate? Aliter enim absorbet terra aquam sitiens, aliter Solis radius cadens, illa indigentia, ille potentia.

D V B I V M

Vtrum Angeli in corpore assumpto possit exercere actiones vitales.

Ratio dubitandi est, quia vitalitas cōmuniter definitur principium se mouendi ab intrinseco; & cum suprādictum sit, Angelum posse esse intra dimensiones corporis, & intra illud operari, nihil videtur repugnare, quo minus possit exercere veras operationes vitales; quod etiā suadere videntur ea, quæ narrantur tum in scripturis diuinis, tum etiam in prophanis de comestione, locutione, deambulatione, & generatione exercitis in corporibus assumptis ab Angelis. His tamen non obstantibus.

Dico primo. Angelos in corporibus assumptis non posse exercere operationes vitales quoad substantiam. Probatur cōmuniter hæc assertio, quia Angelus non informat substantialiter, & vitaliter corpus, quod assumit, sed solum per accidēs illi coniungitur vt motor mobilis; ergo nequit in tali corpore exercere actiones vitales quoad substantiam. Antecedens est certum, & patet ex dictis suprà; consequentia probatur, quia actiones vitales sunt ipsa vita actualis, siuè in actu secundo, quæ supponit necessariò, & essentiali-

tialiter potentiam vitalem radicalem, & substantialem, à qua proueniunt, quæ deficit in Angelo, & in corpore assumpto non solum diuisam, sed etiã coniunctam sumptis; talis enim coniunctio est accidentalis. Probat^{ur} secundo, quia ad operationem verè, & substantialiter vitalem exercendam non solum requiritur principium vitale informans corpus, sed etiam corpus organici realibus, & non solum apparentibus distinctum & ritè dispositum ad tales operationes exercendas; sed hæc dispositio, & distinctio verè, & realiter non habet locum in corporibus, quæ ab Angelis assumuntur, sed solum fictè, & apparenter. Ergo repugnat, quod Angeli in talibus corporibus exerceant operationes verè, & substantialiter vitales.

Dico secundo, Angelum in corpore assumpto actiones illas, quæ sunt vitales quoadmodum, posse exercere quoad entitatem realem, non verò quoad modum vitalitatis. Prima pars probatur ex illis actionibus, quas Scriptura Sacra narrat exercuisse Angelos in corporibus assumptis, vt dictum est supra in ratione dubitandi, quæ quoad entitatem, & substantiam habent magnam conuenientiam cum actionibus illis, quas nos vitaliter exercemus loquendo, comedendo, ambulando &c. Secunda pars probatur; quia adhuc, vt illæ actiones modo vitali exercean-

tur, exigunt procedere à principio vitali, & per certa instrumenta ad id à natura instituta, quod non habuere Angeli in casibus prædictis; vnde esto sint similes nostris; nihilominus cum non habeant ordinem ad virtutes vitales existentes in membris, per quas fiunt, nec ad phantasiam, per quam in nobis diriguntur, manet præter entitatem materialem, & similitudinem extrinsecam, quam habent cum nostris, eas verè, & intrinsecè non esse vitales, vt dictum est, & magis, patebit discurrendo per præcipuas, de quibus solet fieri quæstio.

Primo quoad Commestionem. certum est, eam fuisse veram quoad diuisionem, & traiectionem cibi, nõ verò quoad principium, & finem ipsius; nam principium illius est viuens constitutum ex anima informante, & corpore per ipsam animam viuente, quod per ipsam potentiam vitalem, seu organa ad id naturaliter disposita cibum sumit, diuidit, alterat, & traiecit: finis verò est conuersio alimenti in substantiam aliti. Ex quibus inferitur comestionem Christi Domini post resurrectionem ipsius fuisse veram, & efficax argumentum ad demonstrandam veritatem suæ resurrectionis; nam licet non adesset finis intentus vniuersaliter à natura, nempe conuersio illius in substantiam aliti; conuertebatur enim in materiam præiacentem, non ve-

rò in substantiam Christi viuentis, quemadmodum etiam cibus, quem videntur comedere Angeli in corporibus assumptis; erat tamen corpus Christi Dominitalis naturæ, vt cibus potuerit conuertri in substantiam illius, & diuisio illius fiebat ab anima per potentiam vitalem; quorum neutrum conuenit Angelis. Dices S. P. in axiomatico posito asserere Angelos escas sumpsisse eodem modo, ac Christus Dominus *non ficto, & inanis phantasmate, sed manifestissima veritate.* Ergò si comestio Christi Domini fuit vera tam quoad entitatem, quam quoad modum vitalitatis, etiam illam Angelorum fuisse veram dicendum erit per S. P. Respondetur S. P. lib. 13. de Ciuitate Dei cap. 22. resumendo hanc difficultatem distinguere inter comestionem Angelorum, & illam Christi Domini relinquendo sub dubio an fuerit vera comestio illa Angelorū; cum enim adduxisset sensum verborum Angeli Raphaelis Tobie cap. 12. *Videbar quidem vobiscum manducare; & bibere; sed ego cibo inuisibili, & potui, qui ab hominibus videri non potest, vior.* subdit *Videbatis me manducare, sed visum vestro videbatis: id est necessitate reficiendi corpus, sicut vos facitis, me cibum sumere putabatis, vbi illud verbum videbar, quod in vulgata habetur, ac etiam illud videbatis, vt habet lectio septuaginta, qua videtur Sanctus Pater, satis in-*

dicant manducationem illam non fuisse veram omnino, sed quoad vitalitatem solum apparentem; propterea Sanctus Pater statim subdit; *sed sicut de Angelis aliud credibilis disputari potest; certe fides Christiana de ipso Salvatore non dubitat, quod etiam post Resurrectionem iam quidē in spiritali carne, sed tamen vera, cibum, ac potum cum discipulis sumpsit.* quibus verbis apertè distinguit inter comestionem Angelorum, & Christi Domini relinquens sub dubio an illa fuerit vera, & vitalis; sed de hac secundum scripturas affirmādo, quod fuerit vera; Si dicas, caro Christi Domini iam erat spiritalis, vt hic ait S. P. ergò eadem ratio est de Angelis, ac de Christo Domino. Respondeo ex verbis eiusdem Sancti Patris quod *non potestas, sed egestas edendi, ac bibendi talibus corporibus auferetur. Vnde, & spiritalia erunt, non quia corpora esse desinent, sed quia spiritu viuificante subsistent.* id est manebunt in ipsis verę partes corporis naturalis, quibus carent Angeli in corporibus assumptis; vnde licet non sint habituri egestatem sibi; vt ait S. P. habebunt tamen potestatem edendi, si voluerint. Dices cur Abraham tribus Angelis apparentibus illis obtulit cibos sciens illos esse Angelos; vt patet ex adoratione ipsius? Respondet Alensis parte 2. qu. 34. artic. 6. Abraham primò putasse eos esse homines. Si dicas

dicat eum adorauit, si putabat homines esse; Respondet idem illam adorationem non fuisse latræ, nec hyperdulæ, aut dulæ, sed reuerentiæ, quæ exhibetur hominibus excellentiæ causa; sed postea ex ipsorum loquutione, cum declararunt ad quid venerant, cognouit esse Angelos, & representare Sanctissimam Trinitatem, & sic adorauit Trinitatem in unitate, & dixit, loquar ad Dominum meum, &c. & ideo Sancta Ecclesia canit tres vidit, & vnum adorauit.

Secundo loquendo de generatione communiter Patres, & Doctores docent non posse Angelos propriè exercere; eoquod sit opus viuientis tam secundum substantiam, quam secundum modum; vnde ad locum illum Genesis cap. 6: *Videntes Filij Dei filias hominum, &c.* quem locum putarunt aliqui esse intelligendum de Angelis, vt suprà dictum est; Respondent communiter Patres esse intelligendum de filiis Seth, & Enos; iste enim, vt habetur Genesis cap. 4. cepit inuocare nomen Domini; & ideo omnes ab eo trahentes originem Filij Dei dicti sunt, descendentes enim ab istis boni erant; per Filias verò hominum dicunt venire vxores, quas isti acceperunt ex progenie Caim, quæ dicebantur filie hominum, & non filie Dei, eoquod imitabantur prauos parentum mores. Dixi propriè, nam communiter

conceditur, Dæmones impropriè loquendo posse generare exhibendo se succubos viris, & incubos mulieribus, vt obseruat Abulensis in cap. 6. Genesis qu. 8. & cap. 7. Exodi quæst. 12. Leonardus Coquæus loco supracitato conformiter ad ea, quæ docuit Sanctus Thomas prima parte quæst. 51. artic. 3. ad 6. & quodlibeto 6. artic. 8. ad sextum, & S. P. lib. 15 de Ciuitate Dei cap. 23. Sic enim possunt humana semina applicare; sed tunc generatio eo modo facta non est ex virtute Dæmonis, sed seminis; vnde homo genitus nõ est filius Dæmonis, sed viri, cuius fuit semen, & tali modo non repugnat generare homines fortiores, & procerioris stature, quam si nulla intercederet Dæmonum operatio; possunt enim propter suam impuritatem ad id cooperari obseruando ad id determinatum stellarum situm, necnon, & viri, & mulieris dispositiones, & simul alias circumstantias requisitas.

Tertiò loquendo de vocibus, & locutionibus Angelorum in corporibus assumptis, dicendum est non fuisse propriè, & in rigore vitales; loqui enim propriè est formare voces per organa animata ad exprimendum conceptum; sed Angelorum corpora non habent vera organa ad hoc à natura instituta; ergo non sunt veræ, & naturales, ac virales locutiones propriè dictæ; dicuntur ta-

men

men locutiones secundum aliquam similitudinem conceptum, quibus intelligunt, & suas intellectiones exprimunt per sonos quosdam in aere formatos, qui nō sunt proprię voces.

Dices ex Niceforo lib. 8. cap. 20. haberi Sanctum Amphilochem ab Angelis ordinatum fuisse, & illam ordinationem fuisse approbatam ab Episcopis, cum tamen sit certum; verum Sacramentum debere constare ex rebus, & verbis iuxta principium Sancti Patris Augustini receptum in

tota vniuersali Ecclesia. *Accedit verbum ad Elementum, & fit Sacramentum*, & non sit verum verbum, quod per veram locutionem non formatur. Ergo aut illud non fuit verum Sacramentum; aut Angeli possunt formare veram locutionem tam quoad substantiam, quam quoad modum. R. communiter reuera illud non fuisse verum Sacramentum, sed solum fuisse veram, & ratam ordinationem ex Priuilegio illius, qui habet auctoritatem excellentiā.

CONTROVERSIA TERTIA


De Loco, & Motu Angelorum.

AXIOMA PRIMVM.

Angeli sunt in loco.

Ex Lib. 8. de Ciuitate Dei Cap. 22.

Demonēs, credendum est, esse spiritus nocendi cupidissimos à iustitia penitus alienos, superbia tumidos, inuidentia liuidos, fallacia callidos, qui in hoc quidem aere habitant: quia de Calis superioris sublimitate deiecti merito irregressibiles transgressionis in hoc sibi congruo velut carcere pradamati sunt.



D V B I V M

Quænam sit Angelo ratio existendi
in loco.

Premitto primo: certum esse, Angelos secundum suam substantiam verè esse in loco, quod colligitur ex S. Scriptura ubicumque dicitur, eos loco moveri; ut cum in Genesi dicitur venisse ad Abraham, & iuisse ad liberandum Loth. &c. Iob. cap. primo; ubi dicitur quod Satan circumiit terram, & perambulavit eam. Lucæ 10. Videbam Satan sicut fulgur cadentem de Cælo; & Apocalypsis cap. 20. Diabolus legitur missus esse in infernum. Idem docet communiter PP. Ratione etiam ostenditur hoc; nam si de Deo Ieremiæ cap. 31. dicitur *Cælum, & Terram, ego impleo.* & in psal. 138. *si ascendero in cælum tu illic es, si descendero in infernum, ades.* & de anima rationali, licet sit spiritualis, dicitur, quod sit in loco secundum suam substantiam, id est vel in cælo, vel in purgatorio, vel in inferno; ergo etiam de Angelis hoc poterit dici, ut docet S. P. hic in axiomatico.

Premitto secundo, certum esse Angelos in loco determinato esse; (quid quid in oppositum dicant aliqui ex

Doctrina Durandi, qui in primo lib. Sent. distinct 7. post duas quæstiones de existentia Dei in rebus agit de existentia Angeli in loco, & paragrafo *Quarta opinio* ait, quod essentia Angeli nusquam est, neque ratione sui, aut alicuius existentis in ipso, neque ratione operationis transeuntis extra, sic quod ei debeatur locus, vel situs definitivus, & sicut Angelus nusquam est secundum situm, sic est præsens cuilibet corpori, quod potest movere præsentia ordinis, non situs, siue moveat corpus, siue non; sed quando movet, dicitur esse ibi specialiter, ubi movet secundum quamdam appropriationem, quia ibi manifestatur sua virtus, realis tamen præsentia Angeli ad locum præcedit operatione eius in loco.) Nostram assertionem docent Nissenus oratione de infantibus præmature ereptis, ubi dicit Angelorum domicilium esse cælum, quia illa sedes naturæ illorum convenit. S. Io. Damascenus lib. 2. de fide orthodoxa cap. 3. ubi ait Angelos loco circumscribi, quia non versantur in terra, cum

cum sunt in cælo; quo pacto loquuntur etiam S. Gregor. lib. primo mor. cap. 2. & S. Athanasius in Epistola ad Serapionē, qui addit in hoc differre spiritum creatum ab increato, quod ille ubique est, ille verò in loco determinato est. Quo tamen loquendi modo non intendunt Patres (vt obseruat noster Greg. Arimin. in secundo dist. 72. qu. 2. art. 2. ex Magistro in primo distinct. 27. & Vgo de Sancto Victore lib. primo de Sacr. parte 3.) docere Angelos esse in loco circumscriptiue, quemadmodum sunt corpora, idest dimensiuè, sed alio modo excellentiore, idest definitiuè; quemadmodum etiam e contra, cum dicunt esse in locis intellectualibus, & spiritualibus, vt habent S. Io. Damascenus loco citato, & in lib. primo de fide cap. 17. & Nisēnus lib. de homine &c. non negant propterea Angelos ratione corporum, quibus sunt præsentes, esse in loco secundum substantiam, vel per operationem, vel alio modo iuxta diuersitatem sententiarum; sed solum declarant, quoniam sit locus proprius Angelorum conueniens eorum naturæ ratione propriæ operationis, quæ est contemplatio. Quo sensu loquens S. Dionysius lib. de diuinis nominibus dicit, quod sunt in vestibulo Sanctissimæ Trinitatis, vel lux, & lætitia Dei, vt habet S. Basilii lib. 2. Exameron c. 7. vel Dei virtutes, vt interpreta-

tur S. Thomas in primo dist. 37. qu. 3. artic. 3. in corpore, & opulculis cap. 18. & S. Bonaventura in 2. dist. 2. parte 2. artic. 1.

Sententiam illam relata ex Durando plures Doctores nituntur probare esse falsam multipliciter. Primò quia sequeretur ex ea, Angelum posse esse ubique, sicuti est Deus secundum præsentiam substantialem, cum possit Angelus mouere omnia corpora, nec sit necesse iuxta illam positionem; quod simul moueat plura corpora, vt in omnibus dicatur esse præsens. Hæc tamen ratio non conuincit; nam faciliè respondere possent eius assertores; non sequi ubiquitatem Angeli, eo quod, & ipsa substantia Angeli sit finita, & limitata; & propterea sibi determinet quādam certam spherā, in qua sit actualiter, vltra quam nec possit operari, nec possit esse, nisi aptitudinaliter. Secundo conatur probare eius falsitatem ex eo, quod ea data Angeli mali possent esse in cælo, cum possint mouere cælum. Verum neque hæc probat intentum; nam faciliè responderi potest iuxta Sacram Scripturam, quod non est inuentus amplius locus eorum in cælo; & ex S. Patre N. in præsentī Axiomate quod *de celi superioris sublimitate decessit in hoc sibi congruo velut carcere prædamnati sunt*; ac proinde non dari amplius regressum ad cælum; nam licet secundum suam naturam possent

sent esse ibi, & mouere cælos, nihilominus eorum culpa requirit, vt in penam ab illis eicci non possint amplius ad illos redire, vt Principes à suo Regno exclusi propter prodicionem; ac propterea non possunt cælos mouere. Tertio; si Deus crearet infinitos mundos, in illis omnibus fore Anglos; sed hoc etiam, non conuincere ostenditur ex dictis, idest ratione suæ limitationis tam in virtute operandi, quam in substantia. Quarto dicunt, quod sequeretur Angelos semper esse in loco æquali, cum semper æquè se habeant ad omnia loca; Denique non posse moueri, quia iam occuparēt omnia loca; sed neq; ista conuincunt, eo quod posset respondere Durandus, se loqui de modo essendi aptitudinaliter in loco, non verò actualiter; quod verò prædicta sententia loquatur de loco aptitudinali eo modo, quo dicitur locum ignis esse spheram ignis, & locum saxi esse centrum, patet ex eo, quod dicit Angelum esse in omnibus corporibus, vt in loco communi, quæ nullo modo potest deferre; quo pacto etiam dicitur hanc terram, & hanc aerem, & hanc aquā esse locum communem omnium animalium; quod magis patet ex eo, quod postea subiungit; nempe quod dicatur esse definitiuè in aliquo corpore, cum determinatè agit in illud. Aliter tamen soluit Durandus prædicta argumenta dicendo, se in

illa sententia loqui de præsentia ordinis, non verò de præsentia situs, & quod nullus Angelus potest mouere omnia corpora localiter; & dato, quod esset talis Angelus, ille non esset vbique, sicut Deus, quia non esset vt causa dans, & conseruans esse. Præterea posset etiam responderi pro prædicta sententia id, quod dicitur de aliquo secundum similitudinem, & metaphoram, non esse ei simpliciter tribuendum; & propterea cum esse in loco, sicut etiam moueri dicantur de Angelis metaphoricè, non est simpliciter dicendum Angelum esse in loco, seu communi, seu determinato; quod etiam suaderi potest ex eo, quod omne id, quod est absolutum à situ, & à dimensionibus, non habet esse in loco, nisi per accidens, vt communiter dicitur de materia prima seclusis dimensionibus; sed essentia Angeli est omnino abstracta à situ, & à dimensionibus, cum sit incorporea; ergò non debetur illi locus nisi per accidens; sed Angelus non est in loco per accidens, nisi quando assumit corpus; ergò quando non assumit non est in loco, neque per se, neque per accidens. Verum licet hæc doctrina militet de modo essendi in loco circumscriptiuè, non militat tamen de modo essendi in loco definitiuè, qui modus essendi communiter conceditur à Doctoribus tam Angelis, quam Animæ rationali; ac proinde

cum hic loquamur de hoc modo, & præterea de modo essendi actualiter in loco, non de aptitudine, quam habent Angeli secundum suam naturam præciso quocumque dono supernaturali, vel quacumque pena propter culpam illis inflicta, videndum est in præsentī, quænam sit illa ratio formalis, seu illud fundamentum proximum, per quod actu constituuntur in loco; sed prius.

Præmittendum est tertio; ea, de quibus potest esse quæstio, an sint tales rationes formales proximè constituentes spiritum in loco definitivè, esse desumenda proportionaliter ab illis, per quæ corpora dicuntur esse in loco actu, & circumscriptivè; quorum primum est præsentia localis, quæ est quædam relatio realis in corpore ad locum, & viceversa, & consistit in reali coexistentia, & propinquitate unius corporis ad alterum secundum extremam superficiem utriusque, ratione cuius locatum verè contineatur intra superficiem locantis, & nihil mediet inter unam, & alteram, quod impediat contactum utriusque secundum quod consideratur, est ipse contactus; ideo enim corpus dicitur esse in loco, quia tangit illum, & est applicatum illi per immediatam approximationem, seu contactum; contingit verò multipliciter rem applicari loco, & ipsum tangere, id est vel secundum suum tantum, quo pacto adinvenientes pun-

ctæ realiter distinctæ à linea, & superficie, dicunt ea esse in ipsa linea, quæ sibi determinat, vel in principio, vel in medio, vel in fine; vel secundum informationem; quo pacto anima est in corpore; vel secundum contactum propriè dictum, qui est coniunctio duorum terminorum duarum quantitatum, quo pacto unum corpus est in alio corpore tamquam in loco, & ipsum tangit, ut dictum est. Tertium est forma, per quam unum corpus tangit aliud corpus; & est fundamentum proximum ex parte corporis præsentis localis ad locum, quæ est quantitas molis; nam per hanc corpus tangit aerem *verbi gratia*, in quo est tamquam in loco; & in hac proximè fundatur formaliter relatio præsentis; dico formaliter; nam efficienter fundatur, vel in productione, vel in motu locali, quibus corpus applicatur, ad hoc ut per suam quantitatem possit tangere quantitatem alterius. Proportionaliter ad hæc philosophandum est de spiritibus; est enim Angelus, siue anima rationalis præsens corpori, in quo est definitivè; & quod suo modo tangit; & præterea habet formam siue physicam, siue metaphysicam solū; per quam virtualiter tangit ipsum corpus, siue ipsum locum, & quæ est illi fundamentum præsentis localis. Tota difficultas reuocatur ad istam formam, quænam illa sit, in qua sunt quattuor celebriores sententiæ.

Pri-

Prima est Molinæ in prima parte disput. in quæst. 52. artic. 1. membro quinto, & plurimorum recentiorum; qui docent per motum localem produci modum quemdam intrinsecum mobili, & realem, modalem tamen, per quem dicitur mobile esse in loco, seu in spatio.

Secunda Sententia est eorum; qui docent Angelum esse in loco per applicationem virtutis, pro qua citatur Gofrid. quod lib. 8. quæst. 13. Notæ Argentina in primo distinct. 37. quæst. prima art. 2. ad primum; quibus fauet Caietanus in commentario artic. primi quæst. 52. primæ partis, ubi ita se explicat; ut saltem incompletè hanc esse rationem dictam statuatur; ad quos etiam reuocatur Capreolus in secundo dist. 2. quæst. 1. dum ait Angelos esse in loco tum per veram operationem externam, tum etiã per aliquid se habens per modum operationis; ut sunt præsentia, custodia, & assistentia ad operandum, quandoque opus fuerit.

Tertia Sententia est Sancti Thomæ in primo dist. 37. qu. 3. artic. 1. ubi ait, Angelum esse in loco per operationem, qua aliquem effectum causat in corpore, verbi gratia motum, lumen, vel quid simile; sic etiã artic. 2. ad 3. & quæst. 4. artic. 2. in corpore, & artic. 3. ad 4. & in secundo distinct. 8. qu. prima artic. 3. ad 3. & quod lib. 3. artic. 7. quem sequuntur communiter eius discipuli,

Ferrariensis lib. 3. contra gentes cap. 68. Caietanus prima parte quæst. 52. artic. primo saltem incompletè, & cõmuniter omnes recentiores Thomistæ, ac etiam notæ B. Egidius in primo distinct. 37. 2. part. artic. primo quæst. primæ, & alibi, qui omnes docet Angelum esse in loco per operationem exercitam immediatè circa corpus.

Quarta Sententia est S. Bonaventuræ in lib. 1. sent. dist. 2. part. 2. art. primo quæst. prima, ubi docet formam, seu rationem, per quam Angelus est in loco, esse eius substantiã ratione limitationis suæ naturæ. Est etiam Alensis 2. parte quæst. 32. membro primo, & tertio, & Scoti in 2. lib. senten. dist. 2. quæst. 6. pro qua citatur etiam Ricardus in primo dist. 37. artic. 2. quæst. 1. ubi licet asserat Angelum esse in loco efficienter per voluntatem, & potentiã exequendi, finaliter verò propter maiorem vnitatem vniuersi, deindè formaliter per suam similitudinem cum loco, vel corpore, tamen quæst. 2. ait Angelum esse in spatio imaginario per simplicitatem positivam spiritalis magnitudinis, quæ est debilis imitatio diuinæ immensitatis; in quo videtur docere idem, quod habet S. Bonaventura; hanc sententiã sequuntur plures moderni, & nouissimè eam amplectitur P. Petrus à S. Ioseph lib. 3. Theologiæ speculatiuæ cap. 2. resolutione 3.

In hac sententiarum varietate placet ex parte mihi resolutio Patris Gregorij de Valentia in prima parte disp. 4. generali quæst. 3. puncto 2. paragrafo *mihi verò vbi relatis paulo aliter quattuor prædictis opinionibus eas ad concordiam reuocet, supposito quod Angeli non cõtineantur propriè in loco; quod docuerat S. Pater lib. 83. quæst. 20. vbi ait, quod alicubi est continetur loco, quod continetur loco corpus est. & lib. 3. de libero arbitrio cap. 11. Non enim loco mole corporum, sed parilitate affectum iungi, & disparilitate se iungi possunt spirituales creatura; quâuis corpora sua quaque possideant. id est vel per inhabitationem gloriosam, vt Angeli, SS. vel per alligationem, vt Dæmones in hoc aere, & in inferno; vt suprâ dictum est in præcedenti cõtroversia: solum ergò metaphoricè locus eis à Patribus, & Doctoribus assignatur. Quo posito Valentia discursus talis est.*

Quolibet modo ex illis (non meminit tamen ipse sententia asserentis Angelos esse in loco per vbi modale intrinsecum, de quo infra) est in Angeli existentia in loco similitudo quædam, siue analogia ad contactum quantitatum, quo est corpus propriè in loco; ergò quolibet ex illis modis potest locum contingere metaphoricè. Probat antecedens discurrendo per omnes illos modos, quos ipse retulit, & primò quod

sit per suam substantiam sic; substantia Angeli est præsens loco entitatiuè quidem, ac substantialiter, & ita est modo quodam simul cum loco, sicut est corpus cum loco simul per contactum quantitatum; nam etiam aquæ substantia detracta quantitate censi potest metaphoricè contingere vas, & esse simul entitatiuè cū illo, sicut erat simul propriè cum eo, quantitatiuè, quando habebat quantitatem molis. Secundo modo, & tertio quibus dicitur Angelus esse in loco per operationem vel latè accipiendo operationem, quo pacto venit custodia, præsentia, assistentia; vel strictè, & rigorosè sumendo operationem; probat, quia tunc ratione suæ operationis, quæ à loco non distat entitatiuè, est Angelus aliquo modo simul cum loco analogicè, sicut corpus est simul cum alio corpore per quantitatem; Quarto modo; qui est per applicationem virtutis; est etiam Angelus in loco ratione suæ potentia exequutiue sic ad illum applicatæ; siquidem ipsa est tunc entitatiuè simul cum illo loco. Quintum modum de vbi intrinseco modali, cuius Valentia non meminit, possumus excludere ex illis, quæ dixi in Axiomatibus metaphysicis S. Patris cap. de diuisionibus entis, in quo ostendi non esse admittendas huiusmodi entitates modales; & ex tomo primo philosophiæ naturalis capite de loco; vbi ostendi non esse admit-

admittendum tale ubi intrinsecum in corpore; ex quo a fortiori sequitur non esse admittendum in spiritu, si enim non conceditur enti illi, quod propriè est in loco, multominus debet admitti in illo, quod solum metaphoricè est in eo. Probatur secundo intentum Valentia; quia propriè loquendo de similitudine, & contactu Angelus non minus per potentiam executivam, quam per operationem quocumque modo acceptam, nec magis per operationem, quam per substantiam suam est simul cum loco corporeo, seu contingit illum; quandoquidem hæc omnia, ut se tenent ex parte Angeli, sunt spiritualia, licet terminus operationis transeuntis ut plurimum sit corporeus, ut potè receptus, & informans ipsum corpus; quod si loquamur de similitudine, & contactu metaphoricè, sic æquè per omnia ista est simul cum loco, & contingit illum metaphoricè, & æquè per omnia illa [secluso, ut dixi, ubi intrinseco modali, ut potè superfluo] censeretur potest contingere locum contactu quodam virtutis, ut loquitur Sanctus Thomas, cum non solum potentiam, sed etiam ipsam perfectionem essentiali rei spiritualis soleat appellare perfectionem virtutalem, quo sensu prima parte, quæst. 42. artic. primo in responsione ad primum essentiam divinam vocat quantitatem virtutis.

Pro huius sententiæ explicatione

duo sunt advertenda. Primum est, quod cum dicitur Angelum esse in loco præsentia substantiæ, qua etià existentia in loco continetur, importatur etiam contactus quidam loci, quem requiri ad existentiam in loco dictum est; non quidem propriè, sed metaphoricè; nam contactus propriè dictus est commensuratio partium, secundum quam extrema corporum sunt simul; quod Angelo, ut potè substantiæ indivisibili, & carenti partibus competere non potest; sed quia in illa commensuratione, involuitur indistantia eorum, quæ dicuntur habere extrema simul, & Angelus existens in aliquo corpore est indistans ab illo secundum substantiam, propterea ratione huius convenientiæ dicitur esse in loco metaphoricè, seu æquivocè, ut loquitur Sanctus Thomas. Secundum est, quod numquam Angelus est in loco per suam substantiam, quin etiam sit in eo per virtutem, seu potentiam; hæc enim cum sit connexa, & forte, ut probabilius censeo, identificata, necesse est, ut ubi est illa, etiam omnino sit ista. Non est tamen necesse, quod semper sit in loco per operationem, si est in eo per substantiam, & virtutem suam, nisi forte nomine operationis accipias solum assistentiam; ut accipiunt aliqui; tunc enim ubi est per substantiam, ibi etiam est per suam assistentiam; sed accipiendo operationem alio modo, seu latè,

seu

seu strictè rectè potest Angelus esse in loco aliquo, quin in eo operetur; talis enim operatio non est necessariò connexa cum substantia, aut cū virtute Angeli.

Explicando hoc modo existentiam Angeli in loco facili negotio soluuntur ea omnia, quæ occurrunt in sententijs aliorum, (qui vnum solummodum admittunt alijs exclusis) nec faciliè solui possunt; nam qui asserunt Angelos esse in loco solum per operationem, agrè possunt explicare, quomodo sint Angeli Beati in cælo Empyreo; quorum tamen millia millium ibi esse; est communis sententia Catholicorum; cum tamè cælum illud sit incorruptibile, & immobile; Nec valet cum Caietano ad qu. 52. artic. primo primæ partis respondere Angelos ibi, non propriè, sed impropriè esse, quatenus fruuntur essentia diuina, quæ ibi peculiariter se Angelis manifestat; quod non est mirum, quia negauit existentiam cæli Empyrei, vt ponitur communiter; vt videre est in commentarijs Epist. 2. ad Cor. cap. 12. ad illa verba *raptus huiusmodi hominem usque ad tertium cælum*; & propterea temeritatis arguitur à Ruuio lib. 2. de cælo cap. qu. 3. iure ne, an iniura, iudica.) Sed re vera in sententia ferè ab omnibus alijs recepta non possunt commodè explicari ea, quæ habentur Isaïæ cap. 14. & Apocal. cap. 18. de Angelis, qui ceciderunt,

& dicuntur ibi fuisse in cælo; quod de cælo Empyreo communiter explicant, in quo li. et conditi, non tamen Beatitudine suebantur. Præterea qui censent Angelos esse in loco solum per operationem, & non alio modò, necessariò admittere debent, quod aliquando nusquam sint; cum scilicet nusquam aliquid operantur; quod sanè sine absurditate nequit concedi; cum aliòquin ex vna parte verè Angelus semper sit in ipso mundo, & ex alia S. P. censet, ea, quæ nusquam sunt, nō esse; in Epist. enim ad Dardanum, vbi agit de immensitate Dei, & quomodo Deus sit vbique ait, *Spatia locorum tolle corporibus, nusquam erant, & quia nusquam erant, non erant*; quod licet de corporibus dictum sit, tamen etiam spiritibus conuenire dicendum est, quod tamen de lege ordinaria puto esse dictum, & de alijs corporibus quæ sunt intra supremum corpus; nam de hoc ratione suæ extremæ, & externæ superficiæ non potest dici, quod sit in loco; & præterea quæ, ubique sunt in mundo, etiam si non continerentur in aliquo loco corporeo, continerentur tamen intra omnipotentiam, & immensitatem ipsius Dei, qui potest se ipso supplere defectum rei creatæ saltem efficienter.

Dices primo. Si Angelus est in loco formaliter per suam substantiā, non potest postea constitui in loco per operationem; iam enim antequā ope-

ope-

operetur est formaliter in loco per ipsam substantiam; & implicat id, quod est formaliter tale fieri tale formaliter per aliquid superueniens; ergo aut non est in loco formaliter, aut non est per operationem. R. negando antecedens, cum enim contactus ille non sit proprius, sed metaphoricus, admittit latitudinem quādam; & sicut similitudo in alijs rebus dicitur multis modis, maxime quando est metaphorica; ita similitudo illa, per quam Angelus est simul cum loco metaphoricè, diuersimodè contingit: quod non contingit corpori, quod est in loco per contactum quantitatum quantitate molis, qui non est, nisi vnicus.

Dices secundo cum Caietano. Præsentia rei in loco est quædam relatio, sed in nuda substantia Angeli non potest assignari fundamentum huius relationis; ergo Angelus non est in loco, nec propriè, nec metaphoricè per suam substantiam. Maior est certa: Minor probatur, quia vel illud fundamentum esset substantia secundum se, vel esset substantia cum negatione distantie à tali loco; neutrum dici potest; ergo nullo modo substantia potest esse fundamentum talis relationis. Maior probatur quoad primam partem, quia alias semper Angelus esset præsens illi loco, in quo semel fuit, cum semper maneat, & substantia Angeli, & locus ille; & præterea substantia An-

geli nihil habeat magis cum hoc loco quam cum illo loco. Neque posse stare quoad secundam partem patet, quia sequeretur Angelum fore præsentem huic loco, etiam si diuinitus collocaretur extra hunc mundum; nam etiam eo casu illius substantia non distaret ab eo loco, cum distare sit corporum, non verò substantiæ spiritualis secundum se. R. fundamentum illius præsentiae esse substantiam Angeli cum negatione distantiae, id est cum carentia loci, vel spatij medij inter substantiam Angeli, & ipsum locum; nam licet distare secundum quantitatem sit proprium corporum, tamen verè etiam conuenit substantiæ spirituali distantia quædam entitativa, sicut etiam propinquitas; hanc enim habet Deus ubique cum quocumque ente siue corporeo, siue incorporeo, & Angelus, ac anima rationalis ubi sunt; quod explicari etiam potest ex suppositione, quod Deus auferret quantitatem molis à corpore, quod nunc est hic Romæ, non transferendo eius entitatem substantialem alibi, tunc entitas ista, & esset propinqua entitati uè corpori, cui antea erat præsens quantitatiue, seu per contactum propriè dictum, & esset distans à corporibus, quæ sunt Parisijs. Hinc ad casum adductum à Caietano Respondet tunc Angelum fore entitatiue distantem ab hoc loco, quia iam multa corpora, & spatia mediant inter

enti-

entitatem Angeli, & entitatem huius loci. Quod si dicas substantiam Angeli verè non distare ab vilo loco secundum se, vt viderur asserere Caietanus, necessariò incidis in illam sententiam, quam asserit Durandus, & in quâ videtur propendere, licet eam se non affirmare, aut tenere, sed solum proponere protestetur; nempe quod Angelus sit vbiq; quâ tamen censura dignam aliqui existimant; eo quod videatur repugnare scripturis illis, in quibus dicitur Angelos esse in cælo, & Demones in cælo fuisse, & de cælo cecidisse, vt supra dictum est.

Dices tertio: prius est Angelum esse in loco, quam operari in loco, vt patet in corporibus, quæ prius scilicet natura sunt in loco, quam in eo operentur; ergò operatio non potest esse Angelo ratio formalis essendi in loco, & esse disparem rationem de

corpore, ac de spiritu; nam, vt dictum est, corpus habet modum proprium essendi in loco, qui vnicus tantum est, ac proinde operatio non potest dici esse illi propriè ratio essendi in loco: at Spiritus, cum habeat solum modum essendi in loco æquiucè, vel metaphoricè; qui est multiplex, & admittit latitudinem, vt diximus, hinc est, quod tam vno, quam altero modo potest dici esse in loco.

Dices quarto. Peripatetici ex doctrina Aristotelis lib. 4. Physicæ, & ex S. Thomæ lib. 4. contra gentes contactum metaphoricum communiter dicunt esse per operationem; ergò non est per substantiam. R. cum, qui vnum asserit, alterum non negare; ac proinde non negari, nec à S. Th. nec ab Aristotele, quod contactus metaphoricus non possit esse alio modo, quam per operationem.

DVBIVM ALTERVM:

Vtrum Angelus sit tantum in vno loco, vel possit etiam esse in pluribus, & plures Angeli in vno.

B Reuiter ab his difficultatibus me expedio; non enim habeo de his axiomata S. P. consequenter

ad quæ eas explicem; sed suppositis prædictis modis metaphoricis, quibus Angeli dicuntur esse in loco etiam

etiam ex sententia eiusdē S. Patris.

Dico primo cū S. Thoma, quęst. 52. artic. 2. Angelum non posse naturaliter esse simul in pluribus locis adæquatis suę perfectioni virtuali. Dico *naturaliter*, quia per absolutā Dei potentiam non dubito, hoc posse fieri, cum enim, vt dixi in tomo primo Philosophiæ naturalis cap. de loco, possit facere, vt vnum corpus sit in pluribus locis sibi adæquatis, quod est plus, potest etiā facere, vt sit spiritus, quod est. minus. quo posito, Probatur conclusio ratione illa, qua vtitur S. Thom. sic. Perfectio illa, qua Angelus est præsens loco, est finita, & limitata; ergo etiam finitus, & limitatus locus ei respondere debet, extra quem simul, & semel esse non possit alibi præsens. In omni enim genere virtuti finitæ responderet aliquid finitum, & limitatum, in quo creatura differt à Deo; hic enim cum habeat perfectionem infinitam, per illam necessariò est præsens omnibus omnino locis, itaut non possit dari locus, cui non sit præsens Deus. Angelus verò ratione dictæ limitationis ita est determinatus ad vnum tantum locum; vt licet alium, maiorem tamen illo occupare non possit. Hoc docuerunt etiam Patres antiqui, videlicet S. Athanasius in epist. ad Serapionem, S. Ambr. lib. primo de Spiritu S. cap. 7. & Sanct. Gregor. Magnus libro secundo moral. cap. 3. qui in sensu explicato dicunt

Angelum circumscribi loco.

Aduerte hic non esse indiuisibile formaliter locum Angelo adæquatum; primò, quia per me non datur nec dari potest in rebus corporeis entitas vlla indiuisibilis formaliter. Secundo quia de ratione loci est, quod sit superficies, quæ in suo conceptu essentiali inuoluit diuisibilitatem formaliter, tam secundum longitudinem, quam secundum latitudinem, & indiuisibilitatem solum virtualiter secundum profunditatē. Tertiò quia licet substantia spiritalis sit formaliter indiuisibilis, nihilominus ratione suę quantitatis virtutis correspondet quantitati molis; vt patet in anima rationali informante corpus, & magis in ipso Deo, qui per suam essentiam est vbique.

Dico secundo. Angelum posse esse simul in pluribus locis sibi inadæquatis, qui tamen contineantur intra latitudinem loci adæquati, vt patet in anima rationali, quæ est simul tota in pluribus partibus corporis humani, quarum vnaquæquæ est locus, & subiectum inadæquatum ipsius.

Dico Tertiò: esse probabile, quod Angelus per præsentiam suę substantiæ semper sit in loco sibi adæquato. Probatur primò, quia per suę substantiæ præsentiam hoc ipso est in loco sibi sic adæquato, quod est præditus tanta, vel tanta perfectione substantiali; sed semper est præditus

eadem perfectione substantiali; ergo per præsentiam suæ substantiæ semper est in loco sibi adæquato. Probatur secundo, quia Deus ratione suæ infinitæ perfectionis necessario est in quocumque loco secundum suam substantiam, & anima rationalis etiam per suam perfectionem substantialem informat totum corpus, & non est positum in eius arbitrio, manente eodem corpore cum eadem continuatione esse in vna parte, & non in alia; & similiter corpus necessario ratione suæ quantitatis, si nulla fiat in eo mutatio, occupat locum sibi adæquatum; ergo etiam Angelus ratione suæ perfectionis, & præsentie substantialis semper est in loco sibi adæquato. Dixi esse probabile; nam & Deus potest pro suo arbitrio non esse præsens aliquibus locis ea destruendo, & anima rationalis modo informat corpus paruum, & successu temporis informat corpus magnum, ac proinde non semper habet locum adæquatum suæ perfectioni substantiali; ergo idem posset dici de Angelo etiam secundum suam præsentiam substantialem; quod etiam possumus probare, quia si daretur casus, in quo non esset in vniuerso nisi corpusculum paruum, quod non adæquaret perfectionem substantialem Angeli, tunc Angelus esset præsens illi, & non esset in loco adæquato suæ perfectioni substantiali; ergo pari ratione possumus

philosophari, quod sit in sua potestate, & arbitrio posse esse præsens vel æquali, vel minori, &c. sicut est in potestate hominis facere, quod anima non informet totum corpus, quod antea informabat, si verbi gratia abscondat sibi aliquas partes.

Dico quarto: per operationem, seu applicationem potentie ad operandum posse esse in loco, vel æquali, vel minori, prout voluerit. Est S. Thomæ loco citato art. 2. & patet, quia potest pro suo libito in maiori, vel minori loco operari, dummodo se contineat intra locum sibi adæquatum; nam extra illum, sicut non potest esse, ita non potest operari.

Dico quinto: non posse Angelum esse in quolibet loco maiori, nisi intra latitudinem sui loci adæquatum, posse verò esse in quolibet minori, & minori, quem ipse possit determinare per operationem. Hæc assertio est contra Scotum; qui in libro secundo Sent. dist. 2. qu. 2. docuit oppositum. Probatur autem prima pars, quia sicut naturaliter nulla anima, nec vllum corpus potest esse in loco maiori, quam sibi vindicet eius perfectio substantialis, aut ipsius quantitatis, quæ ut potest limitata finitum etiam sibi vindicat spatium, ita & Angelus. Probatur etiam secunda, quia, cum operatio Angeli in loco sit libera, poterit in quolibet minori operari, dummodo possit illum determinare: aliqui dicunt etiam in lo-

eo indiuisibilis; sed cum per me in rebus corporeis non detur vlla res indiuisibilis formaliter, vt dixi in primo tomo Philosophiæ naturalis cap. de continuo, propterea consequenter, eo repugnante repugnat etiam, quod Angelus in eo operetur.

Dices primo cum Scoto ex doctrina, quam tradit Euclides libr. primo prop. 36. Omne illud, quod potest esse in loco sibi adæquato, potest esse in omni alio loco illi æquali, modo figura eius non repugnet locato. Hoc posito: dicemus locum adæquatum Angelicæ perfectioni, & potentia esse totam hanc aulam, si detrahendo ex eius latitudine quantum viribus naturæ detrahi potest, & id, quod detrahitur, extendatur in longitudinem, fiet extensa in infinitum longitudo, & sic locus ille Angeli fiet in infinitum longior, & longior. Ergo cum Angelus non sit prædius figura, ratione cuius repugnet ei talis longitudo, poterit esse in toto hoc loco factio in infinitum longiori, & longiori. Respondent aliqui cum Valentia loco citato; propositionem, & doctrinam illam Euclidis esse intelligendam solum de corporibus, non verò de spiritibus; nam alias sequeretur Angelum posse esse simul in cælo, & terra, quod videtur esse contra Scripturam, & S. Io. Damascenum; immo, & esse operationem in locis infiniter distantibus, & non esse in medio per operationem, quæ om-

nia sunt absurda. Hæc tamen responsio non satisfacit argumento; primò enim nõ reddit rationem, cur si conuenit corporibus, quæ à sua figura non impediuntur, non possit conuenire spiritibus; nam vno posito non videtur denegandum alterum, nisi assignetur aperta repugnantia. Ad illud de Scriptura, & Sancto Ioanne Damasceno Responderi potest esse sermonem ibi de eo, quod est de facto; eo enim ipso, quod Dæmones exclusi sunt à cælo in pœnam peccati, non possunt se extendere ad cælia omnia, quæ alias naturaliter possent. Ad vltimum posset dici, data ea hypotesi nullum esse inconueniens, quod operaretur in illis locis distantibus, estò non operaretur in medio, in quo tamen esset præsens per suam substantiam, vt dictum est. Respondet igitur directè argumento Scoti; ex prædicta doctrina Euclidis non sequi eius intentum, eoquod detrahitio illa non potest fieri nisi per partes aliquotas, quæ aliquoties sumptæ exhaustiunt totum; ac proinde non posse fieri extensionem infinitam, sed finitam; ratio verò, cur non possit fieri nisi per tales partes, est ipsa natura continui, quod cum petat, vt id, quod remanet, sit semper essentialiter diuisibile determinatè, determinatè etiam diuisibile erit id, quod detrahitur, & idcirco solum determinata fiet extensio. Si enim dicas esse indeterminatum id, quod rema-

net, & id, quod detrahitur, tunc dicam ego nec etiam determinatam, futuram extensionem, nec determinatam operationem; ac proinde nullam; nam quidquid est à parte rei determinatum est.

Dices secundo cum eodem: posse esse in minori loco est aliqua perfectio; ergo posse esse in loco adhuc minori erit maior perfectio, & consequenter posse esse in loco minori, & minori in infinitum erit perfectio infinita, quæ Angelo competere non potest. R. negando eam partem, in qua dicitur, quod posse esse in minori loco sit adhuc perfectio maior; est enim eademmet perfectio Angeli, quæ modo in maiori, modo in minori loco operatur: sicut in rebus corporeis est semper eadem entitas substantialis, & eadem quantitas, siue occupet minorem locum ratione condensationis, siue maiorem ratione rarefactionis. Vnde quemadmodum Scotus existimauit non esse maiorem, & maiorem perfectionem in infinitum posse occupare maiorem, & maiorem locum, ita nec etiam poterat consequenter inferre esse maiorem, & maiorem perfectionem occupare minorem, & minorem locum in infinitum. Addo tamen huic solutioni, quæ est Valentis, quod censeo Angelum non posse esse in minori, & minori loco in infinitum; sed solum in minori, & minori, quoad usque possit determinare: censeo enim,

quod quemadmodum agens corporeum diuidendo continuum successiue deueniat ad minutissima corpuscula, quæ licet in se sint diuisibilia in semper diuisibilia, nihilominus ab eo non possunt ulterius diuidi, ut experientia patet: sic etiam Angelus operando deueniat ad aliquam determinatam partem in minoritate, infra quam non habeat minorem, in qua possit operari; esto illa pars determinata sit semper diuisibilis; & ratio est quia, cum operatio Angeli sit determinata, & ut est recepta in ente corporeo sit etiam corporea, debet esse in determinata parte subiecti; & propterea in conclusione dixi, quam sibi potest determinare.

Dico sexto: posse plures Angelos per præsentiam suæ substantiæ etiam naturaliter esse simul in eodem loco. Probatur primo, quoniā possunt plures obsidere vnum, & idem corpus humanum, ut habetur Lucæ cap. 8. de eo, in quo erat integra legio Dæmonum. Probatur secundo, quia nihil obstat, quominus plures Angeli, cum sint expertes quantitatis molis, ita se habeant ad vnum aliquod corpus, ut inter quemlibet illorum, & corpus illud nullus locus, aut spatium sit mediū, in quo consistit præsentia substantiæ. Probatur tertio, quia supernaturaliter factum est, ut constat ex mysticis S. Fidei, ut duo corpora sint in eodem loco; ergo naturaliter fieri pote-

poterit, ut plures Angeli sint in eodem loco: antecedens patet ex natiuitate Christi Domini, quando clauso vtero exiuit; ex egressu eius de sepulcro clauso; ex ingressu ipsius ad discipulos ianujs clausis &c. Consequentia probatur, quia tota ratio, quæ impedit, ne hoc possint corpora naturaliter, est quantitas molis, quæ habet pro secundario effectu impedire, ne aliud corpus possit occupare locum, quem vnum occupat; Sed hoc impedimentum non est in Angelis; ut dictum est; ergo naturaliter fieri poterit, ut plures Angeli sint in eodem loco.

Observant hic aliqui; numquam contingere, ut plures Angeli sint simul in vno aliquo loco, qui sit vnicuique illorum adæquatus, sed semper alteri illorum inadæquatus; eo quod sicut omnes inter se comparati habent inæqualem perfectionem, vel specificam, vel certè indiuidualem, seu personalem, ita etiam inæqualem locum; sicut videmus quoque pro diuersa quantitate indiuiduali respondere corporibus diuersa loca. Hæc ratio non conuincit, nā cum suprā dictum sit, esse incertum, an sint plures Angeli eiusdem speciei, & proprietates, seu differentie indiuiduales in rebus corporeis non impediant, quominus plura corpora occupent locum æqualem; ita nec in Angelis tales differentie hoc impediant.

Dico septimo: doctrinam illam, quam tradit Sanctus Thomas prima parte qu. 52. artic. 3. nempe plures Angelos non posse esse simul in eodem loco per operationem, esse intelligendam cum tribus limitationibus sequentibus. Prima, quod accipitur secundum ordinariam Dei potentiam; cum enim illa conclusio fundetur in eo, quod non possit naturaliter idem effectus produci simul à duabus causis totalibus, & adæquatis, & iam in primo tomo Philosophiæ naturalis cap. de causis in communi dixerim, hoc non implicare contradictionem, & propterea non esse impossibile respectu omnipotentis Dei; consequenter per absolutam Dei potentiam poterunt plures Angeli concurrere ad eundem numero effectum ut causas totales; quidquid dicat incontrarium noster Ferrariensis, qui lib. secundo contra gentes cap. 68. putat implicare contradictionem; quod tamen efficaciter non probat. Secunda est, quod intelligatur de loco adæquato; nam de loco inadæquato nulla est difficultas; si enim excedat virtutem operationis plurium Angelorum, poterit vnus in vna parte, & alter in altera parte operari. Tertia est, ut intelligatur de eodem modo formaliter existendi in loco, ita ut sensus sit; quod non contingant eodem prorsus modo locum illum per operationem, eundem scilicet effectum in il-

lo. producendo. Si enim sermo sit de diuersis contactibus, idest per diuersas operationes specie differentes, non est dubium, quin plures Angeli possint esse per operationem in eodem loco, vt si alter in eo producat motum localem, alter verò lucem; vel vnus nigredinem, alter verò calorem.

Quæri hic solet; an quando ita essent Angeli per diuersas specie operationes in eodem loco, dici debeant esse solummodo in loco materiali, an verò possint dici etiam esse in formali. Caietanus artic. 3. qu. 52. primæ partis putat dicendum esse solummodo in materiali; eò quod re vera producant diuersos formaliter effectus in illo subiecto, quod se habet ad illos, veluti se habet materia ad formam. Valentia loco citato puncto quarto putat, Caietanum falli; quod probat hoc argumento. Lo-

cus formalis, in quò Angelus est per operationem, est id, quod Angelus tangit producendo in eo aliquid; sed hoc in proposito casu est idem lignū verbi gratia, quod respicit calorem, & nigredinem; ergo tunc plures Angeli sunt in eodem loco formali. Maiorem probat, quia non potest dici, locum formalem esse ipsum patiens, vt iam habens effectum productum ab Angelo; nam in ipso effectū iam Angelus nihil amplius operatur, sed in ipso subiecto patiente producendo dictum effectum; atque ita solum ipsum patiens tangit formaliter Angelus per operationem; ergo illud solum est locus formalis Angeli. Cōcedi tamen debet non esse in eodem loco formali eodem prorsus modo formali, sed diuerso, idest per diuersam operationem, ac proinde per diuersum specie contactum.

AXIOMA SECVNDVM.

Mouentur Angeli per tempora.

Ex Lib. 8. de Gen. ad Litteram. Cap. 20.

Incommutabili eternitate viuens creauit omnia simul, ex quibus currebant tempora, & implebantur loca, temporalibusque, & localibus rerum motibus sæcula voluerentur; in quibus rebus quædam spiritalia, quædam corporalia condidit, formans materiam, quam nec alius, nec nullus, sed omnino ipse informem, ac formabilem misit, ut formationem suam non tempore,

ne, sed origine præuenires. Spiritualem autem creaturam corporali præposuit: quod spiritualis tantummodo per tempora, mutari posset, corporalis autem per tempora, & loca.

D V B I V M

Vtrum Angeli possint moueri localiter.

Dico primo, Angelum se mouere localiter, esse certum, nā habetur ex Sacra Scriptura, & primo ex libro Tobiz, vbi habetur iter Sancti Raphaelis cum filio Tobiz, & denique in discessu legisse: *Tempus est, ut reuertar ad eum, qui me misit;* & Lucæ cap. primo legitur, Angelum Gabrielem ingressum esse ad salutandam B. Virginem, & postea ab ea discessisse. Probatur etiam ratione, quia cum Angeli non sint vbique, sed in loco certo, & determinato, non potest dici, quod nō possint se transferre ab vno spatio ad aliud, cum talis facultas rebus multò inferioribus tribuatur.

Dices S. P. in axiomate aperte dicere Angelos moueri per tempora, non verò per loca; ergò falsum est Angelos moueri localiter. R. primo, S. P. loqui de motu locali proprio, & rigoroso, qui conuenit corporibus solum; quod per necessariā consequentiam deducitur ex illis, quæ docet lib. 4. de Gen. ad li-
ri-
go-

ram cap. 18. vbi de loco spiritualis creaturæ agens ait. *Et ideo dum ipse (idest Deus) manet in se, quidquid ex illo est retorquet ad se, ut omnis creatura in se habeat naturæ suæ terminum, quo non sit quod ipse est: in illo autem quietis locum, quo seruet quod ipsa est.* Scio, quod non propriè dixerim locum, nam propriè dicitur in spatijs, quæ corporibus occupantur: sed quia, & ipsa corpora non manent in loca, nisi quò sui ponderis tamquam appetitu perueniunt, ut eo comperto requiescant, idè non incongruenter à corporalibus ad spiritualia verbum transfertur, ut dicatur locus, cum res ipsa plurimum distet: Si ergò locus impropriè per S. P., & æquiuocè, aut metaphoricè per S. Thom. dicitur de Angelis, etiam moueri localiter dicetur impropriè, æquiuocè, & metaphoricè, cum nihil sit aliud moueri localiter, quam successiuè se transferre ad plura loca; cum dicat spiritualia non moueri per loca, intelligit de motu locali proprio, & ri-

rigoroso, qui solis convenit corporibus, ut ipse hic ait; nam de cætero certum est ipsum admisisse transitum secundum præsentiam substantiæ spiritualis de vno loco in alium, ut patet ex lib. 2. Retra. cap. 24. ubi ait *De inferis magis mihi videor docere debuisse, quod sub terris sint, quam rationem reddere, cur sub terris esse credantur, siue dicantur, quasi non ita sit.* ex qua retractatione habetur eum sentire receptaculum ad quæ migrant animæ, siue in æternū siue ad tempus puniendæ, esse in loco corporeo, & consequenter motum ex hoc loco nostro ad illum esse verum motum localem, sed improprium, & æquiuvocum: & lib. 12. de Gen. ad litteram cap. 33. adhuc clarius de Christi Domini anima sic loquitur. *Et Christi quidem animam venisse usque ad ea loca, in quibus peccatores cruciantur, ut eos solueres à tormentis, quos esse soluendos occulta nobis sua iustitia iudicabas, non immerito creditur. Quomodo enim aliter accipiendum sit quod dictum est. Quem Deus suscitavit à mortuis solutis doloribus inferorum, quia non poterat teneri ab eis.* &c. Admittit igitur S.P. & modum essendi in loco in creaturis spiritualibus, & secundum præsentiam substantiæ, & secundum operationem, siue applicationem virtutis, & solum negat illis modum essendi in loco, & motum localem propriè dictum, qualis est ille corporum,

secundum quem dicuntur esse circumscriptiue in loco, & vna pars loci competere parti loci, quod Spiritibus competere non potest, qui carent partibus.

Dico secundo: tam latè patere modum, quo Angelus potest se mouere localiter, quam latè patet modus, quo Angelus est in loco, eo quod mouere se localiter, nihil aliud est, quam successiue esse in pluribus locis; quapropter omnibus illis modis, quibus in dubio primo dictum est, Angelum esse in loco, tot etiam modis dicendum est eum posse moueri localiter, hoc est successiue esse in alio, & alio loco.

Dico tertio. Angelum posse moueri motu continuo, ut communiter fatentur Theologi, eo quod, licet substantialiter sit indiuisibilis, habet tamen ratione quantitatis virtutis quamdam virtuales extensionem, propter quam potest ad certam spheeræ spatij suam præsentiam diffundere, & sic potest locum, quem occupat, paulatim relinquere, & vicinum similiter motu continuo, & non interrupto subire; quod ostendit ita se habere modum, quo anima rationalis existit in toto corpore, est, & ipsa spiritualis, & indiuisibilis sit, que ratione suæ virtualis extensionis est in toto corpore, & postea in obitu ut plurimum paulatim deserit informare corpus, donec penitus separata alium occupet locum, quem antea non

non occupabat: sic & Angeli; est enim par ratio de illa, ac de istis, quibus positus.

Dico quarto, Angelum iuxta cōmuniorem sententiam, posse se mouere localiter motu discreto, ita scilicet; vt eodem interpolatē diuersa loca adæquatā acquirat, itaut primò deferat totum locum sibi adæquatū, reducendo se ad minorem partem illius, ibique per aliquod tempus manendo, & postea se transferendo ad alium locum sibi adæquatū; quod adhuc clarius habetur in modo essendi in loco per operationem, quo potest verbi gratia per totam horam operari in loco sibi adæquato, & postea per morulam nihil operari, deinde operari in alio loco distante; & hoc modo sequitur motum illum esse discretum ratione interpolationis. Aliqui explicant motum discretum Angeli, per hoc, quod componatur ex pluribus motionibus instantaneis sibi inuicem succedentibus; quod probant ex eò, quod Angelus possit in instanti deferere vnum locum adæquatū, & acquirere alium immediatū, & sic deinceps acquirere etiam tertium, quartū &c. & singulos per singulas mutationes instantaneas. Huic sententiæ subscribit Becanus prima parte tractatu de Angelis cap. primo qu. 6. concl. 3. & in sententia docente dari aliquos motus instantaneos rectē inferitur. Verum cum in physicis ostenderim

ex vna parte nullum motum posse esse instantaneū indiuisibilitate propriē, & rigorosē dictā; eoquod omnis motus intrinsecē, & essentialiter componatur ex subiecto, termino à quo, & termino ad quem, ex quibus necesse est, vt vnus succedat alteri; & ex altera parte in rebus corporeis nullam dari entitatem verē, & realiter, ac propriē indiuisibilem; manet ex hoc capite in hac sententia non posse inferri discretionem motus Angelici, sed solum primo modo. Dices, Angelus potest simul deferere vnum totum locum, & acquirere totum alium immediatē proximum; sed talis mutatio est instantanea, cum sit tota simul; ergò Angelus potest in instanti se mouere, & mutare locum. Confirmatur, quia Angelus non habet partes; ergò potest se totum simul transferre de vno loco in alium locum proximum; ergò non eget tempore. R. distinguendo maiorem; potest deferre totum locum simul itaut illa derelictio non componatur ex termino à quo, & termino ad quem nego; itaut componatur, transeat; Minorem pariter distinguo: talis mutatio est instantanea, inadæquatē, concedo, adæquatē nego; & sic etiam distinguo consequens inadæquatē enim dicitur moueri, seu motus, quatenus accipitur solum vnum, vel alterum ex componentibus motum, idest vel subiectum, vel aliquis ex duobus terminis;

nis; vel etiam duo, puta subiectum, & aliter ex terminis; adequatè verò, cum accipiuntur si nuli, & coniunctim subiectum, & duo termini; nunquā possunt esse instantaneæ; sed necessariò inuoluitur successio, cum semper essentialiter requiratur negatio in vno, vel prò vno termino; qui habet oppositionem priuatiuam cū alio termino, vt explicauī in primo tomo Philosophiæ naturalis cap. de motu; Aduerte tamen quod ly instantaneè sumitur à me non in toto rigore, sed virtualiter, quatenus respectu nostri ita citò fit, vt naturaliter videatur; non posse fieri celerius; nam de cætero in rebus corporeis, siuè permanentibus siuè successiuis non admitto nec puncta, nec instantia formaliter indiuisibilia; sed solum virtualiter hæc dari censeo in continuo, vt suo loco dictum est.

Dico quinto. Angelum non posse naturaliter secundum præsentiam suæ substantiæ moueri de vno extremo in aliud extremum distans, quin transeat per medium. Est communis sententia in scholis eorum, qui tenent Angelum esse præsentem loco per suam substantiam, Est enim intelligibile; quomodo Angelus naturaliter Roma discedens possit peruenire Constantinopolim, non transeundo per loca intermedia. Thomistæ verò, qui tenent Angelos nō esse in loco, nisi per operationem transeuntem, faciliè explicant eos

posse hic Romæ operari, & postea Constantinopoli nihil operando in medio.

Dixi naturaliter, quia non reputat supernaturaliter dari talem motum; cum Christus Dominus in cælo existens passim fiat præsens in plurimis hostijs, non transeundo per medium; siue fiat per acquisitionem nouæ vocationis solum, siuè per reproductionem, siuè alio modo; præterea plures Theologi censent totum sanguinem, ex quo corpus Sanctissimi Domini Nostri Iesu Christi formatum est, illicò fluxisse ad locum conceptioni destinatum non transeundo per loca media. Denique probabile est corpora Sanctorum glorificata posse transire ab extremo in extremum sine medio; Hoc Becanus loco citato probat ex lib. de cognitione veræ vitæ cap. 45. quem putat, esse S. P. N. Augustini, sed re vera non est, vt patet ex censuris Louanienſium, & ex lib. Cardinalis Belarmini de Scriptoribus Ecclesiasticis; & idcirco in nouissimis impressionibus emendatissimis reijcitur in appendicem tomi 9. habetur enim in dicto loco *Quam citò nunc animus ab Oriente in Occidentem cogitatione peruenit, tam citò tunc illud corpus illuc peruenire poterit.* Dicit ibi Becanus S. P. hoc alibi docere, quod tamen adhuc non inueni. Ex dictis colligitur, diuinitus, seu supernaturaliter posse Angelos transire

fire de extremo in extremum. etiam quoad presentiam substantiæ, non transcendendo per medium nec tiz.

CONTROVERSI A

Q V A R T A

De intellectu, & cognitione Angelica.

AXIOMA PRIMVM

Angeli cognoscunt se ipsos per suam substantiam.

Ex lib. 11, de Ciuitate Dei Cap. 29.

Angeli se ipsos ibi melius, quam in seipsis, verumtamen, & in seipsis sciunt, facti sunt enim, & aliud sunt quam ille qui fecit.

D V B I A B R E V I A

De intellectu Potentia, & cognitionibus Angelorum.

DVbia sequentia hic colligo: quia de illis non habeo propria axiomata S. P. sed supponuntur ab eo, vt iam communiter nota, nec habere aliam difficultatem ab illis, quæ in scholis de quacumque creatura intellectuali pertractari solent; eo

rum quædam hic breuissimè attingo, eo quod viam parant ad ea, quæ postea in sequentibus difficultatibus sunt dicenda.

Primum est. Vtrum intellige Angelum sit eius substantia. R. communiter negatiue, quod probant

Thomistæ ex eo, quod nulla creatura potest esse sua actualitas; hoc enim est proprium actus purissimi, qualis est Deus; sed intellectio est actualitas Angeli; ergo non potest esse eius substantia. Hæc tamen ratio me non conuincit, eo quod non est certum, quod nulla creatura possit esse sua actualitas, in suo genere; nam de facto omnis forma simplex est sua actualitas; non est enim composita ex subiecto, & actualitate; alias non esset simplex; & oporteret dare processum in infinitum; ad illud, quod dicitur hoc esse proprium actus purissimi; Respondeo esse proprium eius esse actualitatem purissimam carentem quacumque potentialitate tam subiectiua, quam obiectiua; quod non habet vlla creatura, cuiusque enim necessario competit potentialitas obiectiua, id est non repugnantia ad esse, & ad non esse; nec diuinitus potest fieri, quod datur aliqua creatura, cui hæc non competat; alias non esset creatura, at hoc, quod est carere potentia subiectiua, optime conuenit pluribus entibus creatis simplicibus, ut Angelo, & cuiusque formæ simplici; ac proinde, quemadmodum Angelus sibi identificat alia prædicata, & suasmet differentias, specificam scilicet, & indiuidualem, sic non videtur ex hoc capite repugnare quominus intellectio identificetur cum Angelo, si non de facto, saltem de pos-

sibili. Probant secundo quia si intelligere Angeli esset eius substantia, esset subsistens, & sic non posset esse, nisi vnum intelligere, siue vna intellectio; ac proinde non posset assignari disparitas graduū in intelligendo, ita vna intellectio sit perfectior quam altera; cum hoc contingat propter diuersam participationē ipsius intelligere. Contra hanc rationem stat, quod non repugnat intellectiōnem esse subsistentem, sicut non repugnat ipsam potentiam intellectiuam, ut identificaram cum ipsa substantia in sententia, quam ego sequor, & est S. P. esse subsistentem. Ad probationem B. non esse inconueniens dicere, quod tunc in vno quoque intelligente daretur vnum tantum intelligere; cum quo tamen stat, quod vna intellectio esset perfectior altera non quidem in vno, & eodem indiuiduo, sed in diuersis indiuiduis: quo pacto vnus Angelus est perfectior altero ratione differentie sue essentialis, ac etiam indiuidualis. Probari posse fortius videtur ex eo, quod si intellectio Angeli esset eius essentia, semper esset in actu intelligendi omnia, quæ per totam æternitatem intelligit; sed constat ex Sacra Scriptura non esse semper in actu intelligendi ea omnia, quæ potest successiue intelligit, habetur enim ibi vnum Angelum indicare alteri; quid agendum; ergo talis intellectio non est de substantia Angeli;

li; hæc tamen ratio non conuincit de quacunque intellectuione, posset enim responderi fufficere ad intentum, quod aliqua intellectuio identificetur cum ipso, vt intellectuio Dei, vt primæ causæ, vel sui ipsius, à qua nõ potest cessare; propterea puto solum rationibus topicis suaderi intellectuionem Angelicam nõ posse identificari cum illo, non autem ratione demonstratiua.

Secundum dubium est: Vtrum intelligere Angeli sit eius esse. Respondent negatiuè Thomistæ, & probant, eo quod sequeretur, quod scilicet esse Angeli est totum simul, ita, & esset totum simul eius intelligere respectu omnium intelligibilium; sed intelligibilia omnia sunt infinita; ergo etiam eius intellectuio esset infinita. Maior est certa, quia vbi datur identitas inter duo prædicata, si vnum est totum simul, etiam alterum necesse est esse totum simul; nõ enim possunt identificari ens permanens, & ens successiuum: minor est etiam in confesso apud omnes; cum non possit assignari terminus in rebus intelligibilibus. Consequentia probatur, quia intellectuio specificatur non solum à subiecto; sed etiam ab obiecto; ac proinde si hoc est infinitum, necesse est etiam intellectuio nem esse infinitam; quod non potest habere locum in Angelo, cum esse Angeli sit determinatum tam secundum genus, quam secundum speciem,

quod non competit intellectuioni Angelicæ, quæ cum non sit in specie Angeli, sed possit essentialiter specificari ab omnibus speciebus entis, erit infinita, & indeterminata. Hæc ratio patitur magnam difficultatem, nam aliud est esse infinitum in essendo, aliud esse infinitum in representando, & bene potest stare, quod aliquid sit finitum in esse, & quod sit infinitum in representando, vt patet in visione clara Dei, qua representatur eius infinitas in omnibus attributis, & perfectionibus Diuinis, & tamen ipsa est finita, & determinata in esse, & in genere cognitionis intellectualis, & in specie visionis. Præterea cum quaeritur an intelligere Angeli sit eius esse, non est necesse, quod quaestio procedat de intellectuione cuiuscunque obiecti, sufficeret enim ad verificandam conclusionem, si intelligere alicuius obiecti verbi gratia sui esset identificata cum esse ipsius, esto intelligere aliarum rerum esset distinctum realiter ab ipso.

Tertium dubium est. An potentia intellectuia Angeli sit identificata cum eius essentia. Respondent etiam huic Thomistæ negatiuè, & probant ex dictis dubio præcedenti, eo quod intelligere Angeli non est eius esse; ergo nec etiam potentia intellectuia; probant consequentiâ, quia diuersis actibus adæquatis, id est specie differentibus correspondent

pro-

proprie potentie adæquatæ, & realiter inter se contradistinctæ. Contra hunc discursum stat, quod non semper requiritur tanta distinctio in principiis, quanta est in principiatis, siue in effectibus: quapropter, cum, ut dixi in tertio tomo Philosophiæ naturalis cap. de potentijs animæ, sit expressa sententia S. P. quod potentie animæ non distinguuntur realiter ab ipsa anima, prout se tenent ex parte ipsius, præcindo ab organis; unde potentie vegetatiuæ, & sensitiuæ inadæquatè sumptæ identificantur cum substantia ipsius animæ; Potentie verò spirituales adæquatè omnino sunt idem cum ea, & solum interuenit distinctio virtualis ratione quantitatis virtutis ipsius animæ, & diuersorum connotatorum ex parte terminorum; sic pariter in presenti philosophandum est de potentijs spiritualibus ipsius Angeli, tanto magis, quod etiam in rebus corporeis, in quibus datur maior diuersitas, & multiplicitas, quam in spiritualibus, idem luminosum illuminat, calefacit, & exsiccatur, & eadem substantia corpore a producit in se suas propriates physicas realiter ab ipsa substantia distinctas; ut patet in aqua, quæ reproducit in se suam frigiditatem amissam, suam fluiditatem postquam fuit congelata, suam humiditatem &c. & tamen est una, & eadē potentia a qua, per quam producit hæc accidentia propria in se ipsa;

nām alias oppoteret dare processum in infinitum; ergo similiter Angelus per potentiam intellectuam identificatam cum sua met substantia poterit producere intellectiōem realiter à se ipso contradistinctam.

Quantum dubium est; Vtrum denatur in Angelo intellectus agens, & intellectus possibilis. Respondent Thomistæ negatiuè: eoquod nulla est necessitas ponendi intellectum agentem in Angelo; cum enim iste detur ad reddendas, seu producendas species spirituales, & oportionatas ad hoc, ut intellectus possibilis possit exire in suum actum, & Angelus non accipiat species materiales ab obiectis, quæ postea sint reducendæ ad esse spirituale, sed immediatè à Deo in sua creatione eas acceperit infusas, nulla est necessitas ponendi huiusmodi potentiam intellectualem agentem; discursus iste esset optimus, si esset certum Angelos nunquam accipere species ab obiectis: sed de hoc est difficultas magna; nā Scotus in secundo dist. 3. quæst. vltima Ricardus qu. 6. & noster Greg. Ariminensis dist. 7. qu. 5. sentiunt Angelos accipere species ab obiectis; nihilominus.

Dico probabilius esse in Angelis non esse intellectum agentem propriè dictum. Probat ex communi consensu aliorum Theologorum, & ex prædicta ratione; cum intelligant omnia obiecta per species immateriales sibi

sibi à Deo infusas, siuè concreatas, non verò à rebus acceptas; hoc enim, quod est accipere species à rebus corporeis, arguit magnam imperfectionem in cognoscente; quæ non debet admitti in natura spirituali perfectiori quolibet ente corporeo. Aliqui dicunt nec etiam dari in eis intellectum possibilem propriè dictum, eò quod à principio creationis semper sunt in actu secundo intellectationis sui, & Dei; ac etiam plurimorum aliorum obiectorum. Si dicas in ordine ad multa alia obiecta, esse in potentia tam in ordine ad actum secundum, quam in ordine ad actum primum, & consequenter saltem sub hac ratione posse dici habere intellectum possibilem. Respondent intellectum possibilem propriè dici in ordine ad intellectum agentem, quo carent; nam etiam in ordine ad hæc obiecta, ad quæ sunt in potentia, non formarent sibi species, quando ea deberent intelligere; sed acciperent formatas, & infusas ab ipso Deo, vel etiam forte ab alijs Angelis; & præterea intellectus Angelici non est pura potentia in ordine intelligibilem, cum possit ab omni actu cessare; æquiuocè verò admittunt posse dici habere intellectum possibilem, eo quod naturaliter possint recipere, & producere suam intellectationem. Quæstio ista, ut vides, est de voce; posito enim, quod nomine intellectus possibilis veniat so-

lum, & propriè qui habet respectum ad intellectum agentem, à quo recipiat species depuratas, & redditas spirituales; certum erit non esse in illis intellectum possibilem propriè dictum, posito quod dicatur eos recipere quascunque species à Deo. Si verò dicamus nomine intellectus possibilis venire quancunque potentiam intellectualem creatam recipientem quemcunque actum ordinatum ad cognitionem, siuè sint species impressæ, siuè verbum mentis; vt propterea dicatur etiam intellectus possibilis à patiendis, id est à recipiendo actum secundum, siuè formam aliquam spiritualem, siuè hanc receperit à principio suæ creationis, siuè postea; in hoc sensu nulla est difficultas posse admitti in eis intellectum possibilem, siuè possibilem propriè dictum.

Dices primò cum Scoto contra primam partem nostræ assertionis; Intellectus agens est quedam perfectio naturæ humanæ; ergò non debet denegari Angelo, qui est natura perfectior. Probaturs consequentia, Natura perfecta debet habere virtutes, & facultates, quibus possit acquirere sibi suas perfectiones, & exire in actus secundos sibi proportionatos; sed cognitio plurium obiectorum verbi gratia vniuersalium, & singularium est actus proportionatus naturæ Angelicæ, & non potest in eam prodire, nisi habeat intellectum

ctum agentem, sicut non posset humana, si eum non haberet; ergo omnino necesse est ponere etiam in Angelo intellectum agentem. Minor in qua est difficultas, probatur; quia singularia in qualibet specie sunt innumerabilia, & cognitio distincta, vniuersalium, qualis est illa Angeli, quæ non est confusa, continet, & includit, vel saltem necessario supponit cognitionem omnium, & singulorum indiuiduorum; sed horum omnium non habent Angeli species inditas; cum hæc sint innumerabilia; ergo debent habere principium, per quod possint acquirere species impressas proportionatas, quibus possint exire in actum cognoscituum illorum; hoc non potest esse, nisi intellectus agens; ergo omnino necesse est ponere in illis intellectum agentem. Respondent Thomistæ; intellectum agentem non pertinere ad perfectionem simpliciter naturæ humanæ, sed ad perfectionem eius, quatenus est natura imperfecta; immo in genere creaturarum intellectuales imperfectissima, cum in tali ordine sit pura potentia, & ut est pura potentia subiectiua, & actiua, sed incompleta sit acquisitiua propriæ perfectionis, & complementi, per quod possit exire in actus secundos; propterea ut est in potentia ad illud supponit eius absentiam, quod importat imperfectionem. Ad probationem respondent; naturam Angeli-

cam habere à principio omnem perfectionem completam in ratione principij actiui, & ideo non indigere virtute ad illam acquirendam, sicut indigentia naturæ, quæ possunt carere suis perfectionibus, vel complementis eorum, vel quæ non habent à principio suæ productionis omnem suam perfectionem, sed debent illam acquirere paulatim.

Dices secundo. Si in Angelo non datur intellectus agens, hoc maxime erit, quia in eo semper intellectus est in actu, & eius obiectum est semper intelligibile in actu; sed utrumque est falsum; ergo &c. Prob. Minor, quia Angelus non semper intelligit ea omnia, quæ potest intelligere, & eius obiectum non solum comprehendit res immateriales, sed etiam materiales, & corporeas; quæ cum sint intelligibiles solum in potentia, possunt per intellectum agentem fieri intelligibiles etiam in actu; ergo &c. Respondent Thomistæ cum Caietano prima parte qu. 54. art. 8. dub. primo sufficere, quod sit semper in actu respectu aliquorum intelligibilium; eius enim obiectum primum est quidditas immaterialis; & motuum, quod est primum obiectum respectu Angeli, habet rationem, & obiecti, & speciei intelligibilis, quod est ipsa essentia Angeli; non sic se habet res in ordine ad cognitionem nostram pro hoc statu; nam obiectum motuum animæ rationa-

tionalis vnità corpori secundum ordinarium, & naturalem modum intelligendi est res materialis, quia nihil possumus nunc intelligere quid dirariuè, nisi naturas rerum sensibilem; obiectum verò terminatum semper est cum dependentia à phantasmatibus, vt docet Aristoteles lib. 3. de anima textu 30. non sic est de Angelo, qui intelligit per species imateriales, & independentes à speciebus sensibilibus. Hoc, quod mihi videtur difficile in hac sententia, est, vnde habeatur, quod Angeli omnia omnino obiecta intelligant per species inditas à Deo, & nulla omnino per species ab ipsis rebus acceptas; si enim dicas hoc haberi ex perfectione ipsius naturæ Angelicæ; contra est, quia est quid perfectius posse intelligere vtroque modo, quam vno tantum modo; tantò magis, quod nulla sufficiens assignatur repugnantia, propter quam necessariò sic dicendum suprâ illum modum perfectiorem non posse Angelum habere hunc alium, esto minus perfectum; & præterea intra idem genus rei qui potest id, quod est perfectius, potest etiam id, quod est minus perfectum, vt verbi gratia qui potest producere octo gradus lucis, vel caloris, potest etiam producere duos vel tres, esto

isti sint quid minus perfectum, quam illi; sed de hoc infra redibit sermo.

Dubium secundum est: an in Angelis detur alia cognitio præter intellectiuam. R. negatiuè. Probatur primò quia: Angeli non habent corpora sibi naturaliter vnita, quorum sint formæ substantialiter ea informantes, per quæ possint habere cognitionem sensitiuam. Dices, quod sicut possunt exercere alias operationes vitales, vt loqui, generare, ambulare, manducare, &c. in corporibus assumptis, sic etiam poterunt exercere cognitionem sensitiuam. R. iam supra in secunda Controuersia dictum esse: Angelos non exercere propriè illas operationes vitales, quæ intrinsecè, & essentialiter vitales sint, sed solum quoadmodum; ac proinde sicut non possunt illas, sic nec etiam possunt exercere istas. Probatur secundò, quia ad ordinem vniuersi spectat, vt sicut dantur substantiæ totaliter corporeæ, sic etiam dentur substantiæ totaliter spirituales, & intellectuæ, & non solum partialiter, vt est homo, cuius cognitio alia est intellectuæ, alia sensitiuæ; ideo enim Angelus vocatur mens, & intellectus, ac etiam intelligentia absolute, non sic homo.



AXIOMA SECVNDVM

Medium cognitionis Angelicæ sunt species à Deo indita.

Ex Lib. 2. de Gen. ad Litteram Cap. 8.



Actera, quæ infra Angelos sunt, ita causantur, ut prius fiant in cognitione rationalis creatura, ac deinde in genere suo, &c. conditio verò cali prius erat in Verbo Dei secundum gentiam Sapientiam; Deinde facta est in creatura spiritali, hoc est in cognitione Angelorum, secundum creatam illis sapientiam: deinde quod Calum factum est, ut esset etiam ipsa Cali creatura in genere proprio &c. Neque enim sicut pecora solo sensu corporis vident Angeli hæc sensibilia, sed si quo sensu tali vivuntur, agnoscunt ea potius, quæ melius noverunt interius in Dei Verbo, à quo illuminantur, ut sapienter vivant: cum sit in eis lux, quæ primò facta est, si lucem spirituales in illo die factam intelligamus. Quemadmodum ergò ratio, quæ creatura conditur, prior est in Verbo Dei, quam in ipsa creatura, quæ conditur: sic & eiusdem rationis cognitio prius fit in creatura intellectuâli, quæ peccato tenebrata non est, ac deinde ipsa conditio creatura, postea in genere proprio. Neque enim sicut nos ad percipiendam sapientiam proficiebant Angeli, ut inuisibilia Dei per ea, quæ facta sunt, intellecta conspicerent, qui ex quo facti sunt, ipsa Verbi æternitate sancta, & pia contemplatione perfruuntur, atq; inde ista despicientes, secundum id, quod intus vident, rectè facta approbant, vel peccata improbant. Nec mirum est, quod Sanctis Angelis suis in primâ lucis conditione formatis prius Deus ostendebat, quod erat deinceps creaturus.

D V B I V M

Quodnam sit medium cognitionis Angelicæ.

Sensus quæstionis est, an essentia Angelis sit illa ratio intelligendi omnia, an verò requiratur aliquid aliud, nempe species, & quales debeant

beant esse, si acquiruntur, & vnde, vel à quo acceptæ, an scilicet ab obiectis, vel a Deo.

Præmitto primo: ad cognitionem requiri vnionem potentiæ cum obiecto; cum enim sola potentia non sufficiat, eòquod sit indifferens ad quā cumque cognitionem specificam, necessariò debet simul cum illa vniri obiectum, vt illam in actu compleat, & vltimò determinet ad hanc cognitionem specificam, & non ad aliam; propterea S. P. Augustinus lib. 9. de Trinitate cap. vltimo docet à duobus oriri cognitionem, à cognoscēte scilicet, & ab obiecto.

Præmitto secundo: hanc vnionem fieri ab obiecto, vel distante, vel improporcionato mediante specie, quæ vices gerat ipsius obiecti, tum quia potentia est indeterminata, & non potest determinari à tali obiecto, puta materiali, neque secundum suā entitatem; quia potest esse, quod tale obiectum non existat, & tamen habeatur eius cognitio; neque in ratione termini, eòquod hæc ratio est posterior intellectu, & determinatio actiua obiecti respectu intellectus debet præcedere intellectu, cum sit ex præquisitis ad illam; tum quia cognitio fit per assimilationem ab, & cum obiecto; cognoscere enim est idem, ac exprimere in se vitaliter imaginem rei cognoscendæ; ac proinde potentia cognoscitiua debet habere in se formam, per quā

formet in se talem similitudinem, & imaginem obiecti, quæ in tali casu nulla alia potest esse præter ipsam speciem intelligibilem, quæ est virtualis imago ipsius obiecti; cum enim in intellectu non sit similis de se rebus ipsis cognoscendis, non potest producere talem imaginem; de ratione enim imaginis propriè dictæ est, vt procedat ab eo, cuius est imago, vt habet expressè S. P. N. lib. quæst. in Deuter. qu. 4. & lib. 83. quæstionum qu. 74. vbi hoc probat, quia ouum est ouo simillimum, & tamen neutrum est alterius imago, quia neutrum ab altero procedit. Cum igitur cognitio sit imago obiecti, necessariò debet procedere ab illo effectiue, & cū non possit procedere ab illo secundum suum esse materiale, vt patet, quia improporcionatum est; neque secundum esse terminatum, vt dictum est; manet quod procedat secundum esse intelligibile, & consequenter per species. Hæc doctrina est cōmunis in scholis, exceptis Nominalibus, & Durando, ex quibus iste in secundo dist. 3. qu. 6. nu. 17. docet obiectum non concurrere effectiue ad intellectualem intuitiuam, sed solum intellectum; eo modo, quo in eius sententia posito sensibili in actu sequitur sensatio absq; alio concursu sensibili: illi verò ex doctrina Okami in secundo dist. 15. conclus. prima, & in solutione qu. 14. paragrafo *hursus*: cum quo sentit;

alij eius Sectatores idest Noster Gregorius. Ariminenfis dist. 7. qu. 5. artic. 1. conel. 1. Bassolis qu. 3. paragrafo dicoigitur; & Gabriel qu. 2. art. 2. & 3. asserunt solam præsentiam rei in se, vel in sua causa sufficere sine vlla præuia vnione, & sine vlla specie ad hoc, vt res quæcumque; ab Angelo cognoscat, cum quo tamen admittunt obiectum ipsum simul cū intellectu concurrere ad intellectiōnem intuitiuam; ad abstractiuam verò dicunt concurrere habitum remanentem ex intellectu intuitiuo; quæ omnia conuincuntur falsitatis ab ipsa indifferentia potentia, quæ non potest determinari ab obiecto distanti, nisi velimus naturaliter dare actionem in distans; neq; ab obiecto improporcionato, quale est corporeū, quod cum sit inferioris ordinis non potest esse principium effectus spiritalis, qualis est intellectio, vt causa principalis: his positis.

Dico primo: Angelos non cognoscere omnia per suam essentiam, sed per species super additas. Hæc sententia est communis non solum in schola S. Tho. qu. 55. prima parte artic. primo, 2. & 3. sed etiam S. Bonauentura, Scoti, B. Egidij Nostri in secundo dist. 3. & Nostri Ferrariensis lib. 3. contra gentes c. 96. & hanc puro esse sententiam expressam S. P. N. in hoc axiomate, cum docet prius res esse conditas in cognitione Angelica, quam in genere

suo; quod vt sit verum, necesse est, vt ibi fuerint productæ species, & imagines harum rerum, vt determinaretur eorum potentia indifferens ad dictam cognitionem, & sapientiam, maximè in primo, & secundo instanti, in quibus non viderunt diuinam essentiam, & tamen cogouerunt res corporeas, & materiales, vt constat ex prælio inter S. Michaelem, & Draconem. Probatur hæc assertio primo auctoritate S. Dionysij, qui in libro de Diuinis nominibus cap. 4. ait *diuinas mentes intelligere præstanti modo*, quem modum explicans subdit, *& eorum, quæ sunt, rationes discunt diuina sibi accomodata illustratione*. quo loco loquitur de cognitione obiectorum naturaliter cognoscibilium, & hæc docet cognosci per illustrationem diuinam accommodatam naturæ Angelicæ, quod aliter intelligi non potest, nisi quod cognoscantur non per species transmissas, sed à Deo infusas: vbi aduerte S. Doctorem habere; Angelos *illuminari rationibus rerum*: quem locum communiter explicant, quod per ly rationibus rerum veniant species; & Abbas Camaldulensis in sua traductione sic vertit: *cognoscere eas res diuinis illustrationibus sibi accommodatis*. Probant secundo Thomistæ communiter ex eo, quod nulla forma completè perficit aliquam potentiam, nisi contineat, ea omnia, ad quæ se extendit illa potentia, vt patet in quacunque

que forma substantiali respectu materiæ; sed essentia Angeli non continet sub se omnia, quæ potest Angelus intelligere, cum sit determinata ad genus, & speciem, & præterea hoc sit proprium diuinæ essentiæ propter suam infinitatem; ergo essentia Angeli non est illi forma adæquata, per quam possit cognoscere omnia. Hæc ratio paritur instantiam ex eo, quod aliud est continere in se alia entitativè, aliud est continere ea representativè; nam benè potest stare, quod aliquid contineatur in determinato genere, & determinata specie, & tamen representet illud, quod entitativè non continet, sic enim homo, licet sit sub determinata specie, nihilominus representat Deum, cuius est imago, quem tamen non continet entitativè. Probatur tertio, quia si essentia Angeli posset representare omnia veluti species illorū, vel id esset, quia ex natura sua est per se ordinata ad representandum tantquam semen omnium obiectorum naturalium, vel quia est superioris ordinis continens inferiora per modum exemplaris eminentioris; vel quia habet necessariam connexionem causæ, vel effectus cum omnibus rebus naturalibus: his enim tribus modis potest concipi; quod una res aliam intelligibiliter representet; sed nullo ex his modis potest essentia Angeli intelligibiliter representare omnia obiecta materialia: er-

gò repugnat ei representare omnia. Probatur minor discurrendo per singula. Primo namque modo non potest representare propter suam perfectionem; cum enim sit substantia, quæ est ens ad se, & substantia completa, & inter completas creaturas perfectissima, non potest esse facta propter alia, sed propter se, & propter suam perfectionem. Neque secundo, quia talis modus representandi propter suam maximam perfectionem superat perfectionem substantiæ Angelicæ; res enim, quæ representat omnia per modum exemplaris eminentioris, requirit, ut sit causa exemplaris omnium, ac proinde quod ille, cui competit talis modus, sit causa efficiens omnium; exemplar enim non est nisi in artifice; unde necessariò talis res omnes alias res eminenter continens est Deus: hoc enim est proprium solius diuinæ essentiæ. Adde, quod essentia cuiusque Angeli constituitur ex genere, & differentia; & differentia unius Angeli obstat, quo minus representet alium, vel alios Angelos; cum enim sit ratio formalis differendi, & consequenter dissimilitudinis, non potest esse ratio formalis conveniendi in similitudine, & representatione. Sed neque tertio modo ei competere potest; cum substantia Angeli neque sit causa efficiens omnium rerum, cum non possint esse eorum conditores, ut passim docent

P. P. & Scholaſtici cum S. Patre, & S. Io: Damasceno; neque ſint effectus aliarum rerum, ſed ſolius Dei; ergò nullo modo poſſunt repreſentare per ſuam eſſentiam alia omnia. Hæc ratio reddit hanc ſententiam, valde probabilem; verum & ipſa patitur ſuas difficultates, & primò quia non eſt neceſſe, quod omne id, quod repreſentat aliquid, vt ſpecies illius, ſit vel ſemen obiectorum, vel exemplar eminentioris ordinis, vel quod habeat connexionem cauſæ, vel effectus, ſed ſufficit, quod habeat aliquam ſimilitudinem cum illo, vt patet in imaginibus artefactis, quæ repreſentant id, ad quod ſunt factæ, & tamen nihil ex illis tribus eis conpetit. Præterea infringi videtur viſ huius argumèti in ſpecie impreſſa Dei, quam poſſibilem eſſe plures Scholaſtici concedunt, & tamen iſta deberet repreſentare idæam omnium rerum, quæ ſunt producibiles, cum Idæa ſit attributum formale ipſius Dei, & conſequenter repreſentare omnes res, & tamen eſt accidens, & eſt ens creatum, & hanc repreſentationem non haberet, ab vilo ex illis tribus enumeratis capitibus. Hæc ſuadent mihi hanc rationem non habere vim demonſtrationis, ſed nihilominus ſtante cõmuniori conſenſu ſcholarum, & auctoritate S. P. N. & S. Dionyſij puto hanc ſententiam eſſe probabiliorè, eò maximè, quod conſtat ex Scripturis, Angelos non

cognoſcere ex ſe omnia; ſed quandoque illuminatos ab alijs ad cognoſcenda ea, quæ antea non cognoſcebant.

Dices cum Alciſiodorenſi; qui in lib. 2. ſummæ tract. 5. cap. 4. tenet oppoſitum. Angelus per ſuam eſſentiam poteſt intelligere omnia, non quidem ſemper actu, ſicut Deus, ſed quando vult, modo vnã rem, modo aliam; ergò poterit etiam illa repreſentare. Probatur conſequentia; quia illud eſt perfectius, quam iſtud; Confirmatur auctoritate S. Dionyſij lib. de diuinis nominibus cap. 7. vbi cum dixiſſet Deum cognoſcere res per ſuam eſſentiam, tamquam per cauſam rerum omnium, de Angelis poſtea ſubdit, etiam illos ea, quæ ſunt in terra, ſcire, non quod ea ſenſibus cognoſcant, licet ſub ſenſu cadant, ſed mentis ſuæ diuinam ſpecie præferentis vi, atque natura; & de hominibus poſtea docet illos intelligere per imagines, & ſimilitudines, in quibus aſſerionibus, cum dicatur Angelos eodem modo intelligere res quo Deus eas intelligit, ſequitur, quod eas intelligant per ſuam eſſentiam, & ad hoc argumentum: eſſentiam Angelinon eſſe ſufficiens principium proximum intelligendi ſine ſpecie; ad probationem conſequentiæ negatur abſolutè, illud eſſe perfectius; nam ad illud ſufficit ens limitatum, ad hoc verò requiritur ens illimitatum, & indefinitum: ad Confirmatio-

mationem. S. Dionysium ibi solum comparare Angelum Deo in perspicacitate intellectus, quatenus & ipsi intelligunt sine discursu, & intuentur effectus in causis, & conclusiones in principiis, quod tamen semper debet intelligi seruata proportionem, & per altera etiam in eo, quod neuter intelligit per species acceptas à rebus, sicut intelligit anima nostra, præsertim in cognitione Dei, de qua ibi loquitur S. Doctor.

Dico secundo: Angelos intelligere per species ab initio creationis à Deo illis inditas, & non per acceptas à rebus. Hæc sententia est S. Thomæ prima parte qu. 55. artic. 2. Caietani, & Bannez Rib: Nostri Ferrariensis lib. 2. contra gentes cap. 96. nostri Thomæ de Argentina in secundo dist. 3. qu. 2. artic. 4. S. Bonauer turæ artic. 2. qu. prima Capr. qu. 2. artic. 1. nostri B. Egidij in secundo qu. 2. dub. 1. artic. secundo Heruei ibidem qu. 4. artic. 3. & Alberti magni de quatuor coëquis puncto primo qu. 3. artic. 1. 2. est tamen contra Scotum in secundo dist. 3. qu. 1. Ricardum ibi artic. 6. qu. 2. Maiorem qu. 7. Bassol. qu. 4. artic. 2. & 3. Marsil. qu. 7. artic. primo conclusione 8. & 9. asserentes in Angelis esse quidem species innatas rerum vniuersalium, & singularium incorruptibilium simul cum Angelis creatorum, non autem eorum, quæ post condita fuerunt, vt sunt animæ rationales, & sin-

gularia materialia. Horum argumenta infra adducuntur, & soluentur; Pro nunc probatur nostra sententia, primo auctoritate Sacre Scripturæ Ezech. cap. 28. vbi de Angelo, qui cecidit in persona Regis Tyri dicitur, *Tu signaculum similitudinis plenus sapientia, perfectus decore, perfectus in vijs tuis à die cōditionis*; quod dici non posset, si Angeli acciperent species à rebus, cum talis acceptio fiat in tempore. Probatur secundo auctoritate S. S. P. P. & primo S. P. N. Augustini, qui in axiomatico præfati docet cætera, quæ infra Angelos sunt, ita creata fuisse à Deo, vt prius fierent in cognitione rationalis creaturæ; quod nequit esse, vt supra dictum est, nisi per infusionem speciei, maximè pro illis instantibus, in quibus fuerunt viatores. Similiter S. Dionysius lib. de diuinis nominibus cap. 4. idem docet, vt dictum est in præcedenti axiomatico, & cap. 7. de cælesti Hierarchia dicit Angelos non comparare scientiam à rebus diuisibilibus, & sensibilibus; sic etiam S. Io. Damascenus lib. 2. de fide Orthodox. cap. 3. vbi ait Angelos, qui sunt secunda lumina, non indigere lingua, nec auditu, quia suscipiunt illuminationem à primo lumine. Probatur tertio ratione, quia si Angelus acciperet species à rebus præsentibus, vel id fieret, quia solæ res præsentibus sunt causa totalis, & perfecta specierum in intellectu Angeli, vel quia

quia sunt causæ partiales simul cum intellectu concurrentes, vel denique quia solus intellectus ad præsentiam rerum species illas producit, neque enim potest fingi alius modus; sed nullo ex his modis potest Angelus accipere species ab obiectis; ergo &c. Probatur minor discurrendo per singulos. Non potest primo modo, quia nulla res materialis potest agere in rem spiritualem, vel habere effectum, aut actionem spiritualem, propterea enim in nobis ponitur intellectus agens, quia phantasmata sunt corporea, & intellectus passibilis, & eius operationes sunt spirituales, & hoc præsertim verum est, si agat, ut causa totalis, quemadmodum fieret in proposito; nam deberet esse causa, vel uniuoca, vel æquiuvoca respectu talis actionis, vel effectus, quorum neutrum potest illi competere, tum quia licet obiectum esset spirituale, adhuc non posset producere tales species; ergo multo minus si est corporeum; Angelus enim superior intelligit inferiores, ac etiam animas rationales, & tamen nec istæ saltem dum sunt in corpore habent talem actionem; & perfectio naturæ Superioris, qualis est intelligere in Angelo superiori, non debet dependere à natura inferiori; cum autem eodem modo intelligant inferiores, ac superiores, si superiores non intelligunt per species acceptas, nec etiam inferiores intelligent. Neque secundo

modo, nam vel essent causæ partiales propria virtute, & hoc non potest esse propter rationem allatam, vel in virtute intellectus Angelici, tamquam instrumenta eleuata ab illo; & neque hoc potest esse; nam Angelus inferior intelligit superiorem, & tamen Angelus superior non est instrumentum inferioris in vlla actione; ratio enim instrumenti arguit imperfectionem, id est dependentiam, quæ non est ponenda in Angelo superiori respectu inferioris; præsertim in propria perfectione, qualis esset intellectio. Neque tertio modo, tum quia si Angeli possent accipere cognitionem à rebus, multo magis hoc possent animæ separatæ, in quibus certius est esse intellectum agentem; sed hoc istæ non possunt; ergo nec illi; in quibus communiter non admittitur. Minor probatur, quia si hoc possent animæ separatæ, naturaliter possent cognoscere ea, quæ post ipsarum separationem sunt in terris, quod tamen non posse sine reuelatione Dei immediata, vel mediata per Angelos docent communiter S. S. Patres, & præcipuè S. P. N. Augustinus lib. de cura pro mortuis à cap. 13. vsque ad 16. ubi dicit hoc constare ex Sacra Scriptura, & cum eo sentit S. Greg. Magnus lib. 12. moral. cap. 13. & hoc supponit vcertum Concilium Senonense in decreto Fidei cap. 13. ubi ait animas Sanctorum, idèd cognoscere orationes

nes nostras, quia illis est peruium diuinitatis speculum; tum quia accipere species à rebus necessariò inuoluit actionem aliquam obiecti, vt patet in nobis; quia alias non esset ratio, cur anima per intellectum agentem produceret potius hanc speciem, quam aliam ad præsentiam plurium obiectorum; ratio enim determinationis est, quia species accepta ab obiecto præcedit in sensu ab ipso obiecto producta; tum quia si intellectus produceret tales species, vel eas produceret necessariò, vel liberè; non primum, quia illas ab initio creationis debuisset producere, & non successiuè, vt volunt aduersarij; præsentia enim obiecti, quam dicunt requiri, quæ est successiua, est imperitina ad talem productionem; cum nullam efficientiam præbeat intellectui, nec illum iuuat, aut moueat ad talem productionem; nec secundū, idest liberè, quia non potest Angelus liberè applicare suam virtutem, in incognitum, & ante productionem speciei non cognoscit vllum obiectum; ergò non potest liberè se determinare ad productionem speciei huius obiecti, & non alterius. Denique, quia secundum ordinem intellectuum statuendus est ordo intelligibilium; sed ea, quæ sunt intelligibilia in actu, sunt superiora intelligibilibus in potentia, vt sunt omnia intelligibilia à sensibus accepta, ergò cum hæc spectent vt obiectum pro-

portionatum ad intellectum nostrū, non hæc, sed illa pertinebunt ad Angelicum superiorem nostrum; & consequenter non poterit Angelus accipere species à rebus, sed a Deo, & non eo tempore, quo singularia producuntur; nam cum illorum præsentia sit impertinens ad productionem talium specierum, esset superuacaneum expectare tale tempus, & interim priuare Angelos tanto splendoris ornatu, cuius sunt capaces; in instanti ergò conditionis suæ has habuerunt, vt admittunt Auctores supradicti, & eorum Scholæ, vt sic verificetur dictum Ezechielis loco supracitato. Probant etiam Thomistæ, quia modus operandi, & acquirendi propriam perfectionem consequitur modum essendi; sic enim animæ rationales, quæ sunt formæ corporum, suam interiorem perfectionem intelligibilem accipiunt; alioquin frustra illis vnirentur; sed Angeli in suo esse subsistunt independentes à corpore; ergò & independentes ab illo suam perfectionem intelligibilem à Deo cum natura accipiunt. Hæc ratio est valde probabilis, sed tamen non omninò conuincit, non enim sequitur necessariò, quod non possint etiam hanc perfectionem inferiorē illa habere: & maximè, si poneretur, vt aliqui ponunt, potentiam spirituales cum ipsis speciebus sensibilibus posse producere intellectiōnem, eo quod illæ possint eleuari, vt

R

instru.

instrumenta ipsius potentiae. Verum stantibus supradictis rationibus, & auctoritatibus manet, quod hoc esset frustra illis concessum.

Dices primò cum Scoto, & alijs supracitatis Doctoribus: lumen Angelicum est efficacius, quam lumen animæ rationalis; sed hoc potest abstrahere species; ergò & illud. Maior, & minor sunt certæ. Consequentia probatur, nam quod potest virtus inferior potest superior; præsertim cū talis in usus operandi non repugnet Angelis, & iudicetur magis naturalis, quam per infusionem à Deo. R. non esse proportionem inter intellectum Angelicum, & res sensibiles, ut per illum efficiantur intelligibiles actu, ac proinde talem modum operandi repugnare Angelo, non verò animæ coniunctæ; quæ facit tales species præsuppositis alijs in sensibus, quibus carent Angeli. Hæc responsio est S. Tho. qu. 8. de Veritate artic. 9. ad 8. Addunt alij oriri ex maiori perfectione Angeli, quod Angeli non possint cognoscere per abstractionem specierum à rebus, hoc enim arguit gradum superiorem in natura intellectuâli, & omnimodam independentiam à Natura imperfectiori, & inferiori, sicut accipere cognitionem à rebus arguit infimum gradum; perfectius est enim intelligere per species acceptas à Deo, quâ à rebus. Hoc confirmari potest exemplo operationum sensibilibus, & cor-

porcarum vitalium, quas propriè, & in rigore quoad substantiam non posse Angelos exercere; non arguit imperfectionem in illis, sed maiorem perfectionem, & superioritatem gradus essendi, & modi operandi.

Dices secundo: species istæ se habent æqualiter ad præsentia, & ad futura, sed scientia Angelorum non se habet hoc modo erga illa; cognoscunt enim præsentia, & futura ignorant, naturaliter loquendo: ergò species horum accipiunt ab ipsis, cum aliundè non possit provenire differentia ista. R. has species à Deo inditas non representare nisi singularia existentia; eo quod hæc solum sint similia speciei Angelicæ, non verò eadem, ut sunt futura: oritur enim ex triplici capite, quod aliquis nunc sciat ea, quæ antea ignorabat, idest vel ex eo, quod nunc habet speciem eius, quam antea non habebat, vel quia res illa nunc est similis formæ representanti, & antea non erat, vel quia licet antea esset similis, non tamen ex ea poterat elici cognitio huius rei, nisi mediante lumine superiori confortante intellectum, quo pacto ex iisdem formis existentibus in phantasia, superuemente lumine Prophetiæ, eliciuntur aliquæ cognitiones, quæ lumine naturali elici non poterant; vide S. Tho. loco citato de Veritate.

Dices tertio: Species illæ Angelicæ aut sunt propriæ passionēs, aut à Deo.

Deo infusæ: non infusæ, quia sic essent formæ supernaturales; sed neque possunt esse proprietates, istæ enim sunt determinatæ, & secundum determinatam inclinationem naturæ; sed species angelicæ non sunt determinatæ; ergo non possunt aliundè, quam ab objectis haberi. minor probatur, quia si loquamur de speciebus rerum creatarum, vel creandarum, istæ non possunt esse naturaliter, sed ex sola Dei voluntate determinatæ, qui voluit potius has, quam illas substantias creare; si verò loquamur de speciebus rerum possibilem, multò minus ad istas intellectus Angelicus est naturaliter determinatus, quia non est maior ratio, cur sit potius determinatus ad has, quam ad illas; quapropter ad omnes naturaliter inclinetur; & sic Angelus vel haberet omnes illas, & sic essent infinitæ, vel aliquibus, immò infinitis careret contra naturalem propensionem. Hæc sunt absurda; ergo & id vnde sequuntur. R. cum nostro Ferrariensi lib. 4. contra gentes cap. 98. quem sequuntur communiter Thomistæ, species intelligibiles Angelorum non esse verè, & propriè passiones naturæ ipsorum; Primo quia, si essent, haberent necessariam, & naturalem connexionem cum ipsa natura Angelica, & emanarent naturaliter ab illa. Secundo, quia alias non possent naturaliter alio modo produci, quam per emanationem; Tertio quia essent

omniò inuariabiles, ut sunt omnes aliæ passiones propriæ aliarum rerum: quæ omnia patet non habere locum in illis speciebus, tantò magis, quod se tenent ex parte objecti, non verò ex parte naturæ: Dicuntur tamen, ab aliquibus proprietates, & passiones Angelorum, minus propriè sumendo nomen passionis, & proprietatis, & non in toto rigore; quatenus scilicet habent quasdam convenientias cum alijs passionibus; & primò quidem, quia simul produciuntur cum ipsis Angelis ab eodem efficiente, id est à Deo, ut auctore naturæ, & secundum ordinem providentiæ naturalis, ut docet S. Tho. prima parte qu. 85. artic. primo ad tertium, & sunt Angelis debite tamquam complementa propriæ potentiæ ad proprium finem naturalem consequendum, & ad operationes proprias exercendas, & denique quia habent propriam determinationem correspondentem determinationi intellectus Angelici; nam ut docet S. Th. in secundo dist. 3. qu. 3. artic. 3. ad primum, ex lumine intellectus Angelici determinantur species, quibus fit propria cognitio rerum, sicut enim intellectus Angelicus est naturaliter determinatus ad cognoscendum omnes res naturales spectantes ad vniuersum, & habet solum potentium obedientialem ad possibles; ita species, quas Deus Angelis indidit, sunt determinatæ ad representatio-

nem earumdem rerum, cum debeant proportionaliter respondere inclinationi intellectus. Ex quibus manet clarum huiusmodi species nec esse proprietates in toto rigore, nec esse formas supernaturales, sed naturales tum propter prædicta, tum quia est in ipsis Angelis inclinatio ad illas recipiendas ab agente extrinseco; quo pacto à pluribus docetur motum cæli esse, & dici naturalem ipsi; nam ut Angelus compleat inclinationem naturalem sui intellectus ad intelligendum vniuersum, exigit habere ab auctore nature species representantes vniuersum; ad hoc autem, ut forma dicatur naturalis alicui subiecto, sufficit, quod subiectum respectu illius habeat inclinationem naturalem respectiuam.

Dices quatuor: Cognitio intuitiua non potest fieri, nisi ab obiecto præsentem, alias non esset intuitiua; ergo sit immediatè ab ipso, non verò per speciem. Probatum consequentia, quia Angelus non potest rem futuram distinguere, & intuitiue cognoscere; & quando est existens, & præsens potest; ergo ipsa res præsens est causa immediata sue notitiæ; alioquin dum adhuc est futura, existerent omnes causæ requisitæ ad cognitionem ipsius, & sic naturaliter posset cognosci. Respondent aliqui cognitionem intuitiuam rerum creaturarum fieri per species infusas, quæ sunt participationes diuinarum idearum, per quas

Deus cognoscit, & operatur res secundum rationes proprias, & communes, substantiales, & accidentales; quæ possunt deducere Angelos in cognitionem intuitiuam rerum. Hæc solutio non plenè satisfacit argumento, in quo petitur differentia inter cognitionem rei præsentis, & futuræ, & an utraque sit intuitiua. Respondetur, igitur ad cognitionem intuitiuam non requiri, quod obiectum in se ipso, & in sua entitate existat, aut sit præsens; nam & Angelus existens in nostro Hemisphærio optimè potest intueri ea, quæ sunt distantia, & in altero hemisphærio; non enim impeditur eius intuitus à mole corporum intermedia; & Deus cognitione intuitiua distinet, & clarè cognoscit omnia futura; quapropter dicendum est sufficere præsentiam, & existentiam claram, eidentem, & omninò certam in intellectu cognoscentis intuitiue, quas condiciones non habet, nec habere potest cognitio abstractiua, ut patet, eo quod non sit clara, & præcindat ab existentia, & ab alijs prædicatis, à quibus necesse est eam præcindere, si debet esse abstractiua. Ad ultimam instantiam. Respondetur, Angelos Beatos optimè cognoscere res futuras intuitiue, quia, ut docet S. P. eas vident in legibus æternis, in quibus non datur transmutatio, nec vicissitudinis obumbratio. Angeli verò mali eas non cognoscunt, nisi coniecturaliter, quia non

vident connexionem entitatum ipsarum cum diuino decreto, à quo illæ res habent esse futurum, ac proinde non sequitur, quod naturaliter possint cognoscere res futuras, vt futuras.

Dices quinto: Obiectum ipsum, si est aliquid singulare, non potest cognosci per species inditas ab initio creationis; ergò requiritur species accepta ab obiecto. Antecedens probatur species inditæ Angelis ab initio sunt vniuersales; ergò non possunt representare, nisi vniuersalia, nõ verò singularia; probatur antecedens multipliciter, & primò, quia si essent singulares, deberent esse actu infinitæ iuxta infinitatem rerum singularium. Secundo si representarent singularia, equè bene per talem speciem posset cognosci singulare futurum, ac præsens. Tertio quia quando obiectum cognitionis intuitiue Angeli est complexio contingens, verbi gratia Petrus currit, vel non currit, hæc complexio non potest cognosci per species terminorum; ergò per species ab obiecto receptas. Probatur antecedens; talis complexio dependet, vel à voluntate Diuina, vel ab humana, quæ cognosci non potest per tales species influxas, cum hæc species quidquid representant, naturaliter representent; & actus liberi non possint naturaliter, idest necessariò representari, cum possint esse, & non esse; quo posito vel illa spe-

cies representat, quod Petrus currit, vel quod non currit, non enim potest vtrumque simul representare; nam tunc contradictoria ab eodem connaturali representatiuo representarentur, & essent simul vera, sicut sunt simul representata; si ergò solū representat alterum, verbi gratia, quod Petrus currit; sequitur hanc propositionem, Petrus currit, esse simpliciter necessariam; quod enim est verum ex terminis, est verum simpliciter necessarium; si verò non representat, nullo modo poterit cognosci ab Angelo veritas huius, nisi re ipsa existente, & vnione terminorum; ergò omninò necesse est, quod talis cognitio ab ipsis rebus singularibus accipiat. R. per illas species optimè possit cognosci singularia; ad primam probationem. R. illas species non dici vniuersales ex eo, quod solum representent quidditates vniuersales; sed quia representant plures rationes, quarum quædam sunt vniuersales; aliæ verò particulares, quædam essentielles, aliæ accidentales; ad alias tres probationes. R. primo nullam esse necessitatem, quod huiusmodi species sint infinitæ, quia rectè potest vna species plura representare; quemadmodum vnica intellectione, & vnica visione possunt plura obiecta intelligi, & videri; tantò magis, quod prædictæ species sunt participationes diuinæ ideæ, quæ vna existens est plurimarum rerum cogn-

cognoscitiua, & operatiua. Ad secundam, R. eamdem speciem ratione suæ vniuersalitatis representare complexionem contingentem; eo quod representando totam rem existentem representat etiam quodlibet accidens illi adueniens. Ad ultimam instantiam, R. futurum contingens, vt tale, cum sit dependens à voluntate diuina, vel creata, non esse obiectum proportionatum speciei Angelicæ, eo quod non sit illi simile; Sed de hoc puncto infra fusius, cum agatur de cognitione Angelica futurorum liberorum.

Dico tertio: Posse dari in Angelis species alias alijs vniuersaliores in representando, tam numero, quam specie diuersas. Est D. Th. prima, parte qu. 55. artic. 3. & lib. 3. contra gentes capite 96. & communis inter Thomistas; est etiam N. B. Egidij in secundo qu. 2. artic. 2. dub. 3. & 4. ac etiam Argentina ibi qu. 2. artic. 4. concl. 3. contra Scotum Basol. Ricardum, & Aureolum. Probatur primò, quia non implicat dari huiusmodi species; ergò sunt possibili. Antecedens probatur non solù negatiuè ex solutione argumentorum aduersariorum, vt infra, sed positiuè etiam primo; quia plures virtutes in inferioribus diuise de facto in superioribus reperiuntur vnite, & identificate; sic habetur virtutes calefactiua, illuminatiua, & exsiccatiua identificate in lumine: sic auditiva,

visiua, & omnes virtutes sensuum, externorum habentur vnite, & identificate cum sensu interno; ergò similiter plures virtutes representatiue diuersarum specierum poterunt esse vnite in aliqua specie superioris ordinis; consequentia patet, quia eo ipso, quod euidenter habemus ea, quæ sunt dispersa in inferioribus, esse vnita, & identificate in superioribus; & præterea species debere esse proportionatas potentijs cognoscitiuis; manet, quod illæ virtutes representandi in inferioribus possunt esse vnite in aliqua virtute representatiua superiori. Probatur secundo; quia de facto datur species expressa continens in se virtutes representatiuas diuersarum specierum expressarum; ergò etiam poterit dari impressa. Probatur antecedens; nam de facto vnus solus actus cognitionis imaginatiue representat plures actus diuersarum cognitionum sensuum externorum; & vna intellectio representat, & hos, & illum; ergò iam datur species expressa vnica existens, quæ representat quidquid per actus, seu species expressas diuersas plurium potentiarum inferiorum representatur: consequentia probatur, nam species impressa, & expressa proportionantur ad inuicem. Probatur tertio; quia species indite Angelis sunt similitudines, & participationes diuinæ essentie, quatenus est intelligibiliter representatiua rerum;

sed

sed hæc vna existens representat plurima obiecta, immò omnia possibilia; ergò, & ipsa species influxa poterit representare plurima obiecta, & plures quidditates.

Dices primo: Vna species debet habere vnum obiectum, quod sibi correspondeat, in quo contineantur ea omnia, quæ ab illa representantur; sed ea, quæ sunt diuersa specie, sunt obiecta adæquata diuersarum specierum, & non possunt conuenire in aliquo vno obiecto; ergò non potest dari vna species representans plura obiecta diuersa specie: maior probatur, quia ea, quæ essentialiter respiciunt aliud, sicut ab eo habent essentiam, & speciem, ita etiam ab eo habent vnitatem: minor probatur primò: quia hoc vnum obiectum adæquatum terciæ speciei non potest esse aliqua causa, in qua alia contineantur virtualiter, & eminenter contineantur reliqua; hic enim est sermo de rebus representatis, & cognitis in se; neque potest esse aliqua ratio vniuoca, vel analogatis enim species vniuoca non representaret illa plura secundum rationes proprias; & si esset analogica, representaret omnia conuenientia in illa, & sic daretur vna species omnium entium. Probatur secundo; quia propter hanc eandem rationem voluntas non potest vnicò actu ferri in duo obiecta secundum diuersas rationes boni, verbi gratia propter honestatem ve-

racitatis, & charitatis, itaut idem numero actus sit in specie Charitatis, & veracitatis; nec etiam eodem actu possumus diligere rationem commodi, & honesti, & hoc non nisi quando ratio boni Charitatis, & veracitatis sunt obiecta adæquata illarum diuersarum virtutum, & idèd ne possunt vniri, vt sint obiectum alterius virtutis. Probatur vltimò à priori, quia est impossibile differentias constitutivas diuersarum specierum vniri inter se ad componendam tertiam diuersam ab vtraque; ergò est impossibile duos respectus ad duo diuersa obiecta constituentes essentialiter duas species intelligibiles idètificari in vno tertio, & sic constituere vnã speciem respicientem vnũ obiectum. R. primò, quod si rationes istæ aliquam vim haberent aduersus species impressas, haberent etiam aduersus species expressas; has enim constat habere inter se gradus maioris, vel minoris vniuersalitatis, & ea plura obiecta, quæ per species expressas inferiores multiplices representantur, vnica superiori representantur, vt supra dictum est. R. secundò directè nullam esse necessitatem, vt species vna numero habeat vnum solum obiectum vnitatem, vel numericam, vel specificam, vel genericam in esse rei; sed sufficere, vt habeat vnum obiectum in esse cognoscibili, eo pacto, quo in scientijs dicimus non attendi vnitatem obiecti in esse rei,

rei, sed in esse scibili; nam de Metaphysica dicitur, quod habeat pro obiecto ens, quod tamen nullam unitatem ex prædictis habet, sed solum in esse scibili; sic in præsentī dicimus, quod omne id, quod per talem speciem respicietur, est obiectum adæquatum illius speciei, ut patet in colore, & luce, quæ sunt qualitates speciei differentes, & tamen per unicam visionem representantur; sic & qualitates tangibiles respectu tactus, & omnia sensibilia respectu sensus interni; nam hæc omnia non conveniunt in aliqua ratione uniuoca, quā per se primò tangant visus, tactus, & sensus internus; nihil autem impedit, quo minus id, quod est adæquatum obiectum respectu unius speciei, possit esse inadæquatum respectu alterius superioris; quo pacto obiectum adæquatum visus est inadæquatum respectu sensus interni, & potentie intellectiue. R. tertio posse plures quidditates constituere vnum obiectum adæquatum unius speciei intelligibilis, quatenus, vel conveniunt in vna ratione generica in esse naturæ, quo pacto dari potest vna species representans omnes species animalis, ut docet S. Th. lib. 2. contra gentes cap. 98. quatenus conveniunt in vna ratione animalitatis, ita ut representent rationem genericam animalis secundum totum suum esse, & essentiale, & potentiale: vel quatenus conveniunt in vna ratione

representabilitatis, vel intelligibilitatis proportionatæ essentiae cuiusque Angeli, licet differant in esse nature, ut dictum est supra de obiectis sensuum externorum, quæ constituunt vnum obiectum sensus interni; est enim species Angelica, ut docet S. Th. loco citato, uniuersalis virtute ad modum formæ agentis in causa uniuersali, quæ quanto uniuersalior fuerit, tantò ad plura se extendit, & efficacius producit: per quæ patet responsio ad maiorem propositionem, & ad primam probationem minoris. Ad secundam probationem, R. falsum esse, non posse voluntatem vno actu acceptare duo obiecta propter diuersas rationes boni; potest enim quis vno actu intendere duos fines, verbi gratia obedire, & amare Deū, propter quas faciat aliquod opus, vel bonum, vel ex se indifferens, & similiter falsum est non posse voluntatem vno actu tendere in duo bona, honestum videlicet, & commodum. Ratio vtriusque est, quia voluntas potest acceptare simplici actu quidquid illi propositum fuerit ab intellectu, potest autem intellectus simul proponere duo obiecta amabilia; hinc ad tertiam probationem, R. in eodem actu physicè sumpto posse vniri diuersas differentias formales disparatas, ut patet in entitate caloris, qui sub diuersis rationibus continetur in tribus prædicamentis diuersis, qualitate scilicet, actione, & passio-

passione, & in tribus speciebus eiusdem prædicamenti, potentie scilicet, passionis, & patibilis qualitatis; & in sententia plurium, & classiorum Philosophorum, ac Theologorum, possunt eminenter formaliter contineri differentie adæquatæ plurium actuum, vel habituum inferioris ordinis, ut in practico, & speculatio respectu scientie Theologicæ, ac etiam habitus fidei supernaturalis, & in obiectis, & potentijs sensuum externorum respectu obiecti, & sensus interni.

Dices secundo: nihil est ratio cognoscendi aliud, nisi sit ratio propria illius, sed vna species non potest esse talis, ergo &c. Probatur minor, quia vna res non potest esse similitudo rerum dissimilium, multò minus vna species poterit esse representatiua plurium quidditatum inter se diuersarum. & cum S. Th. prima parte qu. 55. artic. 2. ad 3. & alibi, quod licet vnum non possit esse ratio multorum, si sit singulis adæquatum, potest tamen esse, si sit superexcedens, quia continet in se vniiformiter propria cuique in vnoquoque diuersim inuenta; sic enim Diuina Essentia est propria ratio omnium; quia in ipsa vniiformiter continetur quicquid diuisim in creaturis omnibus reperitur; ac propterea cum species indige Angelis in esse intelligibili, & representatiua sint excellentiores rebus ipsis, ut potè diuinæ essentie propin-

quiores, ut discurret S. P. N. in axioma, potest vna species esse ratio plurium rerum, quod secus est in speciebus nostri intellectus, quæ cum accipiantur à rebus, non superexcedunt illas in esse representatiua, sed tantum in esse naturali, quia sunt spirituales, & ideo vna species non potest esse ratio plurium quidditatum; propterea ad probationem minoris nego consequentiam, & ratio disparitatis est, quia vna res esset similitudo alterius per conuenientiam in figura, colore, vel essentia, & consequenter per relationem realem similitudinis constituentem conuenientiam in substantia, vel qualitate; at species intelligibilis non est similitudo per conuenientiam in aliqua re materiali, aut physica peculiari, & propria, sed modo spiritali, & intelligibili, quatenus est id, quo intellectus in se ipso format, & concipit res, prout sunt in se; ac proinde, quemadmodum vnicui instrumento potest artifex formare plura artefacta similia, & dissimilia; sic & intellectus potest vnica specie impressa intelligibili concipere plura, siue similia, siue dissimilia inter se.

Dices tertio: Si vna species potest representare plures quidditates vel individua, consequenter posset vna species representare infinita; nam inter quaslibet naturas potest dari vna alia media, & sub quacunque natura, & specie possunt à Deo crea-

in infinita naturæ imperfectiores in infinitum, & infinita individua, & ita species representans vnā naturam specificam representaret omnes species inferiores in infinitum; sed consequens est falsum, inde enim sequeretur talem speciem fore infinitam, & infinitæ perfectionis; nam si ad representandum vnā quidditatem, vel individuum requiritur species intelligibilis alicuius perfectionis, & ad representandum duas requiritur perfectior species, & maior pluralitas requirit maiorem perfectionem, infinitas representatorum requireret infinitam perfectionem in representante; & præterea sequeretur Angelum propria virtute posse simul infinita intelligere; nam potest Angelus vti totaliter speciebus omnibus, quas habet, quæ debent esse aptæ ad representandum quæcumque obiecta naturaliter cognoscibilia, quæ cum non sint actu finita, loquendo de possibilibus, necessariò erunt actu infinita; quorum vtramque videtur falsum, inconueniens, & impossibile. & primo iuxta ea, quæ dixi in primo tomo Philosophiæ naturalis capite de infinito, non implicare contradictionem infinitum actu in certo aliquo genere; ac proinde hoc argumentum nō habere vim contra mea principia; ex quibus dicto loco clarè ostendi veritatem huius doctrinæ, tum auctoritate S. P. tū etiam rationibus, & satis feci argu-

mentis, quæ contra eam sunt abinconuenientibus, & demonstravi ea, quæ adducuntur pro contradictionibus, & impossibilitatibus, esse solummodo apparenter non autē re ipsa verè, & realiter talia. Verum, quia sententia quæ negat possibilitatem infiniti est etiam ipsa satis plausibilis in scholis: præscindendo à prædicta S. P. & mea sententia. & secundo: dato, & non concesso, quod inter quaslibet duas species rerum possit dari media, & quod sub quacumque possint aliæ infinitæ imperfectiores creari in infinitum, non sequi speciem representantem quatuor naturas representare infinitas; talis enim species adaptata est illis quatuor naturis tanquam obiecto adequato, & non cæteris, & dato, quod representaret cæteras omnes, adhuc non sequi illam fore infinitæ perfectionis; sed tantum quod sit superioris ordinis, vt patet in luminæ gloriæ, neque enim esset absurdum, intellectum Angelicum per illam speciem simul cognoscere infinita, sicut potest in sententia plurium Thomistarum, per vnā speciem representantem naturam numeri cognoscere omnes species possibles illius: dixi dato illo; falsum enim puto cum N. B. Egidio quod lib. 3. qu. 5. dari processū in infinitum in speciebus descendendo, vt obseruavi etiam loco citato in Physica capite de infinito. Dictis ibi nunc addo Auctoritatem Philosophi

sophilib. 8. metaph. textu 10. ubi docet species esse sicuti numeros, in quibus non datur processus in infinitum in descendendo, tum quia species imperfectiores data specie superiori omnes aliquo modo illius perfectionem participant, & ab illa deficient; sed perfectio huius, & illius speciei est finita; ergo non possunt alia ab illa infinitis modis deficere; falsum etiam puto semper posse inter quaslibet duas species produci mediam; nam ordo vniuersi, ut obseruat B. Egidius loco citato, est veluti quædam harmonia, ut quondam etiam ruditer, & obscure indicauit suo tempore Pythagoras; in qua voces non se excedunt omnes punctualiter, & æqualiter, sed aliquando vna vox excedit aliam per sonum vnicum, & per duos exceditur ab alia; similiter ergo species vniuersi non se excedunt omnes punctualiter, & æqualiter, sed possunt aliquæ se excedere inæqualiter, ita ut inter duas detur media, ut patet in numeris, verbi gratia inter binarium, & ternarium non datur species media, & datur inter binarium, & senarium.

Dico quarto: Angelos, quod perfectiores sunt in natura, eo paucioribus, & vniuersalioribus speciebus intelligere; Est sententia S. Thomæ, Castetani, & plausibilior in scholis, cui tamen contradicunt plurimi Sco- tistæ, & alij locis supracitatis in præcedenti assertionem. Probatur primo

auctoritate S. Dionysij, qui in cælesti Hierarchia cap. 12. docet esse commune omnibus Angelis participes esse scientiæ, & sapientiæ, differre tamen in hoc quod scientia Cherubim est altior, nam scientia cæterorum habet rationem partis. Et cap. 7. eiusdem libri docuerat idem de eisdem Cherubim; quod est idem, ac dicere illorum scientiam esse vniuersaliores. Probatur secundo ratione, qua vitur S. Th. quæst. 55. artic. 3. quia quo Angelus est perfectior in natura, consequenter est similior Deo, & perfectius participat modum intelligendi ipsius Dei; sed modus iste non solum consistit in eo, quod clarius, & distinctius cognoscat; sed etiam quod non per plura principia intelligat; ergo similiter Angelus ei similior debet participare hunc modum, cum non repugnet, ut supra visum est: Confirmatur, quia, quod Angelus est in natura perfectior, eo habet virtutem intelligendi magis unitam, & consequenter fortio- rem, & efficacior; efficacia enim rei in operando est ex eo, quod est in actu; actus autem est principium vni- onis, sicut potentia multiplicationis, & diuisionis; quod autem virtus est altior, & efficacior, eo operatur ex paucioribus, & ad plura se extendit; ut est clarum tam in natura, quam in arte; in naturalibus enim altior causa operatur per vniuersaliores virtutes,

& perfectior artifex operatur per vniuersalia, & pauciora instrumenta, vt Architectus, quam inferiores artifices; sic etiam in cognoscitiuis ille, qui est acutioris ingenij, ex paucioribus principijs, vel etiam ex vnicolligit plures conclusiones, quā ille, qui est hebetioris; hic enim non nisi per varias deductiones, & principia particulariter coaptata conclusionibus percipit veritatem harum; sic in ipso Deo, in quo est virtus cognoscendi infinitè perfecta, & puritas actus, per vnum principium, idest per suam essentiam omnia operatur, & distinctissimè cognoscit, & consequenter etiam Angelus, quò minus elongatur à Deo, eò per pauciora principia, & intelliget, & operabitur.

Dices primo: Si species Angeli superioris est vniuersalior, quam interioris, vel est vniuersalior quoad cognitionem, vel quoad operationem; neutrum dici potest; ergò non sunt admittendæ huiusmodi species vniuersaliores. Probatur minor quoad primum, quia omnes Angeli naturaliter habent cognitionem sui, & Dei, & consequenter æqualem: quoad secundum verò probatur, quia Angeli non sunt operatores rerum, vt dictū est in prima controuersia, ex Patribus. R. cum S. Th. qu. 8. de Veritate artic. 10. ad 2. & in secundo libro Sent. dist. 3. qu. 2. artic. 2. ad 2. species Angelicas dici vniuersaliores, & quantum ad cognitionem; tum ex

parte ipsarum specierum, quæ ad plura se extendunt, tum ex parte rerum cognitarum, quæ perfectius, & clarius possunt cognosci à sublimioribus, & perspicacioribus, quam ab inferioribus propter rationes, allatas; & quantum ad operationem, tamen secundum Philosophos ponentes ordinem intelligentiarum secundum ordinem motuū; nam oportet, quod causalitas formarum superioris Angeli sit vniuersalior in causando, cuius motus est vniuersalior; quam secundum Theologos, qui ponunt ordines Angelicos secundum diuersa officia; nam superiores ordinant inferiores in suis officijs, non è contra. Nec est contra supradicta, nam licet ibi negauerimus Angelis generationes substantiales, non propterea negauimus, immò concessimus plurimas operationes quoad accidentia.

Dices secundo: dato, quod Angeli, quò perfectiores, eò ipso per pauciores species intelligant, deueniri posset ad vnum aliquem Angelum, qui omnia intelligeret per vnicam speciem; quo posito, si alius perfectior crearetur, iam iste omnia intelligeret per suam substantiam; quod non videtur admittendum, cum hoc sit proprium solius Dei: ergò nec etiam huiusmodi inæqualitas specierum. R. communiter hoc non sequi; quia in ea hypothesi Deus Angeloprius existenti infunderet speciem Angeli de nouo creati, vnde ille iam habet.

haberet duas species, per quas intelligeret; ac proinde non esset opus, ut nouus Angelus omnia intelligeret per suam substantiam tamquam per speciem impressam, quia posset habere unicam speciem representatricem rerum inferiorum: Hæc responsio, licet satis plausibilis, non plenè mihi satisfacit: cum enim hic agamus de Omnipotètia Dei, an possit producere Angelum tantæ perfectionis, ut intelligat omnia per suam substantiam, assignanda est aperta implicantia contradictionis in obiecto; ratione cuius talis Angelus non contineatur intra spheram Omnipotètiæ Dei; quæ mihi nondum ab aliquo Doctorem videtur sufficiens, & conuincens assignata; immò aliundè constat ipsum Angelum per suam met substantiam sinè alia specie intelligere se ipsum, ut communiter docent etiam ipsi Thomistæ, & nouissimè P. Io. à S. Th. ad qu. 55. primæ partis art. 2 disput. 21. ex quo etiam sequitur, quod naturaliter, sinè alia specie cognitione abstractiua possit cognoscere ipsum Deum; cum enim eius substantia sit facta, & ipsa ad imaginem, & similitudinem Dei, non videtur admittenda alia similitudo, ratione cuius tali cognitione intelligat Deum, ne multiplicentur entia sine necessitate. Dixi abstractiua; nam intuitiua, cum sit supernaturalis, certum est non posse haberi naturaliter; sed debet dari aliquod aliud princi-

pium eleuans ipsum intellectum, ut dictum est in Controuersia de Incomprehensibilitate Dei, & visione Beatiifica. Quibus positis, non video, cur non possit creari Angelus tantæ perfectionis in sua substantia; ut sicut est sibi ipsi representatiua sui ipsius, & Dei sinè alia specie impressa, & similitudine superaddita, ita non possit esse representatiua omnium aliarum rerum absque adiutorio, vel complemento talis speciei, & sic ad argumentum concessa maiori de possibili, nego minorem; alias enim si esset proprium solius Dei intelligere per suam substantiam sinè specie, nec etiam posset Angelus intelligere se ipsum sinè specie; iam enim ex hac parte haberet aliquid, quod esset proprium solius Dei; & sic negatur consequentia. Plura alia, quæ dici possent ad hoc argumentum, quod est valde celebrè in scholis, vide apud nostrum B. Egidium in secundò dist. 3. qu. 2. artic. 2. ad dubium 4. Ferrariensem lib. 3. contra Gentes cap. 68. Herueum in secundo dist. 4. qu. vnica, artic. 3. Caietanum in prima parte qu. 55. ad artic. 3. Capreolum in secundo dist. 3. qu. 2. artic. 1. conclusionè 7. & artic. 3. ad quartum. Soncinatem lib. 12. metaph. qu. 6. ad primum, immò & ipsum S. Thomam eadem dist. qu. 2. artic. 2. ad secundum, & qu. 8. de Veritate art. 4. ad primum.

Dices tertio: Deus liberè operatur

tur ad extra, & diuidit singulis prout vult; ergò nulla est necessitas asserendi, quod perfectioribus Angelis quoad substantiam perfectiores, sint inditæ species vniuersaliores. R. ex S. Tho. Deum valdè congruenter omnia fecisse; ac proindè sicut iuxta proportionem perfectionum naturalium fuit distributio donorum supernaturalium, sic etiam, & à fortiori diuisio comprincipiorum, quæ erat necessaria ad operationes, & maxime vitales exercendas; ac proindè debuisse, illa infusio specierum fieri iuxta proportionem naturalis perfectionis Angelorum; itaut quò magis vnus Angelus est alio perfectior, eo intelligat per species simpliciores, & vniuersaliores.

Dices quartò: quod cognoscitur in particulari, clarius, & distinctius cognoscitur, quam quod cognoscitur in vniuersali; ergò si Angeli per-

fectiores intelligunt per species vniuersaliores; sequitur Angelos superiores habere scientiam minus perfectam, quam Angelos inferiores, quod est contra doctrinam S. Dionysij supra traditam, & contrarationem. R. ex S. Tho. qu. 55. supracitata artic. 3. ad 2. hoc quod est cognoscere vniuersaliter dupliciter accipi posse, primò ex parte cognitæ, vt si cognoscatur solum gradus vniuersalis rei, sic enim cognoscuntur inferiora solum in confuso, & consequenter imperfectius, quam si cognoscerentur in particulari; secundò ex parte mediij cognoscendi, & hoc modo est perfectius cognoscere aliquid in vniuersali; perfectior est enim intellectus, qui per vnum vniuersale medium potest singula propria, & particularia cognoscere; quam qui non potest, sed indiget diuersis alijs medijs minus vniuersalibus.

CONTROVERSIÆ Q V I N T A

De obiecto intellectus Angeli.

AXIOMA PRIMVM.

Mens cognoscit se per suam substantiam.

Ex Lib. 9. de Trin. Cap. 3.

Mens ipsa, sicut corporearum rerum notitias per sensus corporis colligit, sic incorporearum rerum per semetipsam; ergò, & semetipsam per

*per se ipsam nouit, quoniam est incorporea; nam si non se nouit, non se
amat.*

D V B I V M

Vtrum Angelus cognoscat seipsum per
suam substantiam, an verò per spe-
ciem superadditam.

IN superioribus dubijs sæpe dictū
est; Angelum cognoscere seip-
sum per suam substantiam, non verò
per speciem superadditam, nunc vi-
dendum est, an hoc sit verum, & an
habeat locum solum in questione de
facto, an verò de possibili.

Vtòr præsentī axiomate S. Patris;
nam licet loquatur de anima ratio-
nali; nihilominus à fortiori conuin-
cit de Angelo, qui est omnino incor-
poreus. Si enī illa etiam pro hoc
statu, quoniam est incorporea, nouit
semetipsam per se ipsam, id est sine
specie superaddita, sic enim intelli-
git hunc locum S. Patris etiam Gre-
gorius de Valentia tomo primo dis-
putat. 4. generali qu. 7. puncto pri-
mo, S. *sed contra*, multò magis hoc
poterit Angelus, qui est omnino in-
corporeus, & non dependet à phan-
tasmatibus in suis cognitionibus.
Quibus positis.

Dico primò Angelum posse se

cognoscere per suam essentiam, tam
quam per speciem. Est S. Tho. pri-
ma parte qu. 56. articulo primo, &
libro secundo contra gentes cap. 98.
nostri B. Egidij in secundo qu. 2.
artic. primo, Argentinae ibi qu. 2.
artic. 4. concl. prima, Bassolis ibidē
qu. 3. Riccardi etiam dist. 3. artic. 6.
qu. prima Capreoli qu. 2. artic. pri-
mo concl. prima, cum quibus sen-
tiunt communiter Thomistæ tam an-
tiqui, quam moderni, eamque tuen-
tur Scorus pariter in secundo qu. 2,
& qui tamen decipitur in hoc, quod
putat S. Th. docere essentiam Ange-
li esse totale principium intellectu-
onis, & intellectum ipsam Angelicū
solummodo passiuè se habere; cum
tamen expressè qu. 8. de veritate,
artic. 6. dicat ex substantia, & intel-
lectu fieri vnum principium intelle-
ctionis. Probat, quia Essentia An-
geli habet omnia requisita ad hoc, ut
præstet quod præstat species sui ip-
sius;

sus; ergò potest cum intellectu sine alia specie esse ratio cognitionis sui. Probatur antecedens, quia est ens in genere intelligibilem, cum sit immaterialis, & in eodem genere, in quo est actus ipse intellectiōis, atq; adeò actu intelligibilis, & est actus proportionatus suo intellectui, tamquam propriæ potentix, illi realiter præsens, ut patet ex naturali vnione, quam actus habet cum illo: ergò poterit Angelus per illam tamquam per speciem se ipsum intelligere.

Dico secundo: de facto Angelum prædicto modo se ipsum intelligere. Probatur, quia natura refugit superfluum; vnde habuit ortum axioma illud. Frustra fit per plura; quod potest fieri per pauciora; sed ipsa substantia Angeli est sufficiens, & con-naturale principium respectu cognitionis sui, ut dictum est; ergò non per speciem; sed per se ipsum de facto se intelligit. Confirmatur primo, quia naturaliter non dantur duo principia in eodem ordine respectu eiusdem actionis, quando vnum de se est sufficiens, ut patet inductione in cæteris omnibus agentibus. Confirmatur secundo: quia Angelus cognoscit suam speciem intelligibilem per seipsum, alioquin daretur processus in infinitum; & hoc ideò, quia species est actu intelligibilis, & est intra intellectum ipsius Angeli; ergò idem dicendum erit de substantia Angeli.

Quæritur hic solet utrum Angelus perseveret semper in sui cognitione, ita ut nunquam ab ea cesset. Respon-deo breuiter, Sententiam affirmatiuam esse valde probabilem, quam sequitur Herueus in secundo dist. 3. qu. 4. Capreolus ibidem, & Suarez in metaphisica disp. 35. sect. 4. Probatur primo ex analogia ad alia viuētia, quæ habent semper aliquem actum vitalem, à quo numquam cessant. Secundo quia obiectum est illi semper præsens, & naturaliter determinans potentiam illam ad talem actum cum nullo prorsus obstaculo; & quemadmodum apertis oculis, & datis omnibus requisitis ad videndum non potest potentia visiva non exire in actum visionis, ita cum in hoc dentur omnia requisita, non videtur posse Angelum suspendere hunc actum ad quem determinatur à præsentia obiecti naturaliter. Probatur tertio quia si aliquid obstarēt, hoc maxime esset libertas ipsius Angeli: sed hæc non obstat; ergò nihil obstat. Probatur minor, quia quælibet actio voluntatis necessario supponit aliquem actum intellectus, & ne detur processus in infinitum, deueniendum est ad aliquam primam intellectiōem independentem à voluntate, & consequenter necessariam, & non liberam; sed hæc non potest esse alia; quam cognitio sui ipsius. Ergo, &c. Confirmatur, quia si omnes cognitiones essent liberæ; omnes penderent

rēnt à libero imperio voluntatis, & consequenter deueniendum esset ad aliquam volitionem, quæ esset prior quauis intellectu, quod est absurdum.

Dico tertio: Angelum posse cognoscere se ipsum per speciem super additam tam intuitiue, quam abstractiue; Prior pars huius assertionis est Marsilij in secundo qu. 7. artic. primo concl. 2. & 5. & probatur, quia nulla est repugnātia; nam sicut Deus infundit vni Angelo speciem representantem intuitiue essentiam alterius Angeli, ita posset dare similem ei, qua se ipsum cognosceret; in hoc enim nulla apparet contradictionis implicancia. Secunda pars huius conclusionis est, Scoti in secundo dist. 3. qu. 10. §. *Ad questionem*; Maioris, Bassolis, & aliorum, & probatur, quia Angelus superior cognoscit intuitiue Angelum inferiorem per propriā speciem illius, & abstractiue per species aliorum Angelorum, cum genericè conueniant omnes cum illo; & similiter Beati cognoscunt easdem res intuitiue per species influxas, & abstractiue per species acceptas à rebus; ergo etiā quilibet Angelus poterit cognoscere se ipsum intuitiue per suam essentiam, vel per propriā speciem, & abstractiue per species representantes alios Angelos conuenientes secum in eodem genere; hoc enim, quod est, Angelum naturaliter, & intuitiue cognoscere seipsum,

non tollit; quominus possit habere, aliam noticiam abstractiuam sui, sicut ex eo, quod per connaturales species cognoscit intuitiue alios Angelos, non impedit, quo minus eisdē possit cognoscere etiam abstractiue; Confirmatur ex eo, quod istæ duæ cognitiones sunt diuersæ rationis, & non sunt ad inuicem contrariæ, cum sint in eodem subiecto, & versentur circa idem obiectum materialiter sumptum; nam postea ex diuersa ratione formali, sub qua attingitur ab illis, diuersificantur etiam illæ cognitiones inter se.

Pro solutione eorum, quæ contra prædictam Doctrinam, & præcipuè contra primam, & secundam Conclusionem opponi solent; Aduertendum est ex S. Thoma qu. 8. de Veritate articulo 6. in corp. & alibi. Duplicem esse in Vniuerso ordinem rerum, alterum entium, quæ dicuntur naturalia; alterum verò eorum, quæ dicuntur intelligibilia. Ad primum spectat quidquid habet rationem entis realis, siue sit materiale, siue immateriale: ad secundum spectant solummodo immaterialia; vnde ordo intelligibilium est ordo immaterialium; sola enim immaterialia sunt intelligibilia; materialia verò, quatenus talia, actu non sunt, nisi sensibilia, & hoc propter proportionem, quæ debet esse inter potentiam, & obiectum; quemadmodum enim corpus non potest naturaliter agere in

T

Spiri.

Spiritum propter improprietatem, ita nec materiale, quia tale, potest esse obiectum motuum, & proportionatum intellectus; sed solū, vel quod est in se immateriale, vel quod si in sua entitate est materiale, sit factum aliquo modo immateriale, & redactū ad gradum intelligibilem, non quidem per realem separationem à materia secundum esse, sed per acceptio nem formæ intelligibilis, in qua materiale immaterialiter representatur. Ponitur hic ab aliquibus inter hos duos ordines hæc convenientia, quod sicut in ordine entium datur aliquid, quod est pura potentia subiectiva, quod est materia prima, & aliquid, quod est purus actus, quod est Deus, & mixtum ex actu, & potentia, ut sunt cætera entia inter Deum, & materiam primam contenta, ita in genere intelligibilem datur purus actus, qui est Deus, pura potentia, quæ est anima rationalis coniuncta corpori, & aliquid partim potentia, partim actus, ut sunt Angelus, & anima rationalis; ponuntur tamen communiter inter prædicta sequentes differentiæ. Prima est, quod non omne, quod est vno modo in vno genere, est eodem modo etiam in alio; sed aliquando contrario modo se habet, ut patet in anima coniuncta corpori, quam dicunt esse puram potentiam in genere intelligibilem, & in genere entium naturalium est partim actus, partim potentia; aliquando ve-

rò in vtroque genere aliquid vtroque modo semper se habet, ut patet in Deo, & Angelis; quorum hic est partim actus respectu cognitionis sui, partim potentia respectu cognitionis aliorum, & eodem modo se habet in genere entium naturalium; cū sit actus completus in genere substantiæ, & potentia respectu accidentium spiritualium, quæ recipit in suis potentijs; similiter Deus est purus actus tam in genere entium intelligibilem, quam in genere entium naturalium. Secunda est, quod ea, quæ spectant ad vnum genus contrariū, aliquando dicunt ordinem ad alia, vel etiam ad se, ut sunt in alio genere, ut patet in Angelis, qui si considerentur, ut sunt in genere entium, intellectus Angeli est in illius essentia, ut accidens in subiecto, & ut actus in potentia, & ut potentia in substantia, à qua fluit. (Procedit hæc doctrina in sententia Thomistarum, & aliorum Doctorum, qui ponunt intellectum, & alias potentias animæ esse accidentia physica realiter distincta ab ipsa substantia animæ, physicè loquendo; in nostra verò sententia, qui non distinguimus ista, nisi metaphysicè, non habent locum, nisi secundum nostram considerationem, & logicè solum, seu metaphysicè loquendo.) Consequenter ad prædicta docent Thomistæ, quod si Angeli considerentur in genere intelligibilem, essentia Angeli comparatur ad intellectum,

lectum, ut actus ad potentiam, & ut species intelligibilis ad facultatem intellectivam, & sicut intelligibile intrinsecum ad intelligens. His igitur sic explicatis, & secundum nostra principia philosophica metaphysicè acceptis, progredior ad contrariorum obiectiones.

Dices primò: Species intelligibilis est actus, & forma intellectus in illo existens, & inhærens; sed essentia Angeli non est forma sui intellectus, nec est in illo, ut accidens in subiecto; non enim informat, aut inhæret illi, cum sit ens per se subsistens: ergò hæc non potest præstare intellectui Angelico id, quod præstat species intelligibilis, & consequenter non poterit esse illi ratio intelligendi se ipsum sine specie intermedia. Respondent Thomistæ essentiam Angeli non esse quidem actum intellectus in essendo, sed in intelligendo, de cuius ratione non est, ut inhæreat potentia, illamque physicè informet, nisi sit accidens, ut est species intelligibilis respectu intellectus; sed sufficit, quod sit illi vnitus, quo pacto est vnita quælibet essentia suæ potentia, & hoc modo non est absurdum, ut intellectus sit in essentia, tam quam actus in genere entium; & essentia sit in intellectu, tamquam actus in genere intelligibilium, & tamquam obiectum intrinsecum in potentia intellectiva. Hæc doctrina habet locum etiam in sententia iden-

tificante potentias cum ipsa substantia animæ, vel Angeli, si addatur illa limitatio, ut quod Thomistæ accipiunt per unionem physicam ipsius potentia cum essentia, nos accipiamus per identitatem, & metaphysicè solum, ut patet in ipso Deo, in quo non est dubium in omnium sententia intellectu non identificari cum essentia ipsius, & tamen hanc præstare ei perfectissimo modo quod præstat in nobis species ipsa intelligibilis imperfecto modo inhærendi, & informandi.

Dices secundo: nulla substantia est immediatè activa, ut est communis sententia inter Thomistas; ergò essentia Angeli non potest præstare id quod præstat species impressa, cuius munus est concurrere effectivè simul cum intellectu ad producendam ipsam intellectionem, seu verbum mentis. Respondet noster B. Egidius tractatu de cognitione Angelorum qu. 3. quem sequitur Caietanus prima parte qu. 54. artic. 3. ad 4. & qu. 56. artic. primo: substantiā Angeli non concurrere ut elicientem simul cum intellectu intellectionem, sed ut facientem intellectum in actu respectu sui, seu radicaliter, quatenus ab ipsa manet intellectus sufficienter constitutus in actu primo per se ipsum ad eliciendam cognitionem substantiæ. Hæc tamen responsio non placet pluribus alijs Thomistis, tum quia consequenter tollit activitatem etiam ab alijs speciebus

impressis; nam etiam de his posset dici, quod nihil aliud præstant, quam reddere intellectum sufficienter instructum, absque eo, quod concurrant effectiue ad ipsum verbum mentis producendum; tum quia est expressè contra Angelicum Doctorem; qui prima parte qu. 56. artic. 1. docet substantiam Angeli vniri eius intellectui, tamquam obiectum intelligibile per modum formæ intelligibilis, & se habere ad illum sicut calor ad ignem; sed calor ad ignem se habet simul cum eo in ordine ad alium calorem producendum, vt principium actiuum; ergò pariter, & substantia ipsius Angeli. Præterea qu. 8. de Veritate articulo 6. docet ex substantia ipsa Angeli, & intellectu fieri vnum principium productiuum intellectuum, & hoc idem asserunt Ferrariensis, & Herueus. Propterea alij Thomistæ respondent substantiã Angeli non posse quidem esse immediatum principium proximum elicitiuum actionis realis physice, siue actus accidentalis per modum potentie, & virtutis; hoc enim semper requirit, vt sit potentia aliqua proportionata actui; posse tamen esse principium actionis intentionalis, siue actus per modum obiecti; si enim hoc potest species, quatenus habet vicem obiecti, multò melius id poterit facere ipsa substantia, cū habeat omnia requisita; quod confirmant exemplo colorum, qui non sunt qua-

litates effectiue actionis realis, & physice; sed tamen producant species actione intentionali, ac propterea licet substantiæ non possint producere immediatè actionem physicam, & realem, possunt tamen intentionalem. Ratio a priori, quam assignant, est, quia ideo substantia non potest esse immediatè actiua in actione reali, quia immediatus terminus talis actionis est accidens, & omnis terminus immediatus est similis suo principio; vnumquodque enim agit secundum quod est actu illud, quod agit, ex eo quod agitur, vnde colligitur, quod sit principium agendi, & ideo principium actionis realis sit accidens, verbi gratia ignis, qui immediatè producit calorem, non ignem, vt obseruat Aristoteles lib. de sensu, & sensibili cap. 13. eo quod non agat, vt ignis, sed quatenus calidus est; at verò in actione intelligibili, quia id, quod immediatè agitur, & producitur, potest in esse intelligibili, & representatiuo esse substantia; idcirco principium immediatum illius poterit esse substantia, vt est in proposito; intellectio enim, qua Angelus intelligit suam essentiam, intelligibiliter, & representatiue est ipsamet substantia eius, & ideo potest produci immediatè, licet partialiter, ab ipsamet essentia. Hæc retuli in gratiam sententiæ Thomisticæ; nam de cætero hinc etiam sumitur argumentum non leue ad probandum sub-

substantiam esse immediatè operatiuam; si enim concurrit ad producendam cognitionem, seu verbum mentis in esse intentionali, necessariò debet etiam concurrere ad producendam illam in esse physico; quemadmodum nostrę species impressę non ita comproducent in nobis esse intentionale cognitionũ nostrarum, quin etiam simul concurrant ad producendum esse physicum earundem; propterea consequenter ad ea, quę dixi in physicis, vbi admisi substantiam esse immediatè operatiuam; respondeo negando antecedens.

Dices tertio: Vnus Angelus non potest intelligere alterum per eius substantiam, tamquam per speciem; ergò nec etiam poterit intelligere seipsum per suam: cum sit eadem ratio vtriusque. & communiter concesso antecedente negando consequentiam; eoquod essentia alterius Angeli non sit vnita realiter intellectui cognoscentis, & ad rationem speciei creatę, ad hoc, vt concurrat constituendo vnum principium totale cum intellectu ad intellectionem producendam, & sit eius formale principium, requiratur, vt id, quod habet rationem speciei, sit realiter vnitum intellectui, vel illi inhaerendo, vel terminando eius inhaerentiam, vt sit in proposito. Hęc responsio non plenè satisficit; nãm quod species impressa vnatur, & inhereat, non videtur exigi propter aliud, nisi

propter suam magnam imperfectionem, quia videlicet est accidens physicum, quod ex suo conceptu generico exigit inhaerere; quod si esset substantia intellectualis proportionata, & intimè pręsens, nihil videretur obstarè, quo minus posset concurrere, vt patet in visione beatifica, in qua Deus ipse per suam substantiã sinè specie impressa, quę mediet, concurrit ad ipsam visionem; neq; enim lumen glorię habet rationem speciei, vt malè philosophatur aliquis modernus, sed datur ad eleuandam potentiam, vt sit proportionata ad illum actũ summè supernaturalem, quapropter se tenet totum ex parte potentię, non verò ex parte obiecti, vt se tenet species impressa; Pręterea ipsamet substantia ipsius Angeli, per quam vnusquisque cognoscit seipsum, non inhaeret, nec informat ipsum Angelum, nec est vnio propriè dicta, quę requirit distinctionem realem duorum extremorum, quorum vnum re vera non sit alterum, quod non est in pręsenti, & propterea est identitas, non verò vnio physica; quibus sic se habentibus nõ video, cur si Angelus sit intimè pręsens alteri, non possit cum eius intellectu concurrere immediatè ad sui cognitionem; ac proindè quoad possibile censeo, negandum esse antecedens, iam postea de facto res ita se habeat, pendet ex voluntate Dei, qui cum indiderit species ipsis Angelis,

& unicuique speciem alterius, potest esse, quod voluerit, ut unusquisque in quocumque statu utatur specie, ad cognoscendum alterum, eo quod iste modus sit illis fortasse connaturalior.

Dices quarto: Principium formale quodcumque, per quod potentia operatur, est ei subordinatum, inferior, & dependens ab illa; quod præsertim habet locum in cognitione; hæc enim, cum sit actio vitalis, tribuenda est per se primò potentie cognoscenti; sed essentia Angeli non potest esse principium subordinatū proprio intellectui, nec per se ab illo in operatione dependens: ergò essentia Angeli non potest esse intellectui ipsius principium formale cognoscendi seipsum. Maior est certa ex inductione per quæcumque principia formalia, per quæ omnes alie potentie operantur. Minor probatur, quia sicut res se habet ad esse, ita & ad operari; intellectus autem Angelicus consequitur ad essentiam, ut potentia eius, & si est proprietas realiter ab ea distincta, ut ponitur communiter à Thomistis, etiam informat, & inhæret ei; ergò huiusmodi essentia non potest esse principium formale intellectui Angelico cognoscendi seipsum. Hæc maiorem esse veram de principio in esse formali entitativo, & intelligibili realiter distincto, & inhærente, non verò de intelligibili subsistente, ut patet in

Essentia Divina, quæ sine specie impressa concurret cum intellectu Beati ad ipsam visionem beatificam.

Dices quinto: Si Angelus cognoscit se ipsum per suam essentiam; ergò etiam anima rationalis; nam etiā essentia istius est actu intelligibilis, cum sit immaterialis, & est realiter, & intimè præsens suo intellectui; sed consequens est contra Philosophum, qui lib. 3. de anima tex. 3. 13. & 15. docet animam intelligere se ipsam, sicut & alias res, idest per species distinctas à sua essentia; ergò etiam falsum erit quod Angelus cognoscat se ipsum per suam essentiam. Hæc communiter animam quidem separatam intelligere se ipsam per suammet essentiam sine specie impressa, quia militat pro ea eadem rationes, quæ militant pro Angelo: unitam verò corpori dicunt cognoscere se ipsam per species alias, & hoc vel in peccati originalis, ut vult Scotus loco citato qu. 8. negante Deo concursum ad intellectionem sui per suam essentiam, vel ob naturalem ordinem intellectus, & imaginationis pro hoc statu, qui exigit, ut nihil intelligatur, nisi imaginatum, vel quia, ut docet S. Th. prima parte q. 87. artic. primo: intellectus animæ coniunctæ est in genere intelligibilem pura potentia, & propterea dicitur possibilis, & non potest intelligere actu, nisi fiat actu; non potest autem fieri actu, nisi mediantibus sensu-

fensibilibus, & ideo non potest intelligere, nisi per species à sensibus acceptas, cum pro hoc statu non habeat illas à Deo inditas, & infusas, ut habent non solum Angeli, sed etiam animæ separatae. Ex quibus patet axioma S. P. iuxta communio-
rem D. D. sententiam esse accipien-

dam de anima separata: non desunt tamen, qui sentiant cum aliquibus Nominalibus etiam pro hoc statu conjunctionis habere aliquam cognitionem sui sine speciebus, licet imperfectam, qualis est experimentalis, qua percipit se esse in corpore, & exercere suas functiones.

AXIOMA SECVNDVM.

Vnusquisque Angelus cognoscit alium per speciem.

Ex Lib. 2. de Genesi ad Litteram Cap. 8.

AN eo modo demonstratur primo die, quo facta est lux, conditionem spiri-
tualis & intellectualis creaturae lucis appellatione insinuare? in qua na-
tura intelliguntur omnes Angeli Sancti, atque virtutes, & propterea non repe-
tinis factum postea quam dixit facta est lux, quia non primò cognovit rationalis
creatura conformationem suam, ac deinde formata est: sed in ipsa sua conforma-
tione cognovit, hoc est illustratione veritatis, ad quam conuersa formata est: re-
tera verò, qua infra sunt, ita creantur, ut prius fiant in cogitatione rationalis
creatura, ac deinde in genere suo.

D V B I V M

Verum vnus Angelus cognoscat alium per suam sub-
stantiam, vel per substantiam ipsius cogniti, vel
per species superadditas.

Angelos se mutuo intelligere, est contra omnem controuer-
siam; cum enim constituent vnam
perfectam rem publicam, & vnusquis
que sit obiectum proportionatum
intellectus alterius, necessario sequi-
tur,

eur, quod se mutuo cognoscant. Quo posito, circa modum, quo se inuicē cognoscunt.

Dico primo: vnum Angelum, non posse per suammet substantiam perfectē, & distinctē cognoscere substantiam alterius. Hæc assertio est S. Tho. prima parte qu. 56. artic. secundo, & communis inter Thomistas. Probatum verò ratione hoc modo. Si Angelus cognoscit alium per suam substantiam, vel per illam cognoscit tamquam per speciem, vel tamquam per obiectum prius cognitum; neutrum potest dici; ergò nullo modo cognoscit alium per suammet substantiam; maior est certa, quia nullus alius est assignabilis modus, quo possit alium per suammet essentiam cognoscere. Minor probatur quoad primum, quia essentia vnius Angeli non est creata à Deo, vt sit species alterius, vel aliorum Angelorum, sed tantum, vt sit suo intellectui representatiua sui ipsius; hoc patet, quia essentia cuiuslibet Angeli habet, quod sit veluti species ex eo, quod est talis quidditas subsistens naturæ intellectualis; sed natura cuiuslibet Angeli est determinata, & differens ab alia substantialiter, saltem indiuidualiter; ergò non potest habere rationē speciei alterius, quæ requirit similitudinem representationis. Probatum etiam quoad secundum, quia tribus tantum modis essentia vnius rei cognita ducit in-

cognitionem alterius, idest vel quia est causa, vel effectus illius, vel quia est omnino similis; sed nullo ex his modis potest essentia vnius Angeli esse vt obiectum representatiuum alterius; ergò nullo modo. Minor probatur quoad primum, & secundum modum; quia nullus Angelus est causa efficiens alterius, vt communiter censent S. S. P. P. & Theologi. Nec potest dici, quod vnus sit causa exemplaris alterius, vt obseruat S. Dionysius lib. de diuinis nominibus capite quinto contra quemdam Clementem. Deus enim non indiget causa exemplari creata; & ipse Angelus, cum non habeat posse effectiue producere alterum, nec etiam habebit esse causam idealem illius; hoc enim esse datur ad constituendam causam efficientem operantem per cognitionem.

Quod ad tertium verò modum; nempe quia sit alteri similis, probatur, quia Angelus per suam essentiam non potest plus cognoscere de essentia alterius, quam id, in quo est illi similis; sed vnusquisque Angelus differt indiuidualiter, & quoad proprietates indiuiduales ab alio; ergò vnus non est similis alteri, nisi in prædicatis communibus generis, vel speciei prædicabilis; quæ cognitio non potest esse distincta, intuitiua, & propria, sed abstractiua, & confusa.

Dices. Per idem principium cognoscit Angelus rationem genericam,

tam, per quod cognoscit specificam, & indiuidualem; sed per suam substantiam cognoscit rationem genericam, vt dictum est; ergo per eandem cognoscet etiam specificam, & indiuidualem. Maior probatur, quia in re ipsa istę tres rationes sunt vna, & eadem indiuisibilis entitas, & solum ratione nostra contradistinctę; ergo per idem principium cognoscet vnam, per quod cognoscit alteram; cum maximę naturaliter cognoscat res, prout sunt, & effectus in causis, & conclusiones in principijs, vt commune fert proloquium. R. maiorem esse veram, quando illud principium gignit cognitionem intuitiuam claram, & distinctam totius obiecti; secus verò, quando est solum principium cognoscendi confusę, obscurę, & abstractiue, vt est in pręsenti; differentia enim specifica vnus Angeli non potest esse ratio cognoscendi quidditatiue differentiam specificam, & essentialem alterius, cum sit ratio differendi, & dissimilitudinis, non verò conuenientię, & similitudinis in illo prædicato essentiali; cū tamen id, quod ducit in cognitionem, debeat habere rationem similitudinis, quę quò maior est, eò perfectius ducit in cognitionem, quod idem dicendum est de differentia in diuiduali, quę propterea non potest esse ratio, aut principium cognitionis distinctę, & perfectę alterius. Hoc maximę cernitur in Angelis

inferioribus respectu superiorum; inter quos cum detur magna distantia, & diuersitas differentiarum, non potest substantia minimę perfectionis in genere Angelico representare, perfectę, distinctę, & adęquatę substantiam maximę perfectionis, qualis est illa supremi Angeli.

Dico secundò: probabile esse, posse vnum Angelum cognoscere aliū per substantiam illius. Est S. Th. qu. 8. de Veritate art. 7. & lib. secundo contra gentes cap. 98. qui licet defendat non posse, tamen hanc sententiam dicit esse conformem principijs Platonis, asserentis sufficere, quęcumque coniunctionem intelligibilis cum intellectu, & adducit D. Dionysium, qui in lib. de diuinis nominibus cap. 4. ait superiores intelligentias esse intelligibiles, & quascibum inferiorum, & insuper addit, posse satisfieri rationibus probantibus impossibilitatem, & asserentes possibilitatem habere non paruas difficultates; qui modus loquendi procul dubio ostendit; Sanctum Thomam habere hanc sententiam, vt probabilem. Idem docet noster Ferrariensis ad dictum locum Sancti Thomę contra gentes. Eam defendit Scotus in secundo dist. 3. q. 10. vbi dicit; in cognitione intuitiua vnum Angelum posse cognoscere alium per eius substantiam; in abstractiua verò illum cognoscere per species concreatas. Probatur ve-

rò ratione, quia nulla est assignabilis sufficiens repugnantia non solum re spectu Dei, sed nec etiam respectu ipsius Angeli, etiam secundum suas vires naturales considerati; cū enim substantia cuiusq; Angeli sit representatiua sui ipsimet Angelo, cuius est substantia sine specie intermedia, vt dictum est; hoc idem poterit prestare intellectui alterius, maximè si sit illi intimè præsens, vt posse fieri communiter conceditur. Si enim aliquid obstatet, hoc maximè esset, quia desideratur vnio, & proportio; sed nihil horum obstat; ergò. Probatur minor quoad primum, quia de ratione speciei intelligibilis non est esse formam informantem, & inhaerentem intellectui, vt patet in cognitione Angeli de se ipso, & in visione beatifica respectu diuinæ essentia, vt supra dictum est; sed sufficit indistincta localis, quæ vt plurimum datur inter Angelos, cum eos non impediant, neque substantia corporea, neque quantitas molis, nec situs, nec locus, nec aliud huiusmodi: potest autem substantia Angeli concurrere effectiue ad productionem intellectus alterius, cum ad hanc operationem ob eandem rationem nihil aliud requiratur. Nec obstat secundum, idest proportio; cum proportio ad hoc requisita non sit proportio æqualitatis, sed habitudinis, ita scilicet vt vnus agat in alium intentionaliter; quam proportionem cum

omnes fateantur esse inter Diuinam Essentiam, & intellectum Beati, sic etiam poterit esse inter essentiam vnus Angeli, & intellectum alterius.

Si quæras, vtrum res ita se habeat de facto. Respondeo esse incertum. Negat S. Th. Scotus affirmat. Sententia S. Tho. videtur esse magis communis, & fortè magis ad mentem S. P. si attendantur postrema verba Axiomatis, quæ licet hoc apertè nō asserant, videntur tamen indicare, quod excepto Deo cetera intelligantur ab Angelis per species; sed quidquid sit de hoc, probatur à S. Tho. loco citato, quia de facto Angeli cognoscunt quidditates omnes naturales per species concreatas; Deus enim illas indidit mentibus Angelorum, vt cum S. P. communiter docent Theologi; sed per idem principium optimè potest cognosci quidditas rei, & res ipsa existens, ac etiam alia, quæ cum illa sunt coniuncta; ergò superfluo cognoscerentur per essentiam illius. Confirmatur, quia indè sequeretur. Primo non posse Angelum superiorem cognoscere inferiorem pro suo libito. Secundo posse impediri superiorem ab inferiori, nè ipsum cognoscat, denegando illi suum concursum, cum in eo præstando sit liber. Tertio quemlibet Angelum simul, & semel innumeras ferè operationes exercere, cū enim idem Angelus possit intelligi ab omnibus, deberet ille simul coo-

pera-

perari ad innumeratas operationes ; quæ omnia videntur absurda. Si dicas hæc absurda militare etiam contra possibilitatem. Respondeo: hæc solum adduci ad probandum, hunc modum cognoscendi non esse necessarium; ac propterea de facto fortasse ordinariè non dari, impossibilitatem verò ex illis non conuinci, cum non adducatur implicancia contradictionis; nec talis repugnantia, quæ viribus naturalibus Angelorum, ut nobis lumine naturali notis superari non possit.

Dices primò cum Thomistis : Si substantia Angeli, cum est localiter præsens alteri, potest se illa ostendere concurrente cum intellectu illius ad sui intellectionem, etiam res supernaturales; cū sint similiter actu intelligibiles ratione suæ immaterialitatis, quando sunt localiter præsentibus Angelo, poterunt se illi ostendere concurrente cum illo ad sui intellectionem; ad hanc enim solum requiritur præsentia, & concursus obiectionis; sed hoc est falsum; ergò & illud. Sequela patet ex paritate rationis. Minor probatur; nam dato, quod posset Angelus cognoscere supernaturalia per solum accessum ad locum, potuisset consequenter loquendo cognoscere unionem animæ Christi D. cum Verbo diuino; atque adeò an Christus esset filius Dei, quod tantopere scire desiderabat, & maxime quando erat illi

localiter præsens, & illum affatus est, ut referunt SS. Euangelistæ Matthæus, & Lucas illis verbis *Sis filius Dei es*. Sed hoc non potuit Angelus cognoscere hoc modo; ergò &c. Respondeo esse disparem rationem; nam res supernaturales, sicut excedunt vires naturales effectiuas, siue hominum, siue Angelorum, sic etiã excedunt vires naturales cognoscitiuas; res enim supernaturales aut sunt idemmet Deus trinus, & vnus, ut est cognoscibilis à nobis, quod mysterium, certum est apud omnes, non posse viribus naturæ à nobis cognosci; aut sunt aliquis effectus productus ad extra, vel ab ipso Deo immediate, vel simul cum creatura; & huiusmodi effectus, cum liberè producantur ab ipso Deo, non possunt cognosci, nisi ipso volente communicare notitiam illorum; ratione excessus, quem habent supra vires naturales cuiuscumque creaturæ; ac proinde eo nolente non possunt cognosci: per quæ patet responsio ad probationem. Præterea nec illa præsentia erat sufficiens; requiritur enim intima, quæ ibi non erat, nec cum corpore, nec cum anima: non est sic de Angelis, qui sicut cognoscunt se ipsos naturaliter per suammet substantiam, & talis cognitio nullius illorum excedit vires; sic quando vnus esset intimè præsens alteri, & vellet cum illo concurrere; itaut alter non vteretur specie, (cum hoc non excedat

cedat vires naturales, neque vnus, neq; alterius, & ad huiusmodi actiones, ad quas se extendunt vires naturales, Deus ipse, vt auctor naturæ, naturaliter loquendo, non denegat concursus.) Optimè possit hoc modo hic illum cognoscere.

¶ Dices secundo: ad hoc vt naturaliter res aliqua intelligatur, non sufficit, vt sit intelligibilis actu; neque vt sit localiter præsens; ergò non poterit Angelus per suam solam substantiam sine specie, etiam si habeat has duas condiciones, producere in intellectu alterius cognitionem sui. Probatur antecedens; quia lumen, esto actu visibile, & localiter præsens, nihilominus non potest videri, nisi per speciem; ergò à pari in intellectione duæ illæ condiciones non sufficient. Probatur antecedens; quia in visione luminis candelæ verbi gratia non solum videtur lumen, sed etiam videtur figura illa pyramidalis, quam habet, quam nequit representare ipsum lumen, cum figura sit sensibile commune, & lumen sensibile peculiare solum visus: ergò est necesse, vt detur species representatiua illius. R. esse disparem rationem, nam in lumine, & figura, cum non detur intima præsencia, quam requirit talis sensatio, necessariò requiritur species; non sic in Angelo, quando est intimè præsens alteri; neque enim semper requiritur, vt id, quod est principium effectuum intellectu-

nis, informet, vel inhaereat ipsi potentia; sed si est aliquid substantiale, seu per se subsistens, & spirituale, cum possit naturaliter esse intimè præsens alteri, cum vtrique competat penetrabilitas ratione in materialitatis, & vnus non resistat, immò liberè consentiat, vt cum suo intellectu concurrat immediatè absque exercitio speciei, vt potest; in hoc enim nulla apparet repugnantia; nullum remanet caput, per quod excludatur possibilitas talis modi intelligendi seipsos Angelorum ad inuicem. Dices talem modum non posse competere creaturæ, eoquod illo dato daretur illapsus vnus creaturæ in aliam, qui soli Deo ex communi Theologorum consensu conuenit. R. negando talem sequelam; nam ad verum illapsus, qui soli Deo competit, requiritur plenum dominium ipsius in potentias alterius, id est tam respectu intellectus, quam respectu voluntatis; quale dominium numquam haberet Angelus; nam altero nolente concurrere ad intellectiōem, alter nihil posset producere, liberum enim suarum creaturarum arbitrium sibi soli subiecit Deus.

Dices tertio: ad hoc vt aliquid gerat vicem speciei, debet esse ita intelligibile actu, vt sit proportionatum potentia intelligenti, ita vt neque deficiat, neque excedat; sed nullus Angelus est hoc modo proportionatus intellectui alterius; ergò nullus pote-

poterit intellectui alterius per se ipsu in præstare id, quod præstat sua species; Maior parte. inductione; calor enim ob suam maiorem materialitatem, sicut & phantasma propter eamdem rationem non possunt esse species coloris respectu potentiæ visus; quin & propter eandem rationem docet S. Tho. prima parte quæst. 89. artic. primo in corpore non posse animas separatas per species Angelicas, si illis infunderentur, prodire in cognitionem perfectam, claram, & distinctam, ut procedunt Angeli, sed tantum imperfectam; ergo ut aliquid gerat vicem speciei, debet esse proportionatum modo dicto. Minor probatur, quia essentia vniuscuiusque Angeli, vel per excessum, vel per defectum, aut est maior, aut minor in perfectione essentiali, quam sit alter, omnes enim differunt specie; ergo nullus Angelus est eo modo proportionatus intellectui alterius. Respondeo: excessum, vel defectum illi non attendi secundum perfectionem essendi; alias nulla species esset proportionata pro intellectione substantiæ Angelicæ, cum quælibet species sit accidens; sufficit ergo, quod excessus, vel defectus ille solum attendatur in ratione representandi; in quo sensu nego Minorem; nihil enim est magis proportionatum ad representandam substantiam alicuius, quam illamet eadem substantia. Ad probationes. & illud de phantasmatibus,

& coloribus nihil probare; nam ratio propter quam non possunt esse species coloris non est maior, vel minor materialitas, sed est, quia nullam habent rationem imaginis virtualis respectu illius, cum differant ab eo, non solum in essendo, sed etiam in representando. Præterea etiam data illa maiori, vel minori materialitate in illis, adhuc non habetur intentum; cum in Angelis quantumvis specie differentibus semper immaterialitas sit æqualis; immaterialitas enim consistit in negatione materiæ, in qua negatione, cum in vnoquoque sit omni-modi, non datur maioritas, aut minoritas. Ad illud de animabus separatis. & esse incertum, an per dictas species intelligerent saltem confusè; nulla enim datur ratio efficax ad hoc conuincendum; immò plures auctores tenent, species quibus prædictæ animæ intelligunt, esse eiusdem rationis cum illis Angelorum. Denique ad illud de differentia vniuscuiusque Angeli ab altero Angelo. Respondetur esse ad summum in essendo, non in representando; & præterea non admittitur communiter extra scholam Thomistarum.

Quæres hic: an Angeli aliquo ex prædictis modis naturaliter possint se ipsos inuicem, & mutuo comprehendere; in qua difficultate, quia de quidditate comprehensionis diuersæ assignantur explanationes, quas adduxi, & declaravi in Controver-

sia de incomprehensibilitate Dei: illis suppositis procedo ad resolutionem, &

Dico primo: nullum Angelum comprehendere alterum, quemadmodum, nec etiam suam essentiam, & virtutes, nec res alias, secundum quod deducuntur ab exemplari diuino, & subsunt diuine Providentię, siue secundum omnes rationes intelligibiles. Hęc assertio est S. Th. q. 8. de verit. artic. 4. 6. & 7. ad primum, & decimum argumētum. Probat Sanctus Doctor intentum primo hac ratione: Si Angelus hoc modo comprehenderet alterum, comprehenderet etiam ipsum exemplar Dei, & ipsam Diuinam Providentiam: hoc autem posse fieri negat ex doctrina D. Dionysij lib. de cęlesti Hierarch. c. 6. vbi ait Angelos ignorare suam ordinationem, & virtutes. Secundò quia de rationibus intelligibilibus vnus Angelus illuminat alterũ, (nam, vt ait idem S. Dionysius lib. de diuinis nominibus, ab Angelis superioribus docentur inferiores rationes rerum similes;) quod non esset, si iste illum comprehenderet.

Dico secundò: nullum Angelum comprehendere alterum: si nomen comprehensionis sumatur propriè, idest non solum pro cognitione eorum omnium, quę insunt formalitè rei, vel illi conueniunt: sed etiam eorum, quę ex illa deduci possunt, tamquam ex causa; hęc enim omnia cū

ad ipsam rem pertineant, debent cognosci, vt sit vera, & propriè, ac rigorosè dicta comprehensio; hoc autem non posse esse probatur hac ratione: quia Angelus deberet cognoscere omnes actus liberos voluntatis illius, quem comprehenderet, & omnes actus eius internos, & effectus liberos, quę naturaliter non posse cognosci, est constans omnium Theologorum sententia.

Dico tertiò: quod si nomine comprehensionis veniat solum quidditatiua, & distincta cognitio prædicatorum essentialium, & naturalium proprietatum, (vt quandoque licet impropriè sumitur) omnes Angeli se mutuò comprehendunt: Sic docet S. Th. prima parte qu. 55. artic. 2. & qu. 58. artic. primo ad secundum, & qu. 89. & 109. artic. 3. immò in questione 8. de veritate artic. 15. ad secundum negat; Dæmones illuminari ab alijs de rebus naturalibus, sed ait, omnibus esse inditas species, quibus cognoscant omnia spectantia ad cognitionem naturalem, licet de hoc alibi dubitet, & in contrarium inclinet, idest in secundo dist. 3. quęst. 2. artic. 2. ad secundum. Probatur verò conclusio nostra hac ratione: Si aliqua esset difficultas in hoc genere comprehensionis esset de Angelo in superiore respectu superioris, non verò de superiori respectu inferioris: superior enim habet lumen intellectuale perfectius, ac proinde excedens intellectu-

telligibilitatem inferioris, cum comprehendat etiam hoc modo suam essentiam, quæ est perfectior; sed neq; de illo est difficultas; ergò de nullo est difficultas: minor probatur, quia quilibet Angelus per species concreatas intelligit quidditates omnium rerum naturalium, & consequenter etiam Angelorum, quod ostendit S. Th. prima parte qu. 56, artic. 2. in corpore auctoritate S. P. in axiomate; ergò de nullo est difficultas, tantò magis, quod idem Angelicus D. prima parte qu. 58, artic. 3. 4. & 5. & qu. 16. de malo artic. 19. & quo 1 lib. 6. artic. 3. ad primum docet; Angelum intelligendo quidditatem aliquam, simul intelligere quicquid naturaliter ei competit, vel ei naturaliter tribui potest, vel remoueri, vel concludi; cuius signum dicit esse, quod ipsi intelligendo non discurrunt, nec componunt, vel diuidunt, quia statim cognito quodquid est, in eo statim cognoscunt omnia prædicata, & consequenter omnes proprietates naturales; & intellecto principio statim in eo cognoscunt omnes conclusiones naturaliter deducibiles. Confirmatur, quia ex hac doctrina nullum sequitur inconueniens; cum adduc Angeli inter se possint distingui in cognitione clariore, vel minus clara, licet adæquantur in

obiecto cognito; ut patet in Beatis, qui omnes vident Deum totaliter ex parte obiecti, non verò ex parte cognoscentis; nam vnus videt clarius altero; & ad comprehensionem in ea acceptione de qua loquimur in præsentī, non est necesse, quod res videantur cum omni claritate possibili, alias nullus Angelus, nec etiam hoc modo posset comprehendere ullam rem naturalem, & tamen commaniter posse docet Theologi. Sufficient ergò, ut cognoscant ea cognitione clara, quam requirit rei cognitionis natura, licet in perfectione essentiali superet naturam cognoscentis: Neque enim est absurdum, dari in tali comprehensione latitudinem ex parte cognoscentis, licet non detur ex parte rei cognite; ex quo habetur maiorem perfectionem intelligentis in essentia, & gradu specifico facere quidem ad maiorem cognitionem obiecti ex parte cognoscentis, non autem ex parte cogniti: nec etiam est absurdum, potentiam cognoscentem superari in essentiali, & intensiua perfectione ab obiecto, & non in perfectione extensiua, quæ est propria potentie, & est per ordinem ad obiectum, quæ semper est maior intensiua, cum completatur omne ens, quod est naturaliter intelligibile.



AXIOMA TERTIVM.

De Cognitione, quam habent Angeli de Deo.

Ex Epist. 102. ad Paulinam. Capite 11.

Quod ergò ait S. Ambrosius, neque is, qui Deum videre noluerit, potest Deum videre, quid aliud intelligi voluit, nisi quia ijs, qui mundam cordi curam tanta rei dignam non vult impendere, non vult Deum videre. Vnde proinde quid adiungat, nec in loco, inquit, Deus videtur, sed mundo corde. Quid euidentius, quid expressius dicti potuit? Ab hac igitur visione Diabolus, & omnes Angeli eius, & omnes cum eis impij sine ulla nebula dubitationis exclusi sunt, quoniam mundo corde non sunt: ac per hoc, quod scriptum est in lib. Iob, venisse Angelos in conspectu Dei, & venisse cum eis Diabolum, non ideo Diabolus Deum vidisse credendus est. Ipsi enim dicti sunt venisse in conspectum Dei, non Deus in conspectum eorum. Veniunt autem in conspectum nostrum, quæ videmus, non à quibus videmur. Venerunt ergò sicut in multis codicibus legitur, ut assisterent coram Deo, non ut coram ipsis Deus.

D V B I V M

Quomodo Angeli cognoscant Deum.

Quæstio hæc procedit tam de modo naturali, quam de modo supernaturali, quo Angeli Deum cognoscunt; sed præcipua difficultas est de primo modo; nam de secundo facile deducitur ex ijs, quæ dicta sunt in controuersia de incomprehensibilitate Dei, & visione Beatifica; de quotamen aliquid in fine dubij dicetur. De primo igitur puncto

duæ sunt celebriores D. D. & Scholarum sententiæ. Prima est Scoti, in secundo distinct. 3. qu. 9 & Marsilij in secundo quæst. 7. arti. primo Concl. 8. qui opinantur: Angelos per speciem intentionalem superadditam cognoscere naturaliter Deum, & Scotus addit hanc cognitionem esse claram, & quidditativam, licet non ita adæquatam, & comprehensivam,

suam, ut est illa, qua vnus Angelus cognoscit alium per speciem superadditam, quam de illo habet.

Secunda est S. Tho. qui prima parte qu. 56. artic. 3. docet: Angelos per suam substantiam finè alia specie superaddita cognoscere Deū, non tamen clarè, & quidditatiuè, sed abstractiue.

Dico igitur primo cum S. Thoma Alense, Gandauense, Ferrariense, & alijs, Angelam per sua naturalia, siue per suam substantiam, finè specie superaddita, habere eam notitiam de Deo, quam naturaliter habet. Probatur primo, quia nihil naturale potest assignari in ipso Angelo, quod melius representet intelligibiliter ipsum Deum, quam suamet immaterialis substantia, ut potè quæ, ut obseruat S. Greg. hom. 34. in Euang. & lib. 32. mor. cap. 24. est quædam singularis imago Dei; quod idem docet Angelicus Doctor prima parte qu. 93. artic. 3. Quod verò hæc cognitio non sit clara, & quidditativa, ut contendit Scotus, patet primo ex illis S. S. P. P. qui passim docent nec Angelos posse cognoscere naturaliter Deum; quod esse intelligendum de cognitione clara, passim asserunt D. D. sic enim explicant ea, quæ habet S. Dionysius in lib. de cælesti Hierarch. cap. 4. cum ait *videri non posse ab ullo secretum Dei*; & id quod habet S. Io. Crisostomus homil. 14. in cap. 1. Io. id quod est Deus non mo-

do Propheta non viderunt, sed neque Angeli, neque Archangeli. & similes alias S. S. P. P. locutiones. Probatur secundo quia, vel Angelus habet speciem, qua naturaliter cognoscendo quidditatiuè Deum cognoscat omnes perfectiones, quæ sunt in eo, vel solum aliquas. Si primum, Angelus esset naturaliter Beatus, nam in tali cognitione clara consistit Beatitudo, vel formaliter, vel efficienter; & sic etiam Diaboli, in quibus naturalia manserunt integra, essent Beati; quod est omnino falsum. Si dicatur secundum, quod videtur intendere Scotus, cum dicit *non cognoscere quidditatiuè adæquatè*, tunc sequitur necessariò nec vnā, nec alteram perfectionem cognosci ab Angelo hoc modo quidditatiuè, & clarè, ac distinctè: de ratione enim intrinseca vniuscuiusque perfectionis diuinæ sunt omnes aliæ diuinæ perfectiones, cum omnes sint vna simplicissima, & indiuisibilis entitas, & perfectio; quapropter si per aliquam cognitionem nō cognoscuntur quidditatiuè omnes perfectiones diuinæ, per eam nulla illarum quidditatiuè cognoscitur.

Dices primò cum Scoto, Angelus per suas vires naturales cognoscit Deum non obscure, aut confuse; ergò clarè, & distinctè: antecedens probatur, quia Angelus naturaliter cognoscit perfectius Deum, quam eum cognosceret homo in statu innocentiz;

tia; huius enim cognitio erat dependens à sensibus, & phantasmatibus, illius verò non. Sed homo in eo statu cognoscebat Deum in specie, & clarè, non autem solum in communi, & in confuso, ut nos in hoc statu naturæ lapsæ in pœnam peccati: ergò etiã Angelus æquè, immò magis clarè eum cognoscebat. Respondeo distinguendo antecedens: non cognoscit solum obscure, & confuse quoad prædicata communia Deo, & Creaturis concedo, quoad aliqua prædicata Dei propria, ut esse independentem, immutabilem, & æternum, ultimum finem, & similia nego: & in hoc genere cognitionis obscuræ, & cõfusæ satis est, quod Angelus perfectius, & perspicacius cognoscat Deum, quam cognosceret homo in statu naturæ integræ, sicut est præditus perfectiori intellectu, & sic patet responsio ad probationem.

Dices secundo: si aliqua ratio obstar, quominus Angelus posset cognoscere Deum clarè, & distinctè per speciem, esset illa Thomistarum, quod repugnet species impressa representans clarè, & quidditatiuè Essentiam Diuinam; sed hæc nulla est; nam ut dictum est in controuersia de Incomprehensibilitate Dei, non est adhuc allata sufficiens implicantiã contradictionis talis speciei; ergò nihil obstat. Confirmatur, quia D. Paulus post raptum recordabatur se

vidisse Diuinam Essentiam, & consequenter habebat speciem impressam clarè, & distinctè illam representantem, quemadmodum habemus nos, quando recordamur alicuius obiecti, quod nostris oculis vidimus. Respondeo hoc non esse fundamentum nostrum, sed id, quod adductum est supra ad probandam nostram assertionem. Ad confirmationem respondeo, D. Paulum tunc non fuisse recordatum clarè, & distinctè, sed quidditatiuè Diuinæ Essentiæ secundum se, sed solum se illam vidisse (qualicumque tandem modo viderit, de hoc enim est magna quæstio) ac etiã recordatum fuisse aliquarum veritatum, quæ in illa visione fuerunt illi ostensæ diuinitus, non tamen ipsius obiecti clarè; quemadmodum nos quandoq; post longum tempus recordamur legisse aliquam historiam, vel quæstionem, aut vidisse aliqua obiecta, non tamen tunc recordamur clarè, & distinctè partes, & conditiones illorum obiectorum.

Dices tertio: ex doctrina S. P. A. haberi fuisse in Angelis cognitionem matutinam, id est creaturarum in verbo; ergò etiã fuit in illis cognitio clara, & distincta Diuinæ Essentiæ; Ante cedens est in confesso apud omnes; cõsequentia probatur, quia effectus nequeunt clarè cognosci in causa, nisi etiã ipsa causa clarè cognoscatur. Respondeo primo cum Caietano cognitionem illam matutinam in ger-

germana S. P. A. sententia non fuisse naturalem, sed supernaturalem, de qua modò non disputo. Respondeo secundo, quod etiam dato, quod illa cognitio fuisset naturalis, & consequenter confusa, nihilominus etiã hoc modo posset cognosci etiam effectus in Deo ab ipso Angelo; hoc enim possumus, & nos, & talis cognitio effectuum posset dici cognitio matutina, idest in Deo cognito.

Dices quarto: ex nostra sententia sequi cognitionem Angeli esse discursiuam, quod est contra S. Th. qui prima parte qu. 58. artic. 3. negat cognitionem Angeli esse discursiuam. Probatur sequela; quia tunc Angelus cognosceret Deum per suã substantiam, tamquam per similitudinem cognitã, sed talis cognitio est discursiua, ut patet ex omnibus alijs cognitionibus, quæ habentur ex cognitionibus aliarum similitudinum; ergo &c. Respondeo non sequi dictam cognitionem esse discursiuam, eo quod non interueniant plures cognitiones, quarum vna inferatur ex alia, ut essentialiter requiritur ad discursum formalem: Angelus autem vnica, & eadem cognitione cognoscit substantiam suam, & per eam Deum, tum ut per imaginem quamdam representantem Deum, tum ut per effectum Dei à se cognitum. Quia verò præsens obiectio tangit difficultatem illam, an Angelus cognoscat Deum per suam sub-

stantiam, tamquam per obiectum cognitum, vel tamquam per medium cognoscendi; idcirco maioris claritatis, & vberioris doctrinæ gratia.

Dico secundo. Angelos utroque ex dictis modis cognoscere naturaliter Deum. Primo quidem, tamquam per medium cognitum, ut docent S. Bonaventura in secundo dist. 3. parte secunda art. 2. q. 2. & Ricardus dist. 4. artic. 1. qu. prima, & secunda, & Probatur; quia Angelus est nobilissimus effectus Dei, & in eo imago Dei est magis expressa, quam in nobis: sed imago, & effectus cognita ducunt in cognitionem imaginati, seu prototypi, tamquam obiectum, seu medium cognitum; ergo &c. Quod verò cognoscant etiam, tamquam per medium cognoscendi; ut docent Caietanus in comment. artic. 3. qu. 56. primæ partis, Ferrariensis lib. secundo contra gentes cap. 99. & Capreolus in secundo dist. 3. qu. 1. artic. 1. concl. 5. Probatur; quia quidquid cognoscitur per speciem, vel per aliquid loco speciei, cognoscitur per illud, tamquam per medium cognoscendi; sed Angelus cognoscit Deum per suam substantiam tamquam per speciem; ergo cognoscit, tamquam per medium cognoscendi. Maior est certa, minor probatur, quia species representans effectum, & imaginem representat non solum eam, sed etiam prototypum, & imaginatum; nam species

cies vnus similis representat etiam aliud, cui illud primum est simile; sed in omni creatura est aliqua similitudo Dei impressa; ergo quælibet potest esse medium cognoscendi. Probat alij ex eo, quod, sicut Essentia Diuina habet rationem causæ, & ideæ respectu creaturarum, ita & essentia Angeli habet aliquo modo vtramque; rationem, cum sit participatio Essentiae Dei etiam secundum rationem causæ, & ideæ. Verum hæc ratio non videtur probare intentum; nam ex ea potius sequitur, quod hoc modo cognoscat, tamquam per medium cognitum, quam per medium cognoscendi. Standum est igitur in prima ratione.

Aduertendum tamen est, essentiam Angeli, quatenus præstat id quod præstaret species, non representare primum, & immediatè ipsum Deum, sed mediatè solum; eo quod respectu Dei sit species aliena, non verò propria; nam eatenus est species, quatenus est effectus, qui habet rationem imaginis; & species aliena primum, & immediatè representat id, cuius est species propria.

Quæri hic solet; vtrum Angelus inferior perfectius cognoscat Deum per suam substantiam, quam cognoscat per species Angelorum inferiorum, vel superiorum. R. primo breuiter, quoad cognitionem existentie Dei ita cognosci Deum ab Angelo inferiori per suam substantiam, sicut

per species Angelorum etiam superiorum. Probat, quia ad hoc, vt cognoscatur Deus existere, sufficit cognoscere aliquid à Deo pendere; sed hoc æquè bene cognoscitur ab Angelo inferiori cognoscente se, ac cognoscendo alios, etiam superiores; ergo cognitio existentie Dei æquè bene cognoscitur vno, ac alio modo. R. secundo, quoad cognitionem quid est, seu Essentiae, & attributorum Dei, perfectius cognosci Deum ab Angelo per species superiorum, quam per suam essentiam, vel inferiorum. Probat, quia tunc est perfectior cognitio Dei, quando plura prædicata cognoscuntur de illo, & cognoscuntur per effectum perfectiorem; hic enim perfectius representat causam, quam imperfectior; sed Angelus superior continet plures perfectiones, & est effectus perfectior; ergo &c.

Dices. Substantia Angeli inferioris est medium perfectius, immediatius, & magis proportionatum, quàm species, quæ representat Angelum superiorem; ergo Angelus inferior perfectius cognoscat Deum per suam essentiam, quam per speciem Angeli superioris. R. negando antecedens, primo quia, licet substantia Angeli inferioris sit entitatiuè, seu in esse physico, & nature perfectior, non tamen est talis in esse intelligibili, seu representatiuo, de quo est quæstio; perfectio enim speciei secundum hoc esse

esse sumitur in ordine ad id, quod immediatè representat; hoc enim est nobilius respectu speciei, quam respectu essentia. Secundo negatur antecedens, quia essentia Angeli, ut est species, non representat immediatè Deum, sed mediatè, sicut etià quælibet alia species, quia respectu Dei est species aliena. Tercio negatur, quia species representans superiorem Angelum; ita est proportionata Angelo inferiori, sicut eius essentia in ratione representandi, & præterea habet maiorem vim, quia est rei altioris ordinis. Vtraque enim est naturalis, & ab initio creationis in ipso Angelo; Nec refert, quod nõ sit intimè vnita, siuè identificata cum Angelo, sicuti est eius essentia; hoc enim est, quia essentia habet rationem formæ naturalis, cum quo tamen stat, quod in ratione formæ intelligibilis possit non habere tantam ethicam, quantam habet species prædicta. Ex hoc inferunt aliqui Theologi cognitionem Dei per essentiam Angeli inferioris differre specie à cognitione Dei habita per speciem representantem Angelum superiorem, eo quod non solum principium productiuum, sed etiam terminus immediatus speciei distinguantur.

Dico tertio. Cognitionem supernaturalem, & visionem Beatificam Angelorum, qua & Deum, ut est in se, & creaturas in ipso verbo clarè vident, pulchrè, & acutè fuisse de-

scripam à S. P. N. lib. 1. de Ciuit Dei cap. 29. his verbis. *Illi quippe Angeli Sancti non per verba sonantia Deum discunt, sed per ipsam præsentiam immutabilis veritatis, hoc est Verbum eius unigenitum, & ipsum Verbum, & Patrem, & eorum Spiritum Sanctum, eamque esse inseparabilem Trinitatem, singulasque in ea personas esse vnā substantiam: & tamen omnes non tres Deos esse, sed vnum Deum ita nouerunt, ut eis magis ista, quam nos ipsi nobis cogniti sumus. Ipsam quoque Creaturam melius ibi, hoc est in Sapientia Dei, tamquam in arte, qua facta est, quam in ipsa sciunt: ac per hoc, & se ipsos ibi melius, quam in se ipsis, veruntamen, & in se ipsis. Facti sunt enim, & aliud sunt, quam ille qui fecit. Ibi ergò, tamquam in cognitione diurna, in se ipsis autem, tamquam in vespertina; sicut supra iam diximus, multum enim differt, utrum in ea ratione cognoscatur aliquid, secundum quam factum est, an in seipso. Sicut aliter scitur rectitudo linearum, seu veritas figurarum, cum intellectu conspicitur, aliter, cum in pulvere scribitur. Et aliter iustitia describitur in veritate incommutabili, aliter in anima iusti. Sic deinde cetera, sicut firmamentum inter aquas superiores, & inferiores, quod calum vocatum est: sicut deorsum aquarum congeries, terraque nudatio, & herbarum institutio; atque lignorum: sicut Solis, & Luna, Stellarumque conditio: sicut ex aquis ani-*

malum, volucrum scilicet, atque piscium, belluarumq; natantium: sicut quorum cumque in terra gradientium, atque repentium, & ipsius hominis, qui cum-
 effis in terra rebus excelleret. Omnia hæc aliter in Verbo Dei cognoscuntur ab Angelis, ubi habent causas, rationesque suas, idest secundum quas facta sunt incommutabiliter permanentes, aliter in se ipsis. Illic clariore, hic obscuriore cognitione, velut artis, atq; operum, quæ tamen opera cum ad ipsius laudem, venerationemque referuntur, tamquam manè lucefcis in mentibus contemplantium.

Docet hic primò S. Pater: Deum docere Angelos, non per verba sonantia, cum & ipse sit Spiritus increatus, & illi sint creaturæ Spirituales, & intellectus immateriales, qui ab eo auditu spiritali discunt. Modum hunc, quo Deus Angelis loquitur, esse ineffabilem ostendit idem S. P. N. lib. 16. de Ciuit. Dei cap. 6. ubi ait *Docet verò Deus aliquid in intellectu imprimendo, ita ad suam essentiam manifestandam lumen gloriae im-
 primit, dum loquitur reuelando mysteria lumen propheticum, vel fidei infundit.* ex quo loco etiam habetur Angelos habere à Deo species inditas, seu congenitas: altissimum verò Sanctissimæ Trinitatis mysteriū ab initio, non nisi per reuelationem, & antequam essent glorificati per lumen fidei, ac in ænigmate cognouerunt, & postea mediante lumine gloriæ vi-

derunt Diuinam Essentiam: de quo puncto nos infra cum eodem S. Patre, qui lib. 13. Confessionum cap. 15. hoc pulchrè declarat.

Docet secundo. Et Vnitatem essentia, & Trinitatem personarum: magis ipsis Angelis esse nota quam nos ipsis nobis. Vbi aduertit Coquæus, quod licet sit verum, quod illi perfectius cognoscant illud obiectū, quam nos ea, quæ spectant ad nos, quia illa cognitio est de perfectiori obiecto, ac per lumen clarius, & certius; vult tamen, quod loquendo de modo nos possimus aliquo modo per aliquam cognitionem saltem supernaturalem perfectius cognoscere nosmetipsos, quia scilicet possumus saltem per lumen gloriæ comprehensiuè nos intelligere, quo pacto non possumus agnoscere Deum, nec etiam per lumen gloriæ iuxta illud Epist. primæ ad Corinthios cap. 12. *tunc cognoscam, sicut & cognitus sum*, idest quoad euidenciam, non quoad comprehensionem.

Docet tertio. Ipsa n. creaturam melius ibi, quam in se ipsa per proprias species naturaliter cognoscit: ita vt Angeli melius cognoscant seipsos in Diuina Essentia quam in se ipsis: nam vt dixi in Controuersia 8. quæ est de Incomprehensibilitate Dei in dubio ad axioma nonum. Essentia Diuina est speculum voluntarium referens omnes creaturas. Ex quò fit, vt Beatæ illæ mentes, non solum videant

deant Essentiam Diuinam; sed etiam in ea, velut in speculo, ac ratione luminis gloriæ, quod vident Deū, plures, aut pauciores creaturas intueantur, iuxta proportionem luminis gloriæ, aded vt in vnaquaque cognitione, idest tam matutina, quam vespertina, eadem res sit cognita, idest creatura, vt Angelus, ipse etiam secundum suum proprium esse formale; vt docet S. P. hoc loco; ac etiam lib. 4. de Generi ad litteram cap. 24. & 25. ita tamen, vt in cognitione illa; quam Sanctus Pater hic appellat diuinam, alibi verò matutinam, medium cognitionis sit ipsa Essentia Diuina, quæ vnitur intellectui Beato non solum in ratione obiecti, sed etiam instar speciei cuiusdam, & similitudinis obiectiæ, quæ primò se ipsam, deindè alia representat intellectui creato; in cognitione verò illa, quam S. P. vespertinam appellat, qua nempe se ipsum, & alia naturalia, non in Essentia, sed in se ipsis cognoscit, medium cognoscendi seipsum [vt supra dixi] est ipsa substantia sui ipsius, & comparatione reliquorum obiectorum ipsæ species ab initio ipsi menti Angelicæ impressæ, de quibus supra.

Quia verò hic incidit mentio de cognitione matutina, & vespertina Angelorum; placet hic aliqua de hac distinctione aduertere præter ea, quæ dixi in quæstione de Incomprehensibilitate Dei loco citato; eo

quod celebris est hæc distinctio apud S. P. & eius discipulos.

Aduerto igitur primò. S. P. cognitionis matutinae, & vespertinae distinctionem in Angelis assignasse lib. 4. de Genesi ad litteram, cap. 22. & lib. 5. cap. 5. & lib. 11. de Ciuitate Dei, cap. 29. & alibi passim. Quod quidem in libris de Genesi ad litteram præstitit, vt assignaret senarium numerum dierum creationis; cum illi non possent distingui secundum motus solis, & astrorum; quæ non fuerunt condita, nisi in quarto die: quapropter cognitionem Angeli appellauit diem, quia constat ex lumine clarissimo intellectualem ipsius mentis Angelicæ; distinxit autem mane, & vespere illorum dierum in eadem cognitione Angelicæ; ita vt appellaretur mane, seu cognitio matutina, quatenus habet pro obiecto esse primordiale rerum, quod est ipsum esse diuinum, & esse quoque ipsarum rerum, vt est in ipso Deo eminenter, & idealiter. Vespere autem, seu cognitio vespertina, prout est cognitio ipsarum rerum in se ipsis; eo quod sicut mane est quasi quoddam principium temporis vespertini, ita etiam esse rerum, vt est in Deo, sit principium esse rerum in seipsis.

Aduerto secundo. Valentiam tom. 2. disput. 4. quæst. 49. puncto 5. §. secundo putare esse doctrinam S. P. vtramque cognitionem, tam vespertinam, quam matutinam esse dupli-

duplicis generis: naturalem scilicet, & supernaturalem; Cognitionem matutinam naturalem esse, qua naturaliter Angelus cognoscit esse diuinum, quod est esse primordiale rerum, etiam quatenus tale, & hoc vel per suam substantiam, vel per species inditas rerum iuxta diuersi atē sententiarum; huius cognitionis matutinæ dicit meminisse S. P. lib. 4. de Genesi ad litteram cap. 22, 23. & 34 cum docet omnes Angelos creatos fuisse cum cognitione maturiaa; constat autem Angelos malos non potuisse habere cognitionem matutinam supernaturalem; quæ consistit in clara, & Beatifica visione Dei. De hac supernaturali matutina loquitur idem S. P. locis citatis, & lib. 11. de Ciuit. Dei cap. 13. & alibi sæpe. Valentia citat pro se S. Tho. & dicit eū admittere cognitionem naturalem matutinam, & prima parte qu. 62. artic. primo asserere S. Patrem loqui de cognitione matutina naturali locis citatis ex lib. 4. de Genesi ad litteram; sed reuera S. Thomas non appellat expressè matutinam naturalem, & aduertit propriè dici matutinam supernaturalem. Cognitionis vespertina naturalis est illa, qua Angelus per species infusas cognoscit esse rerum in se ipsis. Vespertina supernaturalis est cognitio Beatifica, vt per illam cognoscit Angelus res creatas etiam in se ipsis beneficio Essentiæ Diuinæ clarè visæ, quæ melius, quā

species intelligibiles representat illis etiam res creatas.

Aduerto tertio: non omnes Angelos habuisse cognitionem matutinam, & vespertinam supernaturalem; nam vt dictum est, Angeli mali numquam fuerunt Beati, vt ex instituto ostendit S. P. lib. 11. de Ciuit. Dei cap. 14. & lib. 12. cap. 6.

Aduerto quarto: cognitionem matutinam, & vespertinam supernaturalem re ipsa vnā, & eandem esse, distinctas tamen ratione nostra penes diuersa obiecta: at matutinā, & vespertinam naturales non esse easdem; nec etiam res; nam alia est realiter cognitio naturalis Dei, qua Angelus illum cognoscit per suammet substantiam, vt suprā dictum est: alia est realiter cognitio, qua cognoscit res creatas in se ipsis per species sibi a principio suæ creationis inditas, & infusas.

Aduerto quinto: esse valdè probabile, quod Angelus per cognitionem vespertinam naturalem cognouerit simul omnia illa, quæ fuerunt creata ab initio mundi, neq; hoc videtur esse absurdum, cum possit Angelus vnica cognitione multa simul cognoscere: quo pacto solet dici eum videre conclusionem in suis principijs, & effectum in sua causa. Et hoc dicit Valentia loco citato, & puncto tertio apertè docere S. P. dum lib. 4. de Genesi ad litteram cap. 32. & 34. ex instituto affirmat posse simul cogno-

cognoscere omnia illa, quæ initio mundi creata fuerunt. Ego tamen verius esse puto, quod in illis duo.

bus capitibus S. P. loquatur de cognitione matutina supernaturali.

AXIOMA QVARTVM.

De Cognitione, quam habent Angeli materialium, & præcipuè rerum singularium.

Ex Lib. 9. de Ciuit. Dei Cap. 22.

Angelis bonis omnis temporalium rerum scientia, quæ instantur Damones, vilis est; non quod earum ignari sint: sed quod illis Dei, quæ sanctificantur, Charitas chara est.

D V B I V M.

Vtrum, & quomodo Angeli materialia, & singularia cognoscant.

Fuit error Auerrois lib. 12. metaph. tex. 51. neque Deum, neque alias substantias separatas cognoscere singularia, & maximè materialia; à quo non multum distat opinio Auicennæ, qui tractatu de fluxu entis cap. 4. censuit ab Angelis solummodo cognosci singularia, ut conueniunt in ratione entis; à quibus non est dissimilis opinio illorum, qui, ut refert S. Th. prima parte qu. 57. artic. 2. dixerunt cognosci ab

Angelis singularia solummodo incautis vniuersalibus, & quasi in confuso; quo pacto eclipses futuræ cognoscuntur ab Astrologis, quæ omnia communiter à D. D. Catholicis censentur erronea; propterea.

Dico primo: Certum esse Angelos propriè, & distinctè cognoscere naturas rerum materialium. Probat hanc assertio primo; quia ex Sacra Scriptura constat eos habere curam de pluribus rebus materialibus,

Y

&

& corporeis; & eas regere, & dirigere in suos fines; quod non possent præstare, si eas non cognoscerent; similiter narratur ibi; eos pluries cū hominibus loquutos fuisse, eos instruxisse, & in necessitatibus adiuuasse, quod sine cognitione talium rerū fieri nullō modo potuisset. Doctrina hæc habetur expressè apud D. Dionysium lib. de Diuinis nom: tamquā certa, & indubitata. Probatur secundo ratione, qua vtitur S. Th. loco citato art. prim. sic: in Angelis sūt species rerum materialium; ergo huiusmodi materialia cognoscuntur ab Angelis; consequentia patet, antecedens probatur: res inferiores sunt in rebus superioribus simpliciori, & perfectiori modo, quam in se ipsis, & ad modum quoque rerum superiorum; ergo & res materiales, vtpotè inferiores sunt in Angelis modo simpliciori, & secundum modum ipsorum Angelorum, idest intellectualliter secundum suas intelligibiles species, sicut ipsi Angeli sunt intellectuallies. Probatur tertio: quia species Angelicæ sunt perfectiores, quam nostræ, tam in essentia, quam in representatione; sed nostræ representant res materiales; ergo & illæ Angelorum. Probatur quarto: quia species Angelicæ sunt similiores Diuinæ Essentiæ, quemadmodum, & Angeli ipsi plura de diuina perfectione participant, vt docet S. Dionysius lib. de cælesti Hierarch. cap. quarto;

sed Essentia Diuina res omnes, etiā materiales intelligibiliter representat; ergo etiam in hoc perfectiori modo imitantur illam species Angelicæ, quam nostræ.

Dico secundo, certum etiam esse, Angelos cognoscere singularia. Probatur primo ex Sacra Scriptura, nam in psal. 90. habetur *Angelis suis Deus mandauit de te, vt custodiant te*; sed custodia est rerum singularium ergo &c. Præterea in Epist. ad Hæbræos cap. 1. *omnes sunt administratores Spiritus propter eos, qui hereditatem capiunt salutis*. Ergo habent prouidentiam illorum, quæ sine cognitione stare non potest; vt patet ex illo Eccles. cap. 5. *Ne dicas coram Angelo non est prouidentia*, quibus locis vtitur S. Tho. ad hoc idem probandum loco citato artic. secundo. Probatur secundo; ratione ex philosopho; qui lib. 12. metaph. tex. 36. & 37. docet cælos moneri ab intelligentijs per intellectum, & voluntatem; ergo cognoscuntur ab illis. Tertio ex eo, quod supponunt communiter S. S. P. P. cum S. Dionysio lib. de cælesti Hierarch. cap. 7. nempe inferiores Angelos à superioribus de diuinis operibus, & creaturis edoceri. Quarto ratione illa, qua vtitur S. Tho. qu. 57. artic. 2. quia nempe ea, quæ sunt dispersa in inferioribus; sunt vnita in superioribus; sed homines per duas potentias cognoscunt singularia materialia, & quidditates

rerum materialium, idest intellectu, & sensu; ergò Angeli, cum sint superiores, omnia ista cognoscunt per vnā, eandemq; potentiam. Maior patet exemplo sensus cōmunis; qui cum sit excellentior sensibus exterioribus, solus percipit omnia ea, quæ percipiuntur ab eis. Minor est certa apud omnes Philosophos; nam & sensu, & intellectu, constat experientia, singularia ipsa à nobis percipi: consequentia est legitima. Et consequenter ad prædicta colligunt etiam aliqui; Angelos per easdem species, per quas cognoscunt singularia, cognoscere etiam quidditates rerum, eo quod tales species sint exemplatæ ab idæa diuina; per quam Deus facit, & cognoscit naturas tam vniuersales, quam singulares: Est tamen inter D. D. aliqua difficultas de modo, quo Angelus cognoscit ista singularia, an scilicet per species quidditatum, vel per distinctas singularium, nam Scotus in secundo dist. tertia qu. vltima vult Angelos intelligere singularia per species acceptas à rebus ipsis. Durandus vero ibidem quæst. 6. Ocham quæst. 14 & 18. Gabriel quæst. 2. artic. 2. sine speciebus per solam præsentiam singularium, contra quos iam supra factis dictum est. Et Maior, ac Marsilius ibidem qu. 2. per species distinctas à speciebus quidditatum productas à Deo. Thomistæ autem contendunt cognosci tam naturas, seu quiddita-

tes rerum, quam singularitates earūdem per easdem illas species ab initio ipsis indicatas; propterea.

Dico tertio cum S. Tho. prima parte qu. 57. artic. 2. & alibi, Caietano, & Bannez ibidem, nostro Ferrariense lib. 2. contra gentes cap. 20. Angelum cognoscere quamcumq; rei singularitatem per eandem speciem, per quam cognoscit eius naturam, & quidditatem. Probatur primo, quia hæc duplex representatio in vna specie est possibilis, & maxime conuenit naturæ Angelicæ; ergò Angelus per eandem speciem cognoscit quidditatem rei, & singularitatem ipsius cum suis conditionibus. Antecedens probatur primo, quia nulla est excogitabilis implicatio cōtradictionis in oppositum: Secundo quia species illa representatiua quidditatis rei est similitudo, & participatio diuinæ idææ, quæ eadem est representatiua naturæ rei secundum omnes suas condiciones. Tertio quia, vt supra dictū est, ea, quæ sunt dispersa in inferioribus reperiuntur vnita in superioribus; sed in homine dantur duæ species, quarum vna representat singulare, alia vniuersale; immò in sententia Nominalium, & maxime modernorum, per eandem speciem, per quam cognoscitur vniuersale, cognoscitur etiam singulare, cum per eos non dentur præcisiones obiectiuæ; ergò multò magis dabitur in Angelo vna, & eadem species

representans vtrumque. Confirmatur etiam ex eo, quod communiter admittitur ferè in omnibus Scholis, quod scilicet, cum homo facit vniuersale ex vnico indiuiduo vnus speciei, verbi gratia quando cognoscit naturam specificam Solis, tunc per vnā speciem cognoscit, & naturā vniuersalem, & singularitatem illius; ergo à fortiori Angelus. Vltimò probatur, quia magis requirunt plures species plures quidditates rerum, verbi gratia duæ, quam quidditas, & indiuiduatio ipsius; sed ex supradictis constat in intellectu Angelorum, & maxime superiorum dari aliquam speciē, quæ representet plures quidditates, & naturas specificas rerum; ergo etiam poterunt dari aliquæ, quæ simul representent naturam rei, & indiuiduationem eius; tantò magis; quod indiuiduatio, siue singularitas rei non distinguitur realiter ab ipsius natura.

Dices primo: Species impressa intellectui Angelico est quædam ratio vniiformis in se, & in ipso intellectu, non valens representare differenter aliud, & aliud; ergo eadem numero non potest representare simul naturas vniiformes, vel genericæ, vel specificæ, & simul condiciones indiuiduantes, & maxime inter se oppositas, vt potè rationes differendi, nō verò conueniendi. Antecedens patet; quia est similitudo obiecti semper eodem modo se habens tam in

essentia, quam in representatione. Consequentia probatur, quia alias vel hæc species representaret simul opposita pertinentia ad existentiam rei, & sic semper illa representaret, & consequenter per illam vt plurimum, & ferè semper representabitur falsum; nam opposita simul eidem inesse non possunt; quod intellectui Angelico conuenire non potest per se; vel representaret alterum illorū determinatè, & sic numquam oppositum representaret; ergo eadem numero species non potest representare simul naturas vniuersales, & singularitates, seu condiciones quorundam cumque indiuiduorum. Et communiter speciem Angelicam representare vniiformiter ex parte sui, & simul simultate potentia, non verò potentia simultatis representare differenter ex parte rerum oppositarū condiciones indiuiduales sibi succedentes, & plura indiuidua in lucem prodeuntia; & hoc ex eo, quod talis species est similitudo Diuinæ Ideæ, quæ modo prædicto singularia representat. Responderi etiam potest, quod sicut nullum est absurdum, quod eodem verbo mentis, siue eadem specie expressa represententur plura, & opposita etiam contradictoriè, vt patet in propositionibus, quas de illis formamus, sic nullum est inconueniens, quod eadem species impressa, quæ non est formalis, sed solum virtualis imago rei, representet opposita.

opposita; Ratio huius à priori est, quia illam oppositionem, quam habent obiecta in esse rei, non habent in esse seibili, seu obiectiuo: & sic eodem indiuisibili actu simul, & semel percipimus calorem, & frigiditatem, Patrem, & filium, lucem, & tenebras, hominem non esse leonem, & similia.

Dices secundo: Si daretur talis species, illa esset infinitæ perfectionis, sicut etiam intellectio, quæ ex illa sequeretur; quod implicat; ergo repugnat. Sequela probatur, quia

singularia, quæ per illam representarentur, sunt infinita; ergo species representans illa deberet esse infinitæ perfectionis. & sufficere has species esse ordinis superioris; neque enim est absurdum, quod sint aliquo modo infinitæ, idest in representando, quæ non est infinitas simpliciter, sed solum secundum quid, ut est infinitas potentie intellectiue, vel speciei expressæ; seu verbi mentis, quod representatur infinitas Diuinæ Essentia, & attributorum eius.

AXIOMA QVINTVM.

De Cognitione quam habent Angeli quorumcumque futurorum.

Ex Lib. 9. de Ciuit. Dei Cap. 22.

Angeli Sancti certius temporalia, & mutabilia ista nouerunt, quia eorum principales causas in Verbo Dei conspiciunt, per quod factus est mundus, quibus causis quædam probantur, quædam reprobantur, cuncta ordinantur; Demones autem non æternas temporum causas, & quodammodo cardinales in Dei Sapientia contemplantur, sed quarundam signorum nobis occultorum maiore experientia multo plura, quam homines futura prospiciunt, dispositiones quoque suas aliquando prænuntiant; denique sæpe isti, nunquam illi omnino falluntur, aliud est enim temporalibus temporalia, & mutabilia coniectare, eisque temporalem, & mutabilem modum suæ voluntatis, & facultates inferere; quod Demonibus certaratione permissum est; aliud autem in æternis, atque incommutabilibus Dei legibus, quæ in eius Sapientia viuunt, mutationes temporum præiudicare, Deique voluntatem, quæ tam certissima, quam potensissima est diuini spiritus eius participatione cognoscere, quod Sanctis Angelis recta discretionem donatum est.

D V B I V M

Vtrum Angeli cognoscant futura contingentia certò, & infallibiliter.

Questio ista procedit tam de futuris ex causis naturalibus; quæ scilicet non dependent ab arbitrio, quam de illis, quæ dependent à libera voluntate, vel immediatè operante, vel mouente, & applicante, alias causas ad operandum; in quibus. Præmitto resolutioni primæ partis, euentus futuros ex causis naturalibus esse in duplici differentia; quædam enim sunt necessariò futura, vt sunt ea, quæ pendent ex solo cælorû motu, v. g. Eclipses, Concurfus Planetarum, Solstitia, Equinoctia, & his similia, & de his est certum ea naturaliter posse cognosci ab Angelis certò certitudine Physica in causis naturalibus proximis, quas comprehendunt, in quibus illi effectus sunt determinati: hi tamen effectus, licet physicè sint naturales, necessarij, & determinati, metaphysicè tamen sunt contingentes, nam respectu Omnipotentis Dei possunt non esse, vt cursus, & occasus solis; qui tempore Iosue qui fuit impediens obediens Deo voci hominis. Alij sunt effectus etiam ex causis naturalibus

contingenter futuri non solum metaphysicè, sed etiam physicè, vt sunt monstra, & similia, quæ dicuntur contingentia, non ex eo, quod proveniant ab aliqua causa libera, & omnino indifferenti; sed quia contingunt per accidens respectu alicuius causæ, quæ quando vnum aliquem effectum intendit, alium sæpe producit propter occursum, vel vnus, vel plurius causarum impediendum: & de effectibus hoc secundo modo aliquando rarò, aliquando frequenter occurrentibus est difficultas, vtrum ab Angelis in suis causis certò cognoscantur: in qua sunt duæ extremæ, & oppositæ inter se sententiæ.

Prima est; Atenfis secunda parte qu. 16. num. 4. Alberti in secundo dist. 7. artic. 5. Durandi dist. 3. qu. 8. nu. 9. & dist. 7. qu. 3. nu. 4. qui docent huiusmodi futura contingentia ex causis naturalibus in illis certò ab Angelis naturaliter cognosci.

Secunda est Sancti Tho. qui prima partæ qu. 57. artic. 3. in corp. docet futura contingentia in se ipsi à solo Deo ob suam æternitatem omnia

nia tempora percurrentem cognoscis in causis verò si sunt necessariò futura modo dicto, vt Solem oriri cras, certo cognosci ab Angelis, si verò sint futura, vt in pluribus solù, & impedibilia ab aliqua alia causa naturali creata, non nisi coniecturaliter; quod si sint ex illis futuris contingentibus, quæ eueniunt, vt in paucioribus, vt sunt fortuita, casualia, & ad vtrumlibet ab Angelo penitus ignorari, Angelicum Doctorem sequuntur etiam S. Bonauentura in secundo distinct. 7. secunda parte art. primi qu. 3. B. Egidius N. q. 3. art. primo Ricardus artic. 2. quæst. 2. & Herueus ibidem. Cum quibus.

Dico primo: futura planè contingentia, quæ neque certò, neque vt plurimum sequuntur ex suis causis; sed omninò contingententer eueniunt, nullo modo naturaliter cognosci ab Angelis certò, nec in se; cum non habeant aliquam naturam existentem, quatenus futura sunt, & nullo modo sint præsentia naturali cognitioni ipsorum; neque in causis eorum, cum sint planè indeterminatæ ad vnum. Hæc Doctrina est ita certa; vt est certum cognitionem certam futurorù esse propriam Dei, vt patet, & probatur primo ex illo Isaïæ cap. 12. & 41. *annunciate nobis futura, & dicemus, quod Dij estis.* idem habetur Danielis secundo. Sap. 8. in Epist. ad Rom. cap. 1. vbi Apostolus pro-

bat veritatem Euangelicam ex eo, quod fuerit antè prædicta per Prophetas: & ex Epist. secunda S. Petri cap. 2. *Habemus certiore Prophe-
ticum sermonem.* quam cognitionem non ad naturale lumen, sed ad Diuinam reuelationem refert Apostolus ibi. Probatur secundo: ex Patribus, & primo ex Origene lib. 6. contra Celsum propè initium, vbi ait: *Diuini sermonis caracterem esse prædictionem futurorum.* & S. Io. Chrysostomus hom. 18. in Io. ait. *certa prædictio futurorum immortalis durat: Dei opus est.* Similia habent S. Cirillus, & Theodoretus in cap. 41. Isaïæ. Immo plures etiam indè probant mysteria Christianæ Religionis esse vera; quoniam fuerunt à Deo antè prædicta, testata, & reuelata. Sic enim discurrunt S. Iustinus Martyr in Apologia secunda ad Antoninù; S. Clemens Alexandrinus lib. 6. Stromatum; Tertullianus in Apologetico cap. 20. Lactantius lib. 4. diuinarum institutionum cap. 12. Et fusè ac eruditè S. P. N. A. pluribus locis, sed præcipuè lib. de Catechizandis rudibus cap. 36 & lib. 13. contra Faustum cap. 8. & sequentibus, & lib. 17 de Ciuit. Dei cap. 15. & sequentibus. Probatur tertio; auctoritate S. Tho. qui prima parte qu. 17. art. 3. probat vniuersaliter de omnibus euentibus futuris contingentibus, inter quos numerat egritudines, & similia non cognosci naturaliter cer-

tò ab Angelis: & lib. 2. contra gentes cap. 134. est totus in hoc probando, & qu. 8. de Veritate articulo 11. clarè docet futura contingentia etià ea, quæ contradistinguuntur à liberis; non nisi coniecturaliter ab Angelis cognosci: & hoc adeò indubitatum fuit apud S. P. vt in Axiomate posito apertè doceatur futura temporalia melius cognosci ab Angelis bonis, quam à malis itaut in eorum cognitione non possint decipi; eoquod videant in Verbo; quod non possunt Dæmones, qui propterea falluntur, & fallunt in suis prædictionibus de futuris, eoquod nullum esse determinatum, & infallibile eorum possint percipere; & propterea Sanctus Athanasius in lib. Q. Q. qu. 27. dicit, non posse à Dæmonibus sciri pluias futuras, & Nili fluminis inundationes. Probaturn vltimo ratione supra tacta; quia futura contingentia in suis causis non habent determinatam veritatem; ergò non possunt certò, & naturaliter cognosci antequam existant in se ipsis, ac proindè nec antequam sint præsentia.

Dices primò: S. P. N. A. lib. de Diuinatione Dæmonum cap. 5. dicit Angelos in aeris dispositione præuidere futuras tempestates, & alia futura in signis naturalibus, quæ homines præuidere non possunt. Respondeo S. P. loqui ibi non de cognitione omninò certa, & infallibili, de qua in præsentia disputamus; sed de

coniecturali, & fallibili, cui potest subesse falsum, & quandoque subest; quod est clarum ex eo, quod postea subiungit cap. 6. nempe Dæmones in his diuinationibus decipi, non verò Angelos bonos, quia hæc ab Angelis bonis, & Deo seruientibus ex alia dispositione Dæmonibus ignota quandoque mutantur, hanc autem dispositionem constat esse leges illas æternas, quas Sancti in Verbo vident, vt habes in Axiomatæ; Diabolus verò, & Angeli eius eas videre non possunt: propterea paulo post in eodem lib. de Diuinatione Dæmonum adducit factum illud; quod narratur in Euang. S. Matthei cap. 8. quando facta est tranquillitas in mari, iubente Domino N. Iesu Christo; vbi ait; *quis Dæmon non putaret tempestatem illam amplius duraturam, si causas solum naturales attenderet.* propterea idem S. P. lib. 2. de Genesi ad litteram cap. 17. obseruat, à malis, & pessimis mentibus quandoque vera prædici, non quod certò ea per vires suas naturales cognoscant; sed quia Deus immediatè, vel mediantibus bonis Angelis ea ipsis reuelat; sicut etiam quandoque per malos, & impios homines à qua reuelauit, vt constat ex Sacra Scriptura de Balaam, & Caipha: dici etiam potest cū Tertulliano in Apologetico cap. 22. Dæmones vera prædicere ex reuelationibus non sibi; sed alijs factis, ex quorum scriptis, aut alijs signis

gnis ea cognoscere possunt: de qua preuisione pulchre sic ludit, *ita & hinc sumentes quasdam temporum fortis amulantur Diuinitatem, dum fruuntur diuinationem*: de cetero coniecturaliter solum cognoscere huiusmodi futura omnino contingentia, de quibus agimus, constat; & hoc vel ex siderum constitutionibus, & dispositionibus, seu influentijs, quas optimè cognoscunt, vel ex alijs coniecturis coniecturaliter solum, ex dictis certò certius apparet. Pro quo obseruat S. Hieronymus; Dæmones futura prænunciantes solere ut plurimum mendacia iungere veritati, & suas prædictiones sic temperare, ut seu mali, seu boni quid accidat, utrūque possit intelligi; ut sunt illa facta, seu dicta Pyrrho Epirotarum Regi, *Aut te Encida Romanos vincere posse*: Et Crasso; *Crassus transgressus Halim maxima regna perdet*; quibus addere possumus illud vulgatum, *ibis reditis non morieris in bello*; ac etiam illud temporibus nostris infelici illo Duci militum prædictum, *ingredieris castrum, calcabis Ecclesiam, seruiet tibi Bononia*. Obseruat etiam S. P. N. Augustinus loco citato; Dæmones interdum reuelare ea, quæ ipsimet sunt facturi, aut procuraturi per homines malos, quos experimèto sciunt fore sibi obsequentes: plura alia habes erudè, & acutè penetrata ab eodem S. P. N. in dicto lib. de Diuinatione Dæmonum, quæ nō

vacat hic modo transcribere; de quo argumentatur etiam doctè, & pie. S. Cyprianus in lib. de Vanitate Idolotum, & Tertullianus in Apologetico cap. 22. & S. Tho. lib. 3. contra Gentes cap. 154. cum quibus sentiunt communiter alij PP. & Theologi.

Dices secundo: eundem S. P. libro 12. de Genesi ad litteram cap. 13 asserere animabus humanis, secundum quod à corporis sensibus abstrahuntur, competere futura prævidere; ergò id potiori iure competit Angelis, quibus perfectior vis intelligendi concedi debet. R. S. P. ibi loqui non ex sententia propria, sed aliorum, & postea testari se nihil affirmare; ait enim eo loco: *Nonnulli volunt animam humanam habere vim quamdam diuinationis in se ipsa: sed si ita est, cur non semper potest, cum semper velit? an quia non semper adiunatur, ut possit? quomodo adiunatur? Vtrum in corpore sit aliquid, ut inde quasi relaxetur, & emicet eius intuitio? An sunt illi, quæ antè non fuerant? &c. An sicut Spiritus, ita & mens, nisi adiunetur, ea, quæ habet Spiritus, intelligere non potest? an fortè ipsa prorsus in hac assumitur? an aliquando in seipsa videt ista, aliquando per alterius Spiritus commixtionem? quidquid horum est, temerè affirmari non potest*: in quibus verbis non obscure refundit prædictam cognitionem in auxilium supernaturale. Vi-

de S. Tho. prima parte qu. 86. artic.

4. ad secundum.

Dices tertio: S. Thomam quæst. 8. de Veritate artic. 11. docere Angelos certò cognoscere ea, quæ sūt in causis naturalibus determinata, siue sint in vna causa tantum, siue in pluribus simul, eo quod id, quod est contingens respectu vnias causæ, respectu omnium simul sumptarum est necessarium; ergò quando docet effectus contingentes nesciri certò ab Angelo, vult solum tales effectus in causa naturali impedita ex occurssu aliarum certò sciri non posse; non, verò intelligit de omnibus effectibus futuris quomodocumque contingentibus. R. S. Tho. ibi apertè loqui de illis futuris contingentibus, quorum causæ sunt physicè determinatæ ad vnum, ac proindè, & ipsi effectus physicè necessariò futuri, licet metaphysicè possint non euenire; si nempe Deus velit sua omnipotentia impedire; ac proindè dicta futura possunt sciri ab Angelis certitudine physica; Verum hæc non sunt de numero illorum, de quibus disputamus.

Dices quarto: Angelus habet species infusas singularium ab initio, per quæ præsentia, & præterita optimè cognoscit sinè acquisitione nouæ speciei; ergò per easdem poterit cognoscere naturaliter futura; est enim eadem ratio de futuris, ac de præteritis; cum vtraque careant præsen-

tia, & coexistentia de præsentia. R. non sequi; nam ad hoc, vt Angeli in acta aliacta singularia certò cognoscant, requiritur, vt eiusmodi singularia coexistant Angelis tamquam præsentia, vel certè prius coexisterint: est enim hoc conditio sinè qua talia non possunt cognosci. Hac conditio ne non indiget Deus, in cuius idèis addito decreto omnia futura sunt præsentia. Ad confirmationem, R. esse disparè rationem de futuris, ac de præteritis: nam præterita, cum præcesserint, fuerunt cognita ab Angelis, ac proindè in eorum mente manet reminiscencia talis cognitionis, & existentie obiecti præteriti; nõ enim sunt inferioris conditionis, quam nos, qui reminiscimur præterita. Non est sic de futuris, quæ cum nunquam extiterint, non habent aliquid, nec in esse rei, neque in esse scibili, in quo remanserit ratio determinata ea cognoscendi.

Dico secundo: certum esse apud Catholicos, futura contingentia de pendentia ex libero arbitrio, vel per se immediatè, vel concurrente, mouente, aut applicante causas naturales, non posse naturaliter, certò, & euidenter cognosci ab Angelis, nec in suis causis, nec in se. Probatur primo, quia Scriptura S. Isaïæ cap. 41. ponit hoc pro signo diuinitatis ibi enim dicitur, *annunciate nobis quæ ventura sunt, & sciemus, quia Dignus estis, & postea cap. 42. Deus ab euẽ*

tuorum quæ prædixerat, suam Diuinitatem confirmauit, dicens, *gloriam meam alteri non dabo, quæ prima fuerunt, ecce uenerunt, noua quoque ego annuncio, & cap. 46. Ego sum Deus, & non est ultra me Deus, nec similis mei annuncians ab exordio nouissima, & ab initio, quæ nondum facta sunt.* Ex quibus locis S. Hieronymus, & præcipuè ex capite 41. in Commentarijs Isaïæ Proph. probat, idola non posse prædicere futura. Probatur secundo auctoritate S. S. P. P. & primo S. P. N. Augustini, ut in axiomate, ubi docet Dæmones sæpe falli in prædictione futurorum, quod præcipuè habet locum in futuris liberis; & in lib. de diuinatione Dæmonum cap. 6. ubi ait, *Multa Dæmones prænunciant, cum tamen ab eis longè sit altitudo illius Prophetia, quam Deus per Sanctos Angelos suos, & Prophetas operatur: nam si aliquid de illa Dei dispositione prænunciant audiunt, ut prænunciant, & cum ea prædicunt, quæ inde audiunt, non fallunt, neque falluntur, veracissima enim sunt Angelica, & Prophetica oracula &c. in cæteris autem prædictionibus suis Dæmones plerumq; & fallunt, & falluntur.* Idem docuerant S. Iulianus Martyr qu. 146. S. Basilii lib. de Spiritu S. cap. 16. & post S. P. S. Anselmus lib. de casu Diaboli cap. 21. & communiter alij S. S. P. P. Difficultas est in assignanda ratione, cur hoc non possint, cum talia obiecta sint ordinis na-

turalis loquendo de illis futuris liberis, quæ non requirunt ullum auxilium supernaturale. Ratio communis, & à priori desumpta ex S. Tho. prima parte qu. 57. artic. 3. est, quia huiusmodi futura, si possent naturaliter cognosci, vel cognoscerentur in causis, vel in seipsis; non in causis, quia liberum arbitrium ex se est indifferens ad vnā, & alteram partē, & æquè respicit vnā, ac alterā; ac proinde ex illo non magis potest percipi effectus futurus, quam non futurus; nec in se ipsis, quia talia futura non existunt in tempore, quod est propria illorum mensura, cum non sint producta, & posita extra suas causas, sed solum sint obiectiue in mensura superiori æternitatis; sola autem cognitio diuina mensuratur æternitate, non verò Angelica, cuius propria mensura est æuum, vel tempus discretum; ergo solius Dei est omnia futura in seipsis cognoscere, ut sunt præsentia in mensura sue æternitatis.

Probari potest secundo, quia huiusmodi futura, cum sint futura non solum dependentè à libera voluntate creata dependente, & subordinata, sed etiam à libera voluntate Dei, cuius decreta sunt leges æternæ, quas Angelus naturaliter non cognoscit, consequenter non potest certo, & euidenter per vires naturæ huiusmodi futura cognoscere; & hæc est ratio cardinalis, & demonstrati-

ua S. P. vt habes in Axiomate.

Dices. S. Tho. loco citato in Responsione ad tertium docet species Angelicas æqualiter se habere ad res futuras, præsentēs, & præteritas; ergo sicut Angeli naturaliter possunt cognoscere res præsentēs, & præteritas ordinis naturalis; sic etiam poterunt per illas cognoscere res futuras. R. S. Th. ibi se explicare, quod licet species Angeli æqualiter representent omnia ex se; tamen ex parte rerum res ipsas non eodem modo se habere ad rationes, per quas intelliguntur, propter rationem dictam; ac proinde diuerso modo esse philosophandum de rebus distantibus secundum locum, ac de rebus distantibus secundum tempus. Dices. Si Deus infunderet orulo speciem coloris futuri, fieret visio illius coloris non aliter, ac si esset præsens; ergo similiter species angelica poterit representare rem futuram, ac si esset præsens, eo quod est solum deseruiens

apprehensioni obiecti, puta coloris, secundum se, ac si esset præsens, sine ullo actu iudicii, quod sit præsens, præteritum, aut futurum; at species intellectus debet deseruire non solum actui apprehensiuo, sed etiam iudicatio, & ideo, cum non possit Angelus iudicare de futuris propter rationes dictas, non potest habere speciem representantem futurorum, ac si esset præsens. Præterea species intellectus angelici est semper in perfecto esse, certificatiua de re, prout est; non enim representat rem præteritam per modum præsentis; & consequenter nec futurum, vt præsens: est species sensibilis possit representare rem præteritam, vel absentem, tamquam præsentem sumptam in corrupti, & in imperfecto esse, vt docent Aristoteles lib. 2. de Anima textu 138: S. P. N. lib. 11. de Trinitate cap. 2. & Gerson Alphab. 86. Littera B.

AXIOMA SEXTVM.

Non cognoscunt certo naturaliter Angeli cogitationes cordium.

Ex lib. 2. Retractionum Cap. 30.

IN quodam loco dixi: Demones aliquando, & hominum dispositiones, non solum voce prolatas, verum etiam cogitatione conceptas, cum signa quadam exprimuntur in corpore, tota facilitate perdiscere. Rem dixi occultissimam audaciore asseneratione, quam debui: nam peruenire illa ad notitiam Daemonum per

per nonnulla experimenta compertum est; sed utrum signa quadam dentur ex corpore cogitantium illis sensibilia, nos autem latentia, an alia vi, & ea spiritali ista cognoscant, aut difficile potest ab hominibus, aut omnino nō potest inueniri.

D V B I V M.

Vtrum liberæ cogitationes cordis, & affectiones voluntatis possint naturaliter ab Angelo cognosci.

IN hac difficultate variè loquuntur D.D. aliqui enim affirmant, sed diuersimodè: alij verò negant, sed cum limitatione sequentes sententiam S. Thomæ, & eius Scholæ.

Ex ijs, qui affirmant sunt N. B. Egidius in 2. dist. 7. qu. 2. artic. 3. & Noster Argentina ibi qu. 5. artic. 2. cum quibus sentiunt Herueus dist. 8. qu. 3. Durandus qu. 5. & Henricus quodlib. 3. qu. 13. qui asserunt, & de possibili, & de facto cognosci ab Angelis naturaliter secreta cordis, & cum opponuntur illis auctoritates Sacre Scripturæ, in quibus talis cognitio soli Deo reservatur, respondet Argentina huiusmodi secreta cognosci quoad terminorū significationem, non verò quoad compositionem, & diuisionem, idest cognosci obiectum cognitionis, & affectionis, ignorari verò substantiam illorum, vtrum scilicet sint per modum

assensus, vel dissensus, complacentiæ, vel fugæ: quod idem docet Egidius de cogitationibus; de volitionibus verò nihil dicit. Herueus autem vtrumque concedit cognosci, sed dicit ignorari intentionem actus. Durandus concedit obiectum, & substantiam actus; sed vult ea ignorari, vt futura sunt; hoc modo enim sentit à solo Deo cognosci. Henricus docet cognosci substantiā, sed ignorari intentionem, quā diriguntur actus ad finem, & quia ex intentione desumitur bonitas, & malitia actus, negat cognosci ab Angelis hos actus, quatenus boni, vel mali sunt moraliter, Scotus in 2. dist. 8. qu. 2. & in quarto dist. 10. qu. 2. ad 3. & dist. 43. qu. 4. Holchor in secundo dist. 8. qu. 3. Okamus qu. 10. Gabriel dist. 9. qu. 2. art. 1. Bassol. qu. 2. Maior qu. 3. & Maior qu. prima dicunt absolute posse cognosci ab

An-

Angelis secreta cordium; de facto tamen ignorari, vel quia impediuntur à Deo, ut sentiunt Okam, Gabriel, & Maior, vel aliquando à nimia distantia, ut docent Scotus dist. 45, & Gabriel, Ex his eligo sententiam S. Tho. prima parte qu. 57. artic. 4. &

Dico: cogitationes cordis, seu affectiones voluntatis posse cognosci ab Angelis in suo effectu; sic enim cognoscuntur etiam ab hominibus per exteriorem effectum, & signum, ut per immutationem vultus, & dispositionem corporis, & similia, ut docet S. P. Augustinus lib. de Divinatione Dæmonum cap. 5. at verò in se ipsis à solo Deo cognosci. Hanc sententiam non solum Thomistę sequuntur, sed etiam Alenis in summa parte secunda qu. 26. membro 3. S. Bonaventura in 2. dist. 8. secunda parte qu. 6. Ricardus ibi artic. 2. qu. 4. Noster Gregorius Ariminensis dist. 9. qu. prima, & Marsilius qu. 6. artic. 2. & Probatur primo auctoritate Sacre Scripturę, quę cognitionem secretorum cordis soli Deo tribuit; nam lib. 3. Reg. cap. 8. habetur. *Si quis cogitauerit plagam cordis sui, & expandit manus suas in domo hac, tu exaudies in celo, & facies, ut det unicuique secundum omnes vias suas, sicut videris cor eius, quia tu nosti sola corda omnium filiorum.* & lib. 2. de Paralipom. cap. 6. *Tu exaudies de celo, & propitiare, & redde unicuique secundum vias suas, quas nosti enim*

habere in corde suo, tu enim solus nosti corda filiorum hominum. His locis contra Durandum apparet, sermonem esse de cogitationibus orantium in templo præsentibus, & non futuris; quas solum contra omnes suppractatos Auctores nostrę sententię aduersantes dicit à solo Deo cognosci. Sic etiam Hieremię cap. 17. dicitur. *Prauum est cor hominis, & inscrutabile; quis cognoscat illud? ego Dominus.* Quod si Angelus cognosceret præsentes cogitationes, & affectiones, ut vult Durandus, licet nõ ita perfecte sicut Deus, ut limitat Herueus, neque verè diceretur cor hominis inscrutabile, neque inquireret Scriptura, quis cognosceret illud, neque rectè responderet. *ego Dominus.* Nec satisfacit explicatio Scoti, & aliorum, qui dicunt Scripturam Sacram non loqui de possibili; sed de facto, primò, quia non verè diceretur in ea cor hominis inscrutabile; inscrutabilitas enim non solum negat factum, sed etiam potentiam in creatura. Præterea sequeretur cognitionem huiusmodi secretorum esse naturalem, & consequenter non posse ex illorum manifestatione ostendi, seu confirmari vllam veritatem supernaturalem; nam ex opere naturali demonstrato, non demonstratur propterea supernaturales; sed consequens est falsum; nam Epist. prima ad Corinth. cap. 14. ubi agit Apostolus de utilitate Prophetię habetur.

tur. Si omnes prophetent, intret autem quis infidelis, convincetur ab omnibus, occulta cordis eius manifesta sunt, & ita cadens in terram adorabit Deum pronuncians, quod verè Deus in nobis sit. Quibus verbis satis indicat, manifestationem talium secretorum ad solum Deum spectare: quam veritatem S. Io. Chrysostomus ibi, & S. Hieronymus, & S. Cyrillus, & Commentaria, quæ habentur inter opera Sancti Ambrosii, & alij asserunt Christum sufficienter ostendisse suam Divinitatē, quando, ut habetur Matth. 9. & Lucæ cap. 5. manifestavit cogitationes eorum, qui intra se dixerant; *hic blasphemas*; & quando, antequam sanaret ægrotum, dimisit peccatum; & quando Simoni leproso per parabolam duorum debitorū declaravit, se vidisse, quid lateret in eius corde circa permissionem accessus Magdalenz; & similibus. Adde quod si esset potentia naturalis in Angelis cognoscendi talia secreta naturaliter, fieret perpetuum miraculum, impediendo eos, ne tali modo ea cognoscerent. Probatur secundo auctoritate P. P. qui unanimi consensu docent, secreta cordis soli Deo patere; & primo quidem S. P. N. tractat. 22. in Ioannem ait, *Deus autem scit in nobis, & quod ipsi nescimus in nobis. Nam infirmitatem suam Petrus nesciebat, quando à Domino, quod ter esset negaturus audiebat, & ager se nesciebat, medicus egrum sciebat. Sunt*

ergo quedam, quæ Deus novit in nobis, nescientibus nobis: tamen, quantum ad homines pertinet, nemo si se novit, quomodo ipse homo; alius nescit, quid in illo agatur, sed Spiritus eius novit. Idem habetur in lib. de Ecclesiasticis dogmatibus, qui circumfertur inter opera S. P. N. Augustini; sed re vera non est ipsius; ut observavit Cardinalis Bellarminus lib. de Scripturis Ecclesiasticis, & alij. Similia habent S. Io. Chrysostomus homilia 30. in Mattheum, S. Cyrillus lib. 2. in Ioannem cap. 19. S. Athanasius lib. 9. ad Antiochum qu. 20. S. Ambrosius, & S. Hieronymus, ac etiam Theophylactus in illa loca. Mathei cap. 9. & 12. & Lucæ cap. 19. *videns Iesus cogitationes eorum*; apud quos Patres certum est. Diabolum non videre cogitationes cordium, sed ex motibus corporis, & passionibus, ac alijs indicijs eas colligere, & investigare. Probatur tertio ratione, quam adducit S. Thomas, quia scilicet Angelus per species sibi inditas non cognoscit nisi naturalia, quæ scilicet ad propriam naturam, & statum spectant, & dicunt ordinem ad causas naturales; sed tam actus intellectus, quam voluntatis liberi aliorum non pertinet ad statum, & naturam eius, à quo non producuntur, neque habent dependentiam ab aliqua causa naturali; cum emanent à voluntate, ut voluntas est, vel ab ea imperentur, non verò

verò ut natura est, sed solum à Divina, quæ sola in voluntatem creaturam influere potest: ergò liberæ cogitationes, & affectiones naturaliter ab Angelis cognosci non possunt; quæ ratio fuit indicata ab Apostolo in Epist. ad Corinth. cap. 2. ubi ait, *Nobis autem revelavit Deus per Spiritum suum, Spiritus enim omnia scrutatur, etiam profunda Dei. Quis enim hominum scit, quæ sunt hominis, nisi spiritus hominis, qui in ipso est?* Soli enim Deo voluntates liberæ subiacent, ita ut solus in illas operari possit intimè, ut primum eius obiectum, & ultimum finis; & propterea ait Apostolus, ut notat ibi Angelicus Doctor, Spiritum hominis cognoscere ea, quæ sunt hominis, quæ propriè sunt actiones liberæ, quia in ipso homine est; at Angelus, cum non possit illabi in alios Spiritus, aut in animas rationales, non potest intrinsecus in eorum voluntatibus operari; & consequenter manet, hoc esse proprium solius Dei. Confirmatur etiam ratione supra tacta, quia hæc cogitationes, & affectiones liberæ non possunt cognosci in ipsa voluntate antecedenter ad earum existentiam; quia tunc voluntas, ut libera, est indifferens; nec possunt cognosci in se, cum existunt, eo quod Angeli non habent earum species; spectat enim ad Divinam Providentiam servare creaturæ rationali perfectum dominium circa suos motus liberos, quod competit

eius perfectioni, quæ est supra alias creaturas, quæ exigit, ut tales motus sint occulti, donec per effectus, vel per loquutionem manifestentur; aliàs superfluo poneretur magna loquutio inter ipsos Angelos.

Quæres hic primò; an saltem possint Angeli naturaliter cognoscere cogitationes cordium naturales, & necessarias, quæ scilicet non dependent à voluntate liberè operante. Affirmant Zumel, Bannez, & Vasquez in suis lucubrationibus ad art. 4. qu. 57. primæ partis S. Thomæ; immò Bannez dicit hoc asseri ab omnibus Theologis. Probatur, quia ratio potissima, propter quam Angelus non potest cognoscere secreta cordis, est libertas, & dominium voluntatis in illa, siue quia, ut loquitur S. Tho. motus liber voluntatis non potest naturaliter cognosci, nisi ab ea, vel ab eis, à quibus ille dependet. (intellige, nisi ab eis, à quibus pendet, vel per loquutionem, vel alio modo manifestentur;) sed voluntas non habet tale dominium super operationes necessarias; ergò naturaliter poterunt cognosci ab alijs Angelis. Confirmatur, quia sublata libertatis ratione sunt in entitate sua res naturales, sicut alia entia naturalia spectantia ad Angelos, qualia sunt potentia, habitus, species impressæ, & similia; ergò, sicut ista naturaliter cognoscuntur, ita & illa; & hinc patet tam actus voluntatis, quam intel-

tellectus indeliberati poterunt cognosci, antequam post aduertentiam transeant in actus liberos, & ad statum liberum; & hoc verum est, siue procedant ex usu rationis totaliter impedito, ut in amentibus, ebrijs, & dormientibus; siue non totaliter impedito, sed non aduertente, aut ignorante, quales solent esse in nobis motus primò primi. Hæc dupliciter posse cognosci concedunt prædicti Auctores; primò, ut in causa naturali naturaliter, & non liberè operante, ut in amentem; nam in illo tales actus procedunt ex causis naturalibus naturaliter loquendo, quæ naturaliter mouent imaginationem, & appetitum, & consequenter intellectum, & voluntatem. Secundo in se ipsis intuitiue per speciem inditã, siue concreatam, per quam S. Tho. qu. 9. de Veritate artic. 4. ad 11. argumentum docet, cognosci quidquid, naturaliter existit in alio Angelo.

Dices primò: eadem est substantia operationis necessaria, & liberæ; ergò si species illa representat cogitationem, seu actum voluntatis necessarium, representabit etiam liberum. R. primò, antecedens non esse certum apud omnes. R. Secundo communiter negando consequentiam; cum enim ex Sacra Scriptura constet eandem cogitationem, seu volitionem liberam ante loquutionem esse incognitam, post loquutionem

verò esse cognitã; sequitur ratione libertatis extrahere cogitationem, & affectionem ex statu naturali, & ponere illam extra obiectum speciei Angelicæ, quod continet solummodo entia naturalia; ac proinde posita prædicta ratione libertatis non representabitur naturaliter cogitatio, seu volitio illa. Quomodo, ut supra dictum est, quam diù, & quatenus conditio futuritionis afficit re, tam diù species Angelica illam non representat. Dices, hoc quod est esse liberum in actu intellectus, est solummodo denominatio extrinseca; ergò hæc non poterit impedire representationem speciei circa illum. R. quidquid sit de antecedente, de quo variè loquuntur D. D. negando consequentiam; nam adhuc dato, quod ratio libertatis esset extrinseca denominatio actui intellectus in esse rei, non tamen in esse representabili, aut scibili; & ratio à posteriori est, quia cogitatione intellectus libera cognita, ut libera, naturaliter deuenit in cognitionem affectionis liberæ voluntatis, per quam illa imperatur, & à qua dependet; sed hæc debet esse occulta, ut docent communiter Scripturæ, SS. P. P. & D. D. ergò, & illa.

Quæ res secundo: an Angeli possint cognoscere huiusmodi cogitationes liberas quoad substantiam, ignorata ratione, seu conditione libertatis. R. negatiue; eoquod, dum

adeſt talis conditio, ſubſtantia actus eſt extra obiectum repreſentabile ſpeciei Angelicæ; nam libertas intrinſecè afficit totam ſubſtantiam actus, & maximè in ſententia, quam ſequor, libertatem ſcilicet eſſe relationem realem in ipſo actu, ſeu effectu identificatam cum ipſo; quemadmodum igitur conditio futuritionis reſe futuram totam ita afficit, ut faciat eſſe extra obiectum naturale ſcientiæ Angelicæ, ita & ratio libertatis. Præterea quando Scriptura Sacra negat cogitationes cordium ab alio, quam à Deo cognosci, neceſſariò eſt intelligenda non ſolum ſecundum rationem libertatis, ſed etiam ſecundum rationem ſubſtantię, ſeu quidditatis talis actus, tum quia cum ratio libertatis ſit relatio prædicta ad voluntatem liberè ſe determinantem, & producentem talem actum, dicere, cogitationes cordis ſoli Deo parere, eſſet dicere, ſolos actus voluntatis liberos formaliter eſſe illi cognitos, & tamen Scriptura nō ſolum actus voluntatis, ſed etiam cogitationes liberas intellectus ſubiectas eſſe naturaliter ſoli Deo docet, ut patet ex locis ſupra adductis; tum quia hoc verbum cogitatio primò, & principaliter ſupponit pro ſubſtantia, ſeu quidditate ipſius actus; ac proinde Scriptura negando abſolute tales cogitationes naturaliter ab illo intellectu creato cognosci, aut falſum dixiſſet, aut ſaltem non rectè, & propriè lo-

quuta fuiſſet negando abſolutè cogitationes cordium ab Angelo cognosci, ſi poſſent cognosci ſecundū id, pro quo ſupponunt, & quod illis eſt præſiſſimum. Adde, quod ſi poſſet cognosci naturaliter ab Angelo quæcumque cogitatio cordis, quantumvis libera, poſſent conſequenter cognosci peccata infidelitatis, & duritię cordis in credendo; quod tamen eſt falſum; nam alias Chriſtus D. non ſatis confirmaviſſet ſuam diuinitatem manifeſtando cogitationes, & iudicia eorum in æterna; qui dicebant, *hic blaſphemat*, ut habetur Matth. 9. & Luc. cap. 5. quod eſt contra SS. PP. ſupra citatos. qui vno ore dicunt, fuiſſe maniſeſtiſſimū Diuinitatis ſignum, & argumentum; ſequela patet, quia affectiones libere optime poſſent cognosci in actu intellectuali memorię ipſarum, vel in iudicio præctice præctico, vel in iudicio, quo aliquis verſatur circa ſua deſideria; nam etiam hoc modo, ſaltem reflexè, nos ipſi cognoviſcimus affectiones noſtras. Peccatum verò infidelitatis cognosceretur, ut patet, ex ratione quidditatiuæ talis peccati, quod conſiſtit in iudicio intellectu, quo quis iudicat non eſſe verum aliquid, quod proponitur ab Eccleſia, ſuppoſita aduertentia in intellectu, quod propoſitio talis obiecti facta ſit ab Eccleſia; his enim duobus poſitis ſemper intercedit peccatum infidelitatis; ſed qui naturaliter cogno-

cognoscit cogitationes cordis, potest utramque cogitationem cognoscere; ergo & peccatum infidelitatis. Dices prædicta inconuenientia sequi etiam ex eo, quod cognoscantur actus intellectus, & voluntatis necessarii; fieri enim potest, ut prædicta iudicia sint necessaria. R. iudiciū practicū practicū non posse esse necessarium, si dependeat à voluntate sequente cognitionem, ut inde terminatam; similiter etiam negatur posse esse necessarium actum illum, quo quis iudicat falsum esse illud, quod ab Ecclesia proponitur, posito, quod simul iudicet ab Ecclesia proponi; tale enim iudicium sequitur cognitionem determinatam, actus verò memoriæ, & iudicium illud, quo, quis iudicat se fecisse aliquem actum liberum, ut plurimum sunt actus liberi; quod si dentur necessarii, tunc ratione obiecti, quod esset actus liber, essent & ipsi naturaliter incogniti Angelo. Ex quibus manet Angelum posse solummodo naturaliter cognoscere illos actus intellectus, & voluntatis necessarios, qui sunt tales completè, id est & ratione entitatis, & ratione obiecti, ad quod intrinsicè ordinantur.

Quæres tertio; utrum Angelus possit naturaliter cognoscere actus imaginationis, & appetitus sensitiui, quatenus pendent à ratione, & voluntate, siuè quatenus liberi sunt, & secundum esse morale sunt boni,

aut mali; & similiter habitus appetitus sensitiui [posito, quod dentur, nam aliqui solum eos admittunt in potentijs spiritualibus] secundum quod sunt boni, vel mali. Respondent communiter negariuè, & ratio est, quia talis ratio moralitatis prouenit à motu libere voluntatis, & ab aduertentia rationis, quæ non possunt naturaliter cognosci ab Angelo, ut habet S. Tho. prima parte qu. 57. artic. 4. ad 3. Ex quo inferunt rationem boni, siuè mali moralis, virtutis, aut vitij non esse essentialē differentiam actus, vel habitus, tunc enim necessariò cognosceretur ab Angelo cognoscente substantiam actus, vel habitus; & sic Dæmon sua virtute naturali posset venire in cognitionem actuum liberorum; concedunt tamen posse prædictos actus, & habitus imaginationis, & appetitus sensitiui cognosci secundum entitatem actus physici, siuè, ut alij dicunt, secundum substantiam, eo quod sunt materiales, & inferioris ordinis, & eiusdem rationis cum actibus potentiarum vitalium materialium, id est sensuum exteriorum, & potentiarum loco motuarum, nec requiruntur necessariò ad rationem libertatis, sicut requiruntur actus intellectus, nec sufficienter ducunt in cognitionem actuum liberorum voluntaris; sæpe enim huiusmodi actus eliciuntur sine deliberatione voluntatis, & plena aduertentia intellectus, & tunc

non potest ex illis cognosci, quid agatur in intellectu, & voluntate, voluntas enim, & intellectus, ut docet S. Tho. loco citato, non subiacent appetitui sensitivo, & phantasiæ, sed potest intellectus diversimodè illis uti, nam, ut ait idem Angelicus Doctor qu. 8. de veritate, artic. 13. ad 4. ex eisdem phantasmatibus ratio nostra potest tēdere in diversa; idest stante actu imaginationis, & eius obiecto, & cognitione utriusque potest intellectus cognoscere alia, quæ concernunt tale obiectum; quæ cognosci non possunt ab Angelo ex actibus phantasiæ, quemadmodum vnus Angelus cognoscendo species alteri concreatas, non tamen propterea potest naturaliter cognoscere vsum illarum; cum enim per eandem speciem, verbi gratia Leonis, possit cognoscere plurima de Leone, non potest alter Angelus per cognitionem talis speciei virtualiter solum representantis Leonem, cognoscere quid determinatè alter Angelus cogitet de Leone.

Manet ex dictis; non esse admit- tendam sententiam aduersariorum, quocumque ex supradictis modis explicetur; nam omnes illi modi supponunt, secreta cordium aliquo modo ab Angelis cognosci; cum tamē Scriptura Sacra absolutè neget illa cognosci, nisi à solo Deo; quod sic ostendo singillatim examinando breuiter singulos in particulari. Pri-

mo: falsum est, quod secreta cordiū cognoscantur quoad terminorum significationem, non verò quoad assensum, vel dissensum: cum enim talis assensus, vel dissensus essentialiter includatur in substantia actus, tamquam differentia essentialis illius ordinans illum tali modo ad tale obiectum, non potest cognosci substantia talis actus, quin cognoscatur talis ordo; cum hæc duo sint inter se identificata, & talis cognitio supponatur esse clara, & intuitiua, non verò abstractiua, quemadmodum sunt cognitiones aliorum obiectorum, quæ Angeli naturaliter per species inditas cognoscunt. Secundo: falsū est etiam, quod cognoscantur solum quoad entitatem, non verò quoad intensionem, ut contendit Henricus: cum enim intensio non distinguatur realiter à substantia actus, si hæc cognoscuntur intuitiue, ut deberet esse in proposito, & supponitur etiam ab Aduersarijs, non solum substantia, sed etiam quæcumque intensio cognosceretur. Tertiò: falsum est etiam quod docet Henricus, nempe cognosci quidem ut actus sunt, non tamen ut boni, vel mali moraliter sunt. Cum enim bonitas, & malitia non solum sumatur ex fine, sed etiā ex obiecto, & circumstantijs, poterit saltem Angelus cognoscere tales actus iuxta principia Henrici, immò, & non poterit non cognoscere, quatenus sunt boni ex obiecto, tū quia
vel

vel illa intentio est actus voluntatis, vel ut volunt plures Theologi relatio eiusdem; si dicatur primum, cum identificetur cum actu voluntatis Angelicæ secundum substantiam, si Angeli naturaliter cognoscunt hanc, cognoscent, & illam propter rationem supra adductam contra Herueum. Si dicatur secundum, ut vult Henricus, vel illa relatio est rationis, & tunc talis relatio, cum fingatur ab intellectu, sequitur Angelum cognoscentem substantiam actus, & obiectum, optinere cognoscere talem relationem, vel eam ipsammet Angelum fingere posse. Si dicas esse realem, tunc non est maior ratio ignorandi talem relationem, quam ipsam substantiam actus. Præterea vel talis relatio est congenita voluntati, & ita semper erit eadem intentio in voluntate, vel aduenit de nouo, & sic debet habere fundamentum in voluntate de nouo adueniens; quod tamen videtur negare Henricus; docet enim, stante eadem voluntatis affectione, & cogitatione intellectus circa rem aliquam, posse esse varias intentiones. Quartò: falsum etiam multò magis est id, quod docet Durandus, nempe cognosci quidem hæc omnia, sed ignorari futuritionem; nam Scriptura, & S. S. P. P. vtrumque separatim negant, docendo naturaliter cognosci non posse futura illa, de quibus supra dictum est; & naturaliter non posse cognosci ab ulla

creatura secreta cordium, non solum quando sunt futura, sed etiam quando existunt, nisi manifestentur ab eo, cuius sunt secreta. Quintò: non rectè ab alijs Doctoribus, admissa possibilitate talis cognitionis naturaliter, conceditur hoc de facto non esse; rationes enim, quibus hoc nituntur suadere, non conuincunt; Gratis enim dicitur Deum denegare concursum stante possibilitate, & potentia expedita in ordine ad talem cognitionem: tum quia violentè Angeli detinerentur, ne cognoscerent talia secreta, & sic esset miraculum æternum; tum quia non videtur adesse fundamentum sufficiens denegandi hoc Angelis bonis, saltem custodibus; tum quia non videtur rationi consentaneum, ut totæ species indiuiduorum, immò tot species, quæ constituunt maximam vniuersitatem, priuentur in perpetuum operatione sibi connaturali. Præterea gratis etiam adducitur distantia pro impedimento talis cognitionis, tum quia ut rectè arguit Maior in secundo dist. 9. qu. prima si destruerentur omnia corpora; adhuc vnus Angelus non posset cognoscere secreta cordis alterius; tum quia distantia ad summum potest impedire actiones corporeas, quæ non abstrahunt à quantitate, situ, loco, & tempore, quales non sunt cognitiones intellectuales.

Dices primò: motus exteriores sunt

sunt liberi non minus, ac fiat cogitationes cordis; sed illi cognoscuntur naturaliter, ergò etiam ita. *R.* esse disparem rationem; cogitationes enim cordis sunt à potentia radicaliter libera, & habent necessariam connexionem cum actu voluntatis formaliter libero, tamquam regula cū regulato, & radix libertatis cum libertate, & tamquam ratio cognoscendi cum re cognita, vnde ita coniunguntur cum actu libero, ut sine illis ille esse non possit, ac proinde quasi constituunt vnum cum illo, denique non habent connexionem cū causa naturali; vnde participant suo modo conditionem actus liberi voluntatis: non est sic de motu exteriori, qui licet sit ut plurimum actus liberè imperatus à voluntate, ipsa tamen potentia loco motiva nec est formaliter, aut radicaliter libera, nec motus eius est regula, aut radix libertatis, nec aliam continet rationē libertatis, nisi ut effectus à causa, & signi ad significatum; vnde ad summum est ratio cognoscendi à posteriori actum liberum imperantem, quod iam suprà concessum est; non verò sufficiens argumentum, quod si ipse cognoscitur naturaliter, & ipsæ cogitationes cordis debeant cognosci naturaliter.

Dices secundò: Si cogitationes, & secreta cordium idè sunt incognita, quia sunt libera, etiam ea, quæ procedunt ex libero arbitrio Dei,

deberent esse incognita, qualia sunt existentia Angeli, & animæ rationalis, motus cæli, & similia; sed hæc naturaliter cognoscuntur etiam in ratione effectus liberè procedentis à Deo; ergò etiam illa poterunt naturaliter cognosci. *R.* Deum in productione Angeli, & animæ rationalis &c. liberè quidem operari; sed nihilominus se habere admodum causæ naturalis, nam illa eodem modo producit, ac produceret, si esset agens ex necessitate naturæ. Quo pacto Canus lib. 2. de locis Theologicis cap. 4. ad 8. & Sotus lib. primo de Natura, & gratia cap. 8. dicunt, ideo Deum non esse causam peccari, quia non concurrir ut agēs morale; sed ut agens naturale; idem dicendum de motu cæli, de iactu lapidis, & similibus, nam motus localis non est ex se actus vitalis, si præscindatur à cognitione, & appetitu; nam eodem modo fieri possent à nō cognoscente. Adde, quod non omnis libertas cōstituit rem extra obiectum intellectus Angelici; sed solum libertas actus vitalis intrinseci, siue formalis, siue radicalis naturæ intellectualis, & idè potest Angelus cognoscere loquutionem liberam externam, & consequenter res omnes naturales liberè factas secundum suam substantiam.

Dices tertio: Actio libera existens extra causam habet statum determinatum, & naturalem; res enim, dum

dum est, non potest non esse; ergò naturaliter potest cognosci. R. cogitationem, seu affectionem liberam, etiam quando est extra suas causas, esse liberam, quia est à potentia, quæ poterat illam producere, & non producere; & consequenter potuit in illo instanti non esse, & post illud instans potest non esse: habere tamen determinationem status; quæ non repugnat libertati: ratione cuius libertatis necesse est, ut lateat, nisi ipsemet operans, aut Deus eam manifestet propter rationes supradictas.

Dices quarrò quod est intelligibile Angelis est tale respectu cuiuscumque intellectus Angelici; ergò si cogitationes, & secreta cordium sunt intelligibilia, erunt etiã talia respectu eiusdem, cuius sunt secreta, & cogitationes; quod tamen patet ex nostra experientia esse falsum. R. non dici à nobis absolute illa secreta esse intelligibilia in se, sed esse in intelligibilia naturaliter alijs ab eo, cuius sunt secreta, & cogitationes; propterea enim S. Paulus Epist. 1. ad Corint. cap. 2. excludit ipsum producentem, cum ait, *quæ verò sunt hominis nemo novit, nisi Spiritus hominis qui in ipso est.*

Dices quintò: Dæmones accusant nos apud Deum de nostris cogitationibus, & affectionibus voluntatis malis, & ex illis sumunt occasionem tentandi nos; propterea enim dicuntur incentores malorum, & immittere cogitationes malas, iuxta illud Psalmi, *immersiones per Angelos malos*; ergò naturaliter cognoscunt secreta cordium, & nostras liberas, quantumvis occultas cogitationes. R. cum S. Tho. loco supracitato in Responsionibus ad quintum, sextum, & septimum, Dæmones posse solum cognoscere internos animi motus liberos ex signis corporalibus exterioribus, ut ex immutatione vultus, & similibus, iuxta vulgatum illud, *in vultu legitur secreta hominis voluntas*; quemadmodum ex pulsu motus cordis, & animæ passionibus cognoscuntur à medicis. Dicuntur autem incentores malorum, non ex eo, quod immediate agant in intellectum, & voluntatem; hoc enim eis non convenit; sed quia in penam peccati originalis permittuntur agere in phantasia eam immutando varijs modis, componendo phantasmata, ac etiã faciendo fervere sanguinem, quo pacto anima ad concupiscendum disponitur.



AXIOMA SEPTIMVM.

De Cognitione, quam habent Angeli de mysterijs gratiæ.

Ex Lib. 5. de Genesi ad Litteram Cap. 19.

NVncij autem græcè Angeli dicuntur, quo nomine generali vniversa illa superna Ciuitas nuncupatur, quem primum diem conditum existimamus: nam nec illud eos latuit mysterium Regni calorum, quod opportuno tempore reuelatum est pro salutis nostræ, quo ex hac peregrinatione liberati eorum cœtui coniungamur. Neque hoc ignorarent, quandoquidem ipsum semen, quod opportuno tempore aduenit, per ipsos dispositum est in manu mediatoris, idest in eius potestate, qui Dominus eorum est, & in forma Dei, & in forma serui. Dicit item Apostolus: mihi enim minimo omnium Sanctorum data est gratia hac, annunciare in gentibus inuestigabiles diuitias Christi, & illuminare, quæ sit dispositio, & dispensatio Sacramenti, quod fuit absconditum à sæculis in Deo, qui vniversa creauit, ut innotesceret Principibus, & potestatibus in calestibus per Ecclesiam multiformis Sapientia Dei, secundum propositum saculorum, quam fecit in Christo Iesus Domino nostro. Sic ergo fuit hoc absconditum à sæculis in Deo, ut tamen innotescat Principibus, & Potestatibus in calestibus per Ecclesiam multiformis Sapientia Dei.

D V B I V M

Vtrum Angeli naturaliter cognoscant
mysteria gratiæ, antequam fiant, vel
postquam facta sunt.

Non loquimur hic de mysterio Sanctissimæ Trinitatis, ut patet ex verbis quæsitæ; nam hoc mysterium non est factum, & constat ex

dictis in Controuersijs de hoc Arca no; illud non posse naturaliter nec ab homine, nec ab Angelo cognosci. Est ergo difficultas de operibus super-

supernaturalibus ad extra, quæ sunt in duplici differentia. Alia enim sūt solum supernaturalia ratione operationis, seu actionis, qualia sunt visus cæco restitutus, grānū in horreo miraculosè productum, vinum in Canæ Galileæ nuprijs ex aqua factum, & similia. Alia verò sunt etiā supernaturalia ratione termini, qui producitur, vel quia etiam res, quæ producitur, est supernaturalis in sua entitate, vt incarnatio, gratia, habitus virtutum Theologalium: aliqui addunt supernaturalia quoad modum tantum, qualia dicunt esse existentiam corporis Christi in Sanctissimo Eucharistiæ Sacramento, & existentiam accidentium in eodem sinè subiecto. Qui idcirco addunt hoc tertium membrum; quia putant dari entitates purè modales, quæ scilicet non possunt nec diuinitus existere, separatæ à subiecto, licet subiectum possit esse sinè illis. Verum, cum huiusmodi entitates reiecerim, tamquā superfluas, tum in Philosophia, tum in Theologia in Axiomatibus metaphysicis cap. de diuisionibus entis; manet ratio talis entitatis modalis non esse peculiarem difficultatem in mea sententia; quod si aliundè est aliquid difficile ad soluendum pro hoc Sanctissimo mysterio, infrā dicitur his positis,

Duæ sunt in hoc puncto elebriores Theol. sententiæ Prima est Scotti in 4. dist. 10. qu. 8. affirmantis

Angelos posse naturaliter cognoscere mysteria gratiæ, quando illa contingunt actu. Addit tamen in eadē quæstione in Responsione ad tertium Angelos malos diuinitus impediri, quo minus ea mysteria cognoscant, vt alioquin naturaliter possent.

Secunda Sentētia est Sancti Thomæ primæ parte qu. 57. artic. 5. Caietani ibi, & aliorum Thomistarum; qui docent quæcumque mysteria gratiæ supernaturalia in vniuersum non posse ab Angelis propria virtute cognosci. Vasquez tom. 2. in tertiam partem disp. 214. cap. primo paragrapho 7. refert sententiam Durandi pro 3. opinione, qui in quarto dist. 10. qu. 4. num. 6. partim videtur sentire cum prima, partim cum secunda sententia. Verum quia iste ibi loquitur solum de mysterio Sanctissimæ Eucharistiæ, & in puncto principali conuenit cum S. Th. nēpe Angelos non posse propria virtute cognoscere vlla mysteria, quæ sint in substantia ordinis supernaturalis: ideo sisto solum in examine duarum priorum opinionum. &

Dico primò: cum S. Thoma loco citato. Angelos non posse solo naturali lumine cognoscere effectus supernaturales re ipsa esse futuros. Et probatur, quia tales effectus non pendent à causis naturalibus, sed ex libera Dei voluntate, quæ non innotescit, nisi ipse reuelet, & si reuelat, iam illud reuelatum non cognosci-

Bb

tur

tur virtute propria naturali; quo pacto etiam idem Angelicus Doctor ibi arguit à minori ad maius: si Angeli non possunt cognoscere liberas cogitationes aliorum; multò minus poterunt cognoscere libera Dei decreta circa res futuras; prout arguit etiam Apostolus in Epist. prima ad Corinth. cap. 2. nu. 11, vt in præcedenti dubio vidimus.

Dico secundo: naturaliter posse Angelos cognoscere aliquos effectus supernaturales esse possibiles, non tamen omnes. Prima pars probatur ex illis effectibus, qui sunt supernaturales solù ratione modi operandi, siuè impediendi operationes naturales: Naturaliter enim cognoscit Angelus Deum esse omnipotentem, ac proinde posse mortuos ad vitam reuocare; sic etiam cognoscit posse se ipso supplere causalitatem causarum secundarum, & consequenter posse reddere visum cæcis, claudis facultatem ambulandi, & similia; ac etiam posse se solo semina, & alia naturalia producere. Item naturaliter scit causas secundas in omni sua operatione indigere actuali Dei cōcursu, ac proinde ei possibile fuisse seruare illæsa corpora in igne, & similia. Secunda pars probatur ex illis effectibus, qui sunt supernaturales in termino, vt sunt incarnatio, iustificatio impij, infusio virtutū Theologalium, & similia; huiusmodi enim effectus, cum non habeant necessa-

riam connexionem neque cum effectu, neque cum causis naturalibus naturali modo operantibus, non habet Angelus motuum, à quo naturalis eius virtus cognoscitiua ducatur euidenter in cognitionem possibilitatis talium effectuum; & si quando aliquid de illis vaticinati fuere Dæmones, vt de incarnatione Dominica fertur multò ante à quodam Dæmone vaticinatum, hoc non cognitioni naturali virtute sua connaturali habitæ referendum est; sed vel dependenter à cognitione illa quæ supponitur illis facta, quando erant viatores, vel ad notitiam habitam ex Sacris Scripturis.

Dices: Angelos naturaliter posse cognoscere incarnationem, & alia huiusmodi mysteria non implicare contradictionem; ergò possunt naturaliter cognoscere illa esse possibilia. Antecedens probatur, quia naturaliter possunt soluere omnia argumenta, quæ possunt fieri in contrarium. & communiter Angelum posse soluere argumenta negatiuè, non tamen positiuè, idest posse negare principia ab aduersario allata; eo quod non conuincant intellectum certò, & euidenter ad sui assensum; non tamen posset adducere principia contraria euidenter sibi cognita, quibus possit demonstrare illa mysteria esse possibilia. Si dicas Angelum comprehendere naturaliter humanam naturam, & consequenter naturali-

ter cognoscere posse spoliari propria subsistentia, & subsistere subsistentia aliena; ergò naturaliter potest cognoscere incarnationem esse possibilem; Respondent communiter ad naturalem comprehensionem sufficere, vt Angelus naturaliter cognoscat ea omnia, quæ naturaliter possunt fieri circa naturam humanam; ad quod non requiritur, vt cognoscat ea omnia, quæ secundum capacitatem obbedientialem Deus potest operari in ea, cuiusmodi est subsistere subsistentia aliena, & maxime diuina.

Dico tertiò: probabile esse ab omnibus omninò Angelis, quando fuerunt viatores, fuisse cognitum mysterium Sanctissimæ Incarnationis per fidem supernaturalem, per quam verissimè fuisse eis reuelatum, fore, vt filius Dei sumeret carnem humanam, & homo factus redimeret genus humanum, licet non quoad particulares circumstantias, & modum Redemptionis. Probant alii qui cum Valentia homo primo disp. 4. qu. 8. puncto quarto paragrapho, & quidem Auctoritate S. P. quæ habetur in Axiomate; in qua licet hoc omninò explicite non habeatur, videtur tamen implicite hoc docere. Probant secundo alij cum eodem ibi ex eo, quod Angeli ab initio acceperint gratiam propter merita Christi, & consequenter consensabat, vt ab initio aliquam haberent de eo cognitionem; cum hoc ad eo-

cuius beneficio, & intuitu eam consequuti fuerant; Sed hoc argumentum in Scholis SS. DD. Augustini, & Thomæ nò conuincit, in quibus ex mente horum Sanctorum docetur, Eos habuisse gratiam ex liberalitate Dei, non verò ex meritis Christi. Probatur tertiò: & fortius; quia, vt asserit etiam S. Thomas 2. secundæ qu. 2. artic. 7. Primo homini hoc reuelatum fuit in statu innocentie, & colligitur ex verbis Apostoli ad Eph. cap. 5. vbi insinuans Adamum dixisse illud Gen. 2. *hoc nunc hos ex ossibus meis, & caro de carne mea*; subiungit; Sacramentum illud fuisse magnū in Christo, & in Ecclesia; idest, vt explicat communiter interpretes, quasi Prophetice intueretur coniunctionem Christi cum Ecclesia: Quod si inferiori naturæ hoc fuit reuelatum, videtur etiam à fortiori superiori naturæ hoc fuisse manifestatum; Et certe verba illa Diaboli ad Christum Dominum in deserto. *Si Filius Dei es* indicant illum aliquam habuisse de hoc mysterio cognitionem. De Angelis Beatis expressè docet S. Thomas prima parte qu. 57. artic. 5. ab initio habuisse huius mysterij aliquā cognitionem in communi, eoquod, vt habetur in Epist. ad Hebr. cap. primo. *omnes sunt administratorij spiritus propterea, qui hereditatem capiunt salutis*; & propterea conueniebat, vt ab initio aliquam haberent de eo cognitionem; cum hoc ad eo-

rum statum pertineret.

Dices Origenem tract. 5. in Matt. S. Io. Crysoſtomū hom. 14. in Ioannem, & homilia 3. in Epist. ad Eph. in illud. *Vt innotescat Principibus, & potestatibus per Ecclesiam multiformis gratia Dei*; Theodoretum, Oecumenium, & Theophilactum in eodem locum, ac etiam S. Hieronymū in commentarijs Isaia ad illa verba, *quis, est iste, qui venit de Edom?* & S. Ambrosium in lib. de instit. Virg. cap. quintò docuisse hoc mysterium fuisse planè ignotum omnibus Angelis, antequam re ipsa contingeret, & per Apostolos prædicaretur. Be. cum S. Thoma loco citato, & cum S. Dionysio lib. de Cælesti Hierarchia cap. 7. Angelos cognouisse quidem illum futurum quoad substantiam, non tamen habuisse perspectas circumstantias particulares futuræ Redemptionis hominum. Non defunt tamen Doctores, qui dicunt Angelos quidem superiores à principio illud cognouisse, non tamen Angelos inferiores; quibus omninò ignotū fuisse à principio etiam Beatitudinis sentiunt Magister in secundo dist. 11. paragrapho *His autem videtur*. Haymo in illud idem caput tertium ad Ephes. ab eodem Magistro ibidem relatus; & Alensis parte secunda qu. 26. membro primo. Verum sententia S. Thomæ loco citato, quod omnibus omninò Angelis Beatis fuerit ab initio reuelatum,

eoquod sit generale officiū, ad quod omnia eorum officia ordinantur; licet quoad speciales conditiones nō omnes à principio fuerint edocti, videtur communior, & magis conformis menti S. P. Augustini, ut habes in Axiomate, qui licet hoc explicitè omninò non dicat, eius tamen verba magis fauent sententiæ huic Sancti Thomæ, quam oppositæ. De hoc videndus est etiam Angelicus Doctor qu. 64. primæ partis artic. primo ad 4. ubi ait, *quod mysterium Regni Dei, quod est impletum per Christum omnes quidem Angeli à principio aliquo modo cognouerunt, maxime ex quo Beatis facti sunt visione Verbi, quam Demones numquam habuerunt; non tamen omnes Angeli cognouerunt perfectè, neque aqualiter. Vnde Demones multo minus Christo existente in mundo perfectè Mysterium incarnationis cognouerunt; non enim innotuit eis, ut Augustinus ait lib. 9. de Ciuitate Dei cap. 21. sicut Angelis Sanctis, qui Verbi participata aternitate perfruantur; sed eis terrendis innotescendum fuit per quadam temporalia effecta; si enim perfectè, & per certitudinem cognouissent ipsum esse Filium Dei, & effectum passionis eius, numquam Dominum gloria crucifigi procurassent*. Hoc idem clarè antea docuerat S. P. loco hîc à S. Thomæ citato, ubi ait: *Ipsi autem Demones etiam hoc ita sciunt, ut eidem Domino infirmitate carnis induto dixerint; quid*

quid nobis, & tibi Iesu Nazarene? Venisti ante tempus perdere nos? Clarum est in his verbis, quod in eis, & tanta scientia erat, & Charitas non erat. Patnam quippe suam in illo formidabant ab illo, non in illo iustitiam diligebant. Tantum verò eis innotuit, quantum voluit; tantum autem voluit, quantum opportuit. Sed sic innotuit, non sicut Angelis Sanctis, qui eius, secundum id, quod Des verbum est, participata aternitate perfruiuntur, sed sicut eis terrendis innotescendum fuit, ex quorum tyrannica quodammodo potestate fuerat liberaturus predestinatos in suum Regnum, & gloriam semper veracem, & veraciter sempiternam. Innotuit; ergò Daemonibus non per id, quod est vita aterna, & lumen incommutabile, quod illuminat pios, cui videndo per fidem, qua in illo est, corda mundantur: sed per quadam sue temporalis virtutis effecta, & oculissima signa presentis, qua Angelicis sensibus etiam malignorum spirituum potius, quam infirmitati hominum possent esse conspicua. Denique quando ea paululum suppressenda iudicavit, & aliquantò alius latuit dubitavit de illo Daemonum Princeps, eumque tentavit, an Christus esset, explorans, quantum se tentari ipse permittit, ut hominem, quem gerbat, ad nostra imitationis temperaret exemplum. Post illam verò tentationem, cum Angeli, sicut scriptum est, ministrarent ei boni viique, ac Sancti, ac per hoc Spiriti-

bus immandis metuendi, & tremendi, magis, magisque innotescibat Daemonibus, quantus esset, ut ei iubenti, quamvis in illo contemptibilis videretur carnis infirmitas, resistere nullus auderet. Ex quibus patet, de mente Sancti Patris esse, Angelis Sanctis innotuisse certò, & infallibiliter ex vi Beatificæ visionis hoc Sacrosanctum Incarnationis mysterium. Daemonibus verò non nisi per temporalia signa, & effecta. Et hoc etiam modo intelligenda sunt ea, quæ docet in libro 5. de Genesi ad litteram cap. 19. ubi per extensum loquitur de cognitione huius mysterij habita ab Angelis.

Dico quartò: posse Angelos naturaliter clarè, distinctè, & evidenter cognoscere effectus illos, qui solum supernaturales sunt in modo, quo producuntur, in entitate autem sunt naturales, ita tamen ut cognoscant quidem evidenter, modo quodam supernaturali illos esse producos, licet non videant clarè, & perspicuè modum illum supernaturalem. Prima pars probatur, quia tales effectus sunt ordinis naturalis in sua entitate, & consequenter continentur intra latitudinem obiecti naturaliter cognoscibilis; ex quo ulterius fit, ut cum vident hominem antea motuum, postea viuum; antea omninò cæcum, & postea videntem, & sciant certò non dari naturaliter regressus à talibus priuationibus,

con-

consequenter cognoscant omninò necessarium esse, quod supernaturali modo sit factum. Secunda etiam pars probatur, quia modus ille, cum sit ordinis naturalis est extrà latitudinem obiecti naturaliter cognoscibilis; & propterea non potest eui denter, & intuitivè viribus naturæ cognosci, sicut cognoscitur ipsa entitas, ad quam terminatur talis productio.

Dico quinto: Angelos naturali virtute non posse clarè, & distinctè intueri illos effectus, qui sunt supernaturales in entitate, seu in termino. Sequitur ex dictis. Primo, quia tales effectus supernaturales in entitate sunt altioris ordinis superantes capacitatem naturalem intellectus. Secundò: quia lumen naturale intellectus Angelici non habet naturalem ordinem ad tale obiectum, nec possunt naturaliter habere species, quæ representet effectus supernaturales, prout sunt in se. Tertiò: quia aliquin Dæmon posset virtute naturali videre in anima hominis gratiam supernaturalem, & habitus infusus; quod est expressè contra S. P. N. Augustinum, qui lib. 12. de Genesi ad litteram cap. 17. ait. *Certissimis tamen indicijis apud nos consistit enunciatas à Dæmonibus cogitationes hominum; qui tamen si virtutum internam speciem possent in hominibus cernere, non tentarent: sicut illam in Iob nobilem, ac mirabilem patientiam procul*

dubio si posset Diabolus cernere, nollet à tentato usque superari. Non cognoscit igitur Diabolus virtute naturali effectus, qui sunt supernaturales in sua entitate.

Dices: Angelus naturaliter cognoscit substantiam alterius Angeli; ergò etià cognoscet naturaliter gratiam, & virtutes supernaturales: antecedens est certum, consequentia probatur, quia substantia spiritualis est perfectior quocumque accidente, etiam spirituali, & supernaturali; ergò si Angelus naturaliter potest cognoscere substantiam, quæ est perfectior, poterit etiam cognoscere accidens, quod non est ita perfectum; qui enim potest maius, potest etiam minus. *Re.* quod licet substantia sic perfectior in genere entis, non est tamen perfectior accidente spirituali supernaturali in ratione ordinis. Supernaturale enim excedit in ordine quodcumque ens naturale, & idè est extra obiectum naturale intellectus, etiam Angelici. Axioma illud intelligitur intra eundem ordinem; nam extra ipsum ordinem regulariter non tenet consequentia; ut si dicas homo potest intelligere; ergò etiam potest volare, quia hoc est minus, quam illud: non sequitur, quia fit transitus de vno ad alium ordinem; & in hoc militat regula iurisperitorum; *A diversis non fit illatio.*

Dico Sextò: Angelos nec etiam notitia abstractiva per signa, & effectus.

ctus, quæ naturaliter inveniuntur, posse evidenter cognoscere prædictos effectus in sua entitate supernaturalis. Probatur, quia nullum est signum, aut effectus naturaliter cognitus ab Angelo, qui habeat necessariam connexionem cum hoc, aut illo effectum supernaturali. Ergo ex eo, quod Angeli clarè videant aliquem effectum naturalem, aut signum, non possunt evidenter, & distinctè concludere, quod illi sit connexus talis, vel talis effectus entitatis supernaturalis, quod magis clarum fiet ex Responsionibus ad argumenta. Admittitur tamen cognitio evidens eidentia in attestante; ut si vnus Angelus alteri significaret Incarnationem esse factam, alter posset habere eidentiam ex parte dicentis, siuè attestantis; maxime si iste aliundè certò, & eidenter sciret illum non posse mentiri; quemadmodum Diabolus scit Angelos Beatos non posse.

Dices primò: cum Scotò loco citato. Nulla res creata est intrinsecè supernaturalis à parte rei; sed omnia, quæ creantur, quando sunt à parte rei, sunt naturalia; ergo sicut Angelus naturaliter potest cognoscere omnia alia entia naturalia, quando sunt in re, quia tunc sunt naturalia intrinsecè, ita etiam poterit cognoscere eos effectus, qui à nobis dicuntur supernaturales. Minor probatur, quia huiusmodi effectus sunt omnes entia finita, & solum dicuntur supernatu-

ralia extrinsecè per respectum ad causam efficientem, quatenus scilicet non possunt produci ab agente creato; ergo omnia, quæ sunt extra Deum, sunt entia naturalia. Confirmari etiam potest ex eo, quod, cum loquimur de essentia cuiuscunque rei, siuè sit ex numero earum, quas naturales, siuè earum, quas supernaturales dicimus, eam naturæ nomine appellamus. & falsum esse, quod nihil sit à parte rei, quod sit supernaturale intrinsecè; datur enim entitatis gradus altioris ordinis ex genere suo, quam sit quodcumque ens naturale, cuiusmodi sunt gratia Dei, habitus virtutum Theologicarum, Visio Beatifica, & similia, quæ non solum dicuntur supernaturalia, quia in modo producendi supernaturaliter fiunt, ut illuminatio cæci, vel suscitatio mortui; sed etiam, quia entitas eius talis naturæ est, ut petat ab intrinsecò, & ratione suorum prædicatorum essentialium fieri à solo Deo, ut Auctore gratiæ, quem respiciunt non ut finem naturalem, sed supernaturalem, & consequenter ut agens supra omnem exigentiam creaturæ. Decipitur ergo Scotus, dum putat ad supernaturale intrinsecè requiri infinitatem, & omnia finita esse entia naturalia. Ad Confirmationem. & Nomina esse ad placitum, & quandoque defectu vocabulorum nos usurpare quæ possumus ad exprimendos nostros conceptus; quod ad nec-

rentes aliqui recentiores nomen naturæ solum attribuunt entibus de prædicamento substantiæ ut potè quæ re vera sunt principia morus, & quietis; cæteris verò solum nomina entis naturalis, si ei sunt debita ex suis intrinsecis principiis; vel entis supernaturalis, si sunt supra omnem exigentiam ipsius; & hoc acutè; nam reuera accidentia in rigore philosophico sunt entis entia; Quapropter cum non detur, nec dari possit substantia supernaturalis, accidentia, quæ tribuuntur ipsi substantiæ, erūt vel naturalia, vel supernaturalia intrinsecè iuxta diuersitatem prædicatorum essentialium ipsorum, & differentiam assignatam.

Dices secundò: Angeli naturaliter cognoscunt substantiam panis, quando adest ante consecrationem sub speciebus; ergò etiam naturaliter cognoscunt absentiam illius post consecrationem, & consequenter aliquid supernaturale; supernaturale enim est, quod accidentia existant sine subiecto. Probatur consequentia. Per eandem speciem, qua aliquis cognoscit præsentiam alicuius, quando est, cognoscit etiam absentiam eius, quando non est. Eiusdem enim potèst est cognoscere lucem, & tenebras; ut communiter loquuntur Philosophi; ergò per eandem speciem naturalem, per quam cognoscit Angelus substantiam panis, quando est, cognoscit etiam absen-

tiam illius, quando non est. R. huic argumento, ex pluribus, quæ possunt considerari in hoc mysterio, Angelum aliqua cognoscere naturaliter, aliqua verò non. Primò cognoscit non adesse substantiam panis propter rationes dictas, & quia carentia illa non est ordinis supernaturalis. Secundò: cognoscit accidentia esse sine subiecto; nam & ipsa accidentia sunt ordinis naturalis, & consequenter cognoscit illa, quando præsentia sunt, ac proinde illa esse sine subiecto; cognoscit enim naturaliter non esse ibi subiectum. Tertium quod ibi consideratur, est Corpus Christi existens sub illis speciebus, de quo est difficultas, an illud naturaliter cognoscatur. Aliqui affirmant, eo quod Corpus Christi Domini secundum se spectatum est res naturalis, ac proinde videtur dicendum naturaliter posse cognosci intuitu ab Angelo. Alij negant, eo quod sit ibi præsens nouo quodam modo, nempe totum in toto, & totum in qualibet parte, quod sicut non potest esse obiectum naturale oculi, ita nec etiam intellectus. Respondent tamen communiter Scotistæ, etià hoc posse intelligi naturaliter ab Angelo; eo quod Angelus optimè cognoscit quantitatem, & passionem eius, extensionem scilicet in ordine ad locum; ergò etiam cognoscit absentiam eius, & consequenter cognoscet Corpus Christi existere indiuisibiliter, & sine

sinè extensione. Ad confirmationē Respondent, quod non est par ratio de oculo, & de intellectu; nam sub obiecto naturali intellectus, continetur aliquid, quod est totum in toto, & totum in qualibet parte, ut est quælibet substantia spiritualis: non sic sub obiecto oculi corporei, sub quo continentur solummodo ea, quæ extenduntur in ordine ad locum, ita ut solum pars correspondeat parti loci, non autem totum cuilibet parti. Quartò: dicendum est non cognoscere Angelum naturaliter modum, quo desijt panis; cum enim desinat per transubstantiationem, quæ est actio supernaturalis in sua entitate, non potest esse obiectum naturale intellectus ipsius. Quintò: propter eandem rationem dicendum est nō cognoscere modum, quo accidentia existunt sinè subiecto, eo quod etiā ille modus est supernaturalis ex parte termini. Sic nec etiam cognoscit Corpus Christi Domini esse unitum hypostaticè Verbo Diuino, nec etiā cum habere vim producendi gratiam; vis enim illa pendet ex mera voluntate Dei. Hæc clariora fient ex infra dicendis.

Dices tertio: Angeli naturaliter cognoscunt humanitatem Christi Domini carere propria subsistentia; ergo cognoscunt eam subsistere subsistentia aliena; sed sciunt non subsistere subsistentia creata, siuè humana, siuè Angelica; ergo euidenter

colligunt eam subsistere subsistentia Diuina. Antecedens est certum ex dictis, nam habitus, & priuatio sunt eiusdem ordinis respectu cognitionis; ergo absentia subsistentiæ est eiusdem ordinis cum subsistentia; ergo si Angelus cognoscit subsistentiam humanam, quando præsens est, cognoscit etiam eius carentiam. Prima consequentia probatur, quia sciunt non dari in rerum natura substantiam, quæ aliqua subsistentia nō subsistat. Quod verò sciant non subsistere alia subsistentia creata, angelica, vel humana, est certum, quia subsistentias creatas, cum sint res naturales, naturaliter cognoscunt, & vident, & cum nulla talis ibi sit, nullam creatam vident, & consequenter necessariò inferunt subsistere subsistentia diuinam. & communiter, quod licet Angelus naturaliter cognoscat humanitatem illam carere propria subsistentia, nihilominus non potest naturaliter esse certus, an illa subsistentia suppleatur per subsistentiam diuinam, an verò per efficientiam extraordinariam. Præterea dato etiā, quod suspicaretur, an esset ibi subsistentia diuina, non posset cognoscere, quod illa subsistentia sit relatiua, nam ad hoc requiritur necessariò cognitio mysterij Sanctissimæ Trinitatis, quæ naturaliter non potest haberi nec ab homine, nec ab Angelo; & sic si Angelus in puris naturalibus vellet ferre iudicium, necessariò er-

Cc

raret;

raret; Vnde licet, eadem hæc argumenta inducerent Dæmonem in magnam suspicionem Diuinitatis Christi Domini, quam etiam augebant aliæ coniecturæ; non habebat tamen certam euidentiā.

Dices quartò: Angelos naturaliter intellexisse Beatissimam Virginē fuisse Virginem ante partum, in partu, & post partum; Videbant enim illius integritatem semper eodem modo se habere; sed hoc est quoddam mysterium in sua entitate super naturale; ergò naturaliter scire poterunt mysteria etiam in sua entitate supernaturalia. Respondet Gregorius de Valentia tomo primo disput. 4. qu. 8. puncto 6. paragrapho ad secundum concedendo naturaliter nouisse Angelum Beatam Virginem fuisse Virginem etiam in partu, & post partum; eoquod si ipsa naturaliter hoc sciebat; multò magis hoc Angelus scire poterat; sed hoc (ait ille) propriè loquendo non fuit aliquod supernaturale intrinsecè; sed quatenus per diuinam virtutem fuit præter id, quod debuit naturaliter euenire: Caterum Angelum non cognouisse in B. Virgine permanisse virtutem supernaturalem Castitatis, & Temperantiæ infusæ, eoquod ista sint supernaturalia intrinsecè. Quod si dicas Virginitatem hanc Beatissimæ Virginis esse articulum fidei, ac proindè in numero entium supernaturalium; Respondet Idem

Auctor dari etiam alios articulos fidei de rebus quibusdam naturalibus, sed nobis minimè notis per euidentiā. Puto tamen his non obstantibus Dæmonem de facto (quidquid sit de possibili) non cognouisse hoc mysterium. Moueor ex Auctoritate Sancti Hieronymi lib. primo Commèntariorum in caput primum Matthei, & Sancti Ignatii Martiris, quem S. Doctor ibi adducit, & ait: *Martir Ignatius etiam quartam addit causam, cur à desponsata conceptus sit: ut partus, inquit, eius celaretur Diabolo, dum eum putat non de Virgine, sed de Vxore generatum.*

Dices quinto: Angelum euidenter scire hominem sine gratia Dei non posse cognoscere veritates reuelatas à Deo sine errore, aut seruare omnia præcepta per solas vires naturales; ergò quando videt hominem hæc præstare, euidenter cognoscit illum habere fidem, & gratiam. R. primo Angelos seclusa omni reuelatione, & testificatione nihil cognoscere de præceptis, vel articulis fidei supernaturalibus. Secundo nec etiam posse scire actus fidei, & obseruantię præceptorum supernaturalium; nam tales actus sunt in sua entitate supernaturales, ac proindè extra spheram obiecti naturaliter cognoscibilis ab Angelo. Dices posse eis manifestari per signa ab homine. R. tunc habiturum fidem naturalem, vel suspensionē de illis ad summum,

num, quibus potest subesse falsum. Denique dato, & nō concesso, quod cognosceret illos actus, adhuc non sciret certò, an prouenirent ab habitibus supernaturalibus, vel alio modo producerentur, percòcursum scilicet extraordinarium Dei.

Dices sextò: Angelus naturaliter cognoscit existentiam peccati contra legem naturæ in anima peccatoris: hoc enim est aliquid ordinis naturalis; sed hoc peccatum non tollitur, nisi per gratiam supernaturalem; ergò quando videt amplius non existere, euidenter cognoscit esse ibi gratiam supernaturalem. R. primo non esse certum, quod videat tale peccatum in anima; nam potest dici esse eandem rationem de macula peccati, ac de actibus internis. R. secundo etiam dato, quod illud videret primò, & postea, cum sublatum esset, illud non videret amplius, nō tamen inde sequi, quod certò naturaliter sciret, hoc esse factum per gratiam supernaturalem; sed ad sum-

um, quod dubitaret de modo, quod sublatum fuit.

Dices septimo: Omnes Angeli, quando fuerunt viatores euidenter cognouerunt suos actus supernaturales Fidei, Spei, & Charitatis per lumen naturale; ergò per vires naturales cognoscunt aliquod obiectum in sua entitate supernaturale. Probatur antecedens, quia & experiebantur actu se illos habere; & non erat aliud lumen, nisi naturale; per quod euidenter illos possent cognoscere; nam lumen fidei non ostendit euidenter, sed obscurè sua obiecta; & non erat aliud lumen in eis, præter lumen naturale, & lumen fidei supernaturalis, vt patet. R. quod quemadmodum nos non habemus lumen, quod naturaliter, & euidenter nobis ostendat nostros actus supernaturales, ita nec etiam Angeli; Nec obstat experientia, nam etiam nos experimur eos, & tamen non cognoscimus eos euidenter,

AXIOMA OCTAVVM.

De loquutione Angelorum.

Ex Libr. 16. de Ciuit. Dei. Cap. 6.

NON sic loquitur Angelis Deus, quomodo nos loquimur nobis, vel Deo vel Angelis, vel ipsi Angeli nobis, siuè per illos Deus nobis; sed inefabili suo modo; nobis autem hoc indicatur nostro modo. Des quippe sublimior

ante suum factum loquutio ipsius sui facti est immutabilis ratio, qua non habet sonum strepentem, atque transeuntem, sed vim sempiternè manentem, & temporaliter operantem: hac loquitur Angelis Sanctis, nobis autem aliter longè positis. Quando autem etiam nos aliquid talis locutionis interioribus auribus, capimus, Angelis propinquamus.

Licet Axioma istud non sit directè de locutionibus Angelorum inter se, sed de locutione Dei ad Angelos, & ad nos; in quo incidenter tangitur locutio Angelorum ad nos; nihilominus, & quia proportionaliter ad has inuestiganda est illa Angelorum inter se, & quia non habeo ad manus expressiorem locum S. Patris; idcirco hunc posui, ut servata proportionem intelligatur, quid de ipsa spiritali locutione Spirituum dicendum sit. Quam indicavit etiam Sanctus Pater lib. 15. de Trinitate cap. 10. ubi ait. *Nec tamen quia dicimus locutiones cordis esse cogitationes, idè non sunt etiam visiones exorta de notitia visionibus, quando verè sunt, foris enim, cum per corpus hac fiunt, aliud est locutio aliud visio intus autem cum cogitamus, utrumque unum est, sicut auditio, & visio duo quadam sunt inter se distantia in sensibus corporis, in animo autem non est aliud, atque aliud videre, & audire, & per hoc cum locutio foris non videatur, sed potius audiatur, locutiones tamen interiores, hoc est cogitationes, visas dixit à Domino S. Evangelium, &c.*

D V B I V M.

Quomodo Angeli loquantur inter se.

PRæmitto hic, quod comuniter à Theologis, ut certum de fide supponitur; nempe in Angelis esse locutionem, quod in Scripturis Sacris expressè habetur: Nam Ezechielis cap. 2. dicitur: *Ecce Angelus, qui loquebatur in me egrediebatur, & in Apoc. cap. 7. narratur quod vnus Angelus clamabat ad quatuor alios*

Angelos, & in Epist. Iudæ Apostoli habetur quod Michael cum Diabolo disputans altercaretur de Moyse corpore; licet posset aliquis duo priora loca exponere de locutionibus corporeis, vocibus in aere formatis; eoquod prædicti Angeli in figurâ corporea dictis Prophetis apparuerint, & verè tali modo in corporibus assum-

assumpis loqui, possint: nihilominus ex illis iam constat, dari in Angelis aliquam virtutem, & modum loquendi, & ex tertio loco apertè habetur esse inter ipsos Angelos locutiones proprias Spirituales quod expressè habetur Epist. prima ad Corinth. cap. 13. *Si linguis hominum loquar, & Angelorum: vbi S. Ioannes Crysostrmus ait dici ab Apostolo linguam Angelorum non qua sit corpora, sed qua ipsi Angeli utuntur.* Hanc eadem sententiam docuerat S. Basilius homil. in cap. 10. Ioannis, & in expositione prædicti loci Apostoli docent Theodoretus, S. Anselmus Oecumenius, & Auctor Comentariorū Epistolarum Sancti Pauli quæ circumferunt sub nomine, & inter opera S. Ambrosij (sed re vera non sunt eius, vt in nouissimis impressionibus in censura dicto operi annexa, & est à Cardinale Bellarmino libro de Scriptoribus Ecclesiasticis in Observationibus ad opera S. Ambrosij euidenter depræhensum.) vbi ait: *loqui linguis Angelorum esse habere cognitum Spiritualiter Anglicum morem* idest secretum cordis. Similiter S. Ioannes Damascenus lib. 2. de fide Orthodoxa cap. 3. ait Angelos nec lingua, nec auribus opus habentes citra sermonis adminiculum cogitationes suas, & consilia mutuo communicare. Probatum etiam ratione, quia Angeli habent liberum arbitrium, & ad inuicem societatem, &

constituunt Rempublicā multo perfectiorem quam nos; ergò necesse est admittere in eis modum, quo sibi inuicem manifestent sua consilia, & secreta, & hoc est quod in præsentiquæritur; nam Auctores in sex præcipuas, & diuersas abiire sententias in explicando hoc modo, quo Angeli sibi inuicem suas prodant cogitationes.

Prima Sententia refertur à Durādo in secundo dist. 11. qu. 2. & est eorum, qui dixerunt per ea, quæ quilibet Angelus naturaliter cognoscit in alio Angelo significari, & exprimi occultas cogitationes Angeli, quando his vult ad illos naturaliter nota ordinare tamquam signa occultorum.

Secunda Sententia est Dionysij Carthusiani in 2. dist. 8. qu. vnica artic. 2. Marsilij ibi qu. 2. artic. 2. Gregorij etiam Arimin. qu. 2. Argentinæ qu. prima artic. 2. Molinæ prima parte ad qu. 107. S. Tho. & videtur esse eiusdem S. Tho. in 2. dist. 11. qu. prima artic. 3. & in secundo Scripto dist. 10. artic. 4. & in expositione Epistolæ primæ ad Corinth. cap. 13. ad illa verba. *Si linguis hominum loquar, & Angelorum:* cum quo concordat Glossa Ord. & aliorū, qui asserunt, locutionem fieri per quædam signa intellectualia: ex dictis Doctoribus aliqui vt B. Egidius Noster. Argentina, Gregorius, & Molina dicunt huiusmodi signa for-

formari, à loquente in seipso, & sic exhiberi alteri Angelo quasi legenda, ita ut locutio consistat in formatione huius signi.

Tertia Sententia est plurium Nominalium desumpta ex Ocamo in 2. qu. 20. & quod libro primo qu. 7. & ex Gabriele in secundo dist. 9. qu. 2. artic. 4. qui dicunt locutionem fieri per hoc quod Angelus in se format cognitionem alicuius rei; quæ deinde cognitio per modum obiecti effectiue causat in intellectu audientis cognitionem sui.

Quarta Sententia est Durandi loco supracitato qui ait se non videre quemadmodum inter se colloquantur, nisi eo modo, quo loquuntur cum hominibus formando voces in aere.

Quinta Sententia est Scoti in 2. dist. 9. qu. 2. qui docet unum Angelum per hoc loqui alteri, quod in eius intellectu effectiue imprimit conceptum similem conceptui suo nimirum de eadem re, ad quem dicit non concurrere alterum Angelum nisi passiuè, & proinde habere se per illum, non ut videntem; sed ut audientem alterum: Hæc sententia videtur coincidere cum sententia Nominalium, quatenus possint unum Angelum in intellectu alterius effectiue causare cognitionem sui conceptus.

Sexta Sententia est S. Th. in prima parte qu. 107. artic. primo Caietani ibi, Capreoli, & communis inter Thomistas tam antiquos, quam

modernos; pro qua citantur etiam Alensis secunda parte qu. 27. membro secundo artic. primo, & membro 3. 6. & 7. Albert. Mag. lib. de 4. Coeuis qu. 8. artic. 5. & secunda parte tract. 9. qu. 35. memb. 3. & 6. Ricardus in secundo dist. 9. artic. 2. qu. prima est tamen aliqua difficultas, an reuera loquantur isti in sensu Thomistarum pro quo remitto lectorem ad loca citata; quod spectat ad Thomistas, certum est eos tenere loqui unum Angelum cum altero per hoc quod sua voluntate ordinat conceptum suum ad illum id est vult, ut ab altero conceptus ille suus, & res per illum intellecta cognoscatur in hac sententiarum diuersitate amplector sententiam S. Thomæ; quæ mihi videtur esse etiam S. P. lib. 15. de Trinit. cap. 10. &

Dico: Angelorum locutionem consistere in hoc quod per actum voluntatis ordinatur verbum mentis unius ad alterum; siue ut alij loquuntur; quatenus vnus format interius verbum mentis relatiue ad alterum; quod sic explicatur; Tripliciter potest esse obiectum in intellectu, primo habitualiter, siue in memoria. Secundo actu quidem; sed absolute, quod pacto est in intellectu, quando se conuertit ad cognoscendum illud; quod habebat in habitu. Tertio relatiue ad alium, quod esse quando quis loquitur alteri; quæ propter sicut per actum voluntatis transit obiectum à

pri-

primo statù ad secundum, utimur enim habitibus quando volumus, & in hoc transitu consistit nostra interior dictio, quæ nobis ipsis loquimur; ita transitus à secundo, ad tertium, fit per actum voluntatis, quo dirigitur illa interior locutio ad alterum, ut & ipse percipiat id quod nos volumus ex nostris cogitationibus, & rebus per illas cognitis, illum cognoscere; Est tamen differentia inter Angelos, & nos; quod nos, quia habemus duo obstacula; quæ impediunt nē alter, nostra interna verba cognoscat, nempe voluntatē occultandi, & Corpus celans spirituales nostros actus, ideo necesse est tollere hæc duo, primum quidem per actum voluntatis, quod velimus illa nota fieri, secundum verò per locutionem sensibilem, aut alia exteriora signa corporea, quibus inter ni illi actus proponantur. Inter Angelos verò cum non detur nisi primum impedimentum, non quidem per distinctos actus; sed quia ipsemet actus liber naturaliter latet, nisi manifestetur, ut supradictum est, sufficit illud tollere per dictum actum voluntatis ordinantis conceptus internos ad alterum, cui vult illos prode; consistit igitur locutio hæc in intellectione non quacumque; nam intellectio absoluta non sufficit; per hanc enim solum interius loquimur: sed in intellectione quæ sit manifesta, tina intellectione rei, suæ in forma-

tione conceptus relatiuè ad alterum per quam alter audiens potest cognoscere cognitionem alterius, ac etiam res per eam cogitas; conceptus enim non solum est id quod, sed etiam id in quo ut comuniter docet Philosophi, & maxime Thomistæ, possumus cognoscere rem, & conceptum rei: quapropter requiritur etiā actus voluntatis ordinantis modo dicto illos conceptus. Sententia ista hoc modo explicata probatur primo quia in hac difficultate sicut in alijs similibus; ille modus præcæteris est admittendus, qui nullam inuoluit repugnantiam; & refecatis superfluis rem paucioribus explicat. Talis est iste modus qui in Sententia S. Tho. præfertur cæteris; ergo præcæteris modis hoc loquutio Angelorum melius, & verius explicatur. Maior est in confesso apud omnes. Minor probatur. Quia cogitationes, & affectiones Angelorum, vel sunt naturales necessariae, vel liberae; si naturales iam sunt intra obiectum naturale, & proportionatum intellectui Angelico naturaliter operanti; & sic non est opus locutione. Si liberae, sunt extra illud, ut patet primo à posteriori, quia Scriptura Sacra, quæ non negat illas posse naturaliter cognosci, has tamen dicit cognosci à solo Deo. A priori verò, quia ut docet S. Tho. quod lib. 12. artic. 7. & in prima partæ qu. 57. artic. 4. cum istæ sint actiones omnino liberae, nõ redu-

reducuntur ad causam naturalem, nec pertinent ad cognitionem, quam cognoscuntur naturalia. Illæ verò, cum sint actiones necessariæ, dicuntur ordinem ad causam naturalem; nam fiunt à voluntate, ut natura est, quem admodum primi motus in nobis, qui non sunt in nostra potestate. Quapropter, cum Angelus habeat solū species rerum naturalium, non poterit per illas solas cognoscere nisi illas necessarias; liberæ verò non, ut dictum est, ac proinde ut ab alio intelligantur, necessè est, ut per aliquem actum ad illum referantur; sed hic actus non potest esse nisi actus liber voluntatis; ergo iste modus qui explicat locutionem Angeli per hunc, & rectè, & verè illam explicat. Prædicta maior iam latè explicata non indiget probatione. Minor etiam infra patebit ex sufficienti refutatione aliarum sententiarum: pro nunc probatur quia iam per illum actum voluntatis cum cæteris in Conclusionem explicatis sit, ut illæ cogitationes, & affectiones liberè contineantur intra obiectum proportionatum intellectui Angelico, cum antea non continerentur, quod patet à posteriori, quia Scriptura docet, post locutionem Angelicam cognosci ab Angelo audiente ea, quæ antea non cognoscebantur ab illo, ut est clarū ex diuersis colloctionibus Angelorum, quæ in Sacra Scriptura narrantur; ut cum Angelus princeps re-

gni Periaurum restitit alteri Angelo pluribus diebus, donec per Michaelem Archangelū innotesceret, quid agendum esset, & ex illis quæ in Sacra Apocalypsi narrantur. A priori verò probatur, quia cum aliqua res liberè dirigatur ab aliquo habente liberam potestatem illam rem ponendi sub potestate illius; iam illa res incipit esse intra obiectum potestatis huius, ad quem dirigitur; ut est clarum in translatione dominij alicuius rei temporalis. Sed Angelus loquens per suum liberum actum ponit sub potestate cognoscitiua alterius Angeli audientis suas liberæ conceptiones, & affectiones; ergo sufficienter per hunc saluatur huius modi locutio. Confirmatur quia ordo perfectæ Reipublicæ exigit, ut illi, qui sunt perfectæ amicitie vinculo colligati, secreta cordis sibi per liberam voluntatem manifestent; ac proinde talia secreta debent fieri manifesta ei, ad quem diriguntur cognoscenda. Sed in Angelis est perfectissimus Reipublicæ ordo, & perfectæ amicitia (loquor de Beatis) ergo debet esse talis modus loquendi, qualis exigit talis status; de Angelis damnatis non est dubium, quod eis etiam competat, quia licet sint in regno confusionis, & non habeant perfectam amicitiam, quæ fundatur in vera virtute, qualem in Cælestionibus certum est non esse. Habent tamen quādam speciem Reipublicæ, & communica-

nicationis mutue ortæ ex naturali amore; ad quæ est necessaria locutio, quæ requiritur in creaturis liberis; cum in eis naturalia manserint integra, iuxta doctrinam Sancti Dionysij Areopagitæ communiter receptam; Preb. 2. sufficientia huius modi sic explicari, quia hoc pacto optime solvuntur omnes difficultates in hac quæstione occurrentes; nam primo sic facile aperitur, quomodo vnus Angelus possit loqui vni Angelo tantum, & non pluribus simul, etiam si sint præsentem; vel quomodo adhuc in magna spirituum copia existens, aliquos possit alloqui, ita vt isti audiant, & non alij; & quomodo mutuo possint intuitiue cognoscere cogitationes, quod requiritur ad conuiuium Patriæ cælestis docet S. P. N. Augustinus lib. 22. de Ciuit. Dei cap. 29. ac etiam S. Greg. lib. 4. dial. cap. 41. S. Basil. hom. *Attende tibi*, S. Io. Damascenus lib. 2. de fide. cap. 3. & Venerab. Beda in Comment. Epist. primæ ad Corinth. li. 14. Præterea in hac sententia fit clarum, quomodo ad quamecumque distantiam vnus Angelus possit loqui cum altero, & audiri, nam vt ait S. Thomas qu. 16. de malo artic. 8. & artic. 16. sicut cogitationes, & affectiones liberæ non dicuntur incognitæ, quia voluntas illas distare faciat; distantia enim corporalis non impedit cognitionem Angelij; nec quia illas aliquo impedimento regat,

puta alio voluntatis actû, nam nihil est in spiritu respectu alterius, quod naturaliter lateat præter motum ipsum liberum voluntatis; alias etiam de illo alio libero voluntatis actu quæreretur quomodo tegatur: & si dicas alio actu, iam daretur processus in infinitum; nec quia voluntas illas remoueat, nam sic anima ferè nihil cognosceret, aut vellet, cum ferè omnia, quæ intelligit, aut appetit, sint ab ea remota; Quapropter quia tales cogitationes sunt occultæ ex eo, quod immediatè pendent à voluntate; ita & per eandem voluntatem manifestantur, non ex eo, quod voluntatis imperio fiant minus distinctæ; talis enim manifestatio consistit essentialiter, & in volitione, & in intellectione, quæ abstrahunt, & à situ, & à loco. Si dicas ex hoc sequi, voluntatis imperio cogitationes ex sua natura ignotas fieri cognitæ, vel cognoscibiles. Contra est, quod res ex natura sua est cognoscibilis, vel non cognoscibilis intellectui ex solis viribus naturæ operanti. At ex imperio voluntatis, quo ab intellectu producit verbum relatum ad alios fit, quod sit obiectum ex natura sua proportionatum intellectibus aliorum modo explicato, & quod sit de pertinentibus ad statum naturalem ipsorum. Ideoque rectè ait S. Thomas qu. 9. de veritate artic. 4. ad 11. per eandem speciem Angelum audientem intelligere ea, quæ manife-

D d

stan-

stantur, seu dicuntur, per quam cognoscit Angelum loquentem, & quidquid est in eo ex prædicatis, seu operationibus naturalibus; & consequenter statim ac Angelus voluntariè se ordinat ad alterum Angelum secundum actum alicuius formæ intelligibilis, alter Angelus cognoscit eius cogitationem. Præterea ut dixi supra, per hunc modum paucioribus explicatur natura huius locutionis, quod est secundum rectum philosophandi modum; frustra enim explicatur per plura, quod æquè benè potest explicari per pauciora: nam rectè saluantur omnia requisita per hoc solum, quod detur conceptus relatiuè formatus in Angelo loquente, & species talis conceptus in Angelo audiente; Alia, quæ ab alijs auctoribus requiruntur extranea, vel superaddita his, ut sunt alia signa, vel corporalia, vel spiritalia, aut aliquid aliud simile, sunt superflue, & extra quidditatem locutionis, & auditionis Angelicæ. Hoc clarum fit si attendas, quod in hoc modo à nobis explicato. Primo est naturalis significatio obiecti, quod cognoscitur in illo verbo relatiuè producto. Secundo est respectus intrinsecus ad personam, ad quam dirigitur talis conceptus relatiuus; omnis enim locutio est de re à persona ad personam. Tertio: est excitatio obiectiua sufficiens ad hoc, ut alter audiat: nam, ut ait Angelicus Doctor qu. 9. de Verita-

te artic. 4. ad 6. eo ipso, quod Angelus se conuertit ad alios, formando conceptum relatiuum de aliquo, obiectiue excitat alium Angelum ad se audiendum, & ad sibi attendendum, quatenus ponit in rerum natura obiectum proportionatū speciei, quam habet alter, quæ statim actu vtitur, cum semper sit in actu eorum omnium, quæ ad se pertinent. Facilliter etiam in hac sententia explicatur quomodo possit Cædæmon mentiri alteri, licet non possit assentiri ei, quod ipse putat esse falsum, potest enim velle formare verbum ordinatum ad alterum significans oppositum eius, quod ipse putat esse verum, & potest tale verbum formatum, cognoscere apprehendendo, nō tamen iudicando, & assentiendo tamquam obiecto vero. Denique in hac sententia patet, quomodo Angelus loquatur Deo; & facillè explicantur, quæ occurrunt difficilia in hoc puncto, dicendo hanc locutionem consistere in eo, quod est Angelum ordinare conceptum ad Deum, non tamen ad communicandum, vel manifestandum aliquid ei; omnia enim nota sunt, & aperta, ac nuda oculis eius; & non indiget, quod aliqua creatura ei reueler, aut manifestet aliquid actiue, quomodo manifestant Angeli, & homines inter se. Deus enim est Auctor omnis veritatis, & voluntatis. Sed loquitur Angelus Deo, ad accipiendum aliquid ab eo passiuè se habet.

habendo. Puta ad consulendam diuinam voluntatem, vel ad laudandā diuinam excellentiam seu ad exorandam diuinam pietatem, & misericordiam, vt docet S. Thomas prima parte qu. 107, artic. 3. Dixi supra mihi videri hanc esse sententiam S. P. lib. 15, cap. 10, eo quod ibi expressè locutionem spiritualem dixit esse ipsas cogitationes; ait enim *cum locutio foris non videatur, sed potius audiatur, locutiones tamen interiores hoc est cogitationes vsas dixit à Domino S. Euangelium.*

Dices: æquè benè, immò & melius explicatur locutio Angelorum, inter se in aliquibus ex supra allegatis sententijs, quam in sententia Thomistica; ergò potius illis, quam isti adhærendum. Si enim dicatur locutionem fieri per signa intellectuality, vt habent Auctores secundę sententię, melius percipitur proportionaliter ad nostras locutiones, quomodo vnus Angelus loquatur alteri, & eius locutio sit quid diuersum à cognitione, & auditione, cum reuera debeant distingui saltem formaliter intellectio, locutio, & auditio. Item si dicatur cum Nominalibus locutionem fieri effectiue causando cognitionem obiecti in intellectu alterius Angeli, melius percipitur locutio, & auditio: nam & in nobis locutio vnus hominis causat effectiue auditionem nostram, siue postea alter Angelus se habeat actiue, vt fortè vo-

lunt ipsi Nominales, siue passiuè solum, vt volunt Scotistę. R. tamen negando antecedens, cuius negationis causas assigno, examinando singulas ex prædictis sententijs, & referendo rationes, propter quas communiter in schola S. Thomę illę nō admittuntur.

Prima sententia relata à Durando, licet in specie videatur cōuenire cum sententia S. Thomę; nihilominus vt refertur ab illo, & a Valentia tomo primo disp. 8, qu. 4. Puncto secundo §. *Sed cum sit certum* valde differt ab illa: nam vel illa naturaliter nota, quę requirit, sunt signa naturalia occultorum, & tunc semper loqueretur Angelus per illa, & sic locutio non esset libera; vel sunt signa ex libera institutione, & ad placitū Angeli: & tunc non poterit alter Angelus intelligere quidquam per illa, nisi prius per aliam aliquam locutionem ipsius Angeli loquentis intellexerit, quod ad hoc vel illud significandum sunt instituta; quo pacto is, qui linguam hæbraicam ignorat, non potest intelligere conceptiones eius, qui solum verbis hæbraicis vtitur, & illa exprimit; quo posito esset præterea concedendus processus in infinitum; nam cum illa locutio fieret, & ipsa per alia nota naturaliter, requireretur alia locutio, & sic deinceps: ex quo patet prædictam sententiam non assignare sufficientem modum locutionis Angelicę.

Dd 2

Secun-

Secunda sententia communiter rejicitur à Thomistis. Primo: quia sequeretur locutionem esse actionem voluntatis volentis formare illa signa, non verò intellectus. Secundo: quia esset actio transiens à voluntate in intellectum; cum tamen S. P. lib. 15. de Trinitate cap. 10. doceat esse actionem intellectus; dicit enim ibi, locutionem cordis esse cogitationem, & cum eo communiter sentiunt alij PP. & plurimi DD. ac propterea necesse sit, eam esse actionem immanentem, sic Theophilactus ad illum locum S. Pauli. *Si linguis hominum loquar, & Angelorum*, (ait) linguam Angelorum esse potentiam intelligendi, qua inuicem communicant sensa. Theodoretus ibi Angelorum linguas non sensa, sed intelligentia percipi docet, per quam Deum laudant, & inter se differunt. Item Venerabilis Beda lib. 2. in Iob ad illud cap. 7. *si subito apparuit Aurora*, dicit Angelorum locutionem non fieri sine intellectus enunciatione. Tertio cum huiusmodi signa omnibus pateant, sequeretur vnum Angelum non posse loqui alteri, quin omnes audirent; quod videretur esse contra rationem societatis, & amicitiae. Si dicas cum Molina, denegari à Deo concursum alijs, ne audiant, quia sic oportet fieri; contra est, quia hoc modo violenter illi ab auditione impedirentur, cum habeant talium signorum species; & sic esset mi-

raculum perpetuum, quod illi nunquam audirent; quod poni non debet sine urgente necessitate, quapropter melius videntur sentire, & explicare alij, qui hanc sententiam sequuntur, dicendo, hæc signa esse etiam in intellectu audientis; ita ut sicut in nobis est aliquid, quod alter naturaliter percipit, verbi gratia vox exterior, & aliquid, quod secundum se percipi non potest ab omnibus, puta conceptus interior mentis, & hic innotescit per signum exterius, idest per vocem, aut nuntium; ita in Angelis est aliquid, quod omnes videre possunt, idest signum intellectuale, aliud verò, quod non possunt omnes, idest motus voluntatis. Ita in Angelis locutio formaliter consistit in expressione, aptatione, & ordinatione conceptus mentis per ordinem ad signum intellectuale; tali modo, ut ex illa ordinatione illud signum naturaliter cognitum efficiatur significativum interioris conceptus, & manifestativum illius: quo pacto loquens latinè cum vno, qui novit linguam, esto alij, eam ignorantes linguam audiant, nihilominus ille solus percipit conceptus, qui callet linguam, alij vero solum percipiunt materiale vocis sonum; neque enim illa verba sunt ordinata, & aptata eorum cognitioni. Hic modus sic explicatus probatur à suis assertoribus. Primo: quia non implicat dari huiusmodi signa intellectualia, siue dicamus,

camus, ea significare ex institutione diuina, sicut dixerunt aliqui, quod significabant illa verba, quibus Adā utebatur; siue dicatur, & melius, illa significare naturaliter, eo quod non videatur impossibile, dari qualitates spirituales, quæ sint naturales imagines conceptuum, sicut ipsi conceptus sunt spirituales, & naturales imagines rerum; ita tamen, ut sit in potestate loquentis, illa ita aptare, & ordinare, ut solum percipiantur ab ijs, ad quos diriguntur, sicut data proportionem nos aptamus voces, nuptus, & scripturas, ita ut, licet alij intelligant materialitatem eorum, illi tamen soli percipiant conceptus, ad quos dirigimus illa signa, ut dictum est. Probant secundo: quia hoc modo faciliter soluuntur difficultates de locutione Angelorum; sic enim explicatur quomodo vnus loquatur vni, & non alijs, quia scilicet huiusmodi signa sunt tantum eorum, quæ spectant ad Angelos, ad quos dirigitur locutio, ac proinde, cum Angelus, ut docet S. Thomas in secundo dist. vndecima articulo tertio ad quartum, & ad 9. & quæst. 9. de Veritate artic. 4. ad 11. semper sit in actu cognoscendi se, & omnia, quæ ad se pertinent, & locutio ista sit de pertinentibus ad ipsum, ad quem dirigitur; statim ac Angelus aptat, & ordinat suum conceptum, ut sit conformis, & similis signo intellectuali, quod alter habet, hic statim audit

loquentem, cæteri vero minime, quia licet habeant signa intellectualia locutionum, non tamen illius conceptus, qui ordinatur ad eam audiuetem, & non ad alios. Sic etiam explicatur rectè quomodo vnus potest audire plurimos Angelos loquentes; quia scilicet illæ locutiones ordinantur ad ipsum, & sunt de pertinentibus ad eius statum. Præterea sic clarum quomodo vnus possit loqui alteri distanti, quia scilicet talis locutio, & auditio, cum essentialiter consistant in actionibus purè spiritualibus, puta intellectualibus, abstrahunt à loco, situ, & tempore. Denique, quia hoc modo explicatur quomodo non sit necessarium, ut semper Angelus loquens manifestet alijs suos conceptus prætereum, ad quem dirigit locutionem. Hæc sententia sic explicata non displicet in alio, nisi in eo, quod videtur frustra multiplicare illa signa, maxime si ponat esse omninò realiter distincta ab ipsis conceptibus, quos Angelus vult manifestare, ut ponere debet, si vult consequenter loqui: cum sufficienter sine prædictis signis realiter distinctis saluetur ipsa locutio Angelorum in sententia S. Thomæ iam explicata, & non sint multiplicanda entia, absque necessitate.

Ter tia sententia; quæ est Nominalium; reijcitur communiter à Thomistis, & a pluribus alijs, primo quia ex eorum modo explicandi sequetur

retur

aliud locutionis modum innotescerent Angelis, ut scirent, quod ad hoc, aut illud significandum essent liberè ab ipsis Angelis, vel aliquo illorum instituta.

Quinta sententia, quæ est Scoti, rejicitur. Primò, quia Angelus inferior non posset loqui cum Angelo superiori, nisi admittatur inferiorem habere actionem physicam in naturam sibi superiorem, quod est inconueniens. Secundo: quia manifestè repugnat sententiæ S. P. qui lib. 15. de Trinitate cap. 10. ut supra notauimus, dicit in spiritualibus idem omnino esse audire, & videre, licet in corporalibus vnum sit diuersum ab alio: ait enim ibi S. P. *Foris cum per corpus, hæc sunt aliud est locutio, aliud visio, intus autem cum cogitamus utrumque vnum est. Sicut auditio, & visio duo quædam sunt inter se distantia in sensibus corporis; in anima autem non est aliud, atque aliud videre, & audire.* At Scotus apertè distinguit realiter in Spiritibus Angelicis auditionem à visione. Tertio: rejicitur eadè ratione, quia reiecta est sententia Nominalium, quia videlicet etiam hæc locutio non esset actio immanens, & vitalis, sed transiens. Quarto: quia si admittitur vnum Angelum posse producere intellectionem in intellectu alterius, hoc se habente solum, passivè, sequitur etiam, quod possit producere volitionem, etiam si iste esset superior, & vnum posse cogere

alterum; ac etiã posse efficere, quod amet incognitam, cum non sit maior ratio de intellectione, ac de volitione. Denique sequeretur intellectum posse intelligere sine specie impressa, si admittatur Angelum posse producere cognitionem, seu conceptum in intellectu alterius non impressa specie; Si dicas imprimi speciem prius; contra est, quia tunc in illa auditione, seu conceptione Angelus audiens non se haberet amplius passivè solum; [ut vult Scotus] sed deberet concurrere actiue simul cum illa specie ad producendum talem conceptum.

Præter prædictas sententias antiquorum, Recentiores quidam, ut vidi in quibusdam M. SS. eruditissimis, aliã sententiam, & modum excogitauerunt, dicentes. Angelum loqui alteri Angelo producendo speciem sui actus in illo, & talem speciem produci actione spirituali, non exigente medium, & directiue procedente ab intellectu, imperatiue à voluntate, & executiue ab actu intellectus, vel voluntatis formandò conceptum; quæ vult alteri manifestare; ita ut triplex actio profluat à tali actu, duæ necessariz vna scilicet, quæ producit speciem sui in loquente, per quam recordatur cognitionis habitæ, altera, quæ producit habitum. Tertia est libera subiecta voluntati, quæ produciatur species in alio Angelo. Tribuunt hæc sententiam Alesius, Alberto Ma-

gno,

gno, Ricardo, & S. Bonaventuræ ; sed falluntur: nam isti re vera sequuntur sententiam, quam nos amplectimur; ut est germana S. Thomæ locis supra citatis pro sexta sententia; dicunt enim expressè, Angelum, cum loquitur, uti verbo aliquo, & locutionem perficere in ordine ad alterum, & diverso modo loqui ad alterum competere Deo, hominibus, & Angelis; locutio enim Dei ad nos præter intellectionem increatam Dei relata ad nos includit aliquem effectum in nobis, puta aliquam revelationem, vel per species de nouo impressas, vel per nouam ordinationem specierum existentium in phantasia, vel aliquem morum internum inspiratum, & hoc Alensis, & S. Bonaventura colligunt ex S. Gregorio. In hominibus superaddunt signum vocale ad alterum. In Angelis vero supra cogitationem addunt respectum ad alterum, & nihil aliud ultra.

Quapropter etiâ modus iste mo-

dernus reijci debet. Primo: quia sine tali productione speciei rectè explicatur locutio modo, qui non importat imperfectionem in audiente, sicut importat hæc productiua Recetioribus excogitata. Secundò quia talis locutio esset actio. transiens, & non esset essentialiter intellectio, ut docent PP. supra relati. Tertio quia producere talem speciem est facere aliquem potentem ad audiendum, seu intelligendum, non verò formaliter loqui. Denique; quia difficillimum est reddere rationem, cur actus cogitationis producat liberè speciem sui in alio Angelo, & necessario producat confimilem actum in ipso Angelo, ei, à quo talis actus productus est. Vide Vasquez tomo 2. in prima parte, Disp. 211. cap. 4. & 5 ubi latè examinat hanc sententiâ, eamque reijcit tamquam eisdem diffultatibus obnoxiam, quibus præcedentes sententiæ reiectæ laborant.

AXIOMA NONVM.

Quomodo Angelus illuminet mentes inferiores.

Ex enarrationibus, in Ps. 118. concione 18. in fine.

Deus per seipsum: quia lux est, illuminat piæ mentes, ut ea, quæ diuina dicuntur, vel ostenduntur, intelligant. Sed si ad hoc ministro utitur Angelo potest quidem aliud agere Angelus in mente hominis, ut capiat lucem Dei,

Dei, & per hanc intelligat; Sed ita dicitur intellectum dare homini, & quasi ut ita dicam intellectuare hominem, quemadmodum quisquam dicitur lucem dare domui, vel illuminare domum, cui fenestram facit: cum eam sua luce non penetret, & illustret, sed tantummodo aditum, quo penetretur, atque illuſtretur, aperiat. Sed nec Sol, qui per fenestram illustrat domum, ipse creauit eandem domum, aut hominem, qui fenestram fecit in domo &c. aut aliquid aliud egit, ut aperiretur, qua suum lumen infunderet. Deus autem, & hominis mentem rationalem, atque intellectualem fecit, qua posset capere lumen eius, & Angelum salem fecit, qui operari posset aliquid, unde ad capiendum lumen Dei mens adiuuaretur humana, & eandem sic adiuuat mentem, ut Angelicam recipias operationem, & eam sic illuminat de seipso, ut non solum illa, quæ Veritate monstrantur, sed ipsam quoque proficiendo perspicias veritatem.

D V B I V M

Quomodo vnus Angelus illuminet
aliu[m], & in quo differant illumi-
natio, & locutio.

TRes sunt præcipuæ circa primū punctū in DD. sententiæ. Prima est Capreoli in secundo dist. 11. qu. 2. artic. primo. Concl. 2. & ad primum, ac etiam Durandi ibidem, quid docent fieri per infusionem nouarum specierum. Secunda est Scoti in secundo dist. 9. qu. 2. Bastolij qu. prima art. 2. O. a. ni qu. 20. art. 2. & Gabr. qu. 2. artic. 4. asserentium fieri per infusionem conceptus veritatis manifestaræ. Tertia sententia est Alensis prima parte qu. 38. memb.

3. S. Bonauenturæ in 2. dist. 10. art. 2. qu. 2. B. N. Egidij dist. 9. qu. prima artic. 5. Thomæ de Argentina. qu. prima artic. 3. Marfilij in 2. qu. 7. artic. 4. concl. prima & in solutionibus argumento ū Caietani prima parte qu. 106. artic. primo qui docent vnum Angelum illuminare alterum per externam solum propositionem, absq; eo, quod aliquid impri-
mat Angelo illuminato: propterea.

Dico primo. Angelum superiorem illuminare inferiorem, quatenus
Ec
tenus

tenus intra se ita exprimit suum conceptum, ut ordinet illum ad alterum; ita ut ab illo intelligatur. Hæc sententia est communis inter illos DD. quos in præcedenti dubio citavi pro sententia, quam circa locutionem Angelorum sequor. Et prob. primo auctoritate S. P. in hoc Axiomate, in quo docet; hoc modo Angelos illuminare homines: unde à fortiori colligitur; hoc etiam modo Angelos superiores illuminare inferiores, cum minor actiuitas requiratur ad illuminandum Angelos, quam ad illuminandum homines: in illis enim minora obstant impedimenta, quam in istis, & propterea merito Vasquez, tomo 2. in prima parte disp. 216. cap. 5. videtur hoc axiomate ad probandam hanc sententiam, & infert, dicendum esse multo maiori ratione vnum Angelum in intellectum eius, quem illuminat, nihil operari; sed se habere ut Doctorem proponentem exterius veritatem. Prob. secundo: quia illuminatio est quædam locutio de rebus spiritualibus, & supernaturalibus; sed locutio consistit essentialiter in formatione verbi relativi ad alium; ergo etiam illuminatio: propterea S. Thomas prima parte qu. 106. artic. primo ad 2. & qu. 9. de Veritate artic. primo docuit; non fieri illuminationem vnius Angeli ab alio, per traditionem luminis gratiæ, & gloriæ, & loco citato de Veritate ad 12. non fieri per infusionem no-

uarum specierum; nec potest secundum ipsius principia dici, quod fiat per infusionem conceptus veritatis manifestatæ; nam locus citatis docet; ex speciebus, quas prius habebat intellectus Angeli illuminati confortatus per lumen superioris Angeli fieri, ut sit cognoscitius plurium; quemadmodum noster intellectus confortatus per lumen diuinum, vel Angelicum potest ex eisdem phantasmatibus in cognitionem plurium deuenire, quam per se posset.

Dices: ergo de mente S. Thomæ est, quod in intellectione Angeli illuminati, recipiatur intrinsecè aliquod lumen, per quod S. Doctor dicit eum confortari, ut possit plura intelligere per illud, quam posset sine illo. R. aliquos propter ea quæ prima parte qu. 106. docuit, putare eum in hac fuisse sententia, cuius mentem, & doctrinam explicant dicendo, fieri ex parte intellectus Angeli illuminati proportionem cum obiecto, vel traditionem medijs intelligibilis perficientis intellectum eius, qui illuminatur, & ita hunc confortari ad cognitionem veritatis ignotæ ex parte speciei (nam secundum hæc duo, quæ ad cognitionem concurrunt, potest alicui manifestari veritas ignota) & hoc fieri per particularizationem, diuisionem, & multiplicationem conceptuum Angeli illuminantis; scilicet per proportionem obiecti; vel medijs per exempla similitudinis; & hæc pro-

proportionata intellectui Angeli illuminati efficere, ut possit, uti speciebus, quibus ante traditionem talis medij, & talis modi uti non poterat ad absensum huiusmodi veritatis ignoscere. Confirmant hæc ex ijs, quæ ipse Angelicus Doctor docuit in 2. 2. qu. 15. art. 2. nempe ad intellectualem visionem triplex lumen concurrere, naturale scilicet, habituale, seu speciem intelligibilem & obiectum, seu medium intelligibile, quod quia ducit in cognitionem alterius rei, lumen dici potest: Ex his, lumen naturale (docet) per reliqua duo confortari, corroborari, & perfici, non quidem intensivè, sed extensivè, quatenus lumen naturale adiutum duobus alijs luminibus potest ea cognoscere, quæ sine illis non poterat. Ex quibus concludunt isti, in sententia D. Thomæ dicendum esse, in hac illuminatione recipi aliquid in intellectu Angeli illuminati; nam sine receptione non potest stare illa corroboratio, & illa traditio medij intelligibilis, per quam intellectus Angeli dicitur illuminari. His tamen non obstantibus: Caietanus in Commentarijs articuli primi dictæ quæstionis 106. illum benignè interpretatur, & exponit de propositione exteriori: supra à nobis cum S. P. explicata: quem secuti sunt postea etiam recentiores Thomistæ, & novissimè Io. Baptistæ Gonnerus tomo 6. sui Clypei Theologici disp. 13. art. 2.

& purant prædictam illuminationem, & corroborationem sufficienter explicari per aliquid exterius coniunctum, & non esse necessarium aliquid interiùs receptum; quemadmodum in præceptore, qui tunc dicitur, illuminare discipulum, cum illi exterius tradit medium aliquod, quo confortatus intellectus discipuli evidenter cognoscit connexionem terminorū, seu passionis cum subiecto, & ea, quæ ipse in summa, & paucioribus conceptibus capit, multipliciter distinguens, providens capacitati discipuli.

Dico secundo pro solutione secundi puncti: illuminationem, & locutionem differre in multis, & primo in obiecto materiali; nam licet neutra sit de pertinentibus ad visionem Beatificam; cum de his omnibus illuminentur à Deo, iuxta illud Prophetæ Hier. cap. 31. *Non docebit vir fratrem suum.* Nihilominus non omnis locutio est illuminatio, licet omnis illuminatio sit locutio; ratio discriminis est, quia locutio est de rebus tam notis, quam ignotis; illuminatio vero solum de ignotis, & ideo locutio non solum est de illis, quæ reuelantur extra visionem Beatificam Angelorum, quæ excedunt cognitionem naturalem, ut de Divinis Mysterijs pertinentibus, vel ad Ecclesiam triumphantem, vel ad militantem, & de rationibus operum divinorum, quorum plura videntur ab vno in Verbo, quam ab altero; ut sunt plures

Ec 2

habi-

habitudines, & effectus passionis Christi Domini; & de e.s. quæ pertinent ad dispositionem mundi, & præcipuè ad salutem electorum, de quibus, quia vsque ad diem Iudicii semper reuelantur, ideo semper remanent aliqua, de quibus superiores illuminant inferiores; sed etiam est de pertinentiis ad res naturales. Verum illuminatio non est de rebus naturalibus quoad quidditates saltem primò, & per se; nam horum cognitiones Angeli habent à principio per species concreatas; possunt tamen esse de aliquibus rationibus ipsarum rerum naturalium; has enim non est necessè omnes ab omnibus sciri, & ideo de his possunt inferiores à superioribus illuminari; consequenter ad ea, quæ docuit S. Tho. prima parte qu. 55. articulo ultimo. Differunt 2. in ratione formali obiecti; obiectum enim formale illuminationis est verum dependens à prima Veritate; locutionis autem est aliquid, ut dependens à voluntate creata, ut cum dicit volo hoc facere. De rebus enim necessarijs, seu naturalibus non est locutio, cum ab illis omnibus æquè per suas species cognoscantur. v. g.

homo est animal rationale, quod si daretur casus, quod aliquod ex his esset ignotum, tunc de hoc etiam posset esse illuminatio. Differunt 3. in proprietate; nam locutio potest esse, & vera, & falsa, ut patet in Dæmonibus; licet enim hoc non detur in spiritibus Beatis, hoc est ratione status ipsorum; non tamen ex eo quod locutio ex genere suo non possit habere utrumque. Differunt quarto subiecto, nam regulariter solum Angeli superiores illuminant inferiores, locutio verò tam est superioris ad inferiorem, quam inferioris ad superiorem. Differunt 5. fine. Docet enim S. Thomas prima parte qu. 209 artic. 3. in corp. illuminationem propriam esse manifestationem veritatis, secundum quod habet ordinem ad Deum, qui illuminat omnem intellectum; At locutio potest esse coniuncta cum manifestatione alterius cuiuscumque veritatis, ut cum Dæmon superior veritatem aliquam, quam ipse cognoscit inferiori manifestat; unde inter Dæmones datur quidem locutio, non verò illuminatio propriè, & in rigore sumpta; plura de his apud S. Thomam prima parte qu. 106.



CONTRORSIA

S E X T A

De Voluntate, & Amore Angelorum.

AXIOMA PRIMVM.

In Angelis est Voluntas, & libertas.

Ex lib. 12. de Ciuitate Dei Cap. primo.

D Eus liberum arbitrium eidem intellectuāli naturā tribuit tale, ut si vellet deferere Deum, Beatitudinem scilicet suam, continua miseria esset secutura.

D V B I V M.

Vtrum in Angelis sit voluntas, & liberum arbitrium.

D Ico primo: esse æquē certum, in Angelis esse volūtatē, ac eos esse quasdam creaturas intellectuāles; Omnis enim creatura intellectuālis non solum est prædita facultate cognoscitiua, sed etiam inclinatione in bonum vniuersaliter apprehensum consequente facultatem illam, illique in suo gradu corrispon-

dentem, quam inclinationem appellamus voluntatem. Hæc conclusio sic explicata probatur communiter à Theologis cum S. Thoma prima parte qu. 79. artic. 2. auctoritate S. P. lib. 10. de Trinitate cap. 9. vbi docet imaginem Dei reperiri secundum intelligentiam, & memoriam, & voluntatem; sed Angelus est ima-

go Dei; ergo in eo, sicut est memoria, & intellectus, ita etiam necesse est, ut reperiatur voluntas. Et confirmari potest ex eo, quod docet in hoc Axiomate, nempe in Angelis esse liberū arbitrium; implicat enim contradictionem dari liberum arbitrium, ubi non datur voluntas. Prob. 2. eadem ratione eiusdem Angelici Doctoris quā in explicatione cōclusionis attingi; quia in ijs est Volūtas in quib⁹ est potētia inclinans ad ipsum bonū vniuersaliter apprehensū; nihil enim aliud est voluntas, quā talis potētia; sed in Angelis datur huiusmodi potētia; ergo in eis est Voluntas. Maior est certa: Minor probatur; nam quælibet res inclinatur in bonum sibi proportionatum, cum hac tamen differentia, quod quædā inclinatur in bonum per solam naturalem habitudinem sine vlla cognitione, ut plantæ, saxa, metalla, & cætera huiusmodi, & talis inclinatio vocatur appetitus naturalis; quædam verò inclinatur in bonum cū aliqua cognitione, non tamen vniuersali, ita ut cognoscant ipsam rationem boni in communi; sed tale n solum, ut cognoscant aliquod bonum particulare sibi proportionatum; v. g. calidum, & frigidum, dulce, & amarum, album, & nigrum, & inclinatio sequens hanc cognitionē non dicitur voluntas, sed appetitus sensitivus; consequitur enim operationem ipsorum sensuum. Quædam

denique inclinatur ad bonum, cognoscendo ipsam rationem boni, & in communi, & in particulari, & hæc cognitio est operatio potētiæ spiritualis, id est rationalis, seu intellectuales, & propterea inclinatio consequens ad hanc operationem, seu potētiā dicitur appetitus rationalis, & vniū nomine voluntas; Et cum supra ostensum sit, dari in Angelis cognitionem intellectualem; consequens est, ut detur etiam in illis potētia inclinans in bonum taliter cognitum, ac proinde quod detur in eis voluntas.

Dico secundum in Angelis esse liberum arbitrium, ut recte docet S. P. in Axioma e. Probat primo; quia liberum arbitriū competit illis creaturis, quæ possunt agere ex iudicio proponente vtramque partem, vel contrarietatis, vel contradictionis; Sed Angeli possunt agere, & se determinare ex tali iudicio; ergo habent liberum arbitrium. Et hæc est ratio, quam tangit S. P. in Axiomate, cum ait *liberum arbitrium intellectus*. *Et talis natura tribuit tale, ut si vellet deferere Deum, &c.* docens in potestate naturæ Angelicæ antè assēctionem gloriæ fuisse, vel adherere, vel deferere Deum; vtramque enim partem huius contrarietatis proponebat iudicium ipsorum vniūque esse in potestate. Confirmatur, quia si talis potestas, est in hominibus, eo quod sunt naturæ intellectualis, à

for-

fortiori dicendum erit esse in Angelis, cuius natura intellectualis est perfectior. Probatur etiam ex ordine vniuersitatis creaturarum; in his enim sunt quædam, quæ agunt solû, vt ab alijs acta, vt sera à secante, mal leus à fabro, & gladius à gladiatore, & huiusmodi res certum est non habere liberum arbitrium; cum non agant nec ex iudicio, nec ex cognitione. Aliqua sunt, quæ agunt solum ex aliqua cognitione imperfecta, per quam non cognoscuntur ambæ partes contradictionis, vel contrarietatis; sed determinatè solum apprehenditur in particulari hoc esse noxium, illud verò iucundum, seu vtile, v. g. ouis videt lupum, & fugit, quia in particulari cognoscit hoc esse sibi noxium: videt herbam virentem, & accurrit, quia cognoscit in particulari sibi esse iucundam; sed cum hæc propensio, seu inclinatio sit à cognitione determinata ad hanc rem in particulari, & non proponens indifferenter vtramque rationem, non potest illa inclinatio dici liberum arbitrium, cum careat indifferentia necessaria ad veram rationem libertatis. Quædam denique sunt, quæ habent potentiam cognoscentem, & iudicantem cum indifferentia in vniuersali, & proponentem vtramque partem oppositionis; qua cognitione inclinatio consequens potest amplecti quamlibet partem contrarietatis, aut contradictionis,

quam maluerit, & talis inclinatio, seu potentia dicitur verè, & propriè liberum arbitrium; quia habet omnia requisita ad veram libertatem. Et hoc, loquendo de creatis, reperitur solum in Angelis, & hominibus: quia in his solum datur potentia rationaliter cognoscitiua, & iudicatiua, prout necessariò requirit dictum est.

Queri hic solet an in Angelis voluntas distinguatur realiter ab intellectu, & ab ipsa substantia eorû. Respondeo consequenter ad ea, quæ dixi in Textu Philosophiæ naturalis tomo 3. vbi de anima cap. 6. & cum S. P. N. Augustino qui, lib. 9. de Trinitate, cap. 4. & 5. agit hanc quæstionem, (loquor de distinctione memoriæ, intellectus, & Voluntatis) eamque his verbis concludit *Miro itaque modo ista tria separabilia sunt à semetipsis, & tamen eorum singulum quodque substantia est; & simul omnia vna substantia, vel essentia, cum relativiè dicantur ad inuicem.* Dixi has potentias in Anima nostra non distinguí realiter, sed sola ratione ratiocinata; & cōsequenter à fortiori dicendum hoc erit in Angelis habere locum, iuxta illud vulgatum, ea, quæ sunt dispersa in inferioribus, in superioribus sunt vnum, & idem. Argumenta, quæ in contrarium adducuntur tam circa potentias spirituales animæ rationalis, quam Angelorum, probant solum distinctionem virtua-
lem, non verò realem; & propterea

ab

ab illis adducendis supersedeo.

Quæri etiam solet, an in Angelis sit appetitus irascibilis, & concupiscibilis. Responderet S. Thomas loco citato artic. 4. negatiuè, eo quod hæc distinctio sit solum appetitus sensitiui. Et in Angelis non datur nisi appetitus intellectiuius. Ratio est, quia potentiæ non distinguuntur per obiecta secundum diuersas rationes materiales, sed solum secundum diuersas rationes formales, vt patet in qualibet potentia sensitiua; nam in tactu non distinguimus plures potentias tactiuas, quarum vna sit frigoris, altera caloris, nec in visu vnâ po-

tentiam pro albedine, & alteram pro nigredine, eo quod in ordine ad dictas potentias rationes istæ sunt materiales, & conueniunt sub vna ratione formali specificatiua, harum potentiarum, illæ videlicet sub ratione tangibilis, & istæ sub ratione visibilis; sic etia in ordine ad appetitum rationalem, seu intellectiuium rationes illæ concupiscibilis, & irascibilis conueniunt in vna ratione formali boni in communi ratione boni, terminantis quemcumque actum voluntatis Angelicæ; & propterea nulla est necessitas distinguendi hos duos appetitus in Angelis.

AXIOMA SECVNDVM.

Angeli diligunt Deum, seipfos, & nos.

Ex lib. 10. de Ciuitate Dei cap. 7.

Merito illi in celestibus sedibus constituti Angeli immortales, & Beati, qui Creatoris sui participatione congaudent, cuius aternitate firmi cuius veritate certi, cuius munere sancti sunt: quoniam nos mortales, & miseros, vt immortales, Beati que simus, misericorditer diligunt, nolunt nos sibi sacrificare, sed ei, cuius & ipsi nobiscum sacrificium se esse nouerunt. Cum ipsis enim sumus vna ciuitas Dei, cui dicit in Psalmo. Gloriosa dicta sunt de te ciuitas Dei: cuius pars in nobis peregrinatur, pars in illis opitulatur. De illa quippè superna ciuitate, vbi Dei voluntas intelligibilis, atque incommutabilis lex est, de illa superna quodammodo curia (geritur namque ibi cura de nobis) ad nos ministrat a per Angelos Sancta illa scriptura descendit, vbi legitur: Sacrificans Dijs eradicabitur, nisi Domino soli.

D V B I V M.

An Angeli diligant Deum, seip-
fos, & nos.

P Remitto: amorem Angelicum quadrifariam diuidi posse. Primo in naturalem, & supernaturalem. De hoc secundo S. P. lib. 12. de Civitate Dei cap. 8. ait *Charitatem fuisse etiam diffusam in mentibus Angelorum per Spiritum Sanctum, qui datus fuit illis*. Secundo in amorem amicitie, & concupiscentie; de hac diuisione meminit S. Thomas prima parte qu. 60. art. 3. Tertio diuiditur in amorem necessarium, idest qui elicitur cum quadam determinatione, ita vt non possit non elici, vel quoad specificationem, vel quoad exercitium, vel quoad vtrumque, & in amorem liberum, qui etiam dicitur electiuus, & est is, qui elicitur cum quadam indifferentia, siue quoad specificationem, siue quoad exercitium, siue quoad vtrumque. Quarto diuiditur in amorem bonum, & malum. Bonus est, qui cum lege diuina congruit, malus verò, qui ab illa discrepat. Hunc habuerunt, & habent solummodo Demones. His positis.

Dico primo: Angelos diligere se ipsos, & dilectione naturali, & dilectione electiuua. Prima pars probatur, quia quælibet res etiam cognitione carentes naturaliter appetunt consequi illud, quod ipsis est bonum, vt lapis centrum; ignis suam sphaeram; Vegetabilia alimentum; & sensitiuua obiecta sibi proportionata; Ergo etiam Angelus, & homo appetunt naturaliter suum bonum, & suam perfectionem; sed hoc appetere est idem, ac velle sibi bonum, & amare seipsum naturaliter; ergo dilectione naturalis Angeli diligunt se ipsos. Secunda pars probatur ab aliis, qui sentiunt Angelum posse cessare à cognitione sui; & consequenter etiam à dilectione; ac proinde diligere seipsum esse actum liberum, quoad exercitium, & hoc modo diligere seipsum actum esse electiuum in Angelo. Verum quia est incertum; an Angelus possit cessare ab omni actu cognitionis sui ipsius, & videtur, probabilius esse, quod non possit, cum obiectum sit semper præsens, & po-

Ff

ten-

tentia expedita ad actum; ac proinde quod sicut potentia visiva, posito obiecto proportionato, & omnibus requisitis ad visionem, non potest suspendere actum videndi, ita nec etiā potentia intellectiva respectu obiecti, maxime præsentis, & habens omnia requisita, ut habet Angelus respectu sui, non possit suspendere actum intelligendi seipsum, ac proinde propter eandem rationem nec etiam actum amoris quoad aliquod bonum. Propterea melius probatur ab alijs cum S. Thoma prima parte qu. 60. artic. 3. quia alia sunt bona communia, & substantialia, ut esse, & subsistere, & hæc, cum sint naturalia, Angelus tibi naturaliter ea vult; alia sunt bona accidentalia, ut sunt hæc, vel illa operatio, quæ sunt in eius potestate; & hæc, cum liberè exercentur, sic etiam liberè, & electivè diliguntur ab Angelo, ut motus iste, vel ille, intellectio, aut volitio huius, vel illius obiecti creati, à se distincti; & his similia.

Dico secundo: Angelum naturaliter diligere alium Angelum, sicut seipsum. Prob. ratione, qua utitur S. Thom. prima parte qu. 60. artic. 4. nempe quia cum Angelus naturaliter diligit seipsum, consequenter diligit id omne, cum quo est unum in naturalibus; sed omnes Angeli sunt unum in natura, cum omnes conveniant in uno genere, ergò unus alii naturaliter diligit, tamquam seipsum,

ita tamen, ut illa particula [tamquam] importet similitudinem, non verò æqualitatem.

Eadem ratione probatur etiam Angelos naturaliter diligere homines; eo quod cum illis sunt unum in genere, non solum substantiæ; sed etiam Spiritus, ratione animæ rationalis, cum qua conveniunt in gradu naturæ intellectualis.

Dices: Dæmones odisse alios Angelos, ac etiam nos homines; Ergo falsum est, quod illos, & nos naturaliter diligant. Antecedens est certum. Consequentia probatur, quia si naturaliter diligerent illos, & nos, non posset non amare, amor enim naturalis est amor necessarius, ac proinde qui hoc modo amat, non potest odisse. R. Dæmones non odisse Angelos, & homines quoad naturam, in qua conveniunt; sed quoad illas perfectiones, in quibus cum Angelis, & nobiscum differunt: hoc enim modo non diligunt dilectione naturali, sed libera, & electiva. Ad probationem R. amorem illum esse necessarium quoad specificationem, non verò quoad exercitium, quia sicut potest libere cessare à cognitione actuali naturæ cuiusvis alterius Angelis hanc enim liberè exercet, ita consequenter, & ab amore actuali, qui consequitur ad illam, eamque necessario supponit. Dices: Dæmones vellent alias naturas non esse; ergo neque naturaliter, neque necessario, nec etiam

etiam quod¹ specificationē diligunt alios secundum naturam. **S.** Dæmones, si hoc volunt, velle, non quatenus naturæ sunt, sed quatenus ipsis malæ, & infestæ sunt; ac proinde non odisse eas secundum illud, in quo cōueniunt, & sunt vnum cum illis; sed in quo differunt.

Dico tertio: Angelum naturaliter diligere Deum plusquam seipsum. Prob. hæc assertio à **S. Thoma** loco citato art. 5. ex eo, quod omne illud, quod secundum id, quod est, est alterius, naturaliter magis inclinatur in id, cuius est, quam in seipsum; sed Angelus secundum id, quod est, Dei est; Ergo naturaliter diligit Deū plusquam seipsum. Maior probatur exemplo inclinationis aliarum rerū; quæ naturaliter se exponunt damno, ad tuendum id, cuius sunt aliquid ab eo dependens, vt manus pro conseruatione capitis vulneri se naturaliter, & sine præuia deliberatione exponit. Sic etiam inanimata ad impediendum vacuum contra propriā inclinationem, per quam conseruantur, ascendunt, aut descendunt. Præterea si Angelus naturaliter inclinaretur ad auidendum magis seipsum, quam Deum, talis inclinatio naturaliter esset peruersa; peruerteret enim ordinem, qui debet esse in rerum naturis, qui exigit, vt naturaliter magis diligatur id, quod exigit magis diligere, sed nihil est in rerum serie naturaliter peruersum: Ergo necessariò di-

cendum Angelum naturali amore inclinare in hoc principium, cuius est totum id, quod habet, & à quo in omnibus bonis essentialiter dependet. De hoc etiam amore dicendum est, esse necessarium quoad specificationem, quatenus scilicet Angeli, cōsiderando Deum esse ens summè bonum, infinītè perfectum, & per se amabile, non possunt in illum ferri actu odij, non esse tamen necessariū quoad exercitium patet, quia, sicut Angelus naturaliter non necessitatur ad actualem cognitionem, ita nec etiam ad actualem dilectionem, ac proinde naturaliter loquendo ab actuali amore illius vacare potest; & hoc non solum est verum de amore amicitix, sed etiam de amore concupiscentix. Dixi naturaliter loquendo; nam de amore Beatifico, qui est supernaturalis, certum est Angelos Beatos ab eius actuali exercitio non posse cessare.

Dices: damnati dicuntur Deum odisse, & quantum est ex se vellent ipsum non esse; ergo falsum est, quod Angeli naturaliter diligant Deum quoad specificationem. Respondet **S. Thomas** loco citato. Aliquos dici odisse Deum ratione effectuum, qui sunt contrarij ipsorum voluntati, vt ratione punitionis. At nihilominus diligere dilectione naturali, quatenus est vniuersale bonum; cum enim diligant suum esse, id est suam naturam, & essentiam, non

possunt sub hac ratione odisse eum, eundem Angelicum Doctorem,
 à quo essentialiter pendent in suo loco citato,
 esse, Plura alia de his vide apud

CONTROVERSIA

SEPTIMA

De Gratia, Meritis, & Gloria Angelorum.

AXOMA PRIMVM

Angeli fuerunt creati in Gratia.

Ex lib. 12. de Ciuitate Dei cap. 9.

Hoc disceptandum est, si boni Angeli ipsi in se fecerunt voluntatem bonam, utrum aliqua eam, an nulla voluntate fecerunt. Si nulla; utique nec fecerunt; si aliqua, utrum mala an bona. Si mala quomodo esse potuit mala voluntas bona voluntatis effectrix? Si bona, iam ergo habebant; Et istam quis fecerat, nisi ille, qui eos cum bona voluntate id est cum amore casto, quo illi adherent creauit, simul in eis, & condens naturam, & largiens gratiam?

D V B I V M

Vtrum Angeli sint creati in gratia sanctificante.

Ommitto Disputationem prolixam de loco, & tempore, in quibus Angeli creati fuerunt; tum quia breuitati incumbens, ea solum quæ magis controuersa sunt in doctrina S. P. Augustini, pertractare in

tendo: tum etiam quia de his solum ex coniecturis, & diuersis PP. vel Doctorum Scholasticorum dictis aliquid valdè dubium inferre possumus. Propterea obiter solum S. P. mentem, & sententiam aperio, &

Dico: Hoc semper fuisse certum in S. Ecclesia Catholica: non solum corpora: sed nec etiam Spirituales creaturas fuisse ab æterno: Id enim contra Aristotelem habetur ex cap. 8. Libri Prou, illis v. *Dominus possedit me in initio viarum suarum, antequam quidquam faceret.* loquitur hic Spiritus S. de Sapientia increata, quã docet fuisse in Deo ante omnia sua opera ad extra: quod non esset verum, si aliqua creatura Spirituales, vel corporea Deo coeterna fuisset. Fuit etiam definita hæc veritas in Concilio Lateranensi sub Innocëtio Tertio, & refertur in cap. *Firmiter de Summa Trinitate*, & Fide Catholica. Virum verò aliquo tempore antè omnem creaturam corpoream, vel simul cum ipsa fuerint producti, fuit etiam inter PP. controuersum: nam pro parte quæ affirmat ante omnem creaturam corporealem fuisse Angelos conditos: ex Græcis stant Origenes, Hom. 4. in Esaiam: (licet in proemio Periarchon sit de hoc dubius:) S. Basilius hom. 1. in Genesim antè medium, & hom. 2. ad illa verba *Terra erat inanis* S. Greg. Nazianz. oratione 38. quæ est de natali Domini ante medium S. sic

nimirum, & in sequenti Oratione. Vbi sequitur cum etiam Nicetas: in illa verba *As vero nobis*. Et S. Io. Damascenus lib. 3. de Fide cap. 3. Ex Latinis vero S. Hilarius lib. 12. de Trinitate post medium S. Ambrosius in Præf. Ps. 1. & lib. 1. Hexam. cap. 5. S. Hieronymus in Epistola ad Titum in magnis Comment. quæ habetur Tomo Sexto. cap. 1. ad illa verba *quam promissit non mendax Deus* Cassianus Collatione 8. cap. 7. quibus etiam adhærere videntur S. Greg. lib. 18. moralium cap. 7. S. Isidorus lib. primo de summo Bono cap. 12. Sententia 4. & Venerabilis Beda in Tomo 8. Libro QQ. quæst. 9.

De mente S. P. fuit aliqua difficultas. Aliqui enim existimarunt cum cū prædictis PP. sentire: quod & probabant ex libro de Ecclesiasticis Dogmatibus cap. 10. qui circumfertur inter opera S. P. & ex expositione Psalm. 89. ad illa verba *Prinsquam montes fierent aut formaretur terra*. Sed falluntur primò, quia liber ille de Eccl. Dogm. non est S. P. vt euid. ostendunt Bellarminus in lib. de Ecclesiasticis Scriptoribus, & DD. Louanienses in Censura dicti libri; vbi ostendunt esse opus Genadij Præsbyteri Massiliensis, & propterea illum reiecerunt ad appendix Tomi Tertij. Præterea si attentè perpendantur verba prædicti capitis hoc non continent; nec etiã

in secundo loco hoc docet S. P. quod ante me aduenit etiam P. Gabriel Vasquez Tomo secundo in Primam Partem disp. 224. cap. primo numero marginali tertio. Veritas est, quod S. P. N. opinatur quidem; Angelos fuisse creatos si nullo cum creaturis corporeis; sed fatetur esse rem incertam, nam in libro imperfecto super Genesim cap. 3. dicit esse rem coniecturis impenetrabilem; & lib. 11. de Ciuitate Dei cap. 32. ubi ex professo agit de hoc puncto, concludit, *Proinde ut vis voles, unusquisque accipias; quod ita profundum est, ut ad exercitationem legentium à Fidei regula non aberrantes plures possit generare Sententias; dum tamen Angelos Sanctos in sublimibus calis sedibus, non quidem Deo coeternos sed tamen de sua sempiterna, & vera felicitate securos, & certos esse nemo ambigat.* Liberum est igitur in Doctrina S. P. sequi quam malueris sententiam. Hanc enim facultatem ille concedit hic. Propterea sententiam negatiuam ego amplector; hæc enim probabilior mihi videtur, Angelos scilicet si nullo duratione cum creaturis, corporalibus fuisse creatos. Hanc docet ex professo S. P. N. lib. 11. de Ciuitate Dei cap. 6. ubi cum posuisset differentiã inter æternitatem, & tempus, descendit ad explicandum creaturarum initium, & absolute docet, & dicit. *Si littera Sacra maximèque veraces ita dicunt in principio fecisse Deum calis,*

& terram, ut nihil antea fecisse intelligatur, quia hoc potius in principio fecisse diceretur, si quid fecisset ante cetera cuncta quæ fecit: procul dubio non est mundus factus in tempore, sed cum tempore. & cap. 9. eiusdem libri ubi ex professo agit de creatione Angelorum, & docet quid secundum Diuina testimonia de hoc sentiendum sit: ex Cantico trium puerorum Danielis cap. 3. & ex Psal. 148. & ex Iob. cap. 38. infert; eos inter opera Dei esse connumerandos, quæ in spatio illorum sex dierum dicuntur creata, & concludit ex illis. *Sic nimirum; ergo si ad istorum diernum opera dici pertinent; Angeli ipsi sunt lux illa, quæ dies nomen accepit, cuius unitas ut comendaretur non est dictum dies primus, vel dies unus.* Aduerte tamen; quod non absolute, aut sine aliqua formidine docet; quod lucis nomine significatur; nam in principio huius capitis præmittit. *Vbi de mundi constitutione Sacra Littera loquuntur, non euidenter dicitur utrum, vel quo ordine creati sint Angeli: sed si prætermissi non sunt vel calis nomine &c. vel potius lucis huius, de qua loquor, significati sunt.* Idem docet etiam libro vigesimo secundo contra Faustum Manicheum capite decimo; non verò primo, & secundo, ut perperam aliqui citant, ibi enim ait. *Cum essent tenebra super abyssum, ille qui erat lux, dixit Fiat lux. Quæ lux lucem fecerit manifestum est. Manifestum*

enim

enim positum est, dixit Deus: Quam tamen lucem fecerit, non ita manifestum est. Vtrum enim illam qua in mentibus Angelorum est, id est ipsos tunc spiritus rationales Deus fecerit, an corporalem quamdam lucem, remotum etiam ab aspectibus nostris in sublimibus huius mundi locis inter studiosos Diuinarum Scripturarum concorditer disputatur. Hic etiam, ut vides, dubitat; an nomine lucis veniant: licet potius in partem affirmatiuam, quam in negatiuam ex alibi ab eo dictis illum inclinare nō dubitem. Hoc mihi sufficit in præsentia: quod huiusmodi Spiritus cum creaturis corporalibus, & non antea creatos esse sentiat, ut in præcæditis locis ex Ciuitate Dei constat. Videndus est etiam in Libro 2. de Gen: ad litteram cap. 7. & 8. vbi de hoc differens explicat, quomodo nomine lucis primo die factæ veniant Angeli, & Lib. de Genesi imperfecto cap. 3. vbi etiam inquirendo plura docet de creatione Angelorum in principio mundi ante, vel simul cum mundo corporeo, inclinās tamē semper in sententiam docentem cum mundo corporeo creatos fuisse. A quibusdam adducitur etiam Auctoritas ex lib. de Incarnatione, qui circumfertur inter opera S. P. cap. 6. Sed opus istud non est S. P. ut obseruarunt DD. Lo uanientes. in Censura ad ipsum; & propterea eum reiecerunt ad appendicem Tomi Quarti; & idem censuit

Em. Cardinalis Bellarminus in Lib. de Scriptoribus Ecclesiasticis; in Obseruationibus ad prædictū Tomum; & Picterea operis istius Auctor non asserit, sed dicit incertum esse, quando sint creati Angeli. Sec. quod etiā S. P. indicauit in prædicto lib. de Genesi imperfecto cap. 3. cum dixit res secretissima est in humanis coniecturis impenetrabilis: quod tamen dictum est circa Quæstionem de tempore, & principio temporis præcipuè: nam de principio durationis Angelorum, immediate post subiungit. Illud certe accipiendum est in fide, etiam si modum nostræ cogitationis excedit, omnem creaturam habere initium, tempusque ipsum esse creaturam, ac per hoc ipsum habere initium, nec coeternum esse Creatori. Potest enim calum, & terra pro vniuersa creatura positum videri, ut & hoc visibile Aeternum firmamentum calum appellatum sit, & illa creatura inuisibilis super eminentium potentium, &c. manet ergo semper S. P. fixus in hoc; quod in principio mundi corporei fuerint creatæ etiam substantiæ Angelicæ; licet sit dubius an veniant nomine cæli, aut lucis. Hanc eandem sententiam creationis Angelorum simul cum mundo corporeo docuerunt etiam Venerabilis Beda Tomo quarto in lib. Hexamerō paulo post principium. Hugo de S. Victore lib. primo de Sacram: parte 5. cap. 3. & 4. Rupertus lib. primo in Gen. cap. 10.

& 11. S. Gregorius Magnus lib. 32 Moralium cap. 9. & in aliquibus impressionibus 10. ubi ait, *Simul ut celum, & terra dicuntur facta, intellige corporea, & spiritualia*. Ex Grecis PP. ei adhæserunt S. Epiphanius hæresi 65. ante medium, & Theodoretus Quæstione 3. in Genesim. Ex Scholasticis Magister in secundo dist. 2. S. Thom. Q. 61. in Primam Partem Artic. 3. & cum eo Caietanus ibi, & serè omnes alij Theologitæ veteres, quam recentiores; & ita est habita communior, & vera; ut noster Ferrariensis lib. 2. contra Gentes, cap. 83. S. *Sed circa hoc quod ultimo, arbitratus fuerit, oppositam sententiam damnatam, & hanc nostram de finitam sub Innocentio Tertio in Concilio Lateranensi illis verbis, quæ referuntur etiam in cap. Firmiter de Summa Trinitate Creator omnium visibilium, & invisibilium &c. simul ab initio temporis utramque de nihilo condidit creaturam Spiritualem, & corpoream Angelicam videlicet, & mundanam*. Sed fallitur noster Compatriota; ut latè probat, & demonstrat Vasquez tomo secundo in Primam partem. Disp. 224. cap. 3. & 4. quod etiam ante ipsum docuerat S. Thomas loco citato in corpore articuli, ubi de opposita sententia ait, *Quamvis contrarium non sit repugnandum erroneum, præcipuè propter sententiam Gregorij Nanzianzeni, cuius tanta est in Doctrina Christiana auctoritas, ut*

nullus unquam eius dictis calumniam inferre præsumpserit, sicut nec Athanasij documentis, ut Hieronymus dicit. quod miror meum Ferrariensem non aduertisse. De Loco etiam, in quo creati fuerunt Angeli, est non parua Quæstio inter Theologos Scholasticos; nam Magister in secundo dist. 2. docet fuisse in Cælo empyreo productos, & hanc sententiam accepit ex Venerabili Beda loco supra citato: etiam Hugo de S. Victore in summa Sententiarum Tract. 2. cap. primo, & eam tradit Glossa ordinaria in primi paragraphi libri Genesis expositione: quæ opinio solet probari auctoritate verborum Christi Domini, quæ habentur Lucæ cap. 10. *Videbam Satanam sicut fulgur de cælo cadentem*. & ex Apocalypsi cap. 12. ubi dicitur factum esse prælium magnum in cælo à Michael Arcangelo cum Dracone; & pro ea sententia adduci solent aliqui PP. qui tamen expresse non loquuntur de Cælo Empyreo.

Quod spectat ad S. Patrem de hoc puncto, inuenio eum solum in libro undecimo de Genesi ad litteram egisse, ubi cap. 19. refert quosdam docuisse; Dæmones ex alio genere Angelorum, quam Beatorum Spirituum non fuisse, eosque in hoc mundo inferiori fuisse creatos; At ipse postea cap. 19. concludit; *Sed asserant hæc duo genera bonorum Angelorum, qui potuerint, unum super celestium in quibus*

bus numquam fuit, qui cadendo Diabolus factus est: alterum autem Mundanorum, in quibus fuit: Mihi autem fateor unde hoc secundum Scripturas asseram, non interim occurrat. Propterea do quidem esse probabile, quod Angeli fuerint creati in Cælo; sed an in Empyreo, vel in alio mihi incertum est: Opponit sibi Angelicus Doctor in Prima Parte qu. 61. artic. 4. in secundo Argumento. Quod S. P. lib. 3. super Genesim ad litteram cap. 10 dixerit; quod Angeli fuerunt creati in superiori parte aeris: & consequenter ex sententia ipsius non fuisse creatos in cælo. Respondet ibi Ang. D. S. P. Augustinum fortè per supremam partem aeris intellexisse supremam partem cæli, cum quo aer quamdam conuenientiam habet propter suam subtilitatem, & diaphaneitatem. Vel loqui non de omnibus Angelis; sed de illis, qui peccauerunt, qui secundum quosdam fuerunt de inferioribus positus dicit, quod nihil prohibet dicere, superiores Angelos habentes virtutem eleuatam, & vniuersalem supra omnia corpora esse in supremo creaturæ corpore creatos: alios verò habentes virtutes magis particulares esse creatos in inferioribus corporibus: hæc docet ibi Angelicus Doctor, Attentè legi prædictum caput, & librum; & vidi, eum non loqui ibi ex propria sententia: nam & interponit in discursu: Si er-

go hac ita sunt, non impedit ista distinctio nostram Scripturam. (& infra) Si quid de his transgressoribus Angelis diligentius inquirendum est, alias erit accommodatior Scriptura, locus. Quapropter ex hoc loco non rectè inferitur: quod ipse sentiat, dari aliquos Angelos, qui fuerint creati in superiori parte elementi aeris; cum solum loquatur ex sententia Platoniorum, & aliorum qui illud tenuerunt: immo dictam sententiam referens omnino dubitatiuè loquitur dicens. Superior verò pars aeris propter puram tranquillitatem, calo cui colimitatur, communi pace coniungitur, & eius vocabulo nuncupatur. In qua fortassis parte si fuerunt ante transgressionem suam transgressores Angeli cum Principe suo nunc Diabolo, tunc Arcangelo; nam non nulli nostri, non eos putant celestes, vel super celestes Angelos fuisse: non mirum si post peccatum in hanc sunt de iusticia lignem, ubi tamen, & aer sit. &c. Sententiam igitur hanc omnino sub dubio relinquit, vt patet ex dictis; neque enim ibi, aut alibi habetur locus, in quo assertiuè, & sine dubitatione loquatur de hoc puncto; immò in libro primo Retractionum expendens cap. 26. ea, quæ dixerat in libro de diuersis quæstionibus in quæstione 67. aduertit, illud, quod à se dictum ibi fuerat de Angelis inferioribus, id est eos animaliter viuere: tamquam audacius dictum, & quod

non possit probari, retractat his verbis. *Quod dixi spiritualiter summos Angelos vivere, infimos vero animaliter, audacius dictum est de infimis; quam ut possit, vel Scripturis Sanctis, vel ipsis rebus ostendi. Quia & si forsitan potest, difficillime potest.* Inclinauit ergo S. P. potius in sententiā, quod omnes Angeli fuerint in cælo creati, quam in oppositam, & hæc de hoc puncto obiter notasse sufficiat.

Venio nunc ad Quætionem propositam; in qua duæ sunt extremæ oppositæ DD. Sententiæ.

Prima est nostri B. Egidij Romani in secundo Sententiarum Dist. 4. Quæst. prima artic. 4. ubi ex professo docet; Angelos in gratia non fuisse creatos: sed solum stantibus concessam fuisse; cadentibus verò infligendam pœnam: est etiam Hugonis de S. Victore lib. de Sacram. cap. 19 & 22. Ruperti Abb. lib. primo de Operibus Trinitatis cap. 16. Magistri Sêr. in secundo Dist. 5. Alensis in summa parte 2. qu. 19. memb. 2. S. Bonau. in 2. Dist. 4. artic. primo qu. 2. Marfilij, ac etiam nostri Thomæ de Argentina ibidem quæst. prima art. 2. qui licet concedat fuisse creatos in gratia gratis data; negat tamen eos fuisse creatos in gratia gratum faciente.

Secunda sententia est S. Thomæ in Prima parte quæst. 62. artic. 3. & cum eo sentiunt omnes Thomistæ tam antiqui, quam recentiores; ac

etiam plures alij extra illius Scholæ, qui omnes docent; Angelos fuisse creatos in gratia gratum faciente, & de hac sententia ait ibi Angelicus Doctor; quod est probabilior, & magis consona dictis Sanctorum: propterea.

Dico: omnes Angelos fuisse creatos in gratia gratum faciente; ut ait ibi S. Thom. idest omnes illam habuisse in primo instanti suæ creationis. Prob. primo ex Isaia cap. 64. ubi ex probatur Diabolo in persona Regis Babylonis, ut ait S. Hieronymus ibi, ipsius casus his verbis, *Quomodo cecidisti de calo Lucifer qui mane oriebaris*, ex quibus verbis per *ly mane oriebaris* communiter intelligitur ortus eius in gratia, à qua cecidit non enim cecidit à natura. Similiter in Ezech. cap. 28. habetur de eo, *Perfectus in vijs tuis fuisti à die conditionis tue, donec inuenta est in te iniquitas.* Quem locum etiam communiter exponunt de perfectione in gratia sanctificante, quam habuerunt Angeli *in die conditionis* idest in primo instanti suæ creationis. Prob. 2. Auct. S. Patris qui, & in Axiomate expressè docet, quod *erat Deus simul in eis, & condens naturam, & largiens gratiam*, & pariter in dicto libro de Ciuitate Dei cap. 11. ait, *Nullo quidem modo secundum aliquod temporis spatium prius erant ille spiritus tenebræ quos Angelos dicimus: sed simul ut facti sunt, lux facti sunt: non*

tamen ita tantum creati, ut quoquo modo essent, & quoquo modo viverent, sed etiam illuminati, ut sapienter beatèque viverent. Ab hac illuminatione amersi quidam Angeli, non obtinuerunt excellentiam sapientis beatæque vite, quæ procul dubio non nisi aterna, aternitatisque suæ est certa atque securæ. noster Leonardus Coquæus hoc caput exponens ait. *Videtur itaque hic aperte docere Angelos ab initio fuisse in gratia creatos, ubi ex professo probat esse de mente S. P. Substantiam Angelorum natura non tempore præcessisse informationem per gratiam. Sic etiam in libro duodecimo cap. 9. ad illa verba S. P. *Ut facti sunt ei à quo facti sunt amore cum quo facti sunt adhaerunt.* subiungit Non de amore naturali, quo feruntur in Deum tamquam in Authorem naturæ, & finem naturalem intelligit, sed de amore supernaturali, quo Deum amabant tamquam bonum supernaturale, & obiectum Beatitudinis supernaturalis, quem nonerant ab initio, unde apertissime vult: Angelos ab initio fuisse creatos in gratia, quod dilucide testatur in hoc eodem capite cum dicit simul in eis Deum condidisse naturam, & largitum esse gratiam, & non tantum ad homines pertinere, verum etiã de Angelis dici posse, quod charitas Dei diffusa sit in eis per Spiritum Sanctum, qui datus est eis. Amor enim ille, quo ab initio Deo adhaerunt, nõ alius erat à Charitate diffusa in eis per Spi-*

*ritum Sanctum qui datus est eis. hæc ibi Coquæus, & verissimè, & doctissimè observaui. Idem docuerunt etiam S. Hieronymus in Commentarijs Osee ad cap. 3. ad illa verba. *Dilexerunt Vinacta vuarum.* S. Greg. magnus lib. 5. Moralium cap. 27. & lib. 32. cap. 24. & 25. Theodoretus lib. de Decretis Diuinis cap. de Diabolis, & Dæmonibus, & S. Ioannes Damascenus lib. 2. de Fide Orth. cap. 3. & 4. Probatur 3. ratione; nã Primus homo fuit creatus in gratia, ut colligitur ex Sacra Scriptura, & habetur in Cõcilio Tridentino. Sess. Quinta in Decreto de peccato Originali, ubi dicitur. *Si quis non confitetur primum hominem Adam, cum mandatum Dei in Paradiso fuisset trãgressus, statim Sanctitatem, & Iustitiam in qua constitutus fuerat amisisse.* &c. Ergo etiam Angelus qui est perfectior creatura. Hanc rationem attulit etiam Durandus; quam confirmat sic, homo fuit creatus in Iustitia Originali, quæ consistebat in perfecta obedientia corporis ad animam, & virium inferiorum ad superiores; ac etiam in reuerentia voluntatis ad Deum; sed hæc non poterant consistere sine gratia gratum faciente: Ergo cum huiusmodi gratia creatus fuit: Ergo etiam Angelus, Probatur 4. ratione D. Thomæ; qui sic arguit. In primo principio creationis omnia fuerunt simul creata, vel in se, vel in suis rationibus semi-*

nalibus; sed in illo primo instanti gloria Angelorum non fuit creata in se, quia tunc Angeli fuisset Beati in ipsa sua creatione, & nullus postea cadere potuisset. Ergo talis gloria fuit creata in suo seminario, quod est ipsa gratia gratum faciens: ergo huiusmodi gratia fuit in Angelis in principio creationis ipsorum. Noster Argentina expendens hanc rationem loco citato dicit; dato quod illa maior sit vera quantum ad naturalia, tamen non est vera quantum ad gratuita: eo quod iuxta principium vulgatum S. P. N. Qui creauit nos sine nobis, non iustificat nos sine nobis. Sed fallitur; nam S. P. N. in hoc Axiomate loquitur de homine adulto existente in peccato, cuius actus conuersionis in Deum requiritur, ut iustificetur, non verò in vniuersum, de quibuscumque creaturis intellectualibus; alias nec etiam infantes qui baptizantur iustificarentur, cum non possint habere liberum actum conuersionis in Deum, vel detestationis peccati. De mente S. P. iam supra euidenter demonstrata est eius sententia, quæ, & nostra est. Prob. 4. ab aliquibus ex eo, quod non sit dicendum, Deum magis retardasse ornatum creaturæ spiritualis, quam corporalis; sed Deus à principio creationis immediatè ornauit corpora cælestia suis luminibus. Ergo, & creaturam spiritalem statim ornauit gratia, & virtutibus. B. Argen-

tina huic rationi: Ornatum naturæ corporalis esse eiuldem status cum sua natura; eo quod huiusmodi ornatu, & ipsa natura quam ornat constituunt vnum statum, id est statum naturæ: At in spiritualibus: res non ita se habet; nam status cuiuscumque naturæ spiritualis est diuersus à statu gratiæ; & propterea debet natura spiritualis præcedere gratiam, ne gratia videatur natura. Equè mihi difficilis videtur ratio, ac responsio. Nā in primo capite Genesis habemus, cælum, & terram creatam fuisse in principio; luminaria verò cæli fuisse producta die quarta; ac proinde non statim à principio fuisse ornata luminaribus; sed mediassè tres dies. Si dicas priuā die fuisse productam lucē, B. nō tamen propterea haberi quod hæc fuerit producta ad ornatum corporum cælestium; sed è cōtra potius ad ornatum terræ, & elementorum cum assignetur ibi veluti pro ratione; quod tenebræ erant super faciem abyssi. Nec satisfacit responsio; nam licet status gratiæ sit diuersus à statu naturæ, nihil tamen obstat, quo minus vterque status sit simul; dummodo intelligatur præcedere naturam in priori naturæ, ut subiectum, & subsequi gratiam ut formam supernaturalem: ita tamen ut duratione sint simul; nec propterea videretur, Gratiā esse naturam; nam cum simul infundantur Fides, Spes, & Charitas, optinè cognouissent Angeli, & per

Fi-

Fidem, & per Species inditas statum gratiæ esse supernaturalem, & statum naturæ esse ordinis naturalis. Itaque ad summum haberet locum illa ratio in sententia, quæ tenet omnia omninò creata fuisse simul in eodem instanti simultate coexistentiæ; quam aliqui tribuunt S. P. quod quam falso tribuatur, Deo dante ostendam. Non enim simultatem coexistentiæ; sed simultatem immediationis admittit S. P. ut suo loco dicam. Prob. 5. ab alijs; quia Liberalitas Diuina semper est parata dare gratiam, ubi non inuenit obicem ex parte suscipientis; sed Angeli in primo instanti suæ creationis nullum habuerunt in se impedimentum ad suscipiendam gratiam: Ergò, &c. Confirmatur; quia Deus magis pronus est ad miserendum, quam ad condemnandū. Ergò non minus est pronus ad conferendum principium merendi, quam principium demerendi; sed in ipsa creatione contulit principium demerendi, quod est liberum arbitrium. Ergò etiam principium merendi, quod est gratia. Antecedens est certum ex Scripturis, & in confesso apud omnes; consequentia probatur; quia alias Misericordia eius non esset super omnia opera eius, nec super exaltaret Iudicium, & Iustitiam ut prædicat Scriptura. Respondent prædicti nostri A. A. ad hoc argumentum, quod licet Angeli in primo instanti suæ creationis non habuerint impe-

dimentum contrariè, seu priuatiuè ad recipiendam gratiam; quod stat in auersione seu refutatione gratiæ: habuerunt tamen impedimentum negatiuè; quòd dicit non fuisse in illis ante illud instans vsum liberi arbitrij; quo se ad gratiam recipiendā disponderent, & conuerterent. Ad Confirmationem respondent; Magnam Dei bonitatem, & Misericordiam apparuisse in eo, quod dedit eis naturam inclinatham ad virtutem sine omni incitamento intrinseco, vel extrinseco ad vitium, siue ad peccatum; & præterea in eo quod contulerit eis principium, quo saltem de congruo mereri possent, & virtuosè persistere, donec Deus gratiam sanctificantem infundisset, qua mediante etiam suam beatitudinem de condigno meruissent. Verum Responso ista non eneruat vim argumēti, quòd licet non habeat vim demonstratiuam, magnam tamen probabilitatē affert huic sententiæ. Illud enim impedimentum negatiuum est gratis ex cogitatum ad eludendum argumentum; est enim idem ac non habere impedimentum: illa enim conuersio non requiritur ex natura rei in ijs, qui non habent obicem contrarium, seu priuatiuum, quòd est peccatum; immò neque in istis Deus semper requirit hanc dispositionem, seu conuersionem per actum liberi arbitrij, ut patet in infantibus, qui baptizantur: Vnde cum dependeat ex bene-

phici-

placito Divino, habemus nos maius fundamentum ad asserendam prædictam infusionem gratiæ ratione Divinæ Liberalitatis: quam Aduersarij ad eam negandam. Adde quod estõ requireretur ille actus conuersionis in Deum in illo primo instanti prædebita præparatione; nihil obstat quo minus in illis fuerit talis actus in eo ipso primo instanti simul cum infusione gratiæ sicut de peccatore eliciente actum. Contritionis communitè docetur, in eodem instanti infundi illi gratiam; ita vt in prior natura intelligatur præcedere talis actus, & in posteriori infundi gratiã: eum tamen duratione sint simul; & solum in diuerso genere causalitatis habeat præcedere, vel subsequi. Nec etiam satisfacit responsio ad Confirmationem, tum propter prædicta; tam etiã quia non videtur conueniens. Diuinæ Misericordiæ, quod pro aliquo instanti voluerit habere creaturam Intellectualem innocentẽ ordinatam ad finẽ supernaturalem; nec amicam; nec inimicam; quod licet potuerit, non est tamen dicendum, quod fuerit, nisi habeamus sufficiens fundamentum, quale in presenti non extat.

Dices primò: cum prædictis. S. P. N. docuisse lib. 11. de Ciuitate Dei cap. 12. hominem non fuisse creatũ cum gratia gratum faciente; Ergò nec etiã est de mente ipsius; quod Angeli fuerint creati in gratia; Con-

firmatur ex libro de Corrept. & Gratiã cap. 10. 11. & 12. vbi contendit, eadem dona à principio maximè supernaturalia fuisse collata, & Angelis, & Primo Parenti. Probat antecedens Argentina: quia ibi S. P. docet, quod quantum ad spem futuri boni beatior est quilibet iustus in hac vita, quam primi parentes. Huius doctrinæ rationem reddit Magister Sententiarum. Quia iustus in hac vita habet, quo possit proficere: Primus autem homo quamuis haberet quo posset stare, idest originalem iustitiam, non tamen habuit, quo posset proficere, idest Dei gratiam. Cõsequentiam probat idem A. hac ratione: Conditor ordinatus non minus nititur sustentare partem debiliorem, & de facili ruinosam, quam partem fortiolem, & naturaliter minus ruinosam: sed homo fuit infirmior Angelo, & plures causas habuit ruinæ, quam Angelus; nam habuit causam intrinsecam, idest appetitum sensitiuum, & causam extrinsecam idest Diabolum temptatorem; & tamen homini non fuit concreatũ gratiæ fulcimentum. Ergò nec Angelo, qui caruit prædictis incitamentis ad ruinam. Ad hoc argumentum Respondeo cũ nostro Coquẽo, in Commens. ad prædictum caput. eo loco S. P. non loqui de quibuslibet iustis, ex quibus certum est nonnullos in dies excidere à gratia, sed de his quibus tantas vires gratiæ De-

us confert, ut ab ea nec excidant vi quorumcumque tormentorum, ut certa veritate iam intelligant sibi conferendam vitam æternam in consortio Beatorum. Quæ expositio est adeo certa, & vera, ut sit tantummodo explicatio ipsorum verborum. Textus. Nam S. P. ibi sic loquitur.

Quantum pertinet ad delectationem presentis boni, beator erat Primus homo in Paradiso, quam quilibet iustus in hac infirmitate mortali: quantum autem ad spem futuri boni, beator quilibet in quibuslibet cruciatibus corporis cui non opinione, sed certa veritate manifestum est, sine fine se habiturum omni molestia carentem societate Angelorum in participatione Summi Dei, quam erat ille homo sui casus incertus in magna illa felicitate Paradisi. Comparatio igitur inter primum hominem, & talem iustum in natura lapsa non fit à S. P. in eo; quod ille non haberet gratiam sanctificantem, iste haberet; sed in eo quod ille non habebat certitudinem suæ perseverantiae, & erat incertus sui casus: iste vero iustus cum non sit quilibet iustus; sed talis qui habuerit revelationem à Deo de sua finali perseverantia; (non enim aliter in hac vita certa veritate manifestum est alicui, se sine fine habiturum omni molestia carentem societatem Angelorum in participatione Summi Dei, ut loquitur S. P. ibi) quis dubitet in hac

quam fuerit Primus homo. Non ergo recte intulerunt prædicti nostri A.A. ex dicto loco S. P. Primum parentem non habuisse gratiam sanctificantem in primo instanti suæ creationis; nam ibi de hoc puncto non loquitur nec explicite, nec implicite. Sensus igitur istius loci, & illius qui citatur in argumento ex lib. de Corrept. & Gratia est; multo maiorem gratiam conferri iustis modo per Christum in lege Evangelica, quam Adamo in statu innocentie; quia Adamo tunc fuit collata gratia, qua perseverare posset, si veller. Verum; iustis illis, de quibus hic loquitur S. P. confertur etiam gratia qua non solum possint perseverare; sed etiam actu perseverent; & præterea ut certo sciant, se ad Angelorum societatem perventuros; quam certitudinem Adamus non habebat. Ex quo etiam patet expositionem Magistri sententiarum non esse ad mentem S. P. sed potius contrariam; nam ut bene notat Coquæus loco citato: ex alijs locis S. P. constat; Primum hominem fuisse creatum in gratia, & consequenter habuisse, quo posset proficere, de quo alibi erit sermo. Ad probationem Argentinæ patet responsio ex dictis: nam iuxta principia S. P. est par ratio de Angelis, ac de primo homine; ut habes in cit. lib. de Corrept. & Gratia cap. 10.

Dices secundo: Creatura videns se esse in gratia nunquam à gratia po-

potest resilire; maxime si illa notitia perfecta fuerit, ut est intuitiva: sed Angelus à principio vidit, & se ipsum, & omnia; quæ fuerunt in ipso. Ergo si fuisset in gratia, numquam à gratia ullus excidisset; quod tamen ex Scripturis Sacris constat aliter evenisse. Maior probatur: quia Gratia Sanctificans est pulcherrimus naturæ decor, & quicumque huiusmodi decorem in se videret non posset ipsum non appetere; immò minus posset ipsum non appetere, quam aliam quamcumque naturalem suam perfectionem; cum sit pulchrior quacunque tali perfectione naturæ. Ergo cum sit de fide Angelos peccasse, sequitur eos gratiam sanctificationem non habuisse. R. negando maiorem. Ad probationem Respondeo: quod nullum bonum creatum necessitæ liberum arbitrium ad sui amorem, saltè quoad exercitium, quantumvis perfectè cognoscatur, & videatur ratione suæ limitationis; ac proinde Angelum potuisse actu non appetere conseruationem illius doni, & habere actum appetitus destructiui talis doni; & consequenter ex hoc capite non rectè inferri; quod Angeli non habuerint huiusmodi gratiam in sua creatione.

Dices tertio: Ioannes Summus Pontifex relatus in secunda parte Decreti: Causa sextadecima quæst. 2. cap. primo incipit. *Visis litteris*, docet, Diabolum dolere, & erube-

scere, quod ipse in cælo non habuerit charitatem, quam homines habent in terra: Ergo non omnes omnino Angeli habuerunt gratiam sanctificantem; Diabolus enim, ut ait iste Pontifex, eam non habuit; siue dicas gratiam esse idem realiter, ac est charitas; siue ponas eam esse realiter diuersam; nam etiam posita reali distinctione Gratia à charitate adhuc semper saltem de lege ordinaria sunt coniunctæ. R. textum hunc non citari fideliter ab illis, qui eo vtuntur pro hoc intento: nam verba Pontificis loco citato sunt ista. *Dolens enim satis, & erubescit Charitatem [quam in cælo nequit habere] homines constantes ex leuæ materia tenere in terra*, loquitur igitur de præsentibus ibi Pontifex dum ait. *Nequit habere*, nihil statuens, aut memorans de principio durationis eius; Vel si magis placet dic cum Glossa in dictum caput ad illud verbū *Cōstantes* dolet quod *non potuit habere Charitatem, perseverantem*. Puto tamen quod melius diceretur, *non habuit*. nam S. P. in loco præcitato de Correctione, & Gratia cap. 10. 11. & 12. docet, & Angelos, & Primum hominem à principio potuisse perseverare si voluissent. Alij dicunt dolere Diabolum, quod homo charitatem semel amissam potest recuperare, quam ipse non potest, quam responsionem refert Becanus Tractu de Angelis cap. 2. quæst. p. de Gratia Angelorum.

rum, num. 5. Verum duæ priores responſiones magis correfpondent Textui.

Dices quarto: Si Angelus fuiſſet creatus in gratia, hæc eſſet illi connaturalis; Sed hoc eſt impoſſibile: ergo nullo modo concedendum eſt, fuiſſe creatum in gratia. Probatuꝛ maior; quia ſpecies intelligibiles, quas habent Angeli, ideo dicuntur illis connaturales, quia ſunt creati cū illis. Ergo ſimiliter ſi eſſent creati cum gratia, hæc diceretur, & eſſet illis connaturalis. R. negando maiorem. Ad probationem, R. Species dici connaturales, quia ſunt debitæ tali naturæ: cum enim naturaliter Angelus ſit intellectualis, exigit naturaliter habere principia, quibus poſſit exercere actus ſuę naturę conuenientes, & conſequenter ſunt etiã datę illæ ſpecies in ordine ad finem naturalem; cum quo tamẽ ſtat, quod ſi quæ ſpecies fuiſſent datę in ordine ad myſteria ſupernaturalia, diceretur ſupernaturales: (ſed quidquid ſit de hoc) mihi ſufficit, quod ex illo duplici capite illæ ſpecies dicantur naturales: quorum neutrum competit Gratię Gratum facienti, eſto ponatur infuſa in ipſa creatione; neque enim exigitur à natura; neque ſuit data in ordine ad finem naturalem; ſed in ordine ad Vitam æternã, quæ eſt finis ſupernaturalis.

Dices quinto: Si omnes Angeli à principio habuiſſent Gratiã, & cha-

ritatem: omnes immobiliter Deo adhæſiſſent. Sed hoc non eſt factum; nam multi corruerunt, ſingulò non habuerunt huiuſmodi dona. Probatur ſequela maioris: Si enim habuiſſent huiuſmodi habitus ſupernaturales in primo inſtanti, tunc fuiſſent conuerſi ad Deum per actum charitatis, & cum eorum liberum arbitrium ſit inflexibile, immobiliter ei adhæſiſſent: nec poſtea aliqui corruiffent. R. in hoc argumento inuolui aliqua difficilia, quæ in ſequentibus ſunt fuſius diſputanda. Pro nũc dico primo ex principijs Doctrinæ S. P. N. non haberi, quòd Angeli ſint ex ſua natura inflexibiles; ſed ſolum ratione termini, & ſtatu in quo ſunt: conſequenter ad ea [quæ habentur in Sacris litteris de Diabolo: quòd *in Veritate non ſteſit*, quòd non eſſet verum, ſi eius arbitrium ex natura ſua inflexibiliter, & immobiliter adhæreret obiecto. Præterea Reſpondeo non ſequi neceſſariò; quòd ſi Angeli habuerunt Gratiã, & charitatem quòd in eodem inſtanti fuerint in Deum actualiter conuerſi: nam licet ex Sacris Scripturis hoc inferamus; nihilominus non eſt neceſſaria conſequentia ex eo quod habuerint Gratiã, & charitatem in primo inſtanti; quòd in eodem fuerint per proprios actus conuerſi ad Deum. Poſſe enim creatura viatrix, & libera exercere, & non exercere actus ſuorum.

Hh

ha.

habituum esto supernaturalium: bio: in quo huiusmodi difficultates
sed de hoc fusius in sequenti Du: examinauntur.

AXIOMA SECVNDVM.

*Angeli omnes in primo instanti sue creationis amore casto
Deo adhaeserunt.*

Ex lib. 12. de Ciuitate Dei cap. 9.

Si dixerimus, nullam esse efficientem causam etiam bonae Voluntatis, cauendum est, ne Voluntas bona bonorum Angelorum non facta, sed Deo coacta esse credatur. Cum enim ipsi facti sint, quomodo illa non esse facta dicitur? Porro quia facta est, verum cum ipsis facta est, an sine illa fuerunt prius? Sed si cum ipsis, non dubium quod ab illo facta sit, à quo, & ipsi: simulque ut facti sunt, et à quo facti sunt adhaeserunt. Eoque sunt isti ab illorum [demonum] societate discreti, quod hi in eadem voluntate bona manserunt, illi ab ea deficiente mutati sunt, mala scilicet voluntate, hoc ipso quod à bono defecerunt; à quo non defecissent, si utique voluissent:

D V B I V M

Vtrum Angeli per proprium actum potuerint se præparare, & de facto se disposuerint in primo instanti ad gratiam habitualement recipiendam.

Pono Quaestionem hanc sub his terminis; eo quod sit specialis difficultas tam circa possibilitatem quam circa actum. Ratio dubitandi

di de potentia est, quia si Angeli potuissent se præparare ad gratiam per suos actus in primo instanti, vel fuisset per actus necessarios, vel per actus liberos: sed actus necessarii non sunt aptæ dispositiones ad gratiam sanctificantem de lege ordinaria solum in Viatoribus, ut erant tunc Angeli, & actus liberi non videntur posse admitti in illis pro primo instanti. Ergo nullo modo potuerunt se præparare. Secunda pars minoris, in qua est difficultas. (Primum enim omnes, ultro concedunt;) probatur quia defuit sufficiens libertas ad habendum talem actum in primo instanti; nam ad huiusmodi libertatem requiritur indifferentia voluntatis ad operandum, & non operandum, quam Angeli non potuerunt habere pro illo primo instanti; sed solum respectu temporis sequentis: Cum enim huiusmodi indifferentia debeat præcedere talem actum; alias enim non esset actus liber, nisi principium illum eliciens, antequam se determinet ad illum, potens esset illum elicere, & non elicere; & non possit esse sub tali indifferentia in minori duratione quam per instans; consequens est, illos in primo instanti non potuisse habere actum liberum, quod se ad gratiam præpararent: his tamen non obstantibus.

Dico cum communi Theologorum sententia: Angelos omnes in primo instanti potuisse elicere pro-

prium actum supernaturalem, & liberum dilectionis Dei, & de facto exercuisse; quod probatur; quia pro illo instanti habuerunt liberum arbitrium; & nulla est repugnantia, quin Deus posset illis conferre auxilia actualia tam ex parte intellectus, quam ex parte voluntatis ad actus supernaturales fidei, spei, & charitatis. Ergo potuerunt illos actus liberos elicere: & idcirco si Deus disposuisset, ut illi actus non ab habitibus elicitive prodirent, ita potuissent ordinari ut essent dispositiones ad illos; hanc sententiam esse de mente S. P. N. non dubito, cum enim doceat in Axiomatibus præcedentibus; omnes Angelos, eo ipso ut facti fuerent, adhæsisse Deo amore sancto, & casto; & Dæmones ideo malos effectos; *quia ab ea voluntate deficiente mutati sunt mala voluntate.* Manet eos potuisse tales actus elicere. Ad rationem dubitandi respondent aliqui, ad libertatem non requiri, ut voluntas prius duratione reali sit in differens ad operandum; sed sufficere, ut prius natura præcedat; & hoc dicunt esse de mente S. Thomæ qui prima parte qu. 63. art. 5. ad 3. docet Angelum in primo instanti posse mereri, & tamen ad meritum requiritur libertas. Licet enim alibi doceat in primo instanti non potuisse peccare; hoc tamen non insert ex defectu libertatis ullo modo; sed ex alio capite. Hoc tamen non obsta-

Hh 2

te;

te; solutio prædicta censetur insufficiens à recentioribus, & maxime ab illis qui docent prædictam indifferentiam esse constitutum formale libertatis; eo quod nec etiam diuinitus fieri possit, ut duo contradictoria simul existant in eadem duratione reali, nec etiam pro vnico instanti; & consequenter nec etiam fieri poterit; ut in eodem instanti reali sit negatio formæ, & simul forma ipsa existat; & cum esse determinatum dicat negationem indifferentiæ, & indifferentia dicat negationem determinationis; nullo modo voluntas, pro eo tempore, vel instanti quo est determinata, poterit esse indifferens: propterea ad complementum prædictæ solutionis dicunt determinationem, & indifferentiam causæ dupliciter posse contingere. Primum ut sit ipsius causæ determinatio per se, & secundum illa, quæ ipsius actionem præcedunt, cui opponitur indifferentia ipsiusmet causæ per se. Altera vero est determinatio non ratione ipsius causæ præcisè; sed ratione actus quo informatur, cui opponitur indifferentia respectu ipsius actus; quo posito dicant ad rationem libertatis cauere pro eo instanti in quo agit non esse posteriorem indifferentiam, alias nulla causa libera quando actu exercet suos actus qui dicuntur liberi, esset verè libera; Esse tamen de ratione eius priorem indifferentiam, quæ solummodo per aliquid præcedens

actus, quo ante eius exercitium ipsa causa sit determinata, tolli potest; quod dicunt fieri quoties in intellectu est iudicium determinans voluntatem ad exercitium actus; cuius rei exemplum habemus in visione beatifica determinante voluntatem ad amorem Dei. Quapropter cum solum per illam priorem indifferentiam causa libera differat à necessaria; manet optimè posse coherere hæc duo, & quod voluntas in primo instanti, quo existit, sit libera, & liberè agat; & nihilominus in illo instanti sit determinatio posterior; dummodo non sit illa prior per quam solam tollitur libertas. Sic discursit Caspensis Tract. de Angelis disp. sexta scilicet. 2. nu. 10. cum Monceo, & Meratio ab eo ibi relatis. Hæc responsio licet patiatur suas difficultates; videtur enim imperceptibile; quomodo causa sit libera, & indifferens illa prima indifferentia, & tamen hæc non præcesserit actum neque per instans, & quomodo stante illa indifferentia in causa in omnibus, & singulis indiuiduis quarumcunque specierum nature Angelicæ fuerit iste actus in illo primo instanti elicitus; non enim aliundè colligimus determinationem in causis necessariis, nisi ex eo quod in omnibus, & singulis indiuiduis talium causarum existentibus talibus circumstantiis dentur tales actus: Nihilominus est melior quæ in prædicta sententia de constitutiuo libertatis

etis dari possit. Quia verò nos cum S. P. lib. 3. de lib. arb. c. 3. & lib. de Natura, & Gratia cap. 45. & 47. & alibi, vt suo loco dicam ponimus constitutum libertatis in Amplitudine, & eminentia cum Dominio, & potestate in suos actus præsciendò ab illa indifferentia, & determinatione, cum quo sentiunt SS. DD. Anselmus, Bernardus, & Thomas, & cum his plurimi alij clarissimi, & toto orbe celeberrimi Auctores. Propterea respondemus Angelos omnes casto amore se in primo instanti ad Deum conuertisse, quia erant plenè domini talis actionis, de cuius dominij ratione non erat, vt præcederet per aliquod instans realem suum actum; sed solum quod ita poneret; vt quantum erat ex se, posset non ponere: Eiusque exercitium in omnibus, & singulis indiuiduis naturæ Angelicæ inferimus ex scripturis Sacris; & præcipuè ex Ezechiele cap. 28. vbi de Diabolo dicitur, *Perfectus in vijs suis à die conditionis tuæ donec inuenta est iniquitas in te.* & ex SS. PP. & maximè ex S. P. N. vt habes in Axiomate.

Circa secundam difficultatem; an scilicet per talem actum Angeli se disposuerint ad gratiam iustificante recipiendam; est duplex sententia. Prima est Caietani in Commentarijs 22. quæst. 24. artic. 3. ad 3. nostri Ferrariensis libro 3. contra Gentiles cap. 100. Gregorij de Valen-

tia Tomo primo disp. quarta qu. 13. puncto primo Assert. 3. & Ludouici Caspensis loco citato, & est affirmatiua. Secunda vero est negatiua quæ docent Capreolus in secundo dist. 4. qu. 1. ad primum Molina qu. 72. ait 3. ad primum. Res hæc est incerta, & dubia, vt obseruant Beccanus Tract. de Angelis qu. 2. §. 5. *Secunda Conclusio.* & Arriaga, Tomo 2. disp. 20 de Angelis Sectione tertia. Nam certum est Deum potuisse vtroque modo disponere; At quid fuerit de facto; nec ex Sacris Scripturis, nec ex SS. PP. adducitur testimoniū conuincens pro alterutra parte contradictionis.

Dico tamen secundò in re tam dubia mihi videri probabiliorē Sententiam Capreoli negantis talem actum fuisse dispositionem: moueor p. ex verbis S. P. quæ habentur in eodem capite; ex quodæsumpsi Axioma; vbi dicit quod. *Deus eos cum bona voluntate, id est enim amore casto, quo illi adhaeruerunt, creauit, simul in eis condens naturam, & largiens gratiam.* Si simul condendo naturam largiebatur gratiam; profecto omnino liberamente, & sine villo merito, vel ex condigno, vel ex congruo eam illis donabat, hoc enim sonat illud verbum *largiens*, largiri enim est idem, ac donare; non esset autem donata, si fuisset prærequisita dispositio, & actus meritorius saltem de congruo, Prob. 2. ex supra relata PP. & DD. com.

communiori sententia, quod Angelifuerint in gratia creati: Si enim ipsi ad eam se per proprium actum disposuissent, hoc non fuisset in gratia esse creatos; sed eam sibi met ipsis suis actibus comparare. Prob. 3. quia etiam per Aduersarios melius est operari in gratia, & per gratiam, quam sine gratia; maioris enim valoris semper sunt opera illa, quæ procedunt à gratia, quam illa quæ eam antecedunt. Prob. 4. quia Christus Dominus non habuit gratiam habitualem in instanti suæ conceptionis ex meritis; Et tamen si honorificentius esset [ut volunt Aduersarij] eam habere ex meritis, seu dispositionibus præcedentibus, non apparet ratio; cur hæc honorificentia Christo Domino esset deneganda: Nec satisfacies, si dicas, eam fuisse debitam ratione vnionis hypostaticæ: ac proinde nullam debuisse præcedere actionem dispositiuam; nam etiam Gloria Sanctissimi Corporis ipsius erat ei debita propter prædictā vnionem; & tamen Deus eam illi dedit propter opera. Prob. 5. quia in hoc magis elucet Liberalitas Dei; & Artificis Potentia; si ipse per semetipsū ornet opus suum; quā si ipsam opus per semetipsam sibi suum ornatum compareret, & acquirat per sua opera.

Probant vltimò alij; quia si data fuisset huiusmodi gratia propter opera, licet solum de congruo meritoria eius; fuisset collata secundum inten-

sionem actus; quemadmodum de homine peccatore se conuertente ad Deum, & præparante ad gratiam, communiter docent Theologi. Sed hoc dato talis gratia fuisset nimis exigua: Et non posset verè dici, quod omnis lapis pretiosus fuisset indumentum eius. Ergo probabilius est, eam fuisse datam independentem à meritis. Sic discutitur Atriaga loco citato.

Dices primo: gloriosius esse cui-cunque creaturæ ratione videnti habere gratiam propter merita, quam sine illis. Ergo ne Angeli carerent hac gloria, dicendum erit hoc modo fuisse illis collatam. & negando antecedens, nam rota gloria pensatur ex meritis factis per gratiam, & ex gratia: Immo gloriosiora sunt merita prouenientia à persona iam existente in gratia; quam illa quæ proueniunt ab eadem antecedenter ad gratiam; quo enim dignior est persona, eo gloriosior est operatio. Vbi aduerte, non propterea nos negare esse illis datam nouam gratiam in præmium operationis; sed solum contendimus, primam gratiam sanctificantem fuisse illis collatam antecedenter ad talem dispositionem actualem ipsorum.

Dices secundo: S. Thomas prima parte qu. 62. art. 6. docet, Angelos perfectiores accepisse maiorem gratiam; quia fortius, & efficacius se disposuerunt, & ad Deum conuertebant. Et quæst. 63. art. 3. ad 4. dicit:

cit: omnes Angelos in primo instanti meruisse. Ergo de mente S. Thomæ est Angelos se preparasse ad primam gratiam, & eam accepisse secundum proportionem dispositionis vniuscuiusque ipsorum; Et hoc eo magis quod in eo instanti habuerunt supernaturalem cognitionem Dei, ac etiam supernaturalem amorem, quod eo magis de illis dicendum est, quia non erat in illis vllum impedimentum, vel praua aliqua cogitatio; quæ illos à tali amore auerteret. R. S. Thomam loqui ibi de augmento gratiæ non vero de prima gratia sanctificante; nam eo loco docet, eos accepisse talem gratiam iuxta quantitatem suorum naturalium; quod non esset, si fuisset collata intuitu dispositionis præcedentis; nam ille actus, vt potè procedens ab auxilio actuali supernaturali, cum esset in sua entitate supernaturalis, vt docet etiam Aduersarij, fecisset, vt gratia illa nõ esset secundum quantitatem suorum naturalium; sed secundum intensiõnem talis actus supernaturalis. Propterea cum idem Angelicus Doctor in præcitato art. 6. qu. 62. sibi obiecisset pro secundo argumento: quod magis propinquus est ad gratiam actus humanus, quam natura; & cum gratia non sit ex operibus, vt habetur ad Rom. 11. multo minus quantitas gratiæ in Angelis est secundum quantitatem naturalem. Satisfecit argumento in R. ad se-

cundum his verbis. *Dicendum quod actus rationalis creatura sunt ab ipsa (1. gratia) Sed natura est immediate à Deo. Unde magis videtur, quod gratia detur secundum gradum naturæ, quam ex operibus.* idem omnino conuincitur ex duobus articulis præcedentibus, si attentè considerentur: nam in quinto docet, quod Angelus statim post primum actum Charitatis beatitudinem meruit, & in quarto articulo in quo quærit, utrū Angelus creatus suam beatitudinem meruerit: in corpore articuli finit dicendo. *Melius dicendum est, quod gratiam habuit Angelus antequam esset beatus, per quam beatitudinem meruit.* Statuit itaque hunc ordinem Angelicus Doctor, vt prius prioritate naturæ sit ipsa natura Angeli: secundò gratia sanctificans per quam possit mereri: tertio ipse actus meritorius: quarto ipsa beatitudo; vt legenti articulos illos clauum erit. Aduerte hic pro solutione aliarum obiectionum, quæ possunt fieri; nos non negare Angelos in primo instanti habuisse actum conuersionis in Deum, vt putant aliqui Aduersariorum; & idcirco totis viribus conantur probare Angelos in primo instanti exercuisse huiusmodi actum; hoc enim vltro concedimus. Tota differentia inter illos, & nos est in hoc præcisè, quod Aduersarij dicunt illum primum actum dilectionis, seu conuersionis in Deum fuisse prius naturæ, quam ipsa

ipsa gratia sanctificans, & nos dicimus fuisse posterius.

Dices tertio: in collatione gratiæ contrahitur quædam amicitia spiritualis inter Deum, & creaturam rationalem: Sed amicitia consistit in mutua dilectione, quæ etiam desponsatio spiritualis dicitur. Ergo debet acquiri per propriam, & actualem dispositionem; cum consistat in mutua dilectione inter ipsum Deum, & creaturam rationalem. *R.* hoc argumentum pati instantiam in Christo Domino; nam amicitia illa, & desponsatio fuit perfectior in illo, quam in qualibet pura creatura; fuit enim per gratiam unionis; & tamen non præcessit operatio libera ipsam gratiam habitualement: non ergo bene infertur ex eo, quod datur mutua dilectio inter Deum, & creaturam; quod actus ille dilectionis debeat præcedere in priori naturæ ipsam gratiam sanctificantem; sufficit enim si ab ipsa procedat. Habet etiam instantiam in infantibus qui baptizantur, in quibus datur illa spiritualis desponsatio; & tamen non habent actum conversionis liberum in Deum. Vnde ad summum illa, & aliæ similes congruentiæ ostendunt, Deum potuisse res sic ordinare, ut actus aliquis liber Angelorum fuisset dispositio ad infusionem primæ Gratia Sanctificantis; non tamen probant; quod ita factum fuerit, vel debuerit fieri.

Dices quarto: nihil impedit, quo-

minus ille actus dicatur productus à gratia, & nihilominus fuerit dispositione ad illam; Ergo etiam si non præcesserit natura, sed subsequutus fuerit, adhuc erit præparatio ad illam. Prob. antecedens: quia communiter admittitur; actum contritionis esse priorem gratia sanctificante in genere causæ materialis, & posteriorē in genere causæ efficientis; Ergo idē poterit dici de illo actu Angeli; quocasto amore adhæsit Deo; id est quod fuerit prior Gratia sanctificante quatenus disposuit subiectum ad illam recipiendam, posterior verò quatenus fuit productus ab illa efficiente. Arriaga loco citato dicit; hoc esse argumentum Tanneri disput. quinta, quæst. 6. dubio primo; ubi etiam alios citat pro se sed esse argumentum valde durum, eo quod ponat mutuam causalitatem, quam ille in physicis reiecit. Sed quidquid sit de hoc. Respondetur in nostro casu non posse admitti illam prioritatem, & posterioritatem in eo actu; cum ponatur à nobis gratiam esse priorē hoc actu dilectionis in genere causæ efficientis, & principium effectuum est simpliciter prius suo effectui: & quod est simpliciter prius alio in genere causæ efficientis, non potest postea in ullo alio genere esse posterius illo: nam causa efficiens est illa, quæ dat esse effectui, quod non habebat antecesser; vnde cum antè ipsam causam efficientem non existeret, nō po-

poterat esse dispositio ad ipsam; esse enim dispositionem ad aliquid, verè, & realiter importat necessariò, & essentialiter veram, & realem existentiam talis dispositionis antecedenter ad ipsam formam, saltem in priori naturæ, quam existentiam in casu nostro (vt vides) antecedentem gratiam nullo modo ille actus habebat.

Dico tertio: probabilissimum esse; Angelos in primo instanti acceptis gratis habitibus Gratiæ Sanctificantis, ac etiam fidei spei, & Charitatis, qui ipsam Gratiam gratum facientem in Viatoribus de lege ordinaria comitantur, elicuisse in primo instanti non solum actum charitatis, & conuersionis in Deum, de quo supra: sed etiam Fidei, & Spei; & hos non solum illi qui steterunt, sed etiã illi, qui ceciderunt; hæc assertio est consequens ad prædicta, & communis inter Theologos; in quantum dicit Angelos in illo primo instanti elicuisse hos actus. Controuersia solū est an huiusmodi actus fuerint dispositiones ad ipsos habitus supernaturales; vel potius eorum effectus: in quo puncto eodem modo philosophandum est; ac de ipso actu dilectionis Dei: militant enim eadem argumenta, & nihil noui pro, aut contra mihi in hac parte placet adducere. Prior pars assertionis quæ est communis: probatur hac ratione. Angeli potuerunt in eodem instanti omnes hos actus elicere, & nullum

erat impedimentum; immò posito quod in primo instanti elicuerint actum dilectionis Dei supernaturalem, præquirebatur in eis actus cognitionis, & fidei supernaturalis de ipso Deo non solum tamquam Principio, & Auctore naturæ, & gratiæ; sed etiam vt sine non solum naturali, sed etiam supernaturali ipso: cum nondum haberent cognitionem intuitiuam, seu visionem Beatificam; Ergo hos omnes actus elicuisse dicendum erit. Prob. 2. quia isti actus mutuo se iuuant; fides enim dirigit, & spei est fundamentum iuxta Apostolicam definitionem in qua dicitur. Fides est substantia rerum sperandarum; & spes excitat amorē, & amor erigit spem; & cū sint actus spirituales elicit, & recepti etiam in potentijs spiritualibus, nihil impedit, quò minus possint simul existere in eodem instanti. Probat. 3. quia isti actus sunt media necessaria ad beatitudinem supernaturalem consequendam. Ergo illos habuerunt in primo instanti; cum sit intelligibile quod habuerint actum Amoris supernaturalem in primo instanti, vt est communior terè omnium DD. sententia, & non habuerint etiã actus fidei, & spei supernaturales: Cumque omnes fuerint pares in illo instanti non solū perseverantes; sed etiam cadentes habuisse hos actus in illo primo instanti dicendum est. Hos actus censeo elicitos fuisse per habi-

ipsos supernaturales primò infusos, & consequenter non fuisse dispositiones ad illos, nec etiam ad gratiā sanctificantem propter supradicta.

Dices: nō solum in peccatoribus, sed etiam in qualibet creatura rationali, quæ habet vsum rationis requiruntur hi actus, vt infundatur ei gratia sanctificans, & isti habitus. Ergo hi actus fuerunt dispositiones ad illos. R. antecedens esse verum quoad peccatores; quia cum proprijs motibus, & actibus liberis se auerterint à summo bono, & conuerterint ad creaturas: ratio dicat, vt in conuersione necessariò debeāt auerti à creaturis, & cōuerrere ad Deum per huiusmodi actus. De alijs creaturis, quæ supponuntur non peccasse, nulla necessitas cogit nos ad hoc dicendum. Si enim Deus per suam meram liberalitatem primò infundat hos habitus (vt in Angelis factum fuisse censeo propter prædicta) nulla omninò est necessitas, vt se disponāt ad primā infusionem illorum; sed ad summum per illos possūt se disponere ad augmentum eorundem habituum.

Cum hæc scriberem, à quodam viro satis erudito mihi oblata fuerūt quædam loca S. P. N. Augustini ex Epistola 207. quæ est ad Vitalem. Ex lib. 2. op. imperfecti contra Iul. fol. 216 ex lib. primo ad Bonif. cap. 2. & 3. ex lib. de Gen. ad litt. c. 14. De Nat. & Gratia cap. 13. lib. primo de peccator. meritis, & remissione

cap. 37. ex lib. de Corr. & gratia c. 12. ex S. Fulgentio libro de Incarnatione, & Gratia cap. 2. 12. & 13. Et ex S. Prosp. in carmine de lo-gratis quidam versus, & alia plura; Ex quibus concludebat, vt verissimum, & absque dubitatione tenendum in Doctrina S. P. & Ecclesiæ certum esse, omnia bona opera Angelorum in via, & Primis Parentis in statu innocentie inclusis etiam actibus Fidei, Spei, & dilectionis Dei ab illis potuisse fieri, & quæ facta fuerunt de facto elicitā fuisse per naturalem arbitrij libertatem; ita vt ea non essent ex gratia Dei, & consequenter falsa esse ea, quæ supra dicta sunt de supernaturalitate habituum, & actuum Angelorum, dum erant in via. Hæc mihi paradoxa visa fuere; & non esse ad mentem S. P. N. nam cum in Axiomatibus supra positis docuerit ex professo, quod Deus erat in Angelis *condens naturam, & largiens gratiam*, profectò per gratiam intellexit dona gratuita, contra distincta ab ipsis perfectionibus naturalibus. Præterea recolui in præcitato libro de Correptione, & Gratia cap. vndecimo S. P. loquendo de possibilitate quā habuerunt Angeli; & Primus homo; sic habere *Quid ergo? Adam non habuit Dei gratiam? immo verò habuit magnam, sed disparem. Ille in bonis erat, quia bonitate sui Conditoris acceperat. Neque enim ex bona ille suis meritis com-*

comparauerat, in quibus prorsus nullū patiebatur malum, & sic per extensum probat ibi S. P. Primum hominem habuisse gratiam Dei, per quā posset benē, & meritorie operari; & cum posuisset apertam differentiam inter Gratiā datā Adamo, & Gratiā datā nobis concludit dicendo. *Nec ipsum ergo Deus esse voluit sine sua gratia, quam reliquit in eius libero arbitrio; quoniam liberum arbitrium ad malum sufficit, ad bonum autem nihil est, nisi adiungetur ab Omnipotenti bono: quod adiutorium si homo ille per liberum non deseruisset arbitrium, semper esset bonus: sed deseruit, & desertus est. Tale quippe erat adiutorium, quod desereret cum vellet, & in quo permaneret si vellet; non quo fieret ut vellet. Hac est prima gratia, qua data est Primo Adam, & infra loquens tam de Angelis, quam de primo homine à principio durationis eorum, sic discarrit. Si autem hoc adiutorium, vel Angelo, vel homini quā primum facti sunt, de fuisset, quoniam non talis natura facta erat, ut sine Diuino adiutorio posset manere si vellet, non utique sua culpa cecidissent: Adiutorium quippe de fuisset, sine quo manere non possent. Nunc autem quibus deest tale adiutorium, tam pāna peccati est, quibus autem datur secundum gratiam datam, non secundum debitum. Sentit ergo S. P. & Angelos, & Primum hominum habuisse Gratiā, & Adiuto-*

rium Diuinum superadditum naturæ humanæ, & datum non secundū debitum: sine quibus permanere nō potuissēt, etiam si voluissent. Nec loca illa obiecta vllō modo probant contrarium; nam licet in illis dicatur Adamum accepisse *voluntatem liberam, & sufficientissimam voluntatem*, & similia; numquam tamen in illis locis excludit necessitatem gratiæ, immō vel explicite, vel implicite eam docet; & ex professo in locis, hic adductis ex lib. de Correctione, & Gratia eam declarat; vnde immerito ei attribuitur illa sententia; quam nec ipse nec Sancti illi adducti ab Aduersariis tenuerunt. Quapropter arbitror, & Michaelē Baium; & Cornelium, Iansenium, Iprēsem Episcopum lib. sing. de Gr. Prim. hom. c. 7. in hoc sicut, & in pluribus alijs aberrasse à germana mente S. P. Nostri Augustini. Dixi Michaelē Baium, Nam inter eius proportionēs damnatas in Bullis Fel. Rec. B. Pij PP. Quirī, & Greg. XIII. hæc primo loco habetur. *Nec Angeli, nec primi hominis integri merita recte vocantur gratia.* & septima erat. *Primi hominis integri merita fuerunt prima creationis munera; sed iuxta modum loquendi Scripturæ Sacra non recte vocantur gratia, quod fit ut tantum merita, non etiam gratia debeant nuncupari: & Nona sic se habebat. Dona concessa homini in regno, & Angelo forisitan non impro-*

*banda ratione possunt dici gratia; sed quia secundum usum Sacra Scriptura nomine gratia ea tantum munera intelligimus, quae per Iesum Christum male merentibus, & indignis conferuntur, Ideo neque merita, neque merces, quae illis redditur gratia dici debet. Duæ priores Sententiae fuerunt ab illis Summis Pontificibus proscriptae; quia continebant errorem intolerabilem; quatenus afferebatur in illis; merita Angelorum, vel hominis integri non rectè vocari gratiam; cū nihil repugnet, meritum aliquod ita esse gratiam; ut etiam simul sit meritum, cui ex iustitia merces debeat; & propter eandem rationem damnata fuit etiam nona; quia in illa ponebatur in dubio: utrum dona collata Angelis, & homini integro sint dicenda gratia, & tandem affirmabatur non debere dici; & præterea quia affirmabat gratiae nomine in Sacris litteris id solū censeretur, quod per Iesum Christum male merentibus conferretur; quod etiam ex ipsa Sacra Scriptura pater esse errorem. Dixi etiam Cornelium Iansenium Ipse sem Episcopum; quia in Libro singulari de Gratia primi hominis, & Angelorum cap. 7. videtur fauere Doctoris Michaelis Baij contentæ in illis tribus propositionibus. Eam tamen Iansenius, retractavit cap. 19. eiusdem libri, in quo expressè dicit. *Non ideo Angelorum, & Adam merita non sunt gratia, quia non supremo**

modo sunt gratia; & paulo infra Quod propter omnino fatendum est merita, ita in innocentia tam Angelica, quam humana fuisse gratias, ac dona Dei; sed non illo sublimi, ac speculati modo qui statim fracta libertatis, damnataque natura proprius, & supra fusius explicatus est. & postea subsequenter propositis quattuor modis quibus merita illa vocari possint gratiae, ac dona Dei cōcludit sic. Hinc est igitur quod magnam fiduciam Augustinus omnia non solum merita, sed etiam pramia meritorum Divina Gratia in illo statu prima tam humana, quam Angelica felicitatis ascribit. Constat etiam authenticè de retractione Michaelis Baij qua non solum illas tres; sed etiam omnes alias contentas in illis diplommatibus eiecit die 24. Martij Anno 1580. Est igitur, & Sententia expressa S. P. N. Augustini: Et S. R. Ecclesiae. Potestatem Angelorum, & actus illos, quibus vitam æternam promeruerunt, habuisse veram Gratiae rationem; & inter dona Dei gratuita esse numeranda; & nullo modo solis viribus naturae adscribenda; aut inter dotes, & actus merè naturales esse computanda.

Quæri hic solet: an Angeli acceperint gratiam secundam quantitatem suorum naturalium. De hac questione non habeo explicitam sententiam S. P. eam tamen pertractat Magister sententiarum lib. Secundo dist.

dist. tertia in principio. Et S. Th. prima parte quæst. 62. artic. 6. & Conclusio est affirmatiua, quam S. Th. duobus potissimum probat argumentis. Primum est quia Deus, qui est Auctor naturæ, & gratiæ; cum naturam Angelicam ordinauerit ad gratiam, verisimile est, quod perfectiori naturæ perfectiorem contulerit gratiam. Secundum est quia. Quo quis Angelus est perfectior; eò maiori conatu potuit se disponere ad gratiam recipiendam, & cum sit verisimile vnumquemque Angelorum operatum esse toto conatu; verisimile est perfectiores Angelos maiori conatu se disposuisse; ac proinde maiorem gratiam accepisse. Hoc secundum argumentum in sententiâ, quam ego sequor accipiendum est de augmento gratiæ; non verò, de prima gratia sanctificante: hanc enim sentio eos accepisse à Deo ex liberalitate ipsius iuxta ordinem suæ Diuinæ Sapientiæ, & Providentiæ. Hæ rationes non excedant limites probabilitatis: Nam non solum Christus Dominus; sed etiam Beatissima Virgo acceperunt maiorem gratiam quam omnes Angeli simul, & tamen Angelus naturâ humana est perfectior, & consequenter Deus non habet pro regula infallibili largitionis suæ gratiæ proportionem naturalium perfectionum. Secundum etiam patitur difficultatem in eo, quod ficut quidam Angeli etiam ex perfectiori-

bus non solum potuerunt peccare, sicut, & alij; sed etiam de facto peccauerunt, ita etiam potuerunt non ex toto conatu; sed remissius operari. Quapropter nullo modo est dicendum maiorem perfectionem naturalem Angelorum, vel maiorem conatum naturalem conuersionis fuisse causam impetrandi à Deo gratiam habitualement; nam in hoc est eadem ratio de Angelis, ac de hominibus; sed Deum ex mera sua voluntate, & liberalitate voluisse, Angelis perfectioribus conferre maiorem gratiâ sanctificantem, & maiora auxilia præuenientia, & adiuantia vt acceptæ gratiæ, & donis habitualibus cooperaretur. Ratio huius doctrinæ est, quia motuum Diuinæ voluntatis nō potest esse aliquid creatum; sed sola bonitas increata. Bonitas enim creata nō habet rationē finis vltimi respectu Dei; sed solum mediij. Præterea si aliqua fuisset causalitas in natura Angelica in ordine ad inæqualem distributionem huiusmodi donorum supernaturalium, in aliquo genere causalitatis fuisset; sed excepto genere causalitatis materialis, quod de se non est sufficiens, ad hoc; vt Deus maiorem gratiam det vni, quam alteri; nullum aliud genus assignari potest, ratione cuius contingat talis inæqualitas: Ergo ex libera Dei voluntate facta est talis diuersitas dispositionis. Maior est certa Minor quoad secundam partem probatur quia

ipsa

ipsa natura Angelica, quantavis dignitate polleret, non potuit esse causa efficiens Gratiæ, solus enim Deus est causa illius; nec potuit esse causa meritoria, quia vires, & ætus merè naturales non sufficiunt ad meritum Gratiæ Sanctificantis, & aliorum habituum supernaturalium; cum inter illos, & hæc non detur proportio requisita ad veram rationē meriti: nec potuit esse finalis; neque enim natura Angelica estò dignissima est finis operationum Dei: sed ipsamet eius bonitas; vt habemus ex Diuinis Scripturis; quod scilicet omnia propter semetipsum operatus est. Ergò nullum est assignabile causæ genus ex parte Angelorum, propter quod Deus vni dederit maiorem gratiam, quam alteri; nisi libera Dei voluntas, cui placitum fuit, distribuere sua dona, prout illi placuit.

Dices: sicut in hominibus assignatur maior conatus, quo peccator se conuertit in Deum, pro ratione cur vni det Deus maiorem gratiam sanctificantem, quam alteri peccatori se conuertenti cum minori conatu; ita etiam ex parte Angeli possumus hoc assignare pro maiori ratione in vno, quam in altero. & hanc rationem in nostra sententia non habere locum, quoad primam gratiæ infusionem; nam vt dixi supra etiam ex mente

S. P. Deus largitus est illis gratiam Gratum facientem, & habitus Fidei Spei, & Charitatis antecedenter ad omnem illorum operationem: Loquendo vero in sententia eorum qui dicunt Angelos se disposuisse per proprium actum non solum ad augmentum; sed etiam ad primam Gratiæ Sanctificantis infusionem: adhuc dicendum est, hoc non fuisse factum ex solis viribus naturæ; sed ex maiori gratia præueniente, & adiuvante; quemadmodum etiam in exemplo assignato in argumento de peccatoribus se conuertentibus diuersis conatibus. Ratio est illa, quam paulò ante indicaui; quia inter dispositionem, & formam debet dari proportio: sed nulla est proportio inter actum naturalem, & formam supernaturalem: Ergò Angelus solo naturali conatu non potuit se disponere neque ad primam, neq; ad augmentum Gratiæ Sanctificantis. Ergò quod vnus Angelus, magis se disposuerit, quam alius prouenit ex eo, quod vnus maiori gratia fuit præuentus, quam alter: Propterea merito rejicitur nunc à Theologis Sententia illorum, qui dixerunt, Angelos fuisse iustificatos ex dispositione solius liberi arbitrij absque vilo supernaturali auxilio, vel dono Gratiæ Dei supernaturali.



AXOMA TERTIVM

Angeli non receperunt Gratiā Sanctificāntem ex meritis Christi.

Ex Enchiridione ad Laurentium Cap. 61.

Hæc ergo quæ Sanctis Angelis, & virtutibus Dei est Ecclesia, sane nobis sicut est innotescet, cum ei continenti fuerimus in finem, ad simul habendam beatitudinem sempiternam. Ista vero quæ ab illa peregrinatur in terris, nobis natior est, quod imilla sumus, quia hominum est, quod & nos sumus. Hæc sanguine mediatoris nullum habentis peccatum ab omni redempta est peccato; eiusque non est, si Deus pro nobis quis contra nos? Qui proprio filio suo non pepercit, sed pro nobis omnibus tradidit illum. Non enim pro Angelis mortuus est Christus. Sed ideo etiam pro Angelis fit quicquid hominum per eius mortem redimitur, & liberatur à malo: quoniam cum eis quodammodo redit in gratiam post inimicitias, quasi inter homines, & Sanctos Angelos peccata fecerunt, & ex ipsa hominum redemptione ruina illius Angelica detrimenta reparantur.

D V B I V M

**Vtrum Angeli acceperint Gratiā
ex meritis Christi Domini.**

Celebris est hæc difficultas in scholis, & communiter disputari solet. Tertia parte in commentariis questionis octavæ, vel questionis 19. eam tamen placet hic breviter propter affinitatem materie discutere, quod & alij auctores præsti-

torunt. Videndum igitur in præsentia an Angeli acceperint gratiam sanctificāntem, & consequenter etiam beatitudinem essentialē ex meritis Christi; in quo sunt duæ Theologorum sententiæ extremè oppositæ. Prima est Ambrosij, Cartherini in lib.

lib. primo de eximia prædestinatione Christi, & in alio lib. de gloria Angelorum. Viguerij in lib. Institutionum Theologicarum cap. 20. §. 1. vers. 4. Nostri Iacobi de Valētia in psal. 102. Petti Galatini lib. 3. de Arcanis cap. 4. Iacobi Nacłanti in cap. p. Epist. ad Ephesios. Melchioris Flauij in lib. de Regno Christi. Suarij tom. primo in 3. parte disp. 42. fef. prima vbi etiam citat Albertum Magnum in 3. dist. 13. artic. 2. Ioannem Arboreum lib. 3. Theosophiæ cap. 13. qui sentiant Christum Dominum meruisse Angelis gratiā, & gloriam, & ratione huius influxus esse caput ipsorum.

Secunda sententia est S. Thomæ in 3. Sententiarum dist. 13. quæst. 2. art. 2. & de Veritate quæst. 29. art. 7. ad 5. & art. 4. ad 5. & in 3. parte qu. 59. art. 6. Alexandri Alensis 3. parte quæst. 12. mem. 2. art. 3. e 5. S. Bonauenturæ in 3. dist. 13. art. 2. qu. 3. in corpore, & ad 3. & 4. Durandi ibidem quæst. 2. no. 7. Paludani qu. 1. art. 3. Almaini item in 3. dist. 19. quæst. prima post primam conclusionem. Maioris in eadem dist. quæst. prima in argumentis post conclusionem. Driedonis in lib. de captiuitate, & redēptione generis humani tract. 2. cap. 2. par. 3. art. 5. post 4. propositionem. Et Vasquez tomo primo in 3. part. disp. 49. cap. 2. & est communis inter Thomistas; qui omnes docent, Angelos non habuisse gra-

tiam sancti. Attem ex meritis Christi, & consequenter nec etiam beatitudinem essentialē. Eamque non dubito esse de mente S. P. Augustini, vt patet ex presenti axiomate, & ex alijs locis infra adducendis. Propterea.

Dico: Angelos omnes, qui ab initio suæ creationis iustificati sunt; iusticię, & gratię dona ex meritis Christi Domini non accepisse. Probatur hæc sententia primo ex Sacris Scripturis; nam Lucæ cap. 15. habetur parabola de Pastore, qui relictis nonagintanouē ouibus in deserto abiit, vt quæreret vnā solum, quæ perierat; quem locum S. Ambrosius in Lucam lib. 7. explicat de Christo Domino, qui merito suæ passionis quæsiuit totum genus humanum; quod per peccatum perierat; vt sicut in Adam omnes mortui erant; ita & in Christo omnes viuificarentur; & subdit omnes nos centesima portio sumus; habet Angelorum, habet Archangelorum, Dominorum, Potestatum, Thronorum, altorumque innumereabiles greges, quas in montibus dereliquit. Quod si Christus Dominus non solum propter salutem hominum; sed etiam propter iustificationem, & glorificationem Angelorum carnem assumpsisset, & mortem subiisset, non recte diceretur, eos reliquisse in celo; sed quod sicut venit ad quærendum hominem perditum; ita etiam ad quærendas alias oues, quæ perierant.

sent nisi per gratiam ab ipso promeritam iustificatæ fuissent. Nec obstat, si dicas Angelos multo ante aduentum Christi Domini fuisse iustificatos: & propterea non esse dictum, quod venerit propter illos; nam etiā Adam, & Patriarchæ, ac Prophetæ, ac plurimi alij Sancti Veteris Testamenti fuerunt multo ante aduentū Christi Domini iustificati, & nihilominus ex communi consensu SS. PP. spectant ad hanc centesimanouem, quæ perierat, & inuenta, ac redempta fuit; eo quod acceperint gratiam, & gloriam ex meritis Christi Domini: ac proinde, si & ipsi Angeli acceperint gratiam hoc modo, non diceretur eos reliquisse; sed etiā illos quæsiuisse; cum S. Ambrosio sentiūt S. Gregorius hom. 34. in Euang. Venerabilis Beda in illud Lucæ 15. *Quis ex vobis homo &c.* & Theophylactus in expositione illius loci Evangelici. Dices iterum, ideo dici Christum reliquisse Angelos; quia pro illis mortuus non est, licet alijs bonis operibus eis gratiam promeruerit. Sed neque hoc euacuat vim argumenti; cum enim omnia opera Christi Domini tam exteriora, quam interiora quibus alijs promeruit fuerint humanitatis, ad quam assumendam; siue in cuius assumptione dicitur venisse in mundum: Si aliquo opere promeruisse Angelis gratiam, & gloriam; licet hoc non fuisset ratione mortis: Dicendum omnino esset,

venisse in hunc mundum ad quatenus Angelos, sicut venit ad quærendos homines. Respondent aliqui Theologi his testimonijs potius probari oppositum; eo quod si nomine nonagintanouem ouium veniūt Angeli; cum vocentur, & ipsi oues ipsius Christi Domini; consequens est, ut per eius merita acceperint gratiam, & gloriam. Hæc enim est ratio propter quam nos vocamur oues ipsius. Respondet Vasquez loco citato, & rectè considerandum esse duplicem statum huius Pastoris; idest primum in deserto, idest in Cælo; secundum verò extra idest in hoc mundo; Quapropter licet Christus appellet etiam Angelos oues suas; hoc tamèn est solum in deserto: antequam scilicet assumeret carnem humanam, & quatenus ut Deus simul cum Patre, & Spiritu Sancto illos creauit, iustificauit, & eos qui perseuerauerunt glorificauit. At ut extra desertum proficisceretur, idest veniret in hunc mundum factus homo, fuit in causa sola ouis, quæ perierat, idest genus humanum; pro quo vocando, iustificando, & glorificando venit in hunc mundum peccatores saluos facere. Replicant iidem: quod sic: Christum relinquere iustos non est nihil illis mereri; sed non quærere illos tot modis, quot quæsiuit peccatores, & cū illis conuersatus est; ita etiam reliquisse Angelos, non esse nihil illis promeruisse; sed solum peculiari mo-

do ad quærendum hominem descen-
disse; relicto interim secundum hu-
manitatem Angelorum consortio: &
gloriæ statu. R. hanc expositionem
esse violentam, & contra intentum
PP. qui nomine ouis intelligunt nō
solum existentes in peccato mortali,
quando Christus Dominus venit, &
mortuus est pro eis; sed totum genus
humanum, quod in primo parente
perierat: nam etiam illi, quos inue-
nit iustificatos, antequam iustifica-
rentur erant ouis perditæ; & per ip-
sius passionem, & merita factū fuit,
ut iustificarentur, & liberarentur à
morte peccati incurrenda, vel iam in
cursa. Dices cum Cornelio Iansenio
Gandauensi Episcopo in Con-
cordia Euangelica cap. 94. hunc
sensum non esse litteralem; sed mysti-
cum nam secundum litteralem dicit,
venire ibi per 99. oues etiam iustos;
quos dicitur ibi Christus reliquisse;
eo quod non ita frequenter cum illis
ageret, sicut cum peccatoribus, qui
illius Doctrina, & exemplo magis
indigebant; & infert hoc ex occasio-
ne, quam habuit Dominus noster
proferendi hanc parabolam; quæ fuit
murmuratio iniusta Phariseorū, quod
cum peccatoribus, & publicanis inā-
ducaret: quibus ille respondit, *Non
est opus valentibus medicus; sed male
habentibus &c. Non enim veni vocare
iustos; Sed peccatores*, ut hab. Matth.
cap. 9. R. Vasquez loco citato verū
quidem esse, quod iste sensus sit my-

sticus; quod si dicas, sensum mysti-
cum non valere multum ad argumē-
ta Theologica. Respondet hoc ve-
rum esse, quando de illo sensu non
constat, vel per aliam scripturam, vel
ex Doctrina Patrum illum locum ex-
ponentium in eo sensu: quapropter
cum ex prædicto textu præcisè non
intendamus arguere; sed ex Doctri-
na PP. qui illum prædicto modo
exponunt de Angelis, propterea nō
leue argumentum pro nostra senten-
tia ex eo loco deducimus. Addo e-
go [saluo meliori iudicio] quod si
quis contenderet locum illum in sen-
su litterali fuisse sumptū ab illis PP.
etiam de Angelis, non video quid
in contrarium opponi possit; cum ex
vna parte illi PP. non se explicent
an in sensu mystico, vel litterali illū
accipiant, quando de Angelis illum
interpretantur: & ex alia parte vnus,
& idem Sacre Scripturæ locus plures
sensus litterales admittat; ut ex Do-
ctrina S. P. N. demonstrari in Con-
troversia Præmiali de S. Doctrina
in dubio ad Axioma octauum §. di-
co 8. Quod facile suaderi potest ex
Glossis Ordinaria, & interlineali, quæ
per 99. oues Angelos intelligunt, &
Nicolaus de Lyra per nouē drach-
mas Choros Angelicos intelligit; &
per vnā perditam genus humanum.
Secundum locum adducit Vasquez
ex cap. 2. Epistolæ ad Hebræos ubi
habetur, *Qui Sanctificat, & qui Sā-
ctificantur ex uno omnes*. Ex quo lo-

oo arguit ad intentum positis interpretationibus. S. Dionysij Arcopagite in lib. de Ecclesiastica Hierarchia cap. 6. S. Maximi in Scholijs ad prædictum caput. S. Cyrilli lib. 3. contra Nestorium. Et lib. priori de Fide ad Reginas cap. *Quod unus Filius Dei est Dom. Iesus Christus*. Et aliorum Auctorum ad dictum locum probat suam sententiam; sic Qui sanctificat, & Auctor nostræ salutis est, nempe Christus, & qui ipsius passionis fructum participant vnius nature sibi consubstantiales sunt, siquidem omnes sunt homines, sicut Adamus: aut ut ait Claudius Guiliardus, ex vno Adamo omnes sunt propagari. Confirmari etiam potest ex illo Textu eiusdem capitis Apostolici. *Numquam enim Angelos apprehendit; sed semen Abraha apprehendit*; ita ut sensus sit, Christum apprehendisse carnem humanam, ut redimeret genus humanum; non verò Naturam Angelicam, quia non venit ad redimendos Angelos, & hanc expositionem Vasquez dicit esse Adami, & S. Anselmi. Prob. 2. Auctoritate PP. & primo S. P. N. Augustini hic in Axiomate; cū dicit. *Non enim pro Angelis mortuus est Christus*. Quo loco vtuntur etiam S. Anselmus, & Venerabilis Beda in illud Epistolæ ad Ephesios cap. primo. *instaurare omnia, &c.* Vbi aduertendum est S. Patrem ibi sentire, non solum Christum Dominum non fuisse mortuum

pro Angelis; sed etiam solos homines dicere posse. *Si Deus pro nobis quis contra nos?* ratione Incarnationis; ex quo sequitur Angelos nullo merito Christi iustificatos fuisse: nam si aliquo merito fuissent iustificati, rectè dicere potuissent; *Si Deus pro nobis quis contra nos?* eodem prorsus modo quo dicimus nos; qui gratiā, & gloriam consequimur ex meritis eiusdem Domini nostri Iesu Christi. Ut autem ostendat, quem fructū Angeli perceperint ex meritis ipsius, subiungit. *Sed ideo etiam pro Angelis fit quicquid hominum per eius morte redimitur, & liberatur a malo: quoniam cum eis quodammodo redit in gratiam post inimicitias, quas inter homines, & Sanctos Angelos peccata fecerunt, & ex ipsa hominum redemptione ruina illius Angelica destruitur reparantur.* Neque hic, neque alibi vlla fit mentio gratiæ sanctificationis, aut glorificationis, ut est clarum ex ipsis verbis: idem prorsus docet in sermone 8. de verbis Apostoli explicando illud, quod habetur in Euāgelio S. Lucæ cap. 19. *Veni filius hominis querere, & saluum facere quod perierat*: Vbi ait *si homo non perisset, filius hominis non venisset*. Ergo quia perierat homo, venit Deus homo, & inuentus est homo. Similiter in Sermone sequenti ait. *Nulla causa fuit veniendi Christo Domino; nisi peccatores saluos facere.* Item in expositione psalmi 36. cōsione 2. cir-

ca medium ait *quis iste Deus homo? Si tu ò homo non dimitteres Deum, nõ fieret pro te Deus homo.*

Hoc idem docuerat S. Ambrosius in expositione psalmi 118. sermone 10. explicando versum illum *manus tua fecerunt me, & psalmanerunt me,* vbi ait *legimus enim; puer natus est nobis, filius datus est nobis. Nobis carnẽ, suscepit, immo potius nos in illa carne suscepit, quando filium hominis in Dei sede constituit. Non lego Angelos in Dei sede nisi stantes, nisi minime rini deferentes. Non lego Angelos, sed homines consepultos Christo, & in Christo resuscitados. Denique ait Apostolus: Quia cõuinificauit nos in Christo, cuius gratia estis salutificati. &c. & simul suscitauit simulque sedere fecit in caelestibus cum Christo Iesu.* Hoc loco apertè S. Ambrosius docet; ex meritis Christi gratiam sanctificantem datam esse hominibus, non verò Angelis. Hoc idem docuit S. Gregorius Magnus lib. 28. moralium cap. 6. cum ait, *Cuius incarnationis mysterium quia, & electi Angeli mirati sunt, qui eodem mysterio redempti non sunt.* & cap. 7. ait *Angeli Dignam potentiam laudant; quia & ipsa eos tanta claritatis visio delectat, ita Deum laudant; quanto magis nos, qui redempti sumus de potestate peccati, laudare debemus?* est etiam insignis locus S. Bernardi pro hoc intento in sermone Feriæ Quartæ hebdomadæ Sanctæ post medium, vbi ait; *Sicut*

passio Domini data est quia alteri dari non potuit; Numquid Angelo? sed ille non eguit. Numquid diabolo? sed ille non resurgit; denique non in similitudinem Angelorum, sed in similitudinem hominum. Quod si Angelis per merita Christi Domini iustificati fuissent, non rectè diceret Mellissus Doctõr, quod Passione eius non egerunt. Hoc idem impl. ci. è docuerunt plures alij PP. qui nullam aliam fuisse causam Incarnationis Domini cæ docent: vt sunt S. Irenæus lib. 5. cap. 14. vbi ait, *Si enim non haberes caro saluari nequaquam Verbum Dei caro factum esset: Et si non haberes sanguis iutorum inquiri nequaquam sanguinem habuisset Dominus.* Origenes hom. 24. in lib. Numer. *Si non fuisset peccatum non necesse fuerat Filium Dei agnũ fieri, neque opus fuerat eum in carne positum ingulari, sed mansisset hoc quod in principio erat Deus Verbum.* S. Athanasius Serm. 3. contra Arrianos post medium. *Necessitas quippe indigentiaque hominũ anterior est, quam illius Natiuitas, quæ sublata carnem non induisset.* S. Greg. Nazianz. Orat. 4. de Theologia sub iniquum. *Quæ humanitatis à Deo propter nos susceptæ causa extitit. Profectò, ut nobis salus pararetur. Quid enim aliud causæ afferri potuit? S. Ambrosius in lib. de Incarnationis Domini cæ Sacram. cap. 6. Sacrificium de nostro obtulit. Nam quæ erat causa Incarnationis, nisi ut caro, quæ peccare-*
ras

vat, per se redimeretur? S. Leo Serm. 3. in Pentecostem ait. *Si homo ad imaginem, & similitudinem Dei factus in sua honore natura mansisset, nec diabolica fraude deceptus à lege sibi posita per concupiscentiam deniaſſet, Creator mundi creatura non fieret, neque aut ſempiternus temporalitatem ſubiret, aut aequalis Deo Patri Filius Deus formam ſerui, & ſimilitudinem carnis peccati aſſumeret.* Hoc idem docent S. Cyrillus Alex. lib. primo Theſauri cap. 8. S. Io. Damascenus lib. 3. de Fide cap. primo, & lib. 4. cap. 4. & S. Io. Chryſoſtomus hom. 2. & 3. in Matth. & SS. PP. ex profeſſo, & diſcretis verbis docent, quod ſi Adam non peccaſſet; non fuiſſet futura Incarnatio Verbi Diuini. Ex hoc principio ſequitur per neceſſariam conſequentiam, gratiam, & gloriam eſſentialē Angelorum non habere dependentiam ab incarnatione, nec à meritis Chriſti Domini: vnde eo admiſſo prout PP. illi admittebant, non poteſt negari conſequentia. Prob. 3. ratione ſic, Gratia Angelorum fuit independens, & à peccato Angelorum, & à peccato Adami. Ergò fuit independens à meritis Chriſti Domini. Antecedēs prob. quia id quòd eſt prius non dependet à poſteriori; ſed voluntas dandi Angelis gratiam fuit prior, quam voluntas permittendi aliquos perdere gratiam per peccatum, & conſequenter prior prauitione peccati Angelicis; ac etiam præ-

uiſione peccati Adami: (hoc enim ortum eſt ex ſuaſione Angeli præuicatoris, & iam peccatoris.) Ergò à primo ad vltimam gratia Angelorum fuit independēs à peccato tam Angelico, quam primi parentis. Cò ſequentia etiam probatur, quia merita Chriſti Domini ſupponunt peccatum Adami, & dependent ab eius operationibus, paſſionibus, & morte, quæ non fuiſſent niſi exiſtente peccato Adami ex vi præſentis decreti, vt fuſè probant, & demonſtrant communiter Theologi, qui hanc ſententiam docent: & præcipuè S. Thomas cum ſuis Diſcipulis. Ergò omninò dicendum eſt gratiam Angelorum, fuiſſe indepēdentem à meritis Chriſti Domini. Ex his omnibus ſic eſſormari poteſt argumentum: Gratia Angelorum eſt independens à peccato Adami: Ergò non eſt fundata in meritis Chriſti, quæ ſupponunt peccatum ipſius Adami.

Dices primo: in Epistoſta ad Ephesios cap. primo habetur, *Propoſuit inſtaurare omnia in Chriſto, quæ in cælis, & quæ in terra ſunt in ipſo; vb* per ea, quæ ſunt in cælo, veniunt omninò Angeli; ſic etiam in Epistoſta ad Col. cap. pr. *Quia in ipſo cõplacuit omnem plenitudinem Diuinitatis inhabitare, & per eum reconciliare omnia in ipſum pacificans per ſanguinem Crucis eius, ſiue quæ in terris, ſiue quæ in cælis:* quibus conſonat illud quod habetur ad Hebr. cap. 2. *Decebat enim*

cum

*am per quem omnia, & propter quem
mini a, qui multos filios in gloriam ad-
duxerat Auctorem salutis eorum per
passionem consummare, nomine suo-
rum filiorum qui adducti fuerant in
gloriam antè passionem Christi Do-
mini nulli alij possunt venire, ni-
si Angeli glorificati; ad quod fa-
ciunt etiam illa alia verba eiusdem
capitis. Vt gratia Dei pro omnibus gu-
staret mortem, ly enim pro omnibus
comprehendit tam homines, quam
Angelos. Præterea in Apocalypsi
cap. 12, descripto prælio Angelorū
habetur. Et ipsi (idest Angeli boni)
vicerunt eum (idest Draconem) pro-
pter sanguinem Agni. Si ergo ha-
buerunt Victoriā per merita san-
guinis Christi Domini, quæ consistit
in dono perseverantiæ: manet eos
habuisse etiam gratiam, & alia dona,
& auxilia tam prævenientia, quam
comitantiā, ex meritis eiusdem. Sic
etiam arguitur ex Eu. S. Io. cap. 14.
vbi Christus Dominus de se ipso di-
cit. Ego sum via, veritas, & vita: Ne-
mo venit ad Patrem nisi per me. Nā
ly Nemo iuxta phrasim scripturæ cō-
prehendit non solum homines; sed
etiam Angelos; quemadmodum co-
muniter PP. interpretantur alia lo-
ca, in quibus dicitur, Nemo bonus ni-
si solus Deus; & Nemo potest rapere de
manu Patris mei. quæ non solum de
hominibus; sed etiam de Angelis ab
eis exponuntur. Denique ex eodē
Euang. cap. 17. Hac est vita æterna,*

*ut cognoscant te solum Deū verum, &
quem misisti Iesum Christum, cum sit
eadem vita æterna hominum, & An-
gelorum: ex his omnibus concludūt
Aduersarij Angelis fuisse data cum
gratia iustificante alia dona superna
turalia; ac etiam collatā vitam æter-
nam ex meritis Christi Domini, &
in confirmatione adducunt testimo-
nia S. Hieronymi ad illum locum.
Epistolæ ad Ephesios cap. primo. S.
Gregorij Magni lib. primo: Exposi-
tionis moralis in Iob. c. 2, & hom.
14, in Ezechielem. S. Fulgentij Ru-
spensis Episcopi lib. 2, ad Trasamun-
dum cap. 3. S. Cyrilli lib. 5, in Isaia
ad illa verba. Latere stertis quæ non
paris, & lib. 9: de adoratione ante
medium in quibus locis hi Sancti de
Christo, ut causa meritoria videntur
loqui in ordine ad Angelos, quibus
addēdus est etiam Sanct. Bernardus
serm. 22. in Cantica ante medium,
vbi docet Christum Dominum fuisse
Angelis, & hōminibus redēptio-
nem; quod verum esse non potest,
nisi dicatur Angelos habuisse gratiā
ex meritis Christi. R. Vasquez in
precitata disputatione cap. 4 ex scri-
ptura, si communem PP. & aliorum
interpretum etiam recentiorum ex-
positionem sequamur, nullum prorsus
contra nostram sententiam argu-
mentum desumi posse; quod demon-
strat percurrendo singula, & primo
ad illud ad Eph. primo Respondet ly
proposuit instaurare omnia, in Græco
habe-*

haberi loco instaurare à *κατασταθαι*, quod nihil aliud significat, quam ea quæ sunt sparsa, & diuisa colligere, & in summam redigere; & propterea S. Hieronymum in priori Commentario illius Epistolæ mirari, quod interpretes non sint secuti Textum Græcum; quod tamen præstiterunt Græci PP. S. Io. Chrysostomus, & Theophy. reddendo sic lectionē, *ea quæ in calis, & in terris diuisa erāt, nec sub vno capite congregata, coaptauit*, & sensus est, quod Christus Dominus est quædam congregatio siuè recapitulatio eorum, quæ in cælis, & in terris sunt; eo quod sub eo tamquam sub vno capite congregata fuerunt. Vel cum iisdem DD. Hieronymo: Chrysostomo, Theophylato dici potest, Christum Dominum esse summam, & congregationem quamdam omnium mysteriorum: Sicut cum parui numeri in vno quodam magno numero supputantur, & in summam rediguntur. Si vero lectionem vulgaram sequamur, vt debemus. Exponendus est ille locus cum S. P. N. in Enchiridione cap 62. vbi eum locum adducit hoc modo, *In ipso quippè instaurantur quæ in calis sunt, cum id quod inde in Angelis lapsus est, ex hominibus redditur. Instaurantur autem quæ in terris sunt, cum ipsi homines qui prædestinati sunt ad æternam vitam à corruptionis vetustate renouantur. Ac sic per illud singulare Sacrificium, in quo mediator*

est immolatus, quod vnum mulæ in lege victimæ figurabant, pacificantur celestium cum terrestribus, & terrestria cum celestibus. Quoniam sicut idem Apostolus dicit ad Coll. 1. In ipso complacuit omnem plenitudinem Diuinitatis inhabitare, & per eum reconciliari omnia in ipsum, pacificans per sanguinem crucis eius, siuè quæ in calis sūt, siuè quæ in terris. per quæ manet responsum etiam ad alium locum Apostoli ex cap. primo ad Colossenses, quem S. P. hic adducit. Expositionem hanc S. P. N. sequitur S. Thomas; ait enim in Lectione 3. ad dictā caput prim. Epistolæ ad Ephesios; per Christum instaurari omnia, quæ in cælis sunt, id est Angelos, non quod pro Angelis mortuus sit Christus, sed quia in redimendo hominæ reintegratur ruina Angelorum iuxta illud psal. 109. *impleuit ruinas*. Sic etiam loquuntur cum S. P. S. Anselmus Vener. Beda, & serè omnes Latini interpretes; quod non est vilo modo contrarium; sed omninò conforme illi Græcorum expositioni, nam quod illi reddunt *recapitulare*, & *congregare* nostri reddunt *reconciliare*, & *pacificare*, & *instaurare*, quod sine congregatione, & vnione non fit. Locus ille ex Epistola ad Collos. eodem modo exponitur, ac prædictus; nempe per Christum Dominum, & sanguinem eius extinctas fuisse inimicitias inter Angelos, & homines: quas propter nostra peccata contraxerant:

xerant: unde, & ad vindictam sæpe mittebantur; sublato verò peccato per Christum sublata etiam fuit inimicitia: sic interpretatur S. P. in Enchiridione cap. 63. ubi ait, *Pax ista præcellit, sicut scriptum est omnem intellexit, neque sciri à nobis nisi cum ad eam venerimus potest. Quomodo enim pacificentur caelestia nisi nobis, id est concordando nobiscum?* Similia habet etiam in capite sequenti. Hoc idem docent S. Io. Chrysostomus hom. 3. in dictam Epistolam. Theophylactus. Theodoretus, & Ven. Beda; ac omnes fere recentiores. Alij expositiones, quas alij adducunt, vel cum ista concordant, vel facili negotio ad eam reducuntur. Textus adductus ex cap. 2. Epistolæ ad Hebræos nullo modo fuit aduersarij: siuè enim legatur cum aliquibus consummari, siuè cum alijs consummare; verba illa referenda sunt ad Deum, qui Christum consuminavit, & perfecit per passionem Auctorem salutis eorum, qui in gloriam adducuntur; sic enim intelligunt S. Io. Chrysostomus, Theophylactus, & Anselmus, quos sequitur Adamus. Quartum testimonium ex eodem loco, quod est. *Ut Gratia Dei pro omnibus gustaret mortem*, nullam habet difficultatem contra nostram sententiam: sensus enim est, quod omnibus passio Christi Domini profuit: nam & Angeli perpetua afficiuntur lætitia, non quod illi acceperint gratiam sancti-

ficantem, & gloriam essentialem ex morte Christi. Vide Theoderetum in expositione dicti loci. Quintus textus desumptus ex capite 12. Apocalypsis versu 11. nullo modo probat intentum; nam licet in versu 7. eiusdem capitis narretur prælium factum in cælo à Michael Archangelo cum dracone, & versu 8. ac 9. qualiter proiectus fuerit draco ille: in versu 10. postea refertur laus data Deo à Sanctis: eo quod proiectus fuisset accusator fratrum ipsorum, & in dicto versu 11. habetur postea; *& ipsi vicerunt eum propter sanguinem agni, & propter Verbum testimonij sui, & non dilexerunt animam suam usque ad mortem*, quem locum ad litteram interpretatur Cornelius; à Lapide in comentarijs dicti libri ad dictum caput de fortitudine Martyrum, qui animam id est vitam suam pro fide morti obiecerunt, & pro Christo eam exposuerunt, ac neglexerunt, & quasi oderunt, & maluerunt inori quam negare Christum, ubi etiam subiungit *perperam* ergò aliqui Theologi ex hoc loco colligunt Angelos ex Christi sanguine, & meritis accepisse gratiam, & victoriā, ac consequenter gloriam, & coronam. Ioannes enim loquitur de hominibus non de Angelis. Propterea Vasquez to: primo in 3. partē disput. 49 cap. 4 §. 5. verum testimonium ait quod sine fundamento pro dicta sententia allegatur locus iste; Nam secundum sententiā

PP.

PP. ibi non describitur prælum Michaelis cum Dæmonibus in Cælo, sed prælū Michaelis cū Demone pro animabus nostris, quas a fraudibus Dæmonum Sancti Angeli defendūt per secretam inspirationem: Et ideo rectè subditur, *& ipsi* (nempe homines) [*vicerunt eum*] (idest dæmonem) *propter Sanguinem Agni* nam homines vincunt dæmonem, propter meritum passionis Christi; ex quo illis gratia communicatur, Quam expōsitionem[ait dictus Auctor] cōfirmat id, quod sequitur: idest, *& non dilexerunt animas suas* [hoc est vitas suas] *usque ad mortē*; Quod non de Angelis, qui non possunt subire mortem, & nō componuntur ex anima, & corpore; sed de hominibus, qui pro Christo mortem passi sunt exhortantibus bonis Angelis contra malos intelligendum est. Hęc expositio est etiam S. Anselmi: Oecumen: immò, & Glossę ordinatę quę dictū locum sic explicat, *cum ostendisset Diabolum in hoc certamine occulto ab Ecclesia victum ab auxilio Filij, & Angelorum, subiungit exultationes Angelorum ipsorum, vel Sanctarum animarum de victoria fratrum, ut laborent vincere, qui de victoria sua Angelos, vel Sanctas animas audiunt exultare*. Sextum Testimonium ex Euangelio S. Io. non cogit nos asserere, quod ly; *Nemo* neget omnes, tam Angelos, quam homines; licet enim quandoque in scri-

pturis Sacris comprehendat tam naturam Angelicam, quam humanam; nihilominus quandoque restringitur ad solos homines, quod ex subiecta materia dignoscendum est; ut cum dicitur; *Nemo mundus à sorde nec infans cuius est unus dei vita super terram*, quo loco non veniunt Angeli. Vnde ridiculū esset, in quouis textu illam particulam; *Nemo* eodem modo explicare; cum iuxta materiam, & argumentum, de quo est sermo, debeat intelligi. Ad ultimum ex eodem Euangelio S. Io. cap. 17. Respondetur tibi ex contextu esse sermonem de vita æterna hominū sub velamento Fidei, per quam merentur æternam beatitudinem alterius vitæ, & patriæ; non verò de vita æterna Angelorum; nam paulò ante dixerat, *Sicut dedisti ei potestatem omnis carnis; ut omne quod dedisti ei, debeat eis vitam æternam*. vbi per omnem carnem intelligit omnes homines, ad quorum beatitudinem promerendā venit Christus Dominus, & propterea continud subiungit, quændam sit hæc vitā æterna præparata omni carni. Verum dato, & non concessō; quod ibi esset sermo etiam de vitā æterna Angelis communi, & hominibus, indè solum concludi posset Angelos in via, vel post beatificationē habuisse notitiā mysterij Incarnationis sicuti homines, non autem quod habuerint gratiam sanctificātem, vel gloriam ex meritis Christi.

L I

Ad

Ad Auctoritates SS. PP. adductas respondet Vasquez loco citato cap. 5. quod si mediocri attentione considerentur, nō solum nih. l. colligi poterit, quod nostræ sententiæ aduersetur; sed plerisque eorum adeo perspicue eam confirmari; vt mirum sit, a viris Doctis, & eruditis pro prioris sententia fuisse allegatos: quod cum ille per extensum demonstrat ibi datis, & expensis illorum verbis; propterea Lectorem ad dictum Auctorem remitto: cum nihil noui occurrat, quod eius eruditioni superaddat. Nam, & si prædicti PP. essent in opposita sententia, quod tamen non concedimus; Nobis pro nostra sufficiunt S. P. N. Augustinus Angelicus Doctor, & alij supra pro nobis adducti.

Dices secundo: negari non potest: Christum Dominum esse caput Ecclesiæ; hoc enim ad minimum, conuincunt prædicta Sacre Scripturæ testimonia; & consequenter esse caput hominum, & Angelorum; hi enim simul sumpti constituunt vnā Ecclesiam, & sūt membra huius mystici corporis. Ergo vt membra eius accipiunt influxum gratiæ, & gloriæ ab illo. Respondetur primò huic argumento ab aliquibus Doctoribus idest Altifiodorensi, Gabrielle, & Driedone; Christum Dominum secundum humanitatem non esse caput Angelorum; Sed hominum solummodo; Secundum vero Diuinitatē

esse caput etiam Angelorum: Quæ responsione data cessat obiectio; nā solum physicè; vt Deus cum Patre, & Spiritu Sancto infuit in eos gratiam, & gloriam, non vero merito: vt contendunt aduersarij. In hac tamen responsione ego non sisto, non enim videtur posse denegari in doctrina S. P. Augustini dignitas capitis etiam quo ad humanitatē respectu Angelorum. Propterea respondeo cum Thomistis: ex habitudine capitis ad membra non rectè colligi quod eisdem effectus quos habet in ordine ad aliqua membra, habeat etiam in ordine ad alia specie distincta; propterea enim S. Thomas quæst. 29. de veritate art. 4. ad 5. ex fine Incarnationis colligit, quod humanitas Christi ordinetur ad influendum in homines redemptos, vt ad finem principaliter intentum; nō autem ad influendū in Angelos: eo quod Incarnatio sit facta principaliter ad liberandum hominem à peccato, & propterea idem Sanctus Doctor ibi docet: influxum illum, quem habet Christus in Angelos, esse illuminationes, & præmia accidentalit; quod est quid consequens ad Incarnationem. Hoc est illud, idem quod docent alij Theologi, cum dicunt Christum Dominum esse quidem caput Angelorum etiam secundum humanitatem; non tamen homogeneum sicut est hominum; cum non sit eiusdem naturæ cum illis, quemadmo-

modum est nobiscum; nec ratione interni influxus gratiæ sanctificantis sicut influit in homines; sed solum quoad excellentiam, gubernationē illuminationes, & premia accidentalium: quo pacto est caput vtrorūque. Dices: si hoc est verum, sequitur Christum Dominum solum accidentaliter, & secundum quid esse caput Angelorum, non verò absolute, & simpliciter; quod videtur repugnare scripturis Sacris in præcedenti obiectione adductis; in quibus videtur absolute, & sine addito dici; Christum Dominum: esse caput Angelorum. Præterea data prædicta responsione non potest explicari; quomodo prædestinatio Angelorum subijciatur prædestinationi Christi Domini, ut consummanda, & perficienda per ipsum; supponuntur enim prius prædestinati Angeli, postmodum verò ipse Christus Dominus. Responderetur negando utramque sequelam, & ratio est, quia aliud est loqui de capite naturali; & physico, & aliud de capite morali, & mystico. Nam ad rationem illius requiritur quidem quod influat vitam naturalem, & substantialem in membra, non tamen requiritur hoc ad rationem huius: ad hoc enim sufficit quod habeat aliquem influxum secundum externam gubernationem, ut patet in Regibus, & Principibus respectu Ciuitatum, & Regnorum, quibus dominantur; propterea cum Christus Dominus respec-

tu Angelorum habeat non solum externam gubernationem; sed etiam communicationem internam donorum accidentalium, de quibus supra, poterit simpliciter, & absolute dici illorum caput, licet non omnibus modis, nec ita proprie sicut hominum; ut docet S. Thomas 3. parte q. octaua quæ est de gratia Christi Domini, secundum quod est caput Ecclesiæ artic. 4. Quæ responsio corroborari potest ex eo, quod nec etiam caput physici: eodem modo, & eadem ratione vitæ influit in singula membra. In membris enim eiusdem capitis datur diuersus influxus secundum diuersitatem operationum sensitiuarum, quæ exercere debent, & in membris totius corporis datur etiam diuersitas secundum rationem operationum, quarum aliæ sunt vegetariæ, & aliæ sensitiuæ. Quanto magis hoc debet admitti in capite morali respectu corporis mystici, in quo non datur illa unio physica, quæ est in capite, & in corpore naturali; sed diuersitas non solum specifica, sed etiam generica: per quæ sufficienter explicantur scripturæ prædictæ, non solum à DD. s. holasticis: sed etiam à Sanctis PP. Ad illud de prædestinatione responderetur sufficienter saluari subordinationem in ratione dignitatis personæ, quæ fuit prædestinata ad hoc, ut esset supra-omnem principatum, & potestatem, & super omnes choros Angelorum; & in hoc

quod gratia ipsorum Angelorum consummatur per Christum: Ad hoc enim fufficit, quod ab ipso recipiatur perfectioem accidentalem eo modo, quo omnis alia substantia creata perficitur, & consummatur per accidentia. Hanc diuersitatem influxuū indicauit S. P. N. in Enchiridione, cap. 62; ubi dicit. *Propter quod ait Apostolus, instaurari omnia in Christo, quæ in celis sunt, & quæ in terris. In ipso quippe instaurantur quæ in celis sunt, cum id quod inde in Angelis lapsum est, ex hominibus redditur. Instaurantur autem quæ in terris sunt, cum ipsi homines qui predestinati sunt ad æternam uitam, a corruptionis uerustate renouantur.*

21. Dices tertio: Quod est primum, & supremum in unoquoque genere est causa cæterorum, quæ sunt in eo genere, eo modo quo esse potest. Sed Christus Dominus est supremus in genere gratiæ tam respectu naturæ humanæ, quam naturæ Angelicæ: Ergo est causa gratiæ tam hominum, quam Angelorum, tam in genere causæ finalis, quam efficientis, exemplaris, & meritorie seu moralis. Maior est Axioma indubitatum apud Philosophos, & Theologos. Minor etiam colligitur ex Scripturis supra adductis; & consequentia est legitima. & maiorem non esse semper veram in tota sua latitudine, in qua accipitur in hoc argumento. Nam supremus Angelus est Primus omnium,

& tamen non est causa cæterorum, neque in genere causæ efficientis, neque in genere causæ finalis, vel exemplaris, aut moralis; nec in esse naturæ, nec in esse gratiæ aut gloriæ; & sic de multis alijs generibus rerum discurrendo inuenietur, non semper primum in illo genere esse causam cæterorum. Nec enim Aurum causat cætera metalla, nec Adamas cæteros lapides pretiosos. Nec Sol cætera astra. Nec homo cætera animalia, &c. Ad minorem respondeo: Ex vi præsentis Decreti Christum Dominum esse quidem causam gratiæ hominum illis tribus modis, cum prædestinatio hominum sit fundata in meritis Christi; ut demonstraui in Controuersia duodecima de Perfectionibus Diuinis quæ est de Prædestinatione Sanctorum in dubio ad Axioma septimum, ac proinde posterior Incarnationis, & meritorum ipsius præuisione. At prædestinatio Angelorum est prior decreto Incarnationis; ac proinde per se non pendet ab Incarnatione, & à meritis Christi, & consequenter nec eorum gratia aut gloria; sed solum ab ipso Deo; qui in primo instanti creationis eos libere sanctificauit, & uis peracta glorificauit.

Dices quarto: Ad id, quod est tale per essentiam, vel per se, reuocantur ea omnia, quæ sunt talia per participationem: Sed solus Christus Dominus est gratus per essentiam, seu per-

perfe, & Angeli ficut, & homines funt grati per participationem Ergò Angeli ficut, & homines reuocantur, & refpiciunt Chriflum, vt ab illo, & per ipfum obtineant gratiam. Refpondeo diftinguendo minorem. Chrifli Domini diuinitas, & Perſona eſt grata perfe, & per eſſentiam concedo. Chrifli Domini humanitas eſt grata per eſſentiam nego; eſt enim, & ipſa grata per participationem. Omnis enim creatura quid quid habet, à Deo illud participat, & ſolus Deus habet omnia per eſſentiam, ſiue formaliter, ſiue eminenter. Ac proinde ex hoc argumento ſolū ſequitur; Angelos quò ad gratiam, & gloriā reuocari ad Chriflum Dominum ratione Diuinitatis, & quatenus Deus eſt, qui cum Patre, & Spiritu S. illis à principio largitus eſt gratiam, & habitus ſupernaturales (quod vltro concedimus) nullo verò modo ſequitur, quod habuerint talem gratiam ex meritis Chrifli Domini, & ratione humanitatis ipſius, vt contendunt Aduerſarij.

Dices quinto: eadem eſt ratio de tota gloria eſſentiali Angelorum, ac de quocumque gradu illius: ſed aliquis gradus gloriæ eſſentialis Angelorum dependet ex meritis Chrifli præuiſis: Ergò & tota gloria eſſentialis illorum. Minor in qua eſt tota difficultas probatur, quia Angeli viatores habuerunt fidem Chrifli; Ergò per illam fidem fuerunt ſanctifi-

cati, & conſequenter per meritum Chrifli acceperunt gradum gratiæ, & gloriæ correfpondentem illi actui fidei. Antecedens eſt D. Thomæ prima parte quæſt. 64. artic. primo ad 4. Sequela probatur; quia Chriflus ideo per fidem fuit reuelatus, vt in eum crederent tamquam in auctorem gratiæ, ergo credentes in eum hoc modo acceperunt gratiam, ex illius meritis. Refpondeo primò: multo probabilius eſſe, Angelis viatoribus non fuiſſet reuelatum Chriflum, aut Incarnationē; nam neq; ex Sacra Scriptura, neq; ex SS. PP. hoc colligi poteſt: immò potius ex Epiftoła D. Pauli ad Ephēſios cap. 3. colligitur oppoſitum: vbi Apoſtolus loquens de Incarnatione, vocat *Sacramentum abſconditum à ſæculis in Deo, quod alijs generationibus non eſt agnitum, & quod innotefcit Angelis per Eccleſiam Dei*, vt patet Ephēſ. 3. vbi D. Hieronym. Anſelmus, Theophylactus, Oecumenius, & alij pleriq; idem ſentiūt, vt obſeruat Aornelius à Lapide ibi, & c. ſeq. quæſt. 6. vbi diſputat an Angeli Sancti per viſionem beatificam cognouerint Incarnationem antequam fieret. Idem colligitur ex illo 1. Timoth. 3. V. 16. *Magnum eſt pietatis Sacramentum quod manifeſtatum eſt in carne, inſiſcatum eſt in Spiritu, apparuit Angelis, predicatum eſt gentibus, &c.* Dices: eundem Apoſtolum, in Epiftoła ad Hebræos cap. primo verſu 6 habere

bere hæc verba, & cum iterum introducit primogenitum in orbem terra dicit, & adorent eum omnes Angeli Dei. Hic locus indicat, Christum Dominum his introductum fuisse in orbem terrarum: primò quidem in creatione Angelorum, quando illis manifestatum fuit: Sacrosanctum Incarnationis mysterium: Secundò quando fuit adimpletum; & in vtraque vice præceptum fuisse Angelis, ut ipsum Christum tamquam caput ipsorum, & hominum colerent, & adorarent. Ita exponunt hunc locum Suarez 3. parte Tom. primo disp. 42. sect. prima, & ante ipsum Catherinus, Viguerius, Taperus, & alij post istos. Respondetur: hunc non esse verum, & germanum sensum huius textus: ut observat Cornelius à Lapide in Commentario huius loci: eo quod introducere Christum in mentes Angelorum, non est introducere illum in orbem terræ, sed in orbem Spirituale; vera ergo interpretatio est illa SS. Io. Chrysostomi: Ambrosij. Theophylati, & Oecumeni, in expositione illius Epistolæ, & S. Cyrilli in libro de fide ad Reginas: ubi sic explicant, ut Christus qua Deus dicatur primò inductus in orbem per æternam generationem: cum enim genitus fuit à Patre, statim omnia implevit spatia hæc, in quibus postea orbis hic, id est cælum, & terra creata sunt. Iterum verò suè secundo dicitur hic Christus inductus in or-

bem per Incarnationem, cum eum peperit B. Virgo. Est etiam aptissima illa alia explicatio, quam quartò loco habet Cornelius à Lapide loco citato; nempe quod primo inductus est Christus homo in orbem per Incarnationem passibilis, & mortalis; iterum verò suè secundo per Resurrectionem à morte gloriosus, & impassibilis inductus fuit. Vel potius iterum inducit, id est induit, Deus Pater Christum in die iudicii tamquam iudicem, ut iudicet orbem tuncque Angeli omnes, qui primò eum adorauerunt in natiuitate, iterum suè secundo eundem publicè adorabunt in gloria. Tunc enim Pater quasi inaugurabit Filium, eumque mittet re ipsa in possessionem totius orbis terrarum: nam hic versiculus, sumptus est ex psal. 96. qui agit de extremo iudicio, & maiestate Christi iudicis. Dices S. P. N. Augustinum lib. 6. de Genesi ad littera cap. 19. docere huiusmodi reuelationem factam fuisse Angelis viatoribus, & consequenter nobis non licere ab ea sententia recedere. Respondeo hoc esse falsissimum ut patet ex sola lectione illius capituli, in quo nec verbum quidem habet de Angelis viatoribus; sed solum de reuelatione facta Angelis iam beatis, & glorificatis, & quomodo eis innotuerit per Ecclesiam.

Respondeo secundo adhuc dato & non concesso factam fuisse huiusmodi

modi reuelationem omnibus Angelis viatoribus, non tamen propterea sequi intentum, vt aduertit P. Ioannes Baptista Gonnet tom. 4. sui Clypei theologici disp. 14. §. 3. n. 103. vbi negat, & rectè, quod aliquis gradus gloriæ essentialis fuerit præmiū actus fidei Angelorum in Christum reduplicatiuè qua talis; quamuis enim actus ille, consideratus secundum suam substantiam, & quatenus erat actus fidei aliorum mysteriorū, Trinitatis V. G. fuisset meritorius gloriæ essentialis; hoc tamen erat ei accidentale; nempe quod terminaretur ad Christum, vt consummatorem gloriæ; ac proindè secundum terminationem hanc consideratus, non fuit meritorius præmij nisi accidentalis, non verò essentialis.

Dices sexto: Angeli mali peccauerunt occasione reuelatæ Incarnationis; & Angeli boni acceperunt gratiam, & gloriam, quia acceptauerunt Christum Dominum; ergo eam acceperunt ex meritis Christi; Antecedens quo ad secundam partem probatur auctoritate D. Bernardi serm. primo de Circumcisione circa medium, vbi habet hæc verba, *Idem quippè, & Angeli Saluator, & hominis; sed hominis ab Incarnatione, Angeli ab initio creatura.* Similiter etiam sermone 22. in Cantica: antè medium docet Christum fuisse Angelis, & hominibus redemptionem, quod verum esse non potest, nisi An-

geli habuissent gratiam ex meritis Christi. Respondetur negando antecedens quo ad vtramque partem; circa primā satisfiet controuersia octaua in dubio ad Axioma 6. vbi de obiecto peccati Angelorum, & patebit esse magis conformæ dictis sacrae Scripturae, & SS. DD. obiectū peccati Angelorum non fuisse Incarnationē Dominicam; sed aliud, quod ibi assignatur; Ad secundam partem, & ad confirmationem ex D. Bernardo respondeo, illum non esse germanum sensum, quem aduersarij tribuunt verbis huius S. Patris; Si enim Angeli habuissent gratiam, & gloriam per Christum Dominum, ipse non fuisset saluator Angelorum ab initio creaturae, vt ait S. Bernardus; sed ab Incarnatione, vel certè nulla esset ratio propter quam non diceretur etiam Saluator hominis ab initio, sed ab incarnatione. Dices Christum ideo dici Saluatorem Angelorum ab initio creaturae, quia ab initio fuerunt saluati, & re ipsa beatitudinem consecuti fuere ex merito tamen futuro Christi Domini: homines vero licet reuera ab initio mundi fuerint iustificati ob meritū Christi futurū, nihilominus tunc non fuerunt consecuti beatitudinem Respondeo hanc instantiam non euacuare difficultatem; eo quod salus hominum, & Angelorum in iustificatione propriè consistit, & liberatione à peccatis, aut iam commissis, aut commi-

tenendis, quare, & homines ab origine mundi saluati dicuntur ex merito Christi futuro, ratione cuius, & ipse dicitur occisus ab origine mundi, eo quod, & pretium sanguinis eius ab origine mundi acceptum Deo fuit, & ipse illius effectum habuit: ipse tamen Christus dicitur Saluator hominum ab incarnatione, quia merito suo eos liberauit, cuius meriti à tempore Incarnationis capax effectus est. Quò circa si Angeli essent iustificati merito Christi, & à peccatis futuris liberati, eodem modo dicens esset Christus Redemptor Angelorum à tempore Incarnationis, quo dicitur redemptor hominum. Ad alterum testimonium ex Ierone 22. in Cantica respondetur cum Vasquez, quod quando D. Bernardus dixit Christum Dominum fuisse Angelis redemptionem ne caderent, locutus fuit de Christo secundum naturam Diuinam, non autem secundum humanam, ut ipsemet paulo ante se explicat dicendo. *Quomodo ergo in principio erat Verbum? sed Verbum erat apud Deum: factum est autem, quatenus esse inciperet, & apud homines: sic nihilominus in principio sapientia erat, erat iustitia, erat sanctificatio, & redemptio, sed Angelis: ut esset hominibus, facit eum hac omnia pater, & fecit quod pater; denique qui factus est [inquit] nobis sapientia à Deo, non ait simpliciter, qui factus est sapientia, sed qui factus est nobis sa-*

pientia, quia quod erat Angelis, factus est nobis. Hactenus S. Bernardus, qui usque adeo perspicue pro nostra sententia loquitur, ut superuacaneum videatur, verba illius expendere, aut explicare: Verum, ut omnibus aperte constet de mente Bernardi, argumentum ex verbis illius deducamus hoc modo, si Christus secundum humanitatem esset Sanctificator Angelorum, & Redemptor in sensu S. Bernardi, nepe quia fecit ne Angeli peccarent, & captiui tenerentur sub peccato, sicut hominibus factus est sanctificatio, & redemptio, cum factus est homo, similiter etiam Angelis esset effectus: quod tamen negat S. Bernardus, cum ait, hominibus factum fuisse redemptionem, & sanctificationem, quæ iam erat Angelis.

Pro complemēto huius dubij placeat hic addere id, quod Gabriel Vasquez tomo primo in 3. partem disp. 49. cap. 5. num. marginali 39. aduertit his verbis, *ultimo loco allatum fuit testimonium Bernardi, quod paucis ante annis unicum erat prioris sententiæ fundamentum, cui nos satisfacere conati sumus anno illo Domini 1585. & ex verbis ipsius nostram sententiam confirmauimus, quo factum est, ut aduersarij iam non dubitent pro nostris: potius quàm pro opposita sententiâ Bernardi eo modo quo supra in responsione ad postremam obiectionem*

di-

dictum est, concludit quintum illud caput his alijs verbis, *hac, qua diximus de mōte Bernardi, sunt vsque adeo nota, ut recentiores aliqui, qui paucis ante annis nimirum fidebant testimonio Bernardi, ut priorem sententia confirmarent, iam ingenuè fiteantur, ip-*

sum nostram opinionem expresse tradidisse, plura alia de hoc puncto habet in illa disputatione eruditus ille Auctor, ad quem remitto lectorem, ne breuitatis, quam profiteor, limites frustra trāsgrediar.

AXOMA QVARTVM

Gratiam actūalem acceperunt Angeli à principio.

Ex Lib. 12. de Ciuitate Dei, Cap. 9.

A *ut si non posuerunt [1. Angeli] se ipsos facere meliores, quam ille eos fecerat, quo nemo melius quicquam facit: profecto, & bonam voluntatem, qua meliores essent, nisi operante adiutorio creatoris habere non possent. (infra) si verique boni aequaliter creati sunt, istis mala voluntate cadentibus, illi amplius adiuti, ad eam Beatitudinis plenitudinem, unde se nunquam casuros certissimi fierent, peruenierunt.*

D V B I V M

Vtrum Angeli præter Gratiam habitua-
lem acceperint etiam actūalem.

S Vpponit hoc dubium distinctionem illam vulgatam Gratiae in tota sua latitudine sumptæ in habitua-lem, & actūalem. Cumque iam dictum sit supra: Angelos accepisse

habitua-lem, remanet videndum; an & quam gratiam actūalem acceperint: nam & ipsa actualis subdiuiditur in Excitantem, & adiuuantem. Et quidem de Gratia Excitante; illi

Mm

qui

qui docent Angelos viatores, prius natura quam habuissent habitus supernaturales, se conuertisse, & disposuisse per propriū actum ad eos accipiendos: facillē concedunt gratiā excitantem; & plurimi etiam adiuantem: non enim poterant solis viribus naturæ actum supernaturalem elicere; putā obiectum aliquod supernaturale credere; nisi supernaturali auxilio adiuti fuissent: natura enim sola adhuc non sufficiebat. Ergo si in illo priori non habuerunt habitum vllum supernaturalem; necesse est illos habuisse auxilium supernaturale gratiæ excitantis, & adiuantis, vt potentiæ illorum, quæ in esse suo merē naturali non habebāt proportionem cum huiusmodi actibus, redderentur potentes, & proportionatæ ad illos eliciendos. Eodem modo philosophandum est de actibus Spei, & Charitatis; si enim antē infusionem talium habituum, elicuerunt actus ordinis illorum, indiguerunt auxilio supernaturali, quo voluntas illorum excitaretur, & moueretur à Deo, ad operandum bonum ipsum supernaturale; vel ad diligendum ipsum super omnia: cum ipsa per se elicere non posset tales actus supernaturales Spei, & Charitatis. Difficultas est in nostra sententia, qui tenemus priorem fuisse infusionem ipsorum habituum quocūque actu supernaturali ipsorum. An scilicet adhuc positis habitibus super

naturalibus indiguerint etiam auxilijs supernaturalibus ad eliciendos actus illis proportionatos. In qua, Duæ sunt cælebres DD. sententiæ. Prima est Cardinalis Bellarmini Tomo Tertio Controuersiarum Lib. 2. de Gratia, & libero arbitrio cap. 17. versus finem, vbi ait, *Denique electis Angelis Deus non aliam gratiam dedit nisi habitualem, quæ fieret, vt possent perseverare, si vellent: non autem dedit gratiam illam excitantem, quæ fieret, vt vellent: sed vt vellent, in eorū reliquit arbitrio, vt S. Augustinus docet in libro de Correptione, & Gratia cap. 11. & 12. &c. Quo circa idem B. Augustinus in loco citato scribit ipsam beatitudinem hominibus nunc esse donum gratia, quæ merces meriti futura erat, sicut fuit Angelis Sanctis. Si primus homo stare voluisset. Eam tenent etiam Becanus Tract. De Angelis cap. 2. quæstione Quinta §. 3. secunda Conclusio, & pro se citat omnes illos, qui docent hominem in statu innocentie non indiguisse gratia excitante; & nominatim eundem Bellarminum lib. de Gratia Primi hominis cap. 4. 5. & 7. Molinam in Concordia qu. 14. artic. 13. disp. 4. & à fortiori illos qui idem affirmant de homine in statu naturæ corruptæ: e quibus nominat solū Vegam lib. 6. super concilium Tridentinum cap. 7.*

Secunda Sententia est S. Tho. in prima parte qu. 62. artic. 2. vbi de-

ter-

terminando Angelum indiguiffe auxilio gratiæ ad hoc, vt conuerteretur in Deum, reddi hanc rationē: Voluntas non potest in id, quod superat facultatem ipsius, nisi adiuta à supernaturali principio, sicut calor non potest carnem producere nisi auxilio animæ: Sed Beatitudo vltima excedit facultatem naturæ creatæ; ergo non potest Voluntas habere motum in beatitudinem, nisi mota à supernaturali agente, & hoc dicimus auxilium gratiæ. Et ex principijs Doctrinæ Thomisticæ de necessitate præmotionis Diuinæ ad quas-cumque creaturarum quantumuis excellentiū proprias operationes est necessaria consequentia: Propterea communem esse arbitror in scholæ D. Thomæ. Eamque expressè docet Vasquez. Tomo secundo in primam partem disp. 228. cap. 3. §. 11. vbi ait. *Deinde absurdum est etiam, asserere, ad hanc gratiam iustificationis retinendam, & in ea perseverandum non indiguiffe Angelos auxilio peculiaris gratiæ, sed ex proprijs viribus id efficere potuisse, propterea.*

Dico: Angelos viatores etiam instructos habitibus supernaturalibus non potuisse sine gratia actuali excitante, & adiuuante elicere quoslibet actus supernaturales. Prob. p. hæc assertio. Auctoritate Concilij Auranicani secundicani: 19. vbi de homine in natura etiam integra, & in statu innocentie sic determinat,

Natura humana etiam si in illa integritate, in qua condita est, permaneret, nullo modo se ipsam creatore suo non adiuuante seruaret. Vnde cum sine gratia Dei salutem non possis custodire, quam accepisti: quomodo sine Dei gratia poteris reparare quod perdidisti. De terminat itaque Concilium, quod homo primus etiam cum habitibus supernaturalibus, per quos in statu innocentie erat constitutus, in illa integritate sine auxilio Dei non seruaret se ipsum: Ergo idem dicendum est de Angelis: cum per S. P. N. Augustinum lib. de Cor. & Gratia cap. 10. 11. & 12 & alibi sæpe, & communiter per omnes ferè Theologorum scholas sit par ratio de Adamo in statu innocentie, ac de Angelis viatoribus in gratia conditis. Prob. 2. quia Si Angeli propria virtute perseverare potuissent in gratia iustificationis accepta, in seipsis gloriari possent, nec possemus dicere eis illud epistolæ primæ ad Corinth. cap. 4. *Quid habes quod non accepisti.* quod etiam de Angelis dictum, & intelligendum esset docet S. Anselmus in lib. de Casu Diaboli cap. 3. Prob. 3. Auctoritate S. P. & in Axiomate, vbi docet quod *Voluntatem bonam nisi operante adiutorio creatoris habere non possent.* quæ verba procul dubio significant auxilium gratiæ actualis; hoc enim sonat *ly operante adiutorio* idem sonant illa verba *illi amplius adiutor.*

Mm 2

Hunc

Hunc eundem locum hoc modo exposuit etiam eruditissimus noster Leonardus Coquæus in suis Commentis, ad lib. 12. de Civitate Dei cap. 9. nam hæc verba dicti capitis sic interpretatur. *amplius adiuti &c. Ea ratione intelligitur, maius beneficium grata collatum Angelis bonis, quam malis. Et si enim gratiam aequalem habitualement ab initio sunt consecuti, ita tamen efficax fuit motio divina, & auxilium Dei speciale in Angelis Sanctis, ut in Deum toti converterentur, persisterent in bono, & beatitudinem tandem assequerentur, non ex vi libertatis arbitrij certè factum est, ut ita differenter afficerentur, & quod gratia fuerit efficax in his, & non in istis Deo maxime tribuendum.*

Correspondet huic interpretatio etiam doctrina P. Matthiæ Hauzeur, qui in secundo tomo suæ Anatomici operum S. Augustini: in difficultatibus quas proponit circa doctrinam huius capitis, ex quo desumptum est Axioma: habet sequentes resolutiones. Primò quod S. P. in præsentī capite nomine bonæ voluntatis intelligat non solum naturalem, quæ iam supponitur creata, sed bonam ex gratia habituali, & actuali, quod ait patere ex contextu: nam ibi S. P. ait *facit implendo meliorem prius faciens excitando avidiorem.* & ex præcætatīs verbis *illo amplius adiuti.* Secundò docet illa verba *Voluntatem quamlibet bonam, inopem*

in solo desiderio remansuram, &c. esse intelligenda etiam de Voluntate Angelica, & quamlibet quantumlibet bonam naturaliter, & etiam ex gratia habituali. *inopem.* idest insufficientem, aut inefficacem *remansuram*, nisi ille qui bonam naturam ex nihilo naturæ, & meriti sui capacem fecerat, secundum naturam, & gratiam, ex se ipso faceret meliorem, augmento gratiæ, & gloriæ, prius faciens excitando avidiorem, auxilio gratiæ actualis, & efficacis, nè *inops in solo desiderio* naturali aut inefficaci remaneret. Tertiò docet S. Patrem sine dubio in hoc capite docuisse; omnes Angelos creatos fuisse in gratia habituali: sed sub dubio de æquali: & sine dubio de inæquali actuali: quod ait patere ex toto contextu, & mirum esse, quod Ludovicus Viues in hoc capite dubitet de mente S. P. Augustini, eo quod in caput Gen. primum sæpè repetit naturam Angelicam prius informem creatam, quæ formatam: Eo quod toties se explicat de prioritatem naturæ tantum non autem temporis, aut alicuius successione. Hoc discursu, & his verbis exponit prædictus Anatomista operum S. P. Augustini eius doctrinam, cuius expositionem ego verissimam puto, & omninò conformem textui, & hoc modo ait etiam, exponendos esse antiquos scholasticos B. Augustini mentem assecutos: quorum placita non vacat modo, hic expendere, Simi-

Similiter in lib. quinto de Genesi ad litteram cap. 20. ait de Deo, & Angelis *monet itaque* (Deus) *occulta potentia universam creaturam suam; eaque motu illa versata dum Angeli iussa perficiunt, dum circumvenit sydera, &c.* *Explicat sacula, qua tamen in suos cursus non explicarentur, si ea, ille qui condidit, provido motu administrare cessaret.* motione ergo Dei gratuita indigent Angeli ad suas operationes, nec satis sunt illis cum habitibus supernaturalibus vires propriæ, *ut iussa perficiant, & suos cursus explicent.* Prob. 4. à Vasquez loco citato argumētis illis, & testimonijs, quibus probari solet, necessarium esse hominibus auxilium Dei, ut perseverarent; nam ista etiam probant, fuisse necessarium in Angelis; inter quæ potissimum desumitur ex oratione, qua non solum homines petunt; sed etiam Angeli utiliter postulassent, & postulare poterant, ac debebant auxilium gratiæ ad perseverandum; & qui perseverauerunt debent Deo gratias agere pro perseverantia ipsis concessa. Ex utroque autē capite, id est oratione, & gratiarum actione, rectè colligit S. P. N. sepissimè, & cum eo ferè omnes Theologi, ac etiam Vniuersalis Ecclesia necessitatem gratiæ Dei non solum habitualis, sed etiam actualis.

Dices primò cum Bellarmino: S. P. Augustinus in præcitato lib. de Correptione, & Gratiâ cap. 11. ait

de primo homine; [quod idem de Angelis dicendum est] *Dederat, & adiutorium sine quo in ea* (id est iustitia) *non posset permanere, si vellet, ut autem vellet in eius reliquit arbitrio.* Ergò in doctrina S. Augustini poterant, & Angeli, & Primus homo retinere iustitiam acceptam; & elicere operationes sanctas, & actus supernaturales absque villo alio auxilio gratiæ actualis. Respondet Vasquez loco citato S. P. N. Augustinum nò dixisse eo loco, esse solum liberi arbitrii sine auxilio gratiæ: sed esse relictum in arbitrii libertate, quod qui dem rectè dicitur, etiam si id fiat auxilio gratiæ, consensus enim quem gratiæ præstassent ex auxilio ipsius, in libertate eorum erat positus; nam & ipsi gratiæ poterant repugnare. Vera responsio: cui etiam addere possumus, quòd ly permanere in iustitia accepta, dupliciter contingere poterat. Primò per negationem actus mali; quia actu peccaminoso non posito adhuc in iustitia accepta permansissent; etiam si actum positivum bonum non eliciuissent. Secundò eliciendo actus Virtutis, & maximè supernaturales, quibus nò solum permanerent in iustitia accepta; sed etiam mererentur, & proficerent de bono in melius; & quidè ad permanendum primo modo non requirebatur novum auxilium; sed erat positum in eorum libertate, vel sic manere; vel per actum peccaminosum

minusum cadere ab accepta iustitia; ut fecerunt Angeli Apostatæ; nam ad cadendum non requiritur gratia: Ad permanendū verò secundò modo non est dubium in sententia S. P. requiri gratiam actualem; quæ ad quodcumque opus bonum requiritur etiam in statu innocentiz; & in Angelis viatoribus, & propterea in Axiomate posito dixit, quod *Volum easdem bonam, quæ meliores essent nisi operante adiutorio creatoris habere nō possent.* & ulterius quod Angeli boni amplius adiuti ad Beatitudinem per venerunt. quæ de auxilio actuali esse accipienda, ferè omnes quicquid interpretantur; docent.

Dices secundò: eundem S. P. in eodem capite in fine habere. *Quid erit autem liberius libero arbitrio, quā dō non poterit servire peccato, quæ futura erat, & homini, sicut facta est, & Angelis Sanctis merces meriti?* Nunc autem per peccatum perduto bono merito, in his, qui liberantur, factū est donum gratia, quæ merces meriti futura erat. Ex quo loco sic potest argui. Solum in Beatitudine datur non posse peccare: ergò de Beatitudine dixit S. P. Augustinus, futuram fuisse hominis in natura integra mercedem, sicut fuit etiam Angelis si perseverassent: nunc autem post lapsum dicit esse in nobis gratiam: Sed sic est, quod in natura lapsa non est gratia simpliciter, sed gratia pro gratia; eo quod licet oria-

tur ex gratia, habet tamen rationem præmij, & retributionis: Ergò si in Angelis, & in natura integra futura erat merces, & non gratia; tunc nō erat futura gratia pro gratia: & tamen futura erat, & tribuenda perseverantibus: Ergò perseverantia in gratia non erat tunc futura gratia; Sic obijcit sibi Vasquez loco citato: cui argumento respondet. In natura integra gloriam futuram fuisse, & mercedem, & gratiam pro gratia; atque etiam eodem modo in Angelis; quia in vtrisque futura erat gloria ex perseverantia; perseverantia autem futura erat ex gratia. Ac etiā post lapsum beatitudinem futuram illis qui perseverabūt, & mercedem, & gratiam. Nihilominus peculiari ratione S. P. Augustinum dixisse beatitudinem quæ Angelis, & primo parenti futura erat merces, nobis post naturam lapsam fuisse gratiam: Quia cum Angeli, & homo in natura integra habuissent iam gratiam; solum videbatur superesse beatitudo tamquam merces: at verò quia post lapsum homini restituta fuit gratia, quæ omnino erat amissa, & ex qua tamquā ex radice pendebat gloria; data opera S. P. Augustinum gloriā vocasse gratiam ratione gratuitæ restitutionis, & novæ gratiæ, quæ homini facta est: Et hoc sufficit ad satisfaciendum argumento.

Dices tertio cum Molina in C6 cordia qu. 14. art. 13. disp. 4. & alijs
cuius

eius ſectatoribus. Qui habet habitus ſupernaturales fidei, ſpei, & Charitatis poteſt illis uti pro ſuo arbitrio, quando nullum eſt impedimentum. Sed in Angelis nullum erat impedimentum. Ergo poterant uti illis habitibus pro ſuo arbitrio, & cōſequenter nō indigebant alia gratia actuali, quæ eos præueniret excitandō, vel adiuuando; cum iam ſufficiens adiutorium haberent in gratia habituali, & in habitibus infuſis. Confirmatur primò: quia talis gratia actualis, & præueniens tunc ſolū eſt neceſſaria; quando ille, qui debet agere, non habet ſufficientes vires ad agendum; idēque non poteſt per ſe inchoare actionem; ſed indiget alio excitante, adiuuante, vel impellente. Quod ſi habet ſufficientes vires, non eſt opus alio excitante, aut adiuuante, ut patet in quouis alio agente naturali: ſiue liberè; ſiue neceſſario agat. Si ergo Angeli habuerunt ſupernaturales habitus actiuos, non indiguerunt gratia actuali præueniente, adiuuante, vel excitante. R. ad argumentum diſtinguendo maiorem: poteſt uti pro ſuo arbitrio, quando nullum eſt impedimentum, ſi adſint ſimul cætera quæ requiruntur ex parte alterius cauſæ, quæ debet concurrere concedo. Si deſit nego. Hoc ſic explico in præſenti. Ad actus iſtos non ſolum concurrat cauſa ſecunda, ſed etiam prima, ut omnes Theologi docent: ita ut ſi de-

ſit concurſus cauſæ primæ, & cauſæ ſecundæ habeat omnes habitus, & vires, quæ ex parte ſua requiruntur ad operandum, nihilominus non poſſit illis uti pro arbitrio. In præſenti autem ſi deeſſet motio illa Dei excitantis, & adiuuantis deeſſet id, quod requiritur ex parte primæ cauſæ; ad hoc ut cauſa ſecunda exeat in actum ſuum, & ſic non poſſet uti pro libitō illis habitibus, & hoc eſt ſufficiens impedimentum, ne creatura exerceat actus, quos alias per ſuas vires naturales, vel ſupernaturales poſſet exercere (ſi tamen eſt dicendum impedimentum.) Exemplum habemus in habente potentiam viſiuam, optimè inſtructam, valentem, & acutam; qui non obſtante tali virtute, ſufficiente ad vidēdum: nihilominus numquam exhibit in actus, niſi adſit lumen, quo medio obiecta cernantur. Dices in caſu noſtro ſufficere concurſum generalem, & cooperationem Dei. R. hoc verum eſſe. Sed ex hoc ipſo capite euidenter haberi neceſſitatem gratiæ actualis ad actus ſupernaturales etiam in Angelis quantumuis præditis habitibus ſupernaturalibus: nam per nos concurſus ille eſt motio præuia ordine naturæ antecedens ad ipſam operationem creature: & cum ſit eiſdem ordinis, ac eſt ipſa operatio creature; ſi hæc eſt ordinis ſupernaturalis, & ipſa erit ordinis ſupernaturalis, & conſequenter gratia illa actualis præ-

ue-

ueniens, de qua in præfenti loquimur. Propterea arbitror, esse omninò falsum id, quòd docuit Molina relatus à Becano loco citato; nempe hominem fidelem existentem in peccato mortali posse sine gratia excitante, elicere actum fidei supernaturalem. Hoc enim pugnat cum Concilio Tridentino sessione sexta capite quinto; ubi S. Synodus, *Declarat ipsius iustificationis exordium in adultis à Dei per Christum Iesum præueniente gratia sumendum esse, hoc est ab eius vocatione, qua nullis eorum existentibus meritis vocatur, ut qui per peccata à Deo auersi erant, per eius excitantem, atque adiuuantem gratiam ad conuertendum se ad suam ipsorum iustificationem, &c. disponantur.* & canone tertio expressè dicit, *Si quis dixerit, sine præueniente Spiritus Sancti inspiratione, atque eius adiutorio hominem credere, sperare, diligere, aut penitere posse sicut oportet, ut ei iustificationis gratia conferatur: anathema sit.* & omninò displicet interpretatio, quam his Autoritatibus adhibet cum suo Molina ipse Becanus in dicto capite secundo De Angelis, quæst. 5. §. 4.

idest, Concilium loqui de infidelibus, qui non habent talem habitum: nam hæc expositio est omninò arbitraria, fictitia, & (ut puto) contra mentem Concilij, quod absolucè, & vniuersaliter loquitur de quocumque exordio iustificationis cuiuscumque peccatoris: immò censo esse directè contra Concilium Aurasicanum secundum, quod Canone nono dicit *Diuini est muneris, cum, & rectè cogitamus, & pedes nostras à falsitate, & iniustitia continemus. Quoties enim bona agimus; Deus in nobis atque nobiscum, ut operemur operatur.* Et merito, Si enim, ut in Canone sequenti idest declino idem Concilium definit, *Adiutorium Dei etiam renatis, ac Sanctis semper est implorandum, ut ad finem bonum peruenire, vel in bono possint opere perdurare,* quanto magis erit necessarium huiusmodi adiutorium ijs, qui sunt infecti peccato mortali, si illi qui, habent habitus gratiæ iustificantis, & Charitatis nihilominus tale adiutorium debent implorare. Sed de hoc Deo dante alibi fusius redibit sermo.

AXIOMA QVINTVM.

Angeli non acceperunt gloriam in primo instanti sue creationis.

Ex Lib. Vndecimo de Ciuitate Dei. Cap. 11.

Nullo modo secundum aliquod temporis spatium prius erant illi spiritus sensibiles, quos Angelos dicimus. Sed simul ut facti sunt, Lux facti sunt:

sunt: non tamen ita tantū creati, ut quoquomodo essent, & quoquomodo viverēt sed etiam illuminati, ut sapienter beatēque viverent. Ab hac illuminatione: auersi quidam Angeli non obtinuerunt excellentiam sapientis beatęque vitę, quę procul dubio nonnisi aeterna, aeternitatisque suę eēt certa, atque secūra.

D V B I V M

Vtrum Angeli acceperint gloriam in primo instanti suę creationis.

Communiter docent Theologi, non omnes Angelos habuisse in primo instanti supernaturalem Beatitudinem, id est illam veram, & æternam felicitatem, quę de sua permanentia in statu omnium bonorū aggregatione perfecta est, secūra, & omninō certa. Dæmones enim nūquam illam habuerunt; quod clarē docet S. P. lib. vndecimo de Ciuitate Dei cap. 13. vbi explicans in quo consistat vera beatitudo creaturę intellectualis, resoluit consistere in hoc coniuncto, *ut bono incommutabili, quod Deus est, sinē vlla molestia perfructur, & in eo sem aeternum esse mō jurum, nec vlla dubitatione cunctetur, nec vllō errore fallatur.* postea de Angelis loquens subdit, *Hanc habere Angelos lucis pia fide credimus: hanc nec antequam caderent, habuisse Angelos peccatores, qui suā prauisatō illa luce priuati sunt, consequenti ra-*

*sione colligimus: habuisse tamen aliquam, etsi non pręficiam beatitudinem, si vitam egerunt ante peccatum, profectō credendi sunt, quod etiam probat S. Thomas Prima parte qu. 62. artic. 8. quia si aliquando fuissent beati beatitudine illa essentiali, quę iuxta eundem consistit in clari Dei visione, non potuissent postea peccare: nam de ratione illius est impeccabilitas. Pręterea illorum appetitus fuisset perfectē satiatus, & nihil vltra desiderassent; hoc enim est de ratione Beatitudinis ut constat ex Ps. 16. *satiabor cum apparuerit gloria tua.* Non fuit autem illorum appetitus perfectē satiatus: sed aliqui appetiuerunt aliquod aliud bonum, ut habetur Isaie cap. 14. *In calum conscendam &c. & ero similis Altissimo.* qui locus ab omnibus interpretibus de Angelis peccantibus communiter exponitur. Ergo numquā*

No

fuc.

fuerunt beati.

Dices primo: nullum est inconueniens, si dicatur: Omnino Angelis in primo instanti per transitum, ut in raptu, vel transcurso concessum fuisse, ut viderent Diuinam essentiam sine ipsorum merito: Et postea substractam fuisse huiusmodi visionem, quæ fuerat concessa non tamquam præmiu[m]; sed tamquam donum ad breue tempus: sicut Moyse, & Paulo, & quibusdam alijs sanctis datu[m] fuisse ex privilegio communiter docent Theologi; & præcipue recentiores. Hoc quidem non inuoluere implicitam contradictionis: Sed nullum esse fundamentum asserendi, quod ita factum fuerit, cum hoc neque habeatur ex Scripturis, neque ex PP. neque ex DD. scholasticis: immo potius habeatur oppositum; nam ut rectè differat S. P. in cap. vndecimo præitanti lib. vndecimi de Civitate Dei. *In eius participatione, (id est beatæ vitæ) aequales fuisse istos (i. malos) illis qui propterea verè plenèque beati sunt, quoniam nequaquam de sua Beatitudinis aternitate falluntur, quomodo dicturi sumus: quandoquidem si aequales in ea fuissent, etiam isti in eius aternitate mansissent pariter beati, quia pariter certis. Neque enim sicut visa quamdiuimque fuerit, ita æterna vita veraciter dici poterit, si finem habitura sit: si quidem vita tantummodo vivendo, æterna vero finem non habendo nominata est. do-*

cet itaque S. P. quod si Angeli mali fuissent aliquando beati, sequeretur bonos, & malos fuisse aliquando æquales in beatitudine. Ergo utrique certi, vel incerti de perpetuitate suæ beatitudinis. Si utrique certi ergo adhuc mali sunt beati, quod patet esse falsum. Si utrique incerti; ergo boni non sunt beati quia dubitant an sint mansuri in illo statu. Si dicas bonos accepisse certitudinem, quando mali ceciderunt. Ergo nec isti, nec illi antea beati. Nā de ratione beatæ vitæ est æternitas, & certitudo de illa: ut acutè asserit ibi S. P.

Dices secundo: ex Ezechiele cap. 28. haberetur de Lucifero, quod antè lapsum fuerit in *dolicijs Paradisi, & in medio lapidum ignitorum ambulaueris*. Per quæ non possunt venire nisi gaudia Beatitudinis, & Angeli Charitate beatifica feruentes; & S. P. lib. de Correptione, & Gratia cap. 10. expressè dicere, *Angeli quidam, quorum princeps est qui dicitur Diabolus, per liberum arbitrium à Deo refuge facti sunt. Refugientes tamen eius bonitatem, qua beati fuerunt, non potuerunt effugere eius iudicium, per quod miserrimi effecti sunt.* (& infra) *Diabolus verò, & Angeli eius etsi beati erant, antequam caderent, & se in miseriam casuros esse nesciebant, & S. Bernardum term. 17. in Cantica docere, malos Angelos antè lapsum vidisse futura in Verbo, Ergo habemus*

mus sufficiens fundamētum ex Scripturis, & SS. PP. dicendi, Angelos malos antè lapsum fuisse beatos, & habuisse visionem Beatificam. & ex communi consensu PP. & interpretum locum illum Ezech. intelligi de eximijs donis naturæ, & gratiæ, quibus præditus erat Lucifer antè casū; & per lapides ignitos Sanctos Angelos viatores, qui Charitate viæ erga Deum seruebant. Vide Glossas Ordinariam, interlinealem, & Nicolai de Lyra in dicto loco: ac etiam Cornelium à Lapide hæc ibi expressè docentes: propterea S. P. cap. 15. dicti libri vndecimi de Ciuitate Dei explicans hunc Textum ait. *Vbi intelligitur fuisse aliquando sine peccato.* Ad Auctoritatem eiusdem S. P. adductam in argumento Respondeo: quod ipsemet se explicat in dicto capite vndecimo, & duodecimo vndecimi libri de Ciuitate Dei (vnde Axioma) non de perfecta Beatitudine, sed de Beatitudine imperfecta; qua etiam dicimus Primos Parentes in Paradiso fuisse beatos. *Cum hodie* (ait S. P.) *non imprudenter Beatos vocemus, quos videmus in illis, ac pie cum spe futuræ immortalitatis hanc vitam ducere sine crimine.* & in præcitato loco de Corr. & Gratia subdit. *Erat tamen adhuc quod eorum beatitudini adderetur, si per liberum arbitrium in veritate stetissent, donec illam summam beatitudinis plenitudinem sanquam præmium ipsius per mansionis accip-*

rent, id est, ut magna per Spiritum Sanctum data abundantia Charitatis Dei cadere ulterius omnino non possent, & hoc de se certissime noscet. Ad auctoritatem D. Bernardi Respondeo ibi non asserendo, sed inquirendo procedere, & præterea per cognitionē in Verbo non intelligere solum visionem beatificam, sed quancumque reuelationem factam à Verbo; nam etiam Viatores dicuntur aliqua videre in verbo, quia aliqua cognoscuntur ab eis per reuelationem. Vide S. Tho. qu. 62. art. 1. ad 3.

De Angelis Sanctis est leuis difficultas; an huiusmodi beatitudinem in primo instanti habuerint. Pro sententia affirmatiua P. Becanus Tractatu de Ang. cap. 3. quæst. prima citat Ludouicum Viues in librum vndecimum de Ciuitate Dei cap. nono propter verba Diui Augustini malè intellecta putantem bonos Angelos à principio creationis vidisse Deum, & in ea visione semper mansisse. Attentè perpendi verba illius Auctoris, qui in citato loco expendit dictum illud S. P. de Ciuitate Dei; ubi de Angelorum Ss. societate quæ gloriosa regnat cum creatore. *& eo beator, quod numquam peregrinata, & subdit semper enim in Patria fuit. Angeli enim semper vident faciem Patris, qui in calis est,* & nihil aliud de hoc puncto ibi habet: & in eis non inuenio sensum, quem tribuit illis Becanus: nam illa prior pars: *semper enim*

enim in Patria fuit. rectè potest intelligi iuxta sententiam eorum, qui dicunt, omnes Angelos in Cælo Empyreæ creatos fuisse: cum celum Empyreum sit patria Beatorum: illa verò subsequens. *Angeli enim semper vident faciem Patris, qui in calis est,* cum sit desumpta ex Evangelio, potest sumi dicta in sensu, quo fuit prolata a Salvatore: id est ex quo instanti beatificati fuerunt semper viderunt Essentiam Dei. Sed quidquid sit de hoc, Communiter docent Theologi: nec etiam Angelos (qui nunc sunt Beati) in primo instanti vidisse Divinam Essentiam: propterea.

Dico secundo cum Magistro sententiarum in secundo: distinct. 4. & 5. & cum D. Tho. loco citato art. 1. Angelos illos, quos constat aliquando adeptos fuisse beatitudinem, & Angeli Sancti nuncupantur, non fuisse consecutos illam à principio suæ creationis; sed postea. Probatur hoc primò communiter illa ratione desumpta à D. Tho. loco citato; quia Beatitudo supernaturalis, de qua loquimur, non est aliquid nature Angelicæ debitum; sed est quidam terminus ultimus, ad quem natura Angelica diuinitus fuit supra vires naturales ipsorum Angelorum destinata; Ergo per media convenientia, & per viam meriti fuit perducenda ad terminum gloriæ, cum nulla possit assignari causa, cur Angeli debuerint illam statim à principio accipere, Di-

ces: Christum Dominum etiam secundum naturam humanam ab instanti suæ conceptionis fuisse beatum: Ergò, & Angeli, qui sunt nature perfectioris, quam sit humana, &c. esse disparè rationem; nam animæ Christi Domini fuit collata ratione vnionis hypostaticæ cum Verbo Divino, vt communiter docent Theologi in Tertio sententiarum, & in Tertia parte: At in Angelis nullus erat titulus: ratione illis deberetur talis beatitudo. Probatur secundò; quia Angeli boni acceperunt beatitudinem propter meritum, vt dicam sequenti Dubio: Sed hoc meritum nec fuit simul cum gloria, nec post gloriam, vt ibi ostendam: Ergò gloria non potuit eis conferri in primo instanti. Prob. 3. quia in primo instanti, tam Angeli boni, quam mali fuerunt viatores, & vtrique acceperunt gratiam, & charitatem, vt habetur Ezech. cap. 28. sed malis in illo instanti non est data gloria, vt supra probauimus: Ergo nec etiam bonis. Prob. 4. Quia etiam Angeli boni, licet nunquam peccauerint, nihilominus potuerunt peccare, vt docet S. P. lib. de Corrept. & Gratia cap. vndecimo; vbi distinguens adiutorium *sinè quò* ab adiutorio *quò* docet; quod adiutorium *sinè quò* fuit datum Primo homini, & Angelis Viatoribus: & dicit quod Deus. *Dederat adiutorium sinè quò in ea* (id est bona Voluntate) *non posset permanere sè*
vel

vellet: ut autem vellet in eius libero reliquit arbitrio, &c. sed quia noluit permanere profecto eius culpa est: cuius meritum fuisset, si permanere voluisset: sicut: fecerunt Angeli Sancti, qui cadentibus alijs per liberum arbitrium, per idē liberū arbitrium steterunt ipsi, & huius mansionis debitā mercedē recipere meruerūt, tantam scilicet beatitudinis plenitudinem, qua eis certissimū sit, semper se in illa māsuros &c. & cap. 12. Prima libertas voluntatis erat, posse nō peccare. Notissima erit multo maior, non posse peccare. Hoc idem post S. P. docet eius fidus sc̃ator S. Anselmus in lib. de Casu Diaboli. Ergo per hos SS. PP. Angeli etiam boni aliquandō caruerunt visione beatifica.

Dices primo: S. P. lib. 4. de Genesi ad litteram cap. 24. expressē habere, Angelos Sanctos prius cognovisse creaturas in Verbo, quam in proprio genere; ergō ab initio suę creationis habuere visionem Beatificam: videre enim creaturas in Verbo, est idē; ac videre eas in Deo clarē viso. R. communiter, sensum illius loci esse, Angelos perfectius cognoscere res in Verbo, quam in proprio genere. Verum hæc responsio licet vera, non tamen solvit difficultatem: cum enim illi sex dies fuerint distincti à S. P. per cognitiones Angelicas; si in prima cognitione, quæ fuit prima dies, immodō manē primi diei viderunt creaturas in Verbo, manet quod in primo instāti suę

creationis viderint Deum, & in eo creaturas: propterea responderi secundō potest iuxta doctrinam supra datam ad locum D. Bernardi: non semper videre in Verbo importare clarā Dei visionem; sed quandōq; etiam revelationem fictā à Verbo: quo pacto Prophetæ dicebantur videntes; eo quod à Deo factū esset illis verbum, id est reuelatio, quæ clarē, licet non videndo Deum ipsas creaturas perfectius videbant licet futuras, vel absentes, quam si eas in propria existentia, & genere intuerentur. R. tertio S. P. ibi non assertivē loqui, sed dubitativē solum, & inquirendo per dubitationes, & interrogationes procedere; nam & caput incipit per interrogationem dicendo. Quomodo ergō diximus sexies repetitam lucis illius presentiam à vespere ad mane, &c. 2. infra. Antequomodo precedebat manē, ut in Verbo cognosceret quid esset postea Deo faciendum &c. nec resoluit Questiones firmiter. Sed post diligentem discussionem concludit caput In his ergo quæ simul facta sunt, nemo videt quid prius, posteriusve fieri debuerit, nisi illa Sapiētia, per quam facta sunt omnia per ordinem simul. R. quarto S. P. ibi expressis verbis, admittere in illis diebus, & in illa simultate prius, & posterius; ait enim, Sed in his rebus in quibus quid prius sit, vel posterius intervallo temporum non demonstrant, quamvis utrumque dici possit, id est

idest simul, & prius, & posterius, facilius tamen intelligitur quod dicitur simul, quam quod prius, atque posterius: veluti cum solem orientem intuemur, &c. Hanc si nultatem admittentem prius, & posterius placuit mihi in Primo tomo Philosophiæ naturalis appellare similitudinem immediationis non vero simultatem coexistentiæ: quæ scilicet admittat aliquam successionem; qua posita rectè intelligitur, quomodo Angeli etiam Sancti; in primo, ac fortè etiam in secundo instanti Angelico nō viderint creaturas in Verbo clarè Viso, & postea in tertio viderint; & tamen hoc totum fuerit in prima die creationis ipsorū; nam & in prima die dicit Moyses, quod Deus diuisit lucem à tenebris, idest Angelos Sanctos à Dæmonibus iuxta expositionem S. P. & sic illos in prima die post vnum, vel alterum actum meritorium habuisse pro mercede vitam æternam: Dæmones verò in pœnam supplicium æternum.

Dices secundo: eundem S. P. lib. vndecimo de Ciuitate Dei cap. 9. docere Angelos Sanctos numquam fuisse peregrinatos à Deo. Hoc autem, quòd est peregrinari à Deo, per Apostolum est idem, ac carere visione beatifica: Ergò si Angeli sancti numquam peregrinati sunt; numquā fuerunt sinè visione beatifica. Respōdeo cum nostro Leonardo Coquæo ad prædictum locum, quod quia fuit

quidem mora inter eorum creationem, & collationem gloriæ, vt docet etiam S. Tho. 1. p. qu. 62. art. 1. & cum eo communiter ferè omnes Schol. DD. quia tamen illa mora fuit breuissima, ideo dicit S. P. non esse peregrinatos: cum statim admisi sint in Ciuitatem Dei, Respondet alij cum Becano quòd boni Angeli numquam peregrinati sunt à Deo, quia semper manserunt in celo, vbi conditi fuerūt, & numquam per peccatum à Deo separati sunt. Ad Aust. Apostoli, R. hoc, quod est peregrinari, non semper eodem modo accipitur sed diuersimodè iuxta exigentiā materiæ.

Dices vltimo: Angeli Sancti à primo instanti vsque modò, semper dilexerunt Deum actu Charitatis non interruptæ. Ergò à primo instanti vsque modò semper viderūt Deum. Antecedens patet; quia numquam se auerterunt à Deo: alias cum Dæmonibus Dæmones facti corruisēt. Consequentia probatur: quia actus dilectionis procedit ab actu cognitionis; Ergò si est inuariatus iste, inuariatus debet esse, & ille. R. negando consequentiam. Ad probationē, R. non semper variato actu intellectus variari actum voluntatis, Sufficit enim ad huius existentiam, quod sit aliqua cognitio de obiecto in intellectu, siue sit hæc, siue illa, parum refert ad continuationem actus voluntatis. Sic enim videmus etiā

in appetitū sensitiuū variata cognitione sensitiua manere actum eiusdem appetitus; & præterea com-

muniter docetur, esse eandem Chastitatem vix, & Patriz.

AXIOMA SEXTVM.

Angeli Viatores fuere.

Ex Lib. 2. De Ciuitate Dei cap. 15.

Illud, quod ait de Diabolo Ioannes: Ab initio Diabolus peccat: non intelligunt, si naturale est, nullo modo esse peccatum. Sed quid respondetur Prophetis: testimonijs, sine quod Esaias ait sub figurata persona principis Babilonia Diabolum notans: Quomodo cecidit Lucifer, qui mane oriebatur? sine quod Ezechiel: in delicijs paradisi Dei fuisse omni lapide pretioso ornatus? Vbi intelligitur fuisse aliquando sine peccato. Nam expresse ei paulo post dicitur: Ambulasti in diebus tuis sine vitio. Quæ si aliter conuenientius intelligi nequeunt; oportet etiam illud (quod dictum est) In Veritate non iterit: sic accipiamus, quod in veritate fueris, sed non permaneris. Et illud, quod ab initio Diabolus peccat, non ab initio ex quo creatus est, peccare putandus est; sed ab initio peccati, quod ab ipsius superbia caperit esse peccatum.

D V B I V M.

Quæ Qualis, & quanta fuerit Angelorum via, qua ad Beatitudinem supernaturalem peruenire potuerunt.

Premittit primò communem esse Theologorum sententiam: quod Angeli boni sint adepti Beatitudinē suo proprio merito; ac etiam Ange-

Angelos malos à beatitudine defecisse propter peccatum: Est enim quoad hoc par fors, & ratio hominū, ac Angelorum; quod explicatum censent plures Apocal. cap. 21. vbi dicitur, in Cælesti Hierusalem eandem esse mensuram hominis, & Angelis: & habetur ex illis Scripturis in quibus exemplum Sanctorum Angelorum proponitur ad imitationem, & casus malorum ad cautionem; Vt propterea etiam S. P. lib. quarto de Gen. ad litt. cap. 24. dixerit: Angelos Sanctos ideo Beatos; *quia non remanet Angelica scientia in eis, quod creatum est, quin hoc continuò referat ad eiusdem laudem, atque claritatem, in quo id non factum esse, sed faciendū fuisse cognoscitur, in qua veritate stando dies est.* sicut è contra dæmones amiserunt: quia non ad laudem Dei retulerunt dona creata, sed ad seipsos; vt subdit ibi S. P. sic, *Nam si vel ad seipsam natura Angelica conuerteretur, seque amplius delectaretur, quam illo; cuius participatione beata est, intumescens superbia caderet, sicut diabolus, de quo suo loco loquendum est.* Et ratio est manifesta: nam beatitudo creaturæ etiam per Philosophum lib. primo Ethic. cap. 9. est præmiū virtutis, & pertinet ad dignitatem creaturæ intellectuālis, vt eam sibi suis operibus acquirat, cum potest. Sic cum Magistro in secundo sent. dist. quarta, & quinta, & cum S. Thoma prima parte qu. 62. artic. 4. do-

cent communiter Scholæ, & temerariam, acerroneam reputant sententiam eorum, qui oppositam ex leuibus coniecturis de Angelis docent.

Præmitto secundo: communiter etiam doceri, intercessisse aliquam moram inter creationem Angelorū, & Beatitudinem eorum, qui glorificati fuere, & damnationem eorum, qui ceciderunt, & hanc moram fuisse durationem viæ illorum, quam vt plurimum explicant Theologi per comparisonem cum aliqua duratione nostri temporis, cui coexistit, vel potuerint coexistere operationes ante beatitudinem, vel damnationem illorum.

Præmitto tertio: moram illam fuisse breuem: licet non possit, determinatè sciri, quanta fuerit: hoc enim colligitur ex sacris litteris; idest ex Genesi cap. tertio: vbi narratur, Angelum malum paulò post creationem rerum omnium tentasse hominem; & Io. 8. habetur Christum Dominū dixisse, Diabolum ab initio peccasse, idest paulò post sui creationem, vt pulchrè explicat per extensum S. P. lib. vndecimo de Gen. ad litteram. cap. sextodecimo: & probant communiter Theologi ex eo, quod ab eo obiecto, quod semel natura spiritalis elegit, vel nullo modo, vel difficillime flecti potest.

Præmitto quarto. Viam omnium Angelorum fuisse æqualem quoad durationem: in qua mereri, vel demerere-

mereri possent: Discretio enim inter bonos, & malos comuniter ponitur facta post meritum illorum, & peccatum illorum in termino viæ, ac proinde ante hunc terminum equaliter fuisse datam durationem (quam appellamus viam) ad merendum, vel demerendum: quibus positis,

Controuersia non leuis est inter Scholasticos: Quidam egerint Angelis in illa mora; idest per quos, vel quales actus boni meruerint beatitudinem, & quandò, & quomodò eā consecuti fuerint, & similiter mali demeruerint, ac damnari fuerint: In qua re satis incerta (vt aduertit Caspensis) quot capita tot sententiæ: quarum præcipuas numero septem placet hic referre, vt ex illis, quid probabilius appareat, eligamus.

Prima tribuitur Magistro Sententiarum in secundo Dist. Quinta asserenti quod Angeli nihil meruerunt in illa mora; sed quod fuerit illis data beatitudo in termino illius moræ, & in fine Distinctionis relatâ vtrique sententia idest affirmatiua, quod meruerint beatitudinem antè quam eā recepissent: & negatiua, idest quod eam non meruerint antè; sed quod tunc præmium acceperint per obsequia nobis exhibenda ex Dei obedientia, & reuerentia, & ita præmiû, meritum præcessisse; subiungit, & *hoc mihi magis placere fateor.*

Secunda opinio est Beati Egidij nostri in secundo Dist. 5. quæst. 2. art.

2. S. Bonauenturæ ibidem art. 3. qu. 2. S. Thomæ ibid. qu. 2. artic. 2. & Marsilij ibid. qu. 4. art. 2. concl. 4. vbi docent: Angelos in termino illius moræ solum recepisse simul gratiam, & meruisse beatitudinem, ac fuisse beatos: ita vt meruerint suam beatitudinem siuè gloriam per gratiam, quam cum gloria simul tempore habuerunt: natura enim solum, & origine meritum in illis præcessisse dicunt: sic se explicat noster beatus Egidius ibi, & S. Bonauentura dicit, hanc suo tempore fuisse communem Doctorum opinionem, & eam Marsilius loco citato solum, vt probabilior ex sententia dicti Eminentissimi Cardinalis Egidij defendit; dicens tamen, se nihil de hac re velle affirmatiuè asserere.

Tertia opinio est Scoti in secundo Dist. quinta quæst. prima, vbi relatis varijs modis quibus huiusmodi via explicari potest, resoluit probabilius esse, tribus morulis peractum fuisse hoc negotium; ita vt in prima omnes Angeli fuerint creati in gratia, & meruerint, in secunda, autem contineri multa instantia suæ conditionis, in quibus varijs actibus alij rursus meruerint, & alij varijs peccatis demeruerint. In tertia verò idest in instanti immediatè consequenti illam secundam morulam bonos fuisse glorificatos in termino suæ viæ, malos autem tunc habuisse terminum suæ viæ, & fuisse damnatos.

O o

Quar.

Quarta est Capreoli in secundo Sent. Dist. 4. quæst. unica art. 2. in resp. ad primum arg. contra quintam concl. qui arbitratur quidem tribus instantibus totum hoc mysterium fuisse absolutum; sed diuerso modo ab eo quem posuit Scotus: ait enim: Omnes Angelos in primo instanti fuisse creatos in gratia, & habuisse actum dilectionis naturalis Dei; non tamen per illum meruisse, quia non erat imperatus à Charitate; nec elicicus, nec virtualiter procedens; id est ex vi alterius actus præcedentis; cū nullus alius actus dilectionis præcesserit; Et reuera posito quod ille actus fuerit naturalis; non potest ei concedi ratio meriti supernaturalis, si ad Visionis Beatificæ: & non solum Capreolus; sed etiam S. Th. quæst. 62. art. 4. in solutione secundi argumenti docet, per illum actum naturalem eos non meruisse. In secundo instanti docet: Angelos bonos per actum supernaturalem meruisse: malos verò per peccatum demeruisse. In tertio verò instanti dicit, Angelos bonos fuisse beatos, & in termino illius moræ per actionem beatificam, Angelos verò malos fuisse damnatos, & in termino suæ viæ per operationem aliquam coexistētem operationi beatificæ Angelorum, puta tristiciam de sua exclusionē à beatitudine.

Quinta opinio est Caietani in prima parte qu. 63. artic. 6. ubi solum duo instantia huius viæ concedit; in

quorum primo dicit, omnes fuisse creatos in gratia, & meruisse. In secundo verò bonos continuantes illud meritum, si nul recepisse beatitudinem: malos verò non continuasse in eo actu meritum, sed posuisse obicem per peccatum; quò minus reciperent beatitudinem, & simul fuisse damnatos, & hoc, conatur ostendere, esse de mente S. Thomæ art. 5. dictæ quæstionis.

Sexta est nostri Ferrariensis lib. 3. contra Gentes cap. 110. versus finem, qui & ipse, duobus solum instantibus comprehensam fuisse hanc viam, docet; sed aliter ac ponit Caietanus; In quorū primo omnes Angeli creati in gratia meruerunt beatitudinem supernaturalem; cum hac tamen conditione habendam; ut immediatè post illud instans non ponerent impedimentum demerendo; sed manerent puri, & sinē peccato prius natura, ut eam possent recipere. In secundo verò instanti bonos non posuisse impedimētum demeriti, quod ponere potuissent, & sic habuisse conditionem requisitam, & fuisse beatos, & in termino suæ viæ: non tamen in hoc instanti aliquid eos meruisse, ut putat Caietanus: malos verò dicit, in hoc secundo instanti posuisse impedimentum peccando, & caruisse illa conditione requisita, & simul fuisse damnatos, & in termino viæ; non enim repugnat simul tempore fuisse peccatum, & damnationem propter illud,

illud, tamquam ob demeritum natura prius: Sic explicat Valentia sententiam nostri Ferrariensis; & hanc explicationem colligit ex doctrina quam ille ponit loco citato; sed aliquantulum implicatè,

Septima sententia est quam plurimum recentiorum, qui tribus instantibus comprehensum totum hoc negotium contendunt. In eorum primo docent: Omnes Angelos creatos fuisse in gratia, & meruisse; sed non cum plena deliberatione, & libertate, nisi quoad exercitiū actus. In secundo bonos continuasse illud meritum cum plena deliberatione, & libertate: malos verò extinxisse illud meritum per peccatum. In tertio Bonos fuisse in termino viæ beatos: malos verò damnatos. Aduertunt tamen plures ex his, qui hanc sententiam sequuntur, in illis duobus instantibus viæ bonorum non fuisse, duo merita distincta sibi succedentia; sed vnicum continuatum; quod etiam est de mente S. Tho. quatenus loco cit. art. 5. docet, per vnum meritum Angelos adeptos fuisse beatitudinem.

In tanta opinionum varietate eligam prius ea, quæ mihi videntur esse magis ad mentem S. P. postea breuiter quid de singulis sentiam indicabo.

Supponendum est autem pro fundamento secundum vniuersalem sententiam Theologorum: Instantia

Angelica, de quibus in præsentī agimus, non esse momenta indiuisibilia temporis successiui, qualia ponuntur à Peripateticis, vel formaliter, vel virtualiter distincta ab ipso tempore iuxta sententiarum varietatem: sed esse quasdam durationes permanentes intrinsecè indiuisibiles, quæ sunt indifferentes ad coexistendum, vel tempori successiuo: vel etiam soli instanti iuxta diuersitatem modi operandi ipsorum Angelorum. Quapropter instantia ista Angelica sumuntur, & numerantur secundum successionem actuum, quos eliciunt Angeli. Hæc est expressa sententia S. Thomæ in præcitata qu. 62. art. 5. ad 3. quapropter cum vnus Angelus in vno, & eodem actu indiuisibili perseverat, etiam si duret per horas, dies, & annos, est vnum tantum instans Angelicum, quo ille actus intrinsecè mensuratur: Cum verò Angelus in eodem actu non perseverat; sed interrumpit illum, & alium inchoat, tunc illæ durationes intrinsecè diuersorum actuum censentur diuersa instantia Angelica: quibus positis.

Dico: esse magis ad mentem S. P. Nostri sententiam D. Thomæ docentis, viam Angelorum bonorum antè terminum habuisse solū vnum instans Angelicum; id est vnicam durationem vnus operationis meritorix, quam vnusquisque Angelus habuit cum perseverantia, Viam verò

Angelorum malorum absolutam fuisse ante terminum duobus instantibus; id est duabus operationibus; in quarum prima meruerunt; sed sine perseverantia: In secunda verò peccauerunt, & extinxerunt præcedens meritum: Quapropter Angeli boni immediatè post illam operationem perseverantem viæ fuerunt in termino, & beati: mali verò immediatè post illas duas operationes siuè duo instantia fuerunt pariter in termino, & damnati. Hoc esse de mente S. P. patet ex eo; quod dixit lib. 12. de Civ. Dei cap. 6. ubi loquens de causa beatitudinis Angelorum bonorum eam sic explicat, *Proinde causa beatitudinis Angelorum bonorum ea verissimè reperitur, quod ei adherent qui summè est. Cum verò causa miseria malorum Angelorum queritur; ea meritis occurrat, quod ab illo qui summè est aversi, ad seipsos conversi sunt, qui non summè sunt: & hoc vitium quid aliud quam superbia nuncupatur?* & in libro de Correctione, & gratia cap. 10. loquendo de Angelorum bonorum, & malorum fortibus ait: *Denique Angeli quidam, quorum princeps est qui Diabolus dicitur, per liberum arbitrium à Domino Deo refugati sunt. Refugientes tamen eius bonitatem, qua beati fuerunt, non potuerunt effugere eius iudicium, per quod miserissimi effecti sunt. Ceteri autem per ipsum liberum arbitrium in veritate steterunt, eamque de suo casu num-*

quam futuro certissimè scire meruerunt. Et infra adhuc se clarius explicans ait: *Diabolus, & Angeli eius, & si beati erant, antequam caderent, & se in miseriam casuros esse nesciebant; erat tamen adhuc, quod eorum adderetur beatitudini; si per liberum arbitrium in veritate stetissent, donec illam summam beatitudinis plenitudinem tanquam premium sua per mansionis acciperent, id est, ut magna per Spiritum sanctum data abundantia Charitatis Dei cadere ulterius omnino non possent, & hoc de se certissimè nossent.* Ex hac S. P. doctrina habemus de Angelis Sanctis unam operationem viæ, id est adherere Deo, & quod idè sonat, ac stare in Veritate: & alteram termini; quod est certissimè scire se numquam casuros ab illa plenitudine beatitudinis, quam in premiū suæ per mansionis receperunt: quod totum importat Visionem Beatificam, & complementum illius beatitudinis viæ, in qua nō videndo Deū nondum erant certi. De Angelis verò malis, & Apostatis nos habemus, quod primò fuerunt beati, id est beatitudine viæ, quā etiam iusti in hac vita dicuntur Beati, ut supra cum S. P. explicaui, secundò quod à Domino Deo refugerunt, & se à summo bono auerterunt. Tertiò quod eius iudicium effugere non potuerunt, per quod miserissimi effecti sunt, & idcirco tres omnino operationes siuè instantia Angelica in malis Angelis ad-

admittenda sunt. Primum operationis bonæ. Secundum peccatis; & hæc spectant ad viam. Tertium verò damnationis, & miseriæ æternæ; quod spectat ad terminum ipsorum. Hoc idem, quod ad viam Angelorum malorum spectat, habetur lib. vii. decimo de Ciuitate Dei cap. 15. vbi ex Scripturis Sacris infertur; quod *Diabolus in Veritate fuit, sed non permanserit, & quod fuerit aliquando sine peccato, & quod non ab initio, ex quo creatus est, peccare putandus est; sed ab initio peccati, quod ab ipsis superbia caperit esse peccatum.* Ex quibus constat Angelos Apostatas antè peccatum fuisse in Veritate, & fuisse sine peccato: postmodum à superbia cæpisse peccatum; quod postea subsecuta fuit damnatio, & pœna æterna: hoc idem sentiunt plures alij PP. & DD. ex quibus aliqui quo ad Demones probant ex Epistola canonica S. Iudæ Apostoli, in qua dicitur. *Angelos verò, qui non serua-uerunt suum principatum, sed dereliquerunt suum domicilium, in iudicium magni diei vinculis æternis seruantur.* Vide S. Thomam in Prima parte qu. 62. artic. 5. ad 3. vbi expressè de Angelis Sanctis loquens docet, Angelum post vnicum instans fuisse beatum, & qu. 66. art. 6 docet, Angelum consequutum fuisse, beatitudinem post vnum instans. Probari, & explicari simul potest sententia ista hoc modo. Assignanda est via

Angelorum Sanctorum stantibus illis quæ ex Scripturis Sacris; & Sanctis PP. de illis habemus à termino beatitudinis distincta, & similiter via malorum à termino damnationis diuersa. Sed hoc sufficienter, & magis expedite; ac conformius ad Sacram Scripturam, & ad S. P. fit hoc modo. Ergò hæc sententia S. P. & S. Thomæ cæteris est præferenda. Maior est certa. Minor prob. nam ex adductis supra ex Sacra Script. & S. P. constat, quod Deus omnibus Angelis dederit gratiam, & alia dona supernaturalia, quibus possent consequi felicitatem æternam; & similiter quod omnes expectauerit, vt in bono essent perseverantes; sicut dederat omnibus, & singulis suum adiutorium, quo perseverare possent in bono inchoato, si vellent, quod S. P. appellat auxilium sine quo, & cū quo de facto Angeli Sancti perseverauerunt, itaque eadem duratione, qua expectauit bonos, expectauit etiam malos, qui perseverare potuissent; sed malicia sua non perseverauerunt: Ergo per hanc sententiam sufficienter, & magis expedite, ac conformius ad Sacras litteras explicatur via, & terminus tam bonorum, quam malorum spirituum. Assignatur enim vnicum instans bonorum Angelorum, quod fuit actus amoris Dei; in quo tamdiu perseverauerunt in via, quamdiu Angeli mali in primo instanti dilexerunt Deum sicut, & boni,

boni, & in secundo mutauerūt actionem, & recesserunt à summo bono, ac peccauerunt: quod est idem omnino, quod alijs verbis docent Scriptura S. P. S. Thomas, & cum pluribus alijs Vasquez tomo secūdo primæ partis Disp. 229. cap. 11.

Dices: Licet actus bonorum Angelorum secundum substantiam fuerit vnus, & perseverans, non fuit tamen sine aliqua mutatione: Ergo ratione huius mutationis possumus; in mō debemus distinguere in via Angelorum bonorum duo instantia; sicut ratione mutationis in via Angelorum malorum ea distinguimus. Prob. antecedens quia in eo instanti, in quo mali Angeli peccauerunt, boni se opposuerunt per actum intellectus, & Voluntatis, qui non erat antea. Ergo fuit mutatio sufficiens ad distinguenda duo instantia. Est actus amoris Dei non fuerit interruptus secundum substantiam, & quod licet tunc fuerit facta aliqua mutatio in Angelis bonis, non tamen propterea iuxta doctrinam S. P. & principia D. Thomæ sunt multiplicanda instantia; ille enim perseverantiam, & permanſionem vocat, quod continuationem actus significat, iste vero expresse vnicum instans tantum pro tota via Angelorum bonorum locis citatis computat. Ratio est; quia in communi vsu loquendi habetur ratio in præſenti vnus solum actus principalis perseverantis per

totam illam durationem, qualis fuit actus Charitatis erga Deum. Cum igitur questio ista sit de modo loquendi, placet mihi sequi vsum SS. DD. magis receptum in nostris scholis. Dices iuxta hunc loquendi modum posse etiam assignari vnicū instans pro via, & beatitudine Angelorum bonorum; nam actū dilectionis Dei quem habuerunt in via potuerunt continuare in Patria. & nos non ponere vnicum tantum instans pro via, & termino horum, eo quod siue manserit siue non manserit idem actus Charitatis, fuit inchoatus novus actus principalis spectans ad novum statum, qui fuit actus visionis Beatificæ. Vasquez loco citato putat, sufficere actum illum dilectionis Dei in termino fuisse intensiorem, quam in via. Sed hoc non videtur satisfacere difficultati; nam etiam peccantibus Angelis Apostatis dicendum videtur; Angelos bonos continuasse suum actum Charitatis cum maiori intensiōe, quam fuerit in principio. Doctrina hæc clarior fiet expendendo breuiter singulas sententias oppositas, & earam fundamenta.

Prima sententia: quæ est Magistri displicet propter duo principaliter. Primò quia sicut repugnat, aliquem esse in termino, & simul moueri ad terminum, ita repugnat aliquem esse in termino meriti, quod est præmium; & simul moueri ad illum, vt fit per actus meritorios: mereri enim
idem

idem est, ac moueri, & esse in via ad præmium: Ergò non potuerunt Angeli iam beati mereri Beatitudinem, quam actu possidebant iuxta placitum Magistrum; mereri enim beatitudinem, est idem omnino, ac moueri ad illam, vt ad terminum. Secundò displicet, quia vel Deus contulit Angelis beatitudinem absolutè, & sine aliqua conditione, & in hoc casu non potuissent illam mereri per sequentia ministeria, vt vult prædictus Auctor, quia nullus meretur id, quod iam est suum, & vt tale illud possidet. De ratione namque meriti est, vt is qui meretur faciat sibi debitum, & acquirat dominium eius, quod non est suum. Vel Deus non dedit absolutè, sed cum hac conditione vt per sequentia merita facerent eam suam, & tunc non fuissent verè beati antè illa ministeria exercita, nec beatitudo fuisset res ipsorum propria, sed quasi accommodata, vt postea illam facerent suam. Vt si quis accommodaret alicui remes, arma, &c. vt postea militando faceret illa sua. Est autem inconueniens dicere, quod Angeli iam videntes Diuinam Essentiam, & Deo perfruentes non haberent beatitudinem vt suam; cum hæc sit status, & possessio omnium bonorum aggregatione perfecta. Vide S. Thomam prima parte qu. 62. artic. 4. & Durandum in secundo dist. 5. quæst. 3. Addunt Recentiores hanc aliam rationem contra sententiam.

Magistri. Principium meriti non cadit sub merito, cuius est principium; Sed omnia opera subsequencia beatitudinem oriuntur ex ipsa beatitudine tamquam ex principio; Ergò Angeli per ministeria subsequencia ipsam beatitudinem non potuerunt illam promereri: Maior est in consensu apud omnes; nam Gratiam primam ideo non meremur nec per opera antecedentia, quia alias non esset gratia; nec per opera subsequencia; quia est principium illorum: Ergò principium meriti non cadit sub merito cuius est principium: minor probatur; quia sicut gratia seu Charitas viæ est principium omnium operum bonorum viatoris; sic Beatitudo, cū sit gratia consummata, & Charitas perfecta, erit principium omnium operum bonorum ipsorum Beatorum.

Dices primò: Christus Dominus erat Beatus à principio, idest ab instanti Incarnationis, & tamen cum esset in hac vita mortali promeruit multa, cum esset simul viator, & comprehensor; Ergò etiam Angeli potuerunt mereri, estò essent beati. R. Christum Dominum non meruisse sibi beatitudinem essentialem, quam habebat, nec etiam illius augmentum; Quia tamen erat simul, & Comprehensor, & Viator per sua opera, & passionem gratiam, & gloriam; ac multa alia dona promeruit nobis; & sibi glorificationem corporis, & exaltationem nominis.

Di.

Dices secundò: Potest Princeps strenuo equiti dare arma equos, & reliqua ad praelium necessaria propter bonum vsum, quem præuidet futurum ex valore, & peritia illius: Ergò similiter Deus potuit dare Angelis dona supernaturalia beatifican-
 tia propter bonum vsum, quem præ-
 uidebat futurum in illis per opera
 subsequencia. & esse disparem ra-
 tionem; nam in Equite supponitur
 peritia, dexteritas, & industria in-
 dependenter ab illis donis, & armis, &
 quæ sunt digna, vt illis donentur ista,
 quibus vtatur in seruitium Principis:
 Non est sic de bono vsu gratiæ, siue
 hæc sit gratia viæ, siue patriæ: iste
 enim non tribuitur virtuti naturali
 ipsius liberi arbitrij; quæ anteceden-
 ter ad ipsam gratiam non habet pro-
 portionem cum illo vsu: Sed tribui-
 tur Gratiæ principaliter. Nec liberū
 arbitrium antecedenter ad infusio-
 nem gratiæ est ex se dignum tali do-
 nio; immò quælibet eius operatio ha-
 bet omnem dignitatem, & valorem
 à gratia; quapropter non est meritū,
 propter quod detur gratia; sed po-
 tius finis ad quem datur ipsa gratia.
 Præterea donatio illa armorum non
 extrahit militem a statu suo equitis,
 aut militis, quin possit sibi vlterius
 per opera sua comparare dignitates,
 & præmia. At beatitudo extrahit
 Viatorem a statu viæ, & constituit il-
 lum in termino, qui impedit ratio-
 nem meriti. Vide quæ dixi de hoc

puncto in Controuersia de Prædesti-
 SS. Axio: 5. in fine §. Dices 10.

Dices tertio: esto Christus Domi-
 nus esset in termino, & Beatus; nihil
 ominus promeruit SS. PP. ipsum
 præcedentibus gratiam per opera
 posterius exhibita; E gò etiam An-
 geli potuerant per opera subsequen-
 tia mereri sibi gloriam, & etiam hic
 esse disparem rationem; nam Beati-
 tudo Christi Domini non extrahe-
 bat illum a statu viæ, vt dictum est,
 cum esset simul, & Viator, & com-
 prehenfor, quòd non habent Ange-
 li; nec vllus alius Beatus; nec refert,
 quod opera Christi Domini essent
 posteriora illa gratia, quæ fuit data
 priscis PP. neque enim nos absolutè
 negamus, merita posse esse postero-
 ra præmio; sed negamus posse esse
 posteriora, quando præmium est ter-
 minus, & extrahit merentem a statu
 viæ, & merendi; & est principium il-
 lius meriti: vt contingeret in Ange-
 lis, si per obsequia subsequencia bea-
 titudinem illam promererentur: nā
 Beatitudo, quæ est præmium, iam ex-
 traxisset illos a statu merendi, cum
 sit terminus, & simul reliquisset illos
 in statu merendi, vt supponit Aduer-
 sarius; esset principium meriti, & ca-
 deret sub merito; Quæ non possunt
 admitti, nisi admittantur implican-
 tiā.

Dices quartò: Angeli Sancti per
 opera, quæ exercent in gratiam, &
 vtilitatem generis humani merentur
 ali-

aliquid; Ergò possunt etiam mereri illud, quod à principio receperunt. Respondeo esse quidem in quaestione, an augmentum beatitudinis accidentalis cadat sub meritum: nam S. Thomas in secundo dist. 5. qu. 2. art. 2. & habetur etiam in supplemento quaest. 98. art. 6. S. Bonaventura, & Gabriel item in secundo dist. 1. nec non B. Albertus magnus in secunda parte summae affirmant ex eo; quod in hoc nulla appareat repugnantia. At postmodum ipsemet Angelicus Doctor negatiuam sententiam docuit, & propugnauit prima parte qu. 63. artic. 9. & cum eo ferè omnes Thomistæ, & plures alij, & rectius: eo quod Beati sunt extra statum merendi; & quia illa bona accidentalia sunt debita beatitudini essetiali; Qui enim est dignus visione beatifica, est etiã dignus quauis reuelatione, quæ est infra visionem Beatificam; dummodo ad ipsum statum, & officium pertineat; & similiter is, qui meruit gaudium essetiale, promeruit etiã gaudium accidentale, quod percipitur ex alia quauis re honesta.

Secunda sententia non probatur in eo; quod plures ex assertoribus eius illam sic explicat, ut idem actus Charitatis supernaturalis Angeli, quo in illo termino Deum amauit consideratus, ut procedebat à libero arbitrio informato gratia fuerit meritorius, consideratus verò, ut tendebat in ipsum Deum clarè visum, &

ut erat illius fruitio, fuerit beatificus; ac proinde eundem actum diuersimodè consideratum fuisse meritum, & præmium. Quò posito nulla datur realis distinctio in illo actui ac proinde dicere eundem actum; ut est à gratia esse meritum, & ut habet pro obiecto Deum clarè visum esse beatificum, & præmium; est idè ac dicere, quod idemmet actus sit præmium sui ipsius, quod censetur communiter improbabile. Eo quod meritum ex debito compensatur per præmium; vnde est necessè dari distinctionem realem inter illa. Præterea ille actus Charitatis Beati pro cedit à Visione beatifica: Ergo est omninò necessarius etiam quoad exercitium: Ergo nequit esse meritorius; cum ad hoc requiratur libertas saltem exercitij.

Tertia opinio; quæ est Scoti est valdè probabilis: Sed in eo differt à nostra, quod considerat instantia Angelica etiam secundum actus minus principales; in quo est ferè quaestio de voce nobiscum, qui in ordine ad viam actum solum principalem, idest Charitatis attendimus, & propterea solum vnum instans ponimus; reliquos verò solum, ut effectus istius, à quibus non sit desumenda diuersa ratio viæ: cum omnes tendant ad complementum viæ per actum Charitatis incæptæ; non sic se habet in Angelis malis; in quibus actus peccaminosus fuit diuersa via ab illa,

quæ erat iam incipia per actum Charitatis; tendebat namque ad appositum terminum.

Quarta sententia displicet in eo; quod ponit primum actum dilectionis Angelicæ fuisse naturalem; & nō processisse ex Charitate; & eò magis displicet, quod ponit, omnes Angelos fuisse creatos in gratia; quæ vel est idem realiter cum ipsa Charitate, ut est de mente S. P. vel si ab ea distinguitur realiter, ut vult Thom. Aq. semper est eū eā inseparabiliter coniuncta; loquimur enim in præfati de Gratia gratum faciente. Nec ratio illa Capreoli, quod nullus alius actus dilectionis præcesserit, iunxit illam, ad probandam intentionem, id est quod propterea ille primus actus fuerit naturalis; nam ad hoc quod actus aliquis sit supernaturalis sufficit, si præcedat habitus supernaturalis scilicet in priori nature: vel aliquid supplens defectum illius, puta Auxiliū adiuuale Dei, ut patet in peccatore eliciente actum contritionis; qui cum sit in peccato mortali, non habet habitum Charitatis; quia tamen motio supernaturalis Dei supplet illam defectum, elicit talem actum.

Quinta opinio repugnat nostre in

eo, quod etiam pro Angelis nullis

ponit, solum duo instantia compre-

hendendo etiam terminū, id est dash-

inationem; cum tamen terminus il-

de habeat rationem status, quem nō

habet via, & consequenter essenti-

aliter differant. Vnde in hoc puncto

arbitror Caietanum non fuisse asse-

ptum mentem S. Thomæ.

Sexta sententia, si negat Angelos

bonos continuando actum non me-

ruisse augmentum beatitudinis, quā-

dam mali denegauerunt, non videtur

admittenda; & eò magis, quod sup-

ponitur (istis rebellatibus) illos pro

gloria Dei pugnasse, & suam actum

intensorem reddidisse. Similiter nō

placet in eò, quod ponit, & ipsa so-

lum duo instantia in Apostatis inclu-

dendo etiam terminum propter ra-

tionem mox adductam contra sen-

tentiam Caietanæ.

Septima displicet in eo, quod ponit

duo instantia pro via Angelorū,

non comprehendendo terminum;

cum tamen nō diuersificet actus me-

sitorios; & cum S. Thoma doceat

per vnum metrum Angelos ade-

ptos fuisse beatitudinem: in quò nō

videtur consequenter loqui.

AXIO-

AXIO-

AXIOMA SEPTIMUM.

Angeli Sancti de lege ordinaria non possunt deficere, nec proficere in Beatitudine.

Ex Enchiridione ad Laurentium Cap. 29.

Placuit Vniuersitati Creatori, atque moderatori. Deo, ut quoniam non tanta multitudo Angelorum Deum deserendo perierat, ea qua perierat in perpetua perditione remaneret; qua autem cum Deo illa deserente perstiterat, de sua certissime cognita semper futura felicitate secunda gauderet.

Ex Lib. de Fide ad Petrum Cap. 23.

Habetur inter opera S. P. tomo Tertio, sed est S. Fulgentij Ruspensis Episcopi eius sincerissimi discipuli.

Firmissime moue, & nullatenus dubites omnem creaturam naturaliter mutabilem a Deo incommutabili factam; nec tamen posse quolibet Sanctorum Angelorum in deum mutari. Quia sic acceperunt aeternam beatitudinem, qua Deo stabiliter perfruantur, ut ea carere non possint.

D V B I V M

Vtrum Angeli S. possint proficere in Beatitudine.

Duplicem beatitudinem in Sanctis agnoscunt communiter

Theologi: essentialem vnam: accidentalem alteram. Prima constituitur

tur in Visione clara Dei, Amore beatifico, & gaudio, quod inde oritur. Accidentales constituitur ex revelationibus, amore, & gaudio de quacumque alia re extra Deum: quo posito dux circa propositam questionem circumferuntur sententiae.

Prima tribuitur magistro sententiarum; quem dicitur docuisse, per quotidiana opera Angelos crescere in beatitudine essentiali usque ad diem iudicii.

Secunda est communis inter Theologos, qui unanimiter cum S. Tho. prima parte qu. 62. artic. 9. docent oppositum; ita ut Valentia Tomo 1. disp. quarta quaest. 13. ubi agit de perfectione Angelorum in esse Gratiae, & Gloriar. Puncto quarto §. Tertium quoque dicat quod contrarium asserere merito censetur esse temerarium: propterea.

Dico primò: Angelos Beatos nō posse proficere in Beatitudine essentiali supra explicata. Prob. hæc assertio primo. Quia secundum legē Dei ordinariam eodem modo Angeli sunt destinati ad Beatitudinem, quo ipsi homines, ut supra cum S. P. explicavi. Sed ex fide habemus secundum legem ordinariam homines in Beatitudine essentiali postquam illam consecuti sunt non posse proficere: Ergo idem de Angelis dicendum erit si non ex fide saltem cum tanta certitudine, ut appositum à nota temeritatis vindicari non pos-

sit. Maior communiter admittitur. Minor probatur ex Eccl. 11. *siue ad Austrum, siue ad Aquilonem cecideris lignum ibi eris*, quod communiter PP. interpretantur de immutabilitate hominum in suo termino, siue ille sit Beatitudinis; siue damnationis: ad quem post hanc vitam perveniunt. Hoc idem habetur in Ecclesiastico cap. 14. v. 17. *Ante obitum tuum operare iustitiam; quoniam non est apud inferos invenire cibum*: Ex ipse Dominus noster in Euang. Io. cap. 9. *Venit nox quando nemo potest operari*. & Paulus Apostolus ad Galat. cap. 6. *Dum tempus habemus operemur bonum*. Probari potest secundo. Quia primum non crescit nisi crescente merito. Sed in statu Beatitudinis non crescit meritum; Ergo nec primum.

Dices si Angeli non possent proficere in Beatitudine essentiali, nec etiam possent proficere in beatitudine accidentali; sed hoc est falsum; nam ex illa D. Lucæ cap. 15. *Gaudium erit in Cælo coram Angelis Dei super uno peccatore penitentia agente*: communiter Theologi admittunt progressum in huiusmodi Beatitudine accidentali, & in novis gaudijs; ut docet S. P. Augustinus lib. 5. de Gen. ad litteram cap. 19. S. Hieronymus cap. 3. ad Eph. S. Ambrosius lib. de his qui myst. initiantur. c. 7. S. Tho. prima parte qu. 62. artic. 9. ad 3. & q. 117. artic. 2. ad primum. Ergo etiam fal-

falsum erit, quod non possint proficere in Beatitudine essentiali. Sequela maioris prob, quia ideo dicitur Angelos Sanctos non posse amplius proficere in Beatitudine essentiali, quia non possunt ulterius mereri, cum sint in termino: Sed hæc ratio conuincit, etiam eos non posse ulterius mereri beatitudinem accidentalem; ergo conuincit etiam eos non posse ulterius proficere in Beatitudine accidentali. Respondeo huic difficultati per sequentem assertionem, &

Dico secundo: Angelos SS. de facto proficere in Beatitudine accidentali idest in varijs reuelationibus, & gaudijs extra Deum, non tamen ista eos nunc mereri: sed hæc illos promeritos fuisse ab initio. Prima pars probata manet ex adductis in hac obiectione immediate præcedenti. Secunda pars in Controuersia apud Doctores, nam S. Bonauentura in secundo dist. 11. qn. 2. art. 2. & Gabriel ibi docent Angelos SS. posse illa accidentalia mereri; cum respectu talium donorum non sint adhuc in termino; cum illa omnia de facto non possideant. Nihilominus cum S. Thomas doceat illos de facto ista non mereri; vt supra dixi: propterea probatur prædicta pars assertionis ex eius doctrina: Quia huiusmodi præmia accidentalia sunt debita beatitudini essentiali tamquã fructus eius: Nam vel sunt ætus

Charitatis ex Charitate erga proximum, vel ex illa proficiscuntur; unde qui dignus est præmio essentiali, est etiam dignus præmio accidentali. Ad argumentum S. Bonauenturae, Responderetur quoad rationem meriti Angelos Sanctos esse in termino omnino tam quoad essentialē, quam quoad accidentalem Beatitudinem: nec officit quod omnia spectantia ad istam de facto ab eis non possideantur: sufficit enim si hæc denatur debito tempore, & data opportunitate; vt etiam in alijs præmijs sepe contingit; nam etiam SS. PP. defuncti antè Aduentum Christi Domini promeruerunt Beatitudinem tã essentialē, quam accidentalem, & tamen eas cōsequuti sunt solum post mortem eiusdem saluatoris nostri. Meruerunt igitur Angeli Sancti tã Beatitudinem essentialē, quam accidentalem; cum essent in via, non verò in Patria; ac proinde hoc ipso quod sunt in termino, quoad Beatitudinem essentialē, sunt etiam in termino quoad beatitudinem accidentalem, vt potè fructum illius, quē licet non recipiant statim cum præmio Essentiali, sed decursu temporis; nihilominus iam connaturalis est statui, & quasi debitus ex vi meritum, quæ præcesserunt in via.

Dices primò: multis hominibus datur Gloria Essentialis, quam ipsi numquam promeriti fuerunt in via; idest infantibus, qui decedunt acce-

pro baptisato ante usum rationis; ergo saltem isti merebuntur dona accidentalis in Patria per propria opera; ergo etiam Angeli Sancti, cum sit par ratio de utroque. ¶ Quod sicut prædictis infantibus confertur gloria essentialis ex meritis Christi; ita etiam propter eadem merita suo tempore confertur illis huiusmodi fructus; quod non militat in Angelis; qui si ut meruerunt in via gloriam essentialem; ita etiam meruerunt gloriam accidentalem.

Dices secundo: D. Paulus Epistola prima ad Corin. cap. 6, ait *Nescitis quoniam Angelos iudicabimus*. Hoc circa Angelos Sanctos non potest intelligi nisi propter custodiam animarum sibi commissarum: & premium, quod per illum sunt accepturi; cum iam de actibus vite meritorij sunt premium assecuti; Ergo de premio accidentali ibi est sermo, quod illi custodendo, & gubernando homines promerentur non obstante statu beatitudinis essentialis: Respondeo prædictam expositionem reijci, & merito à S. P. N. in expositione Psalmi 86. ad illa verba: *Et mandamenta eius in montibus Sanctis* exponit ea de Apostolis, & descendens ad S. Paulum ait: *Ipse se indicaturum dixit non hominibus tantum, sed & Angelos. Quos Angelos nisi Apostolos Angelos? & merito cum istam sui peccati meritis condicendi; & meriti gaudij sunt per honorem vitam S.*

clorum hominum; & est expositio conformis contextui Epistolæ Apostoli, qui reprehendebat ibi Fideles Corinthios, qui electis Christianis eligebant in iudices arbitrarios Gentiles: contra quos sic arguit: *Nescitis quoniam Angelos iudicabimus, quoniam magis secularia*, id est si inter Christianos sunt plures, ex quorum vite innocentia, & sanctitate redarguentur Angeli maligni iudicio; & comparatione eorum condemnabuntur, qui tamen sunt substantiæ purè spirituales, & æternæ: quando magis inter illos inquirere poteritis, qui determinent de vestris libris circa res temporales.

¶ Dico tertio cum D. Thomas locutatio hoc augmentum beatitudinis accidentalis in Angelis Sanctis, sicut & in alijs Beatis duraturum esse usque ad diem iudicii, & non ultra. Probatum quia post illum diem non fient amplius nova mysteria gratiæ, aut gloriæ, & consequenter nulla erit amplius nec sitas novarum revelationum: Et quia tunc erit completus numerus Prædestinatorum in caelis; ideo non erunt amplius nova gaudia propter conversiones hominum; & consequenter nec etiam ulterius gaudium accidentale; Sed in æternum manebit Gaudium de beatitudine essentiali cum gaudio de beatitudine accidentali sibi correspondente semper invariata; in ultimo loco huiusmodi quæritur de Angelis Beatis non

non posse excidere à suo statu Beati-
tutinis: vt docet S. P. lib. de Cor-
reptione, & Gratia cap. 11. vbi ex-
pressè docet: *Sancti beatitudinis
plenitudinem tamquam primum per-
manens in se ipsum esse, ut cadere
verius non possent, & hoc de se*
certissime noscent & cap. 11. *Angeli
Sancti, qui ceteris alijs per liberum
arbitrium, per idem liberum arbitrium
steterunt ipsi, & huius mansionis debi-
tam mercedem recipere meruerunt, non
tam scilicet beatitudinis plenitudinem,
qua eis certissimum sit semper se in il-
la esse mansuros.* An hoc proueniat
ex solo Dei beneplacito, an ex natu-
ra beatitudinis, in Tractatu de Bea-
titudine disputatur.

De cognitione Matutina, & Ve-
spertina An eorum disputant hic
plures Theologi occasione eorum,

qua de hoc puncto posuit S. P. lib.
vndecimo de Ciuitate cap. 7. & 29.
lib. 4. de Genesi ad litteram cap. 23.
24. & 25. & 31. at etiam lib. 5. cap.
51. & lib. 69. QQ. qu. 26. & denique
lib. 13. Conf. cap. 15. & alibi Vt
quia de hoc puncto ego in Contro-
uersia de Incomprehensibilitate, &
Visione Dei in dubio ad Axioma
monui, & in Controuersia Quinta
huius operis in dubio ad Axioma
Tertium, Propterea ad ibi dicta me
remitto. Videantur S. Thomas pri-
ma parte quest. 58. art. sexto, & Se-
ptimo, vbi acutè exponit mentem,
& Doctrinam S. P. N. & Noster Leo-
nardus Coquæus in Commentarijs
ad prædicta loca de Ciuitate Dei, sed
præcipuè ad caput 29. Libri vnde-
cimi.

CONTRORSIA

OCTAVA

De Peccato, & Pæna Dæmonum.

AXIOMA PRIMVM.

Angeli potuerunt peccare.

Ex lib. de Correptione, & Gratia Cap. 11.

TAlit erat adiutorium, quod desereret cum velles, & in quo permaneres si
velles: non quo fieret, ut velles &c. Posses ergo permanere si velles, quia

non deerat adiutorium, per quod posset, & sine quo non posset perseveranter bonū tenere, quod vellet. Sed quia noluit permanere, profecto eius culpa est, cuius meritiim fuisset si permanere voluisset. [Hucusque loquitur S. P. de primo homine in statu innocentie, in quo Statu illum æquiparat Angelis. Vixioribus quoad gratiam, & auxilium sine quo, & quoad potentiam peccandi, propterea subiungitur: Sicut fecerunt Angeli, qui cadentibus alijs per liberum arbitrium, per idem liberum arbitrium steterant ipsi, & huius mansionis debitam mercedem recipere meruerunt, tantam scilicet beatitudinis plenitudinem, quæ eis certissimum sit, semper se in illa esse manjuros. Si autem hoc adiutorium, vel Angelo, vel homini, quam primum facti sunt defuisset, quoniam non talis natura facta erat, ut sine diuino adiutorio posset permanere, si vellet, non utique sua culpa cecidissent. Adiutorium quippe defuisset, sine quo manere non possent. Nunc autem quibus de est tale adiutorium, tam parva peccati est.

D V B I V M.

Vtrum Angeli possint peccare, tam
contra legem Scripturalem, quam
contra naturalem.

Hoc axioma S. P. vtor in præsentia, quia in eo explicat, & casum Angelorum, & potentiam peccandi, id est liberum arbitrium; & auxilium, quod acceperant, ut possent in bono permanere si vellet; quod auxilium si non accepissent, non utique sua culpa cecidissent: nā ut ait ipse, *non talis natura facta erat, ut sine diuino adiutorio posset permanere si vellet*: quia verò peccatum, quodlibet est contra aliquam legem

nam ut ait Apostolus ad Rom. 4. *Vbi non est lex, nec prauaricatio*. propterea videndum est, an Angeli contra quamcumque legem peccare potuerunt: Sunt enim leges suæ præcepta in duplici differtia. Quædam enim sunt supernaturalia, quibus creatura Intellectusualis dirigitur ad finem supernaturalem. Alia naturalia quibus ordinatur ad finem naturalem. Ex qua doctrina habetur: nos posse dupliciter peccare: primò

con-

contra finem, & præcepta naturalia; secundò contra finem, & præcepta supernaturalia; Et quidem Angelos peccare potuisse est de fide; cum ex Sacra Scriptura constet aliquos de facto peccasse habetur enim in Epist. p. Io. v. 3. *Ab initio Diabolus peccat.* & in Euang. cap. 8. *ille homicida erat ab initio, & in veritate non stetit: quia non est veritas in eo;* & Iob c. 4. v. 18. *In Angelis suis reperit prauitatem.* Ex quibus omnibus patet Angelum absolute loquendo posse peccare: & ratio est manifesta fundata in his duobus principijs. Omnis creatura quæ habet liberum arbitrium potest absolute, & nulla facta suppositione peccare. Vbi est Lex ab alio præscripta, cui subiectum sit liberum arbitrium; nulla similiter facta suppositione potest peccare. Sed Angelus nulla facta suppositione Visionis Beatificæ: Vnionis hypostaticæ, aut alterius similis impedimenti est talis. Ergò potest absolute loquendo peccare. Cum possit libere præstare, vel omittere illud, quod illa lex, vel præscribit, vel prohibet; Sed an possit peccare contra utramque legem, sicut nos possumus; non est certum apud Theologos: sunt enim variae de hoc DD. sententiæ.

Prima est Scoti in secundo Dist. 23. vbi probat generaliter nullam creaturam esse posse villo modo im-peccabilem, siue loquamur de pec-

cato contra legem naturalem, siue de peccato contra legem supernaturalem.

Secunda sententia distinguit, & asserit, posse produci creaturam im-peccabilem quidem respectu finis naturalis, & talem esse Angelum: non tamen respectu finis supernaturalis: quam sententiam tenet Caceranus Prima p. qu. 63 art. 1. cui fundamentum præbuit S. Thomas ibi in Resp. ad 3. quod etiam docet idem Ang. D. in QQ. Disputatis qu. 69 de malo art. 3. in corp. & ad 6. art. 5. ad primum, & in sequentibus, hæc non, & in secundo dist. 51 qu. 1. art. primo ad primum, & 4. Durandus in secundo Dist. 6. qu. 1. nu. 16. & 23. & 3. Gabriel ibi qu. 1. art. p. & 2. Maior qu. 2. Concl. 4. & 5. Okamus in primo Dist. 44. qu. prima ad secundum. Capreolus in secundo: Dist. 22. qu. prima, art. 3. Noster Ferrar. in lib. 3. contra Gentes cap. 109. Bannez, & Zuñel in Primam partem ad quæst. 63. Conclus. 2. contra Scotum: his positis.

Dico primo Angelum ex natura sua posse peccare contra præcepta naturalia, siue ea sint à natura indita, siue sint positiua superaddita, dummodo spectent ad finem naturalem: Hæc assertio est sententia S. P. & propterea: Primo illam eius Auct. probò sic. S. P. lib. 12. de Ciuitate Dei cap. primo ait: *Dicimus itaque immutabile bonum non esse, nisi unum Deum,*

*Deum, Verum, Beatum; ea verò quæ fecit bona quidem esse, quod ab illo. Verumtamen mutabilia, quod non de illo, sed de nihilo facta sunt, & in fine apirius ait: Quapropter etiam vitio malorum Angelorum, qui non adherent Deo: quoniam omne vitium natura nocet, satis manifestatur Deum tam bonæ eorum creasse naturam, cui noxium sit non esse cum Deo. Similia habet cap. 6. eiusdem libri, ubi per extensum de peccato, & miseria malorum Angelorum disserit: cum S. P. sensir eius discipulus S. Fulgentius lib. de Fide ad Petrum cap. 3. Similia habet S. Gregorius lib. 25. Moralium cap. 5. Et ex hoc principio tam S. Fulgentius in dicto lib. c. 23. quam S. P. lib. 3. contra Maximinū colligunt, quod cuiusque creaturæ rationali præstatur, ut peccare non possit, non est naturæ propriæ, sed gratiæ; quod S. P. ibi si. exprimit: *Accedite ad eum, & illum namin, nisi quia hoc nemo potest si de se quisq. præsumperis, sed si ipse donauerit: Immortalitatem autem Deus habere dicitur solus, quia est immutabilis solus In omni enim mutabili natura nonnulla mors est ipsa mutatio, quia facit aliquid in ea non esse quod erat: eandem doctrinam habent S. Ambrosius lib. 3. de Fide ad Gratianum cap. 2. S. Hieronymus in Commentarijs magnis Epistolæ ad Galatas cap. 6. & in Epistola 146. ante finem loquens de Angelis, & luminibus, & versans illud**

Pl. Non iustificabitur in conspectu tuo omnis vivens [ait] solus Deus est, in quem peccatum non cadit; cetera cum suis liberi arbitrij, iuxta quod homo ad imaginem, & similitudinem Dei factus est, in utramque partem possunt suam flectere voluntatem; & in hunc sensum explicat illud Epistolæ primæ ad Tim. cap. primo, ubi Deus dicitur Immortalis. Sic, & Elias Cretensis in Orat. 3. & tandem S. Io. Damascenus lib. 2. de Fide cap. 3. Nazian. quæ est prima Apologia in Iulianū in illa verba, Ad hac quomodo dicitur Quidquid enim creatum est mutationi subest necesse est, id enim unum extra mutationis aleam est, quod nihil habet à quo sit creatum: ex hac S. P. & aliorum PP. Doctrina, sic arguo. Omnis creatura Intellectualis ex sua natura est mutabilis, & in utramque partem suam potest flectere voluntatem: Sed Angelus tam circa finem, & legem supernaturalem, quam circa naturalem est mutabilis, & suam potest in utramque partem flectere Voluntatem: Ergo tam est peccabilis circa finem supernaturalem, quæ circa finem naturalem. Dices hos PP. loqui de creatura rationali libera; non verò de creatura rationali, quæ ex sua natura sit determinata ad unum, qualem posse produci à Deo, non videtur implicare; & huiusmodi esse Angelum ex natura sua in ordine ad finem, & legem naturalem. Respondetur cum S. Hieronymo,

mo, locis cit. Creaturam rationalem (hoc ipso quod est rationalis) debere esse liberi arbitrij; nam ideò talis creatura ab eo dicitur facta ad imaginem, & similitudinem Dei: quia libero arbitrio dotata est: Præterea communiter docetur impossibile esse produci creaturam rationalem, quæ necessariò alligata sit ad vnam partem ex natura rei circa sua obiecta, quæ illi proponi possunt: Si enim non est animal irrationale, debet esse libera ex natura sua ad quodcumque genus obiecti; ac proinde hoc ipso quod minimam habet libertatis partem non potest circa virtutem, vel vitium, seu naturaliter, seu supernaturaliter loquendò esse determinata ex natura sua: sed solum, vel ratione status, & terminij, vel ratione alicuius doni, & magni beneficij Dei. Nec dicas Deus est liberi arbitrij, & tamen circa Virtutem, & vitium, seu bonum, & malum morale non habet libertatem. Nam, vt dixi cum PP. supradictis, est dispar ratio de Deo, & de creatura: Deus enim est immutabilis, & cum sit essentialiter bonus, & Sanctus, non potest transire de bonitate ad malitiam, & de Sanctitate ad Vitium, & peccatum, & præterea nullum habet superiorem, nec potest habere, cuius legi possit subdi, & eam transgredi: non sic est de creatura rationali, quæcunque illa sit; nam hæc eo ipso quod est creatura, est facta ex nihilo; &

implicat contradictionem esse creaturam, & non esse ex nihilo factam; ac proinde non esse ex natura sua mutabilem circa quancumque legem, vel finem: ac posse peccare tamen circa legem supernaturalem, quam circa naturalem. Veritas hæc clarior fiet intrà ex solutionibus obiecti-
 onum Aduersariorum. Prob. 2. ratione illa suprà in principio huius dubij posita: Quia Angeli in statu suo naturali, præciso quocumque alio habent liberum arbitrium subiectum legi naturali: ergò possunt liberè, vel transgredi, vel obtemperare. Conf. Quia si Angeli non possent contra legem, aut finem naturalem peccare, Essent determinati omninò ad faciendum illud, quod lex naturalis dicat: Sed omne id quod est omninò determinatum ad aliquid facienda non est agens liberum vt patet in omnibus illis quæ agentia naturalia idcirco nominamus, quia sunt determinata omninò ad vnum: ac proinde non liberè, sed necessariò operantur. Ergò Angeli non essent agentia libera in statu suo naturali, & in ordine ad legem naturalem. Prob. 3. quia Angeli in statu naturæ poterant deficere à suo fine naturali; cum haberent posse tendere per actiones liberas in illum, & posse non tendere. Ergò poterant contrà illum peccare. Probatur 4. quia sicut ab agente naturali acquiritur eius finis per actionem necessa-

riam, ita ab agentibus liberis debet acquiri per actionem liberam: Cum vnaqueque creatura tēdat in finem sibi proportionatum, & a Deo praefixum: per actiones proportionatas, & per quas est apta natura operari circa illum. Ergo si Angeli sunt agentia libera, liberē debent acquirere suum finem naturalem, & posse illū consequi, vel ab eo deficere, quod est idem, ac contra illum peccare. Probant ultimo communiter Theologi, qui hanc assertionem tuentur; quia Caeodēmones de facto incitāt homines ad omne peccatum etiam contra legem naturalem. Ergo ex se ante lapsum habebāt potentiam, ad peccandum contra huiusmodi legem. Respondent Aduersarij huic argumento; posse quidem Angelos peccare contra legem naturalem mediātē, & concomitanter, non tamen primō; & immediātē; quod explicāt, & probant hoc modo. Finis naturalis Angeli est Deus, qui etiam simul est finis supernaturalis eorum. Non possunt autem Angeli recedere a Deo, vt. finē supernaturali, quin simul recedant ab eo, vt finē naturali, cum vtraque ratio finis sit in ipso. Ergo quoties peccant contra legem supernaturalem, peccant etiam contra legem naturalem. Hoc tamen effugium non soluit difficultatem: Quia si Deus creasset Angelum in puris naturalibus, quod non implicat, iam tunc illum ordinasset solum

ad finem naturalem non per legem pariter naturalem; & in eo casu potuissent transgredi illam legem, & operari contra illum finem non solum mediātē, & concomitanter; sed etiam primō, & immediātē; sed per hoc quod Deus condens naturam simul largitus sit ei gratiam non destruxit, nec abstulit ab eo potentia illam naturalem; sed illam perfecit: Ergo adhuc potest id, quod potuisset sine gratia supernaturali, & consequenter cum non implicet cum potuisse in puris naturalibus, si in illis creatus fuisset, immediātē transgredi legem naturalem; nec etiam implicabit, quod hoc posset in statu viae, esto haberet gratiam. Præterea, vel Angelus ratione suae naturae habuit potentiam peccandi contra legem naturalem, vel nō habuit; si habuit: Ergo potuit illa vtī, nisi impediretur ab aliquo statu, vel termino: (puta, a sua beatitudine;) non solum mediātē; sed etiam immediātē, & directē faciendo contra aliquod præceptum, quod constat lumine naturali esse seruandum; v.g. non faciendi alteri, quod tibi nō vis fieri: in hoc enim nullum est inconueniens; Si non habuit: Ergo numquam potuit illa vtī, nec in via, nec in termino, & consequenter nec mediātē, nec immediātē: quod nec etiam ipsi Aduersarij admittunt. Nec officit quod in Deo identificentur duæ illæ rationes finis naturalis, & finis supernaturae.

turalis: nam etiam in eo identificantur dæ rationis obiecti naturalis, & supernaturalis: cum tamen possit à nobis cognosci intellectu naturali, & intellectu supernaturali, & possimus circa illum errare in cognitione naturali, quin erremus in cognitione supernaturali.

Dices primò S. P. N. relatum à Magistro sententiarum in lib. 11. de Gen. ad litt. cap. 7. habere *Talem Deus potuit hominem fecisse, qui nec peccare posset, nec vellet, & si sic fecisset, quis dubitat, eum meliorem fuisse?* Ergò etiam potuit facere Angelum ex natura sua non potentem peccare: quod Confirmatur: quia non implicat creatura rationalis, cui lumen gloriæ, & gratia Sanctificans sint connaturalia, vt docent plures Theologi. Ergò nec etiam implicabit Angelos esse natura sua impeccabiles in aliquo genere; hoc est circa finem suum naturalem saltem directè, & immediatè. R. S. P. eo loco, à me, & ab alijs diligenter perlectum non habere verba illa, quæ citat Magister; sed solum ibi docere meliorem esse naturam creatam, quæ nō lit peccare, quam eam, quæ non solum potest, sed etiam vult peccare; Quod est omninò longè diuersum ab eo, quod dicit Magister, & intendunt Aduersarij. Verum dato, quod S. P. id diceret (quod tamen sicut non ibi, ita nec alibi puto eum asserere) loquendo ex natura

rei cum tale Axioma nō sit confor-
me principijs ipsius, vel se expa-
ret, vel esset exponendus ratione ali-
cuius doni superadditi; sicut se ex-
ponit cum loquitur de Christo Do-
mino in lib. de Prædestinatione SS.
cap. 15. vbi dicitur de eo. *Quod
tanto magis libera erat voluntas eius,
quanto magis peccato seruire non po-
terat* præmisit rationem ex dono
Vnionis hypostaticæ, quia scilicet il-
le homo à Verbo Patri coæterno in uni-
tatem persona assumptus Filius Dei
vniigenitus esset. Ad Confirm. R. me
in Controuersia De Incomprehen-
sibilitate, & Visione Dei in dubio ad
Axioma Scptimum ostendisse impli-
care talem creaturam, cui sit conatu-
rale lumen gloriæ, vel Gratia Sancti-
ficans, & consequenter etiam im-
plicare creaturam ex natura sua
impeccabilem; vbi etiam aduertit.
Salas parte secunda Disput. 3. Sect.
2. appellasse contrariam senten-
tiam periculosam, & reiiciendam
à scholis exemplo Vniuersitatis Sal-
maticensis, quæ non semel prohi-
buit eam.

Dices secundò: Quicumque dili-
geret necessariò Deum vt Authorē
naturæ, non posset peccare contra
legem ab eo latam. Sed Angelus
in puris naturalibus hoc modo dili-
geret Deum: Ergò non posset pec-
care cōtra legem ab ipso naturæ Cō-
ditore latam. Maior est certa, &
in confesso apud omnes, Minor pro-
batur:

batur: Quia Angelus, cognoscendo, & amando seipsum, necessario cognoscit, & amat Deum, ut Auctore naturæ suæ. Sed non potest cessare à cognitione, & amore sui. Ergo nec etiam à cognitione, & amore Dei sub hac ratione formali Auctoris Naturæ. Respondetur hoc argumento solum probari, Angelum necessario amare Deum, ut Auctorem suæ Naturæ in particulari; nõ verò probare, quod illum amet necessario, ut Auctorem totius naturæ; Et hoc erat probandum pro intento Aduersariorum: nam ex eo quod cognoscat, & amet necessario suam naturam indiuidualem, sequitur solum, quod non possit peccare contra illam legem naturalem, quæ est de conseruatione sui, & nihil amplius: amor enim ille esset amor concupiscentiæ, non verò benevolentix. Ac proinde nõ sequitur, quod non possit peccare contra Deum, ut Auctorem totius naturæ, & contra legem naturalem ab eo latam. Præterea non est omninò certum, quod Angelus in puris naturalibus non possit cessare à cognitione, & dilectione sui; vel quod idem est, quod necessario cognoscat, & diligat seipsum; Quod enim hoc habeat in Patria, est ex vi Visionis Beatificæ, & Amoris Beatifici, quo diligitur Deus, & omnia propter Deum; At quod in puris naturalibus necessario exerceat illos actus, ex nullo capite euidenter probatur.

Dices tertio cum Durando in secundo Dist. 23. quæst. prima: Voluntas nequit deficere nisi in intellectu præcedat aliquis defectus: & hic defectus, vel est actualis consideratio de aliquo obiecto, quod vel non conuenit appetere, vel non eo modo, quo intellectus illud proponit; vel est actualis inconsideratio de eo, quod intellectus potest, & debet aduertere; vel est aliqua ignorantia vincibilis; vel denique aliquis error positius contra aliquam Veritatem ab ipso cognoscibilem. Sed Angelus non potest habere huiusmodi defectus circa naturalia, licet possit illos habere circa supernaturalia. Ergo non potest peccare contra legem naturalem, licet possit peccare contra legem supernaturalem. R. quod licet moraliter, & ut in pluribus res ita se habeat, ut ferè nullus peccet, nisi adsit defectus, vel error in intellectu; nihilominus non probatur sufficienter, semper hoc contingere, & numquam oppositum euenire; immodò à priori ostenditur; vel etiã [fortè] demonstratur oppositum: Voluntas enim libera habet dominium supra suos actus; ita ut possit illos ponere, vel non ponere; vel ponere oppositum iuxta diuersitatem obiectorum, & statuum in quibus talis Voluntas reperitur. Ergo voluntas puræ creature, quæ est viatrix (de hac enim loquimur in præfenti) cū ex se possit agere si vult, & non age-

re

se pro suo libito: poterit vrgente præcepto naturali, vel negatiuo, vel positiuo agere contra illud, vel ponēdo actum, quem non debet ponere, vel non eliciendo illum, quem teneatur elicere; etiam positis quibuscumque requisitis ex parte intellectus; nam hoc est de ratione Dominij potentie liberæ. Dices ex libo. Præuērb. c. 14. habetur, *Errant, qui operantur malum*. Ergo omnis operatio peccaminosa supponit errorem in intellectu. R. id non semper accipi de errore intellectus; nam licet sit verum, quod hoc vt plurimum contingat; nihilominus ad veritatem prædictæ sententiæ sufficit, quod voluntas erret; licet non erraret intellectus: Nam communiter dicimus, illum errare, qui desectit à rectitudine, siue à regula recta sibi præscripta; voluntas autem sic potest deficere à regula bonitatis, si ut potest intellectus desectere à regula veritatis; Et consequenter tam voluntas, quam intellectus possunt errare. Et hæc etiam si nullus error, vel defectus præcedat in intellectu, vt est manifestum in illis, qui peccant ex mera malitia. Plura, & diffusè exposita de hoc puncto habes apud recentiores. Mihi sat est difficultatis nodum soluisse.

Dices quarto: Angelus in puris naturalibus non potest non cognoscere, & non diligere suam Beatitudinem naturalem, quæ consistit in

ipsa naturali cognitione, & amore Dei: Ergo naturaliter nō potest peccare in illo statu contra illum finem. Antecedens probatur; quia in illo statu non potest esse miser, aliàs non esset in puris naturalibus: Sed eo ipso, quod cessaret à cognitione, & amore naturali Dei, esset miser: Ergo non potest ab illis cessare, & consequenter nec etiam cessare à sua naturali beatitudine. R. quod ad summū Angelus necessariò amaret Deū, vt Auctorem sui, non verò, vt Auctorem totius naturæ: huius enim amoris sub hac ratione nulla est necessitas in Angelis in puris naturalibus consideratis. Ideo enim amaret Deum, quia amaret seipsum, & suipsius conseruationem, quæ pendet à Deo; qui amor, cum sit amor concupiscentiæ, non verò beneuolentiæ, vt supra dictum est in Responsione ad secundam obiectionem, non pertinet ad Beatitudinem Angeli, quā posset habere in statu puræ naturæ; nam talis beati tudo consistit in libera contemplatione, & amore beneuolentiæ, & amicitie Dei tamquam vltimi finis totius naturæ: quam nō possunt demonstrare aduersarij, necessariò esse in Angelis.

Dices quinto: Angelus naturaliter amat necessariò suam beatitudinem naturalem etiam quoad exercitium. Ergo non potest peccare contra legem, aut finem naturalem primò, & immediatè. Antecedens est in

in confesſo ferè apud omnes: cum bonum, & bonum ſui non poſſit nò amari, & cum neceſſariò cognoſcatur ab Angelo etiam in puris naturalibus, quoad exercitium neceſſariò etiam amabitur. Conſequentia probatur ex eo, quod qui diligit neceſſariò finem; diligit etiam neceſſariò media requiſita ad conſervationem talis finis. Sed rectitudo omnium actionum liberarum requiritur ad conſervationem beatitudinis naturalis: Ergò Angelus neceſſariò ſemper rectè agit in naturalibus. & negando antecedens quoad neceſſitatem exercitij; nam per liberas ſolù actiones acquirit Angelus beatitudinem naturalem; ad probationem pariter negatur antecedens, quoad neceſſitatem exercitij; cum enim ſit liberæ naturæ, pro ſuo libito poſſet elicere, vel non elicere illos actus cognitionis, & dilectionis naturalis; tãto magis, quod in illo ſtatu cognitio illius de Deo quæcùmque eſſet, non eſſet intuitiva; ſed abſtractiva: Qua propter ſicut per liberas actiones acquireret beatitudinem naturalem, ita etiam per ſimiles actiones eas amittere poſſet. Aduerte quod cum loquimur de beatitudine naturali, loquimur in ampla, & lata ſignificatione beatitudinis; ſub qua comprehenditur etiam illa felicitas, qua fruuntur iuſti in hac vita, dum rectè agunt; de qua in Pſalmo 118. dicitur *Beati immaculati in via, qui ambulant*

in lege Domini; nam de vera propria, & rigoroſa beatitudine loquendo, de qua ſuo loco agendum eſt, videndum erit, an ex Prin. ipijs Doctrinæ S. P. poſſit eſſe naturalis.

Dico ſecundo cum communi omnium Theologorum Sententia certum eſſe, poſſe Angelum Viatorem ſecundum potètiàm naturalem peccare contra præcepta ſupernaturalia. Hæc aſſertio manet probata ex ſupradictis. Si enim poteſt peccare contra finem, & legem naturalem; etiam à fortiori potuit peccare contra finem, & legem ſupernaturalem. Probatur etiam peculiari ratione; Quia Angelus ex ſolis ſuis potentijs, naturalibus non habet vires ſufficientes ad implenda præcepta ſupernaturalia; cum iſta non impleantur niſi per actus ex. edètes vires naturales; hoc tñ ſonat illavox, ſupernaturales. Et cõſequentè indiget gratia Dei, ut illa poſſit implere. Sed huiusmodi gratia non tollit potentiàm peccandi; cum non imponat neceſſitatem operandi; Vndè habens gratiam, ſicut poteſt operari id, quod præceptũ eſt, ita poteſt non operari illud: Ergò poteſt peccare. Dices ſi eſſet vera hæc doctrina, melius eſſet non habere illam gratiam, quam illam habere; Sed hoc eſt inconueniens; Ergò & id vndè ſequitur. Probatur ſequela; quia ſi non haberet illam gratiam, non poſſet peccare, ſicut nò poſſet ſeruare præcepta. Et conſequent-

quenter illa non obseruando, nō peccaret: quia ubi non est potentia ad obseruantiam, inobseruantia non est culpabilis. Sed est melius, nō posse peccare, quam posse peccare: Ergo esset melius non habere illam gratiam, qua homo fit potens ad peccandum, quam illam habere. Confirmatur Auctoritate S. P. qui in libro de Correptione & Gratia cap. vndecimo loquendo de Gratia siue adiutorio *siue quo*, concessio Angelis viatoribus; & homini primo in statu innocentie: dicit *Si autem hoc adiutorium, vel Angelo, vel homini, quam primum facti sunt, desinisset, quoniam talis natura facta erat, ut sine Diuino adiutorio non posset manere si vellet, non utique sua culpa cecidissent.* *Adiutorium quippe, desinisset, siue quo manere non possent* hic S. P. iam docet, quod siue illo adiutorio si Angeli cecidissent non sua culpa cecidissent. Ergo melius est, non habere illam gratiam, quam illam habere; cum siue hac careat, & culpa, & potentia ad illam. Et hoc argumento nimis probari; & propterea nihil probari. Nam si hoc argumentum concluderet in presenti, concluderet etiam irrationabilia, immo, & insensibilia esse meliora, & perfectiora hominibus, & Angelis: quia illa nec peccant, nec possunt peccare, cum non siue Agentia libera; & homo, & Angelus viator possunt peccare: quod tamen nullus admittit. Sic est

in presenti; Vnde ad argumentum directe respondendo, nego antecedens: Ad probationem negatur, quod per gratiam fiat potens ad peccandum: licet enim gratia det posse operari recte, & supernaturaliter, nō tamen dat posse peccare: Sed supponit. Exemplum sit in aqua, quæ cum est calefacta potest se reducere ad suam pristinam frigiditatem; ex quo tamen non sequitur, quod illam potentiam se reducendi ad frigiditatem habeat à calore, vel calefactione. Estò si non haberet illum calorem, non posset, se reducere ad frigiditatem: Quapropter calor ille non est ratio formalis, & causalis; sed est solum conditio, qua non posita, non posset aqua se reducere ad frigiditatem: hæc tamen potentia præsupponitur. Sic est in presenti; antecederet ad huiusmodi gratiam voluntas libera, & viatrix est potens non operari recte quodcumque præceptum est; cum quo tamen stat, quod si non operetur recte, eò quod non potest, non sit nec imputetur ei ad culpam; at si habeat potentiam; qualis est illa quæ supponitur habere in presenti casu per gratiam, & non operetur id, quod præceptum est, iam talis non obseruantia sit peccaminosa, & imputetur ei ad culpam; non ex eo, quod gratis deditur illi posse non obseruare; Nam hoc habebat ante; Sed ex eo quod cum posset operari recte, noluit; quod non pro-

R r

uenit

venit ex gratia; sed ex sua liber ære, & malitia; & per hæc satisfactum est etiam ad confirmationem ex Doctrina S. P. Dixi secundum potentiam naturalem; Nam creaturam Intellectualem posse fieri impeccabilem per gratiam, communiter admittitur à Theologis, vel per peculiarem Dei assistentiam, vel per visionem clarā Dei; vel per Gratiam unionis hypostaticæ. Primus modus admittitur etiam à Scoto: alij duo habentur apud D. Thomam prima secundæ quæ. 4. art. 4. & 3. p. quæst. 16. artic. primo, quos communiter admittunt etiam alij DD. exceptis Durando, & Scoto; de quibus suo loco.

Disputant hic aliqui, an possit à Deo produci creatura intellectualis, & libera, quæ sit impeccabilis per naturam. Partem negativam, amplector consequenter ad ea, quæ dixi in Controversia de Incomprehensibilitate, & Visione Dei: in Dubio ad Axioma Septimum: illæ enim rationes, quæ probant non posse dari intellectum creatum, cui sit connaturalis Visio Beatifica, & lumen gloriæ, vel quæ per sua naturalia præcise videat Divinam Essentiam intuitivè, eædem probant non posse dari creaturam liberam, quæ sit per naturam suam impeccabilis.

AXIOMA SECVNDVM.

Peccavit Diabolus ab initio.

Ex Lib. vndecimo de Genesi ad litteram cap. 23.

Quod putatur nunquam Diabolus in veritate stetit, nunquam cum Angelis beatam duxisse vitam, sed ab ipso sua conditionis initio defecisse, non sic accipiendum est, ut non propria voluntate depravatus, sed malus à bono Deo creatus putetur, alioquin non ab initio cecidisse diceretur. Neque enim cecidit, si talis est factus; sed factus continuo se à luce veritatis avertit superbia tumidus, & propria potestatis delectatione corruptus, &c. Proinde nec sui casus præfatus esse potuit, quoniam Sapientia Pietatis est fructus. Ille autem continuo impius, consequenter & mente cæcus, non ex eo, quod acciperet cecidit, sed ex eo, quod acciperet, si subdi voluisset Deo, quod profecto quia noluit, & ab eo, quod accepturus erat cecidit.

D V B I V M

Vtrum Angelus in primo instanti
peccare potuerit.

P Remitto primo fide Sanctum esse Diabolum non esse ex natura sua malum. Vidit enim Deus cuncta quæ fecerat, & erant valde bona vt hab. Gen. primo quod etiã suadet ratio illa S. Thomæ prima parte qu. 63. art. 4. vbi docet illud quod est à natura ordinatum ad bonum, vniuersale non inclinari ad malum. Ratio enim propter quam aliquid inclinatur ad malum saltem per accidens est quia ordinatur ad bonum particulare, cui potest esse coniuncta ratio mali, quemadmodum igni, qui natura sua est bonus, coniuncta est ratio consumptiui. Cumque Angeli fuerint ordinati à Deo ad bonum vniuersale, hoc enim est obiectum rati intellectus, quam voluntatis eorum, idest primum, manet non inclinari naturaliter ad malum, & consequenter nec etiam esse malos naturaliter, aut substantialiter; cum inclinatio sequatur entitatem, & naturam rei. Propterea inter manichæorum errores deputatur hoc; quod est, Diabolum natura sua esse malum; de quo agēs

S. P. N. lib. vndecimo de Ciuitate Dei cap. 13. aduertit aliud esse dicere quod Diabolus *ab initio sua conditionis in veritate nõ fletit, & ideo numquam cum Sanctis Angelis beatus fuerit*; Sec. idest *ab initio Diabolus peccat, hoc est, ex quo creatus est, inistitiam recusantis*. & aliud dicere, quod *Diabolus habeat naturam mali*, nam qui primum asserit, dicit, quod *non cum illis hæreticis sapit idest manichæis, & si qua alia pestes ita sentiunt, quod suam quandam propriam, tamquam ex aduerso quodam principio Diabolus habeat naturam mali*. Et cū hæretici isti abuterentur textibus illis S. Io. in Euang. cap. 8. *Ille homicida erat ab initio, & in veritate non fletit*, & Epistolæ primæ cap. 3. *Ab initio Diabolus peccat*. acutissimè ibi obseruauit S. P. deceptionem illorū, his verbis. *Qui tanta vanitate desipiunt, vt cum verba illa Evangelica in Auctoritate nobiscum habeant, non attendant non dixisse Dominum. A Veritate alienus fuit: sed in veritate non fletit, vbi à veritate lapsum intel-*

Rr 2

ligi

legi voluit, in qua utique si stetit, eius particeps factus, beatus cum Sanctis Angelis permaneret. eundem errorem improbat etiam per exensu libro undecimo de Genesi ad litteram cap. 20. 21. & 23. ex quo axiomata præsens desumptum est. Præterea S. Leo Primus Epist. 91. quæ est ad Turibium Asturicensem Episcopum capit. 6. impugnando hæreses Priscillianistarum, qui inter ceteras asserabant Diabolum nunquam fuisse bonum, nec naturam eius opificium Dei esse, sed eum ex Chao, & tenebris emanasse, quia nullum sui habeat Authorem, sed omnis malitiae ipse principium, atque substantia. Videantur Alphonsus a Castro contra hæreses v. Diabolus. hæ. p. Prætolus. v. manichæi nu. 8. & v. Priscillianus nu. 5. & noster Leonardus Coquzus in Comment. lib. de Civitate Dei lib. 11. cap. 14. ad illa verba S. P. *Non cum illis hæreticis sapit, id est manichæis.*

Præmissis 2. certum etiam esse apud Catholicos, Angelum non peccasse in primo instanti sue creationis: colligitur hoc ex multis Sacre Scripturæ locis; & p. ex illo Gen. chap. p. supra rel. *Vidit Deus cuncta quæ fecerat, & erant valde bona.* secundo ex illo Isaïæ c. 14. v. 12. *Quo modo cecidisti de calo Lucifer, quæ mandabatur.* 3. ex illo Ezechiel. cap. 28. v. 12. *Tu signarentur similitudinibus, plenus sapientia, & perfectus*

decore In aëliis Paradisi fuisti. Omnis lapis pretiosus operimentum tuum 4. ex Epistola S. Iudæ Apostoli, ubi dicitur Angelos non servasse suum principatum, sed reliquisse suum dominium; quod intelligitur de principatu gratiæ. Cum enim in Dæmonibus, iuxta Doctrinam S. Dionysij, naturalia remanserint integra, naturalem etiam principatum retinuerunt, & confirmari potest auctoritate S. Leonis in Epistola 91. supra citata, in qua anathematizat eos, qui dicunt Diabolum non fuisse prius bonum. Idem docent communiter Scholastici cum Magistro sententiarum in libro secundo Dist. 4. inter quos S. Bonaventura ibi ait oppositam sententiam proximè ad hæresim accedere. Hinc igitur, ut certis suppositis, Tota quæstio Scholastica est de possibili; & hoc absolutè, non verò conditionaliter tantum; nam ad veritatem conditionalis non requiritur veritas antecedentis, vel consequentis; sed sufficit necessaria unius ad alterum habuendo, & ideo etiam conditionaliter loquendo S. Thomas in Tercio. Dist. 12. quæst. 2. artic. p. in corp. docuit quod Christus potuisset peccare si voluisset, immo; & in Prima Parte quæst. 25. art. 3. in R. ad secundum ait, quod dictum illud Philosophi lib. 4. Topic. cap. 2. *Potest Deus, & alia diabolus prava agere,* intelligatur sub conditione, cursum antecedens si impossibile, ut si p. ad de

*mus, quod potest Deus prava agere, si velit. & subdit, Nihil enim prohibet conditionalem esse veram, cuius antecedens, & consequens est impossibile. Pro pleniori intelligentia recolendum est ex eodem S. Doctore in præcitata dist. & qu. art. 2. Actum ad potentiam dupliciter se habere primo tamquam formam, à qua specificatur: secundo tamquam effectum, qui ab ipsa efficienter egreditur. Et cum hæc distinctio habeat locum solum in actibus, ad quos potentia per se ordinantur, à quibus propterea specificantur; non posse liberum arbitrium nec in Angelo, nec in nobis dici potentiam peccandi; Liberum enim arbitrium, neque simpliciter, neque ut in nobis, respicit malum, ut id, à quo specificetur, neque per se est ordinatum ad illud, sed ad bonum; malum enim, seu peccatum incidit ex defectu illius. Quapropter cum quærimus utrum aliquis habeat potentiam peccandi, non est sensus, an habeat liberum arbitrium; sed utrum habeat illud ordinatum ad peccandum, ita ut peccare possit; & hoc quod in præfenti quæritur de Angelo. Preterea advertendum est dupliciter posse summam potentiam peccandi; primo ita ut illa particula *peccandi*, sit gerundium impersonale, & idem sit potentia peccandi, ac potentia illa, qua peccatur. Secundo ita, ut illa particula *peccandi*, sit gerundium personale, & idem sit, ac potest*

tia ordinata ad peccandum in eo, in quo est. Dubitatio præsens non est de potentia peccandi primo modo sumpta. Sed solum posteriori; nam ex S. Tho. loco citato etiam in Christo fuit potentia peccandi primo modo sumpta, non verò secundo modo. Ex quo in Responsione ad secundum colligitur, quod Liberum arbitrium absolute, & simpliciter, ac proprie, & in rigore loquendo non potest dici potentia peccandi nisi in illis, qui peccare possunt. Quibus circa quæstionis sensum politis, & explicatis duæ sunt DD. sententiæ: celebres. Prima est Scoti in secundo dist. 5. q. 2. Maironis ibid. qu. 3. art. 2. Basso- lis qu. 1. Maioris q. 3. Okami Quod lib. 2. qu. 6. nostri Gregorij Ariminensis in secundo. Dist. 5. qu. p. art. 2. quos postea sequuti sunt Molina, Valentia; & alij recentiores asserentes Angelum in præto instanti potuisse peccare, & consequenter habuisse potentiam peccandi.

Secunda sententia est negativa, quam docuit S. Thomas prima parte qu. 63. art. 5. & qu. 16. de malo art. 4. & in secundo Dist. 3. quem postea sequuti sunt noster Ferrariensis lib. 3. contra Gentes. Caietanus in Commentarijs primæ partis ad citatam quæst. & articulum; & communiter omnes alij Thomistæ tam antiqui, quam recentiores. Extra Scholam S. Thomæ eam docuerunt Alex. Alensis in secunda parte suæ summæ quæst.

quæst. 2. memb. primo art. 2. noster Thomas de Argentina in secundo Dist. 6. Durandus Dist. 5. & Henricus Quodlib. 8. quæst. 10. & communiter censetur probabilior. Propterea.

Dico Angelum in primo instanti creationis non potuisse peccare. Prob. primò communiter à posteriori ratione desūpta ex Angelico Doctore locis citatis. Quia scilicet tale peccatum tribueretur Deo. Hac ratione videtur vti etiam S. P. lib. v. decimo de Ciuitate Dei cap. 15. ad probandum quod Diabolus in primo instanti non peccauit ibi enim ait. *Illud quod ait de Diabolo Ioannes Ab initio Diabolus peccat: non intelligunt Si naturale est, nullo modo esse peccatum, & adductis testimonijs Ezechielis cap. 28. & Epistolæ S. Io. cap. 3. supra relati, & Iob. cap. 40. vbi ait: Hoc est initium figmenti Domini, quod fecit ad illudendum ab Angelis suis: & Psalmi 103. Draco iste quem finxisti ad illudendum ei, concludit non sic intelligendū esse, ut existimemus talem ab initio creatum, cui ab Angelis illuderetur, sed in hac pana post peccatum ordinatum: Initium ergo eius figmentum est Domini: Non enim est illa natura, etiam in extremis, infirmisque bestiis, quam non ille constituit, à quo est omnis modus, omnis species, omnis ordo: sine quibus nihil rerum inueniri, vel cogitari potest, quanto magis Angelica natura.*

Vbi vt obseruat noster Coquæus, docet vt probabilius, Diabolum ab initio bonum fuisse, & expertem omnis culpæ. Quibus positis: aliqui DD. Eam rationē vt à S. Thoma in presenti sic explicant allatam ad negandū pro eo p. instanti potuisse Operatio, quæ incipit omnino esse potentia, siue naturalis, siue moralis, & consequenter naturæ illius, cuius est talis potentia tribuitur Authori ipsius; sed operatio sequens esse voluntatis, vt voluntas est, id est vt Domina suorum actuum est, & libera. Ergo talis operatio sequens voluntatem, vt voluntas est in eo instanti in quo voluntas primo habet esse, quod est in instanti suæ creationis debet tribui Deo. Ergo talis operatio libera non potest esse mala, quin tribuatur Deo vt Authoris maior, & consequentia probantur, quia Dei perfecta sunt opera; Sed perfectio cuiuscumque rei cōsistit in tribus; id est in Essentia, virtute, & operatione; Operatio enim siue sit naturalis, siue moralis, & libera, semper est manifesta, & actualis expressio bonitatis, & perfectionis naturæ. Deus autem non solum est Author in primo instanti creationis esse Voluntatis, vt natura est, quod est esse naturale; sed etiam, vt voluntas est, quod est esse morale, hoc enim modo est voluntas hominis, vt homo est, cuius vt sic Deus est Author; & hoc est, quod ait S. P. loco mox citato, cum dicit Angelum

gelli non peccasse in primo instanti, eo quod sit conditus a Deo Optimo omnium creaturarum conditore, *quo est omnis modus, omnis species, & omnis ordo*, quasi dicat, quod si peccasset peccatum illud, quod fuisset contra ordinem debitum, & consequenter tributum fuisset ipsi Deo. Confirmatur hæc ratio, quia prima operatio, incipiens cum re, cuius est, sequitur inclinationem naturæ illius, quæ non manifestatur nisi per suas operationes, & maximè per primam. Sed inclinatio naturæ intellectualis integræ non potest esse ad malum, & præsertim in primo instanti sui esse. Ergo prima operatio illius, ut Intellectualis est, qualis est operatio libera, non potest esse ad malum.

Hæc ratio sic explicata est valde plausibilis in Scholis, & præcipuè discipulorum D. Thomæ. Sed patitur difficultatem in eo, quod asserit operationes primas etiam morales, & liberas tribuendas esse Authori illius naturæ, cuius sunt operationes, non enim apparet unde hæc assertio sumat certitudinem. posito enim quod Deus condiderit naturam Angelicam liberam, quod est idem, ac condidisse illam naturam Dominam suorum actuum cum indifferentia actiua ponendi, vel non ponendi tales actus, non apparet necessarius nexus operationis malæ liberæ cum Authore illius naturæ. Licet enim

appareat in operatione prima naturali & necessaria, si esset mala, & defectuosa, quia hæc esset proueniens à causa defectuosa, quæ cum primo tunc existeret, non potuisset esse sibi causa illius defectus in ratione principij; & consequenter deberet esse ab Authore illius Causæ. Hoc tamen non habet locum in causa creata libera, quæ cum sit Domina suarum operationum, sicut est potens operari, & non operari; ita etiam potest operari bene, vel male etiam in prima sua operatione, prout illi placuerit. Demus enim, quod in primo illo instanti habuerit præceptum eliciendi actum amoris, si est libera, non video cur non potuerit omittere illum actum liberum, & consequenter in illo primo instanti peccare.

Dices esse doctrinam S. Anselmi in libro de casu Diaboli cap. 12. Angelum non potuisse habere à se primam voluntatem; seu volitionem; eo quod, ut quis dicatur mouere seipsum ad aliquam volitionem, non sufficit, quod eliciatur actus ab ipsa voluntate, ad quam se ipsam mouere dicenda est; sed est necesse omnino, quod prius habeat alium actum voluntatis, ex quo seipsam moueat ad sequentem; ait enim ibi: *Quod ergo nihil vult, nullo modo potest se mouere ad volendum*. Et ex hoc capite colligit primam volitionem Angeli esse à Deo de quo argumento agit etiam capitibus sequentibus idest 13 & 14

Re-

Respondeo hanc doctrinam non cārere suis difficultatibus, vt enim obseruauit Henricus Quodlib. 8. qu. 10. non videtur esse necessarium, vt voluntas dicatur mouere seipsam, vt præcedat alia voluntas, virtute cuius impellat seipsam; Immo exemplum illud de visione, & potentia visua, quod sibi obiecit eo loco S. Anselmus, videtur militare contra ipsum; nam potentia visua dicitur mouere seipsam ad videndum, non virtute alicuius prioris visionis; sed per hoc tantum, quod in singulis suis operationibus est principium illarum, & operationes ipsæ videndi sunt ab ipsa met potentia visua, vt à principio. Propterea Scotus in Librum secundum sent. Dist. 5. qu. 2. docuit primam operationem non minus esse à voluntate seipsam mouente, quam reliquas, cum omnes procedant eodem modo à Voluntate, vt ab efficiente. Si dicas ad illam primam operationem debere præcedere præuium influxum, seu concursum Causæ primæ, cum quo non potest componi peccatum, licet simul cum illo stet potentia ad peccandum; iam non uam aliam rationem adducis diuersam ab illa S. Thomæ, de qua infra. Propter hæc, & alia multa, censo prædictam rationem non excedere limites probabililitatis.

Probaturs secundo: ab alijs à priori, quia omne peccatum oritur, vel ex defectu rectæ voluntatis in effe-

ctu, vel ex defectu intellectus, siue sit error, siue ignorantia, siue inconsideratio; sed in primo instanti creationis nullum potuit Angelus habere huiusmodi defectum: ergo non potuit in eo peccare. Maior prob. ex doctrina S. Thomæ, quam habet lib. 2. Physic. Lect. octaua, vbi dicit, quod nihil ad vtrumlibet exit in actum, nisi per aliquid determinetur ad vnum; quia id, quod est ad vtrumlibet, est sicut ens in potentia: principium autem agendi non est pura potentia nudè sumpta, sed per aliquid actu determinata, siue constituta in ratione principij actualis. Et Voluntas ex vi cognitionis ostenditur vtriusque partis, est solum ad vtrumlibet; Ergo ex vi illius non potest magis se determinare in vnam partem quam in aliam, & consequenter nec etiam tunc peccare. Vt igitur determinetur ad partem, in qua est peccatum, debet ab aliquo principio deficiente determinari. Minor probatur ex eo, quod prius non potuit esse defectus ex parte voluntatis; hic enim oritur, vel ex habitu prauo, vel ex aliqua passione, quæ non potuerunt habere locum in Angelis in primo instanti creationis; habitus enim prauus fit ex frequentatis actibus, & passio excitatur solum ab aliquo præuiuo, quod prius apprehendatur aliqua cognitione, vel sensura; vt in animalibus, vel intellectu, vt in spiritibus. Dices potuisse oriri ex ipsa voluntate.

luntate posita cognitione indeterminata, & ostensiva obiecti, in ordine ad quod voluntas dicitur, & est potentia libera. Cōtrā est primò, quia libertas voluntatis, vt sic solum importat in Voluntate potentiam cū indifferentia ad plura, quæ vt sic nō est principium partis determinatæ, vt dictum est. Secundò, quia Voluntas, qua libera, præcisè non est ad malum; & quando est ad illud diuerso modo se habet, ac se habeat ad bonum: nam vt docet Angel. Doctor tertia parte quæst. 34. art. 3. ad primum. Voluntas ad bonum se habet per se, & secundum naturā, ad malum verò per accidens, & præter naturam, quod probat ibi Auctoritate Philosophi lib. 2. de Cælo textu 18. vbi docet id, quod est per se, & secundum naturam, esse prius eo, quod est præter naturam: Ergò in primo actu nō potest voluntas, quantum est ex parte sui, tendere in malum. Nec ex parte intellectus potuit esse defectus erroris, vel ignorantie, aut inconsiderationis; Nam in primo instanti fuit creatus Angelus, cum habituāli, & actuali consideratione rerum tam in vniuersali, quam in particulari, tam respectu finis, quam respectu mediorum, quorum cognitio requirebatur ad rectè deliberandum de vltimo fine, pertinebat enim ad Diuinam Providentiam conferre illi cognitionem illā, quæ conferret ad ostensionem Di-

uinæ Bonitatis in perfectione intelligentia Angeli, vt est creatura Intellectualis, & in primogenere nobilitatis inter omnes alias creaturas, & consequenter collata cognitione tali ostensiva obiectorum propter libertatem actionis ipsius voluntatis, debebat Deus providere de medijs, & motiuis, quæ inducerent maiorem cogitationem, & attentionem circa partem contradictionis, in qua non est peccatum, quàm circa illam, in qua est peccatum. Confirmant totum hunc discursum p. ex eo, quod habere potentiam peccandi est habere liberum arbitrium ordinatum ad peccandum; vt supra dictum est; sed hunc ordinem non habet voluntas ex prædicta cognitione ostensiva obiectorum; nam per ordinem ad hanc Voluntas solum dicitur liberum arbitrium, quod vt sic non significat potentiā ordinatam ad peccandum, alias etiam in Christo Domino fuisset, in quo fuit voluntas cum illa cognitione. Præterea, quia vt docent plures Theologi, Voluntas non est causa peccandi nisi in potentia cognoscente præcedat aliquid aliud, per quod debet reduci in actum; & sic in nobis reducitur per motus præcedentes, primò quidem partis sensitivæ, consequenter vero rationis; nec potest dici, quod voluntas habeat illum ordinem ad peccandum propter easdem rationes, propter quas est libera in agen-

Sf

do;

do; nam propter hæc habet potius inclinationem ad bonum, quam ad malum, illud enim respicit naturaliter, & per se, illud verò per accidens solum, ut dictum est. Ergò cū est ordinata ad malum, hoc habet

per aliquid aliud, id est per aliquem defectum præcedentem, vel per principium defectuosum; quorum neutrum potest in Angelo assignari in primo instanti, ut dictum est.

AXIOMA TERTIVM.

Angeli peccare possunt diuersis modis.

Ex Lib. 15. de Ciuitate Dei cap. 23.

Quoniam creberrima fama est multisque se expertos, vel ab eis qui experti sunt de quorum fide dubitandum non est, audisse confirmant. Sylyanos, Panes, & Faunos: quos vulgo incubos vocant, improbos sæpe existisse mulieribus, & earum appetisse, ac peregrisse concubitum: & quosdam Demones quos Dussos Galli nuncupant, hanc assidue immunditiam, & tentare, & efficere plures, talesque asenerant, ut hoc negare impudentia videatur, non hic audeo aliquid temere definire: utrum aliqui spiritus elementa æreo corporati [nam hæc elementum etiam cum agitur stabello, sensu corporis, tactuque sentitur] possunt etiam hanc pati libidinem, ut quomodo possint, sentientibus faminis misceantur. Dei tamen Angelos Sanctos nullo modo illo tempore sic labi potuisse crediderim: nec de his dixisse Apostolum Petrum. Si enim Deus Angelis peccantibus non pepercit &c. sed potius de illis, qui primum apostatantes à Deo sum Diabolo principe suo ceciderunt; qui primum hominem per inuidiam serpitina fraude decepit.



D V B I V M.

Quibus modis potuerint Angeli peccare,
& quo genere peccati de facto peccauerint Dæmones.

Circa primam partem dubij tria præcipue sunt disputanda: Primum est quo genere peccati potuerint Angeli peccare: Secundum est ex quibus causis: Tertium supposito quod diuersimode potuerint peccare; quo ordine hoc potuerit contingere; idest quonam genere peccati prius peccare potuerint. Singula breuiter totidem Conclusionibus ex Doctrina D. Thomæ resoluam; propterea.

→ Dico primo: Omnia peccata, quoad reatum culpæ potuisse esse in Angelis; idest causaliter, & quoad malitiam non verò formaliter: quo ad actū propriū, & completū peccati; Prob. quia tunc dicitur aliquod peccatum esse in aliquo secundum reatum, & non formaliter, quando aliquis contrahit culpam, siue malitiam peccati, & tamen nō elicit actū propriū illius peccati. Vt sit in ijs, qui hortantur alios ad peccandū, vel approbant eorum peccata, licet nec eliciant actum formalem, &

completum talium peccatorum. Sed Angeli possunt suadere, & hortari alios ad omne genus peccati; ergo possunt contrahere reatum, siue obligationem culpæ omnium peccatorū, Quo casu licet actus peccati illius proprius non sit formaliter in Angelis; malitia tamen, & reatus culpæ est formaliter in illis; huiusmodi sūt peccata quæ non nisi in corpore consumantur; cum enim Angeli careant corpore consequenter nec possunt exercere actus illos corporeos, qui requiruntur ad constituendum formaliter actum completum illius peccati; quo sensu in Axiomate S. P. dicit se non audere temere definire, an quidam Dæmones peragant concubium; quod tamen longe esse ab Angelis Sanctis, & eos sic labi r. 6 potuisse se credere ait. Vbi obiter aduerte S. P. in lib. Octauo pariter de Ciuitate Dei capite 4. videtur dubitasse; an essent incubi, & succubi Dæmones. Verum hoc loco asserit esse adeo certum, vt impudē-

tia negari non possit; de quo vide Martinum Del Rio lib. 7. Diq. Magic. qu. 15. Sententiam hanc S. P. sequuti sunt Alexander Alensis prima parte super animam qu. 78. S. Thomas, S. Bonaventura, Scotus, Durandus, & Gabriel in secundo Dist. octavi, Abulensis in cap. sextum Genesius quæst. octava, & in cap. 7. Exodus quæst. 12. De quo videtur S. Thomas prima parte qu. 51. artic. 3. ad Sextum. Quo posito videtur etiam huiusmodi peccata carnalia posse, & de facto esse non solum quoad reatum; sed etiam actu, & formaliter, ac completè in huiusmodi spiritibus. Verum respondent communiter prædicti scholastici, & cum eis communiter alij: hæc non exerceri à Dæmonibus per corpus proprium, & Organa vitalia, cum illis careant; sed per corpus assumptum ex aere, & elemento, ut indicat etiam hic S. P. & per semen decisum ab aliquo viro, quod postea transferant in feminam; ac proinde eos, qui generantur per huiusmodi concubitus non esse dicendos filios Dæmonis; sed illius à quo semen est decisum, ut docet S. Thom. Quodlib. 6. artic. octavo ad Sextum; quo sensu etiam S. P. lib. 3. de Trinitate cap. 9. dixit. *Adhibere autem forinsecus causas accidentis quæ tametsi non sunt naturales, tamen secundum naturam adhibentur, ut ea quæ secreta natura sunt abditæ continentur arripant; & foris creantur.*

tur quodammodo explicando mensuras, & numeros, & pondera sua, quæ in occulto acciperunt, ab illo qui omnia in numero, & mensura, & pondere disposuit, non solum mali Angeli, sed etiam mali homines possunt, sicut exemplo agricoltæ supra dacti.

Dices S. P. non solum corpora, assumpta. Dæmonibus concessisse; sed etiam corpora vera, & realia, ex quibus physice sint compositi, nam in lib. 3. de Gen. ad litteram cap. 10. ait. *Quapropter, & si Dæmones aerea sunt animalia, quoniam corpora æreorum natura vigent: & propterea morte non dissoluntur, quia prævalens in eis elementum, quod ad faciendum, quam ad patiendum est, aëreus.* R. Si P. hic loqui non ex sententia propria; sed illorum Philosophorum Platoniorum, quorum sententiam in principio capituli præcedentis narrat his verbis. *Nec ignoro, ita quosdam Philosophos sua cuiusque elementi distribuisse animalia, ut terrena &c. Aërea vero animalia dæmones esse, & posita supradicta sententia de corporibus æreis dæmonum subiungit, Si ergo hæc ita sunt non impedit ista definitio nostram Scripturam &c.* ex quibus patet eum ista nec definitivè, nec assertivè docuisse. R. 2. has, & similes locutiones S. P. retractasse lib. primo Retract. cap. 26. ubi retractans ea, quæ illi displicebant in libro Octuaginta trium quæstionum; cum in quæst. 67. dixisset. *Summos*

Aut.

*Angelos spiritualiter vivere, infimos vero animaliter: ietractat hoc dictum deus, audacius dictum est de infimis, quam ut possit, vel Scripturis Sanctis, vel ipsis rebus ostendi; plura alia, quæ spectant ad hoc argumentum, dixi supra: pro quo videri etiam possunt eruditissimæ Vindicæ Augustiniani Nostri Admod. Reu. Pat. Magistri Henrici Noris capit. quarto §. primo, ubi diffusè, & acutè ostendit Adamum Scriptorem Societatis Iesu in suo libro, cui titulus *Calvinus destruitur suismet, & S. Augustini armis*. Gallice tamen conscripto pag. 585, immeritò, & falsò attribuire S. P. N. Augustino, quod dixerit, *Animas, & Angelos esse corporeos, & solum Deum immaterialem*; & Moraines eiusdem pariter Societatis Auctore dicentem, quod S. P. sensit etiam *Angelos, & Demones esse corporeos*: quod non assertivè, nec ex propria sententia dictum fuisse à S. P. patet ex dictis hic, & supra, & ubi dictum est ab eodem fuisse retractatum; ex prædicto lib. Retract. constat; immò Angelos summos spiritus esse, & spiritualiter vivere constanter semper docuit. Sed iam ad nostrum argumentum redeamus.*

Dico secundo: Duo potissimum ex septem peccatis capitalibus posse esse in Angelis formaliter, & completè secundum affectum, id est superbiam, & invidiam; de hoc secundò

loquitur S. P. in *Asiomate*. illis verbis: *Quia primum hominem per invidiam serpentina fraude decepit. De superbia vero in libro 12. de Civitate Dei cap. 6. expressè ait. Cuius causa miseria malorum Angelorum queritur, ea meritò occurrit, quod ab illo, qui summè est averti, ad seipsos converti sunt, qui non summè sunt: & hoc vitium quid aliud quam superbia nuncupatur? Initium quippè omnis peccati, superbia. Probatùr verò ratione hæc assertio, quia obiecta horum Vitiòrum sunt spiritualia; Ergò Angelus secundum suam naturam, potest huiusmodi peccatis infici non solum secundum reatum; sed etiam formaliter, & completè. Ante edens probatur ex eorum definitionibus. Superbia enim tendit in propriam excellentiam inordinatè eam appetendo. Invidia verò est tristitia de Excellentia alterius, quatenus apprehenditur, ut diminuat propriam excellentiam. Sed huiusmodi Excellentia in quam inordinatè tendit appetitus est quid spirituales; Ergò obiecta huiusmodi vitiorum sunt spiritualia: Consequentia probatur, quia Angelus potest inordinatè appetere propriam excellentiam, & dolere inordinatè de excellentia alterius, ut opposita, vel destructiva suæ. Ergò potest formaliter, & completè peccare peccatis superbiæ, & invidiæ.*

Dicet: etiam Ira est appetitus aliquis

cuius

cuius obiecti spiritualis; idest vindictæ indebitæ. Ergo etiam hoc peccatum poterit esse in Angelis nō solum secundum reatum; sed etiam formaliter, & ut loquuntur, secundum affectum, & completè. R. quæstionem esse de voce, nam si quis contēdat totā essentiam Iræ saluari adæquatè in appetitu inordinato vindictæ, non est dubium, quod etiam huiusmodi peccatum poterit esse in Angelis formaliter completè, &c. Si verò dicatur de Essentia iræ esse accensionem sanguinis circa cor, ut materiale ipsius, ut cum Philosopho Lib. primo de Anima Textu 15. 63. & 64. docet S. Thomas Prima Parte q. 20 artic. 1 ad secundum tunc dicendum erit non convenire Angelis nisi metaphoricè, ut docet idem Angelicus Doctor qu. 63. artic. 2. ad 2. quod idem propter eandem rationem docuerat de Deo in loco superacitato; Vnde miror, quod à quibusdam recentioribus S. Thomas adducatur in testem, quod in Angelis possit esse ira formaliter, & completè secundum affectum: cum ipse tam clarè se explicet.

Ex prædictis duobus peccatis oriuntur alia peccata, quæ moderni Angelis inesse posse formaliter, & secundum affectum docent, & de facto, vel omnia, vel aliqua in Diabolis inveniuntur; ut sunt odium Dei, & hominum; Blasphemia cōtra Deū, Idolatria, quando se alijs proponunt

adorandos. Inobedientia, non solum quatenus est generale Vitium, quod reperitur in qualibet transgressione legis superioris; sed etiam quatenus est speciale peccatum, quia quis transgreditur præceptum ex intentione præcisè nolendi obedire. Præsumptio quæ opponitur Spei, quatenus possunt appetere gloriam propria virtute obtinendam, Infidelitas saltem per priuationem assensus, quia cum liberè credant rebus reuelatis, possunt suspendere assensum ex intentione nolendi credere; Et iniustitia quatenus possunt homines iniuste occidere, vel eorum bona diripere; & si quæ alia sunt huiusmodi peccata de quibus S. Thom. prima parte, qu. 63. artic. 2. ad 3. quod sub invidia, & superbia, prout in Dæmonibus sunt, comprehenduntur.

Dico 3. cum S. Thomas l. c. in R. ad secundum; Gulam, Luxuriam, Avaritiam, & Accidiam propriè, & in rigore sumpta, ut sunt specialia, seu Capitalia peccata posse reperiri in Angelis secundum reatum, nō verò secundum affectum. Probat hęc assertio quoad tria priora, quia ista versantur circa materialia, & sensibilia, idest circa diuitias, & voluptates gultus, vel tactus corporales, à quibus non afficitur Angelus, cum sit spiritualis. Est tamen advertendum cum eodem Angelico Doctore loco citato nomine Avaritiæ venire quandoque omnem immoder-

moderatam cupiditatem habendi quodcumque bonum creatum. Sed hoc modo non est speciale peccatum, sed continetur in superbia, quæ inest formaliter Dæmonibus, ut dictum est. Probatum etiam de Accidia prædicta assertio: (quæ continet specialem difficultatem, eo quod versatur circa bona spiritualia; cum sit quoddam tedium de bonis spiritualibus) quia ut ait ibi S. D. *Accidia est quedam tristitia, qua homo redditur tardus ad spirituales actus propter laborem corporalem, qui Dæmonibus non competit.* Ideoque Angeli cum careant corporibus, non possunt esse accidiosi secundum affectum formaliter, siue quoad actum completum; sed solum secundum reatum.

Dices S. P. lib. 21. de Ciuitate Dei cap. 6. expresse docere *Delectari Dæmones rebus corporalibus.* Ergo non solum quoad reatum; sed etiam quoad affectum insunt illis prædicta peccata. Respondetur ex eodem loco haberi responsionem: ait enim, *Alliciuntur autem Dæmones ad inhabitandum per creaturas, quas non ipsi, sed Deus condidit delectabilibus pro sua diuersitate diuersis, non ut animalia tibi, sed ut spiritus signis.* hæc postrema verba ostendunt non eodem modo, ac in nobis inesse delectationem de istis: sed modo supra cum S. Thoma explicato: quatenus scilicet non habent Dæmones in se formaliter illam delectationem corpo-

ralem, & sensibilem, ut habent animalia; sed quatenus approbant affectum malum hominum circa illa, & inducunt ad illos affectus: & eos optant esse in nobis; & actu complacētiae spiritualis delectantur, cum insunt: hoc est enim delectari illis *ut spiritus signis.*

Quæri hic solet an inter illa peccata, quæ secundum actum proprium, & completum; siue secundum affectum potest Angelus committere, necesse sit primum omnium esse Superbiam.

Negat moderni. Affirmant Thomistæ. Propterea.

Dico primò: Regulariter, & moraliter loquendo primum Angeli peccatum non potuisse esse nisi Superbiam; quã postea consecuta est Inuidia. Probatum primo Auctoritate S. P. qui lib. 12. de Ciuitate Dei cap. 6. ait, *Cum queritur causa miseria malorum Angelorum, ea merito occurrat, quod ab illo, qui summè est auersus, ad seipsos conuersi sunt, qui non summè sunt; & hoc vitium quid aliud quam superbia nuncupatur?* Eccl. 10. *Initium quippè omnis peccati superbia.* & lib. 14. cap. 3. post medium. *Est enim Diabolus fornicator, vel Ebriosus, vel si quid aliud huiusmodi mali est, quod ad carnis pertinet voluptates non potest dici, cum sit etiam talium peccatorum suator, & instigator occultus. Est tamen maxime superbus, atque inuidus.* &c. *Hac autem*

sem vitia que tenent in Diabolo principatum carni tribuit Apostolus. &c. Quorum omnium malorum caput, atque origo superbia est, qua sine carne regnat in Diabolo. Prob. 2. ratione qua utitur S. Thomas prima parte qu. 63. art. 2. Quia scilicet Angelus non potest habere affectum deordinatum, nisi circa spiritualia: sed talis affectus deordinatus non potest esse nisi, vel superbia, vel ex superbia. Ergo regulariter loquendo primum Angeli peccatum non potuit esse nisi superbia. Maior est in confesso ferè apud omnes, quia Vnaquæque res primò, & principaliter habet affectum ad ea, quæ conveniunt suæ naturæ. Minor probatur. Quia in Angelis non contingit aliter peccari, nisi quia non servant superioris regulam. Sed hoc vel est superbia, vel oritur ex superbia. Ergo primū Angeli peccatū fuit superbia; Quam postea consecuta est invidia; Eoquod, ait Angelicus Doctor, eiusdē rationis est, quod affectus aliquid appetat, & quod se opponat contratio, siuè renitatur opposito. Invidus enim nō dolet de bono alterius, nisi quatenus est impedimentum sui. Sed Angelus appetiuit prius suā singularem excellentiam, inordinatè præferendo eam alteri, idest Excellentie Diuinæ. Et postea doluit de Excellentia Diuina, ut opposita suæ. Ergo superbiam consecuta est invidia. Hæc Doctrina S. Thomæ

non placet Becano, & propterea Tract. de Angelis cap. 4. qu. 2. S. Quinta Conclusio, dicit primum peccatum potuisse esse inobedientiam; & rationem S. Thomæ non conuincere oppositum. Licet enim concedat obiecta spiritualia, quæ secundū se sunt bona, non posse male appeti, nisi appetantur contra regulam superioris; negat tamen quamlibet transgressionē præcepti esse superbiam. Eo quod transgressio præcepti duobus modis contingere possit. Primo cum expressa intentione transgrediendi, & tunc est speciale peccatū inobedientiæ. Secundò: sinè tali intentione, & tunc est generale peccatum inobedientiæ, quod ponitur in illa specie peccati, cui præceptum opponitur. Bèdè: Concedo libenter veritatem huius Doctrinæ Becano; sed quærō ulterius; vnde talis inobedientia oriatur. Nam semper; vel implicite, vel explicitè oritur ex eo, quod ille, qui est inobediens, vel primò, vel secundò modo præfert suum iudicium, vel suam voluntatem, vel vtrumque iudicio, vel Voluntati superioris. Respondet Becanus loco citato nu. 8. Superbiā formaliter cōsistere in eo, quod quis appetat aliquid supra mēsuram propriæ perfectionis; quod contingit; vel cum quis appetit maiorem excellentiam, quam ei conveniat, aut cōvenire possit; vel cum plus excellentiæ sibi tribuit, quam habeat; quæ duo

duo formaliter distinguuntur à transgressionem præcepti. Cum possit aliquis transgredi præceptum ex alio motivo, & intentione quam ex prædictis. Hanc etiam Doctrinam libenter admitto, quoad primam partem de superbia; quoad secundam partem, idest quod aliquis possit transgredi præceptum ex alio motivo, licet habeat locum in nobis, negotamen habere locum in Angelis. Ratio disparitatis est, quia nos plurima alia objecta habemus, quæ nos primo movere possunt ad peccandum alio genere peccati, at Angelus cum primo ex sua natura tendat in objecta spiritualia propter eorum excellentiam, & primo in suam, cum tendit in ordinatè, eam præfert excellentiæ Divinæ; & consequenter semper primo peccat peccato superbiæ, ut hab. Eccles. 10. *Initium omnis peccati superbia.* Dixi regulariter, & moraliter loquendo; Nam si quis contendat metaphysicè dirimere questionem; & non implicare contradictionem, quia prius peccet alio peccato, quam peccato superbiæ. Puto difficile esse assignare huiusmodi implicantiam. Dices: implicat contradictionem, esse peccatum, quod non oriatur ex inordinato amore suipsius. Sed omnis inordinatus amor suipsius est superbia. Ergo implicat esse aliquod peccatum in Angelo, quod non oriatur ex superbia. **R.** Data maiori propo-

sitione negando minorem. Nam amor suipsius consistit in eo, quod aliquis appetat sibi aliquod bonum; quod si non est illi proportionatum secundum rectam rationem, non constituitur speciale peccatum; Est enim quid commune inclusum in omnibus peccatis, ut eis appetatur aliquod bonum non proportionatum appetenti secundum rectam rationem; & propterea talis amor vocatur, radix peccatorum, qui non est formaliter superbia. Quod si quis appetat bonum excellentiæ propriæ supra mensuram debitam, iam erit speciale peccatum superbiæ. Est autem difficile ostendere, quod implicet contradictionem Angelum primo tendere in aliquod aliud objectum spirituale inordinatè, quam in excellentiam propriam, nec puto fuisse mentem S. P. vel S. Thomæ definire hanc questionem metaphysicè quoad implicantiam. Sed solum moraliter spectata natura ipsius Angeli.

Queritur hic ulterius, an Angeli possint peccare venialiter. Negat D. Thomas in R. secundæ quæst. 89. art. 4. Affirmat Suarez lib. 3. de Angelis cap. 8.

Sententia S. Thomæ probatur; Quia Angelus in via non potuit errare circa media, quin prius erraret circa finem. Sed errare circa finem ultimū simpliciter est peccare mortaliter. Ergo non potuit peccare venialiter; sed solum mortaliter.

Tc

Ma.

Maiores probatur, quia voluntas Angelus in suis operationibus se habet proportionaliter ad intellectum, ut iste sit dux illius. Sed iste non potuit se auertere, vel errare, circa media proportionalia et finem ultimum, quin prius erraret circa ipsum finem ultimum. Ergo neque voluntas potuit se prius auertere à medijs, quin se auerteret à fine ultimo. Hec doctrina licet non habeat locum in homine etiam in statu innocentie constituto, quia etiam in illo statu illius intellectus erat discursivus: nihilominus in Angelis non videtur posse pati diffinitionem, ut eius intellectus unico actu attingat conclusiones, & principia, & videat illas in istis non potest errare circa illas quin erret circa istas. Et cum in appetibilibus fines se habeant, ut principia, & medijs, ut Conclusiones, non propter illos appetuntur ista; namque, quod voluntas Angelica unico actu proportionaliter ad actum intellectus feratur, & in ultimum finem, & in medijs ad dictum finem; ac proinde, quod non possit se auertere ab istis, nisi se auerteret ab illo. Confirmatur, quia Voluntas Angelica per quemlibet actum feratur in terminum, seu finem suum simpliciter. Ergo si ne super formam actum tendat in Deum, ut finem simpliciter ultimum, non errat, sed exerceat actum Charitatis; ita si constituat finem suum simpliciter ultimum in creatura, er-

ret, & peccet. Antecedens probatur, quia quod est ultimum in executione, siue acquisitione, est primum in intentione, ac proinde est motum quorum unumque aliorum actuum iuxta principium illud. Peripateticum: quod est primum in unoquoque genere est causa ceterorum. Consequentia est necessaria, & in hoc sensu dixit S. P. 1b. 12. de Civitate Dei cap. 6. *Cum causa miseria malorum Angelorum queritur, eam merito accurrat, quod ab illo, qui summus est auctori, ad se ipsos conuersi sunt, qui non summi sunt.* Et S. Thomas loco citato in corpore articuli ait, quod omnes actus boni Angelis sunt actus Charitatis. Actus vero Angelis mali peccata. Quia Angelis Sanctis omnia volunt in ordine ad finem debitum. Angeli vero mali non mouentur nisi in ordine ad finem peccati superbia.

¶ Dices Angelus conuenit cum homine in superiori parte quae mens appellatur. Sed homo secundum superiores partem animae potest peccare, ergo etiam Angelus. Et hoc argumentum Angelicum Doctorem sibi obiecit primo loco in supra citato art. & ibi. R. Hominem conuenire quidem cum Angelis in mente, siue in intellectu, sed differre in modo intelligendi, ut supra indicavi; quod ex mente eiusdem S. D. pro praesenti difficultate sic explico. Homo per diversos actus, intellectus versatur cir-

circa principia, & Conclusiones; & diuersis actibus voluntatis versatur circa finem, & circa media; ita vt saepe errando circa ea, quæ sunt ad finem, non tamen semper erret circa ipsum finem; cum non tendat per quemcumque actum suum in finem simpliciter vltimum: licet enim cuiuscumque suæ operationis intendat aliquem finem aliquo modo vltimum: hic tamen multoties non est nisi secundum quid vltimus; idest non constituit illum nisi vt finem illius operationis, maximè quando videt, quod per talem operationem non priuat seipsum Deo: vt finè vltimo: Tunc verò constituit finem simpliciter vltimum suæ operationis, quando nō solum illum constituit finem suæ operationis; sed etiam sibi, & suæ personæ; quæ nunc scilicet videns se priuari Deo sine vltimo per suam operationem, eam nihilominus exercet, & eo ipso finem suum respuens

in Deo constituere; ponit illum in creatura. Quod non habet locum in Angelis, qui vnico actu vtrumque præstant; vt supra dictum est. Hæc differentia hominis, & Angeli faciliè dissoluit argumenta, quæ contra nostram sententiam obijci possunt. Propterea S. Thomas loco citato in Respons. ad secundum docuit, Angelum non potuisse diligere minus creaturam, quam Deum, nisi referendo eam in Deum, vt in vltimum finem, vel referendo eam inordinatè in aliquem alium finem: Et in R. ad tertium docuit, Quod licet Dæmones procurent vniuersaliter nostra peccata venialia; vt sic perducant nos ad peccatum mortale; nihilominus in omnibus mortaliter peccant propter intentionem finis.

Hæc doctrina supponit Angelum nullo modo posse discurrere; quod tamen patitur non leuè diffi-

AXOMA QVARTVM

Aliqui Angeli peccauerunt, quorum caput est Lucifer qui, & Diabolus dicitur.

Ex libro vndecimo de Genesi ad litteram cap. 24.

Quod per Esaiam Prophetam dicitur. Quomodo cecidit de calo Lucifer c. 14. v. 12. mane oriens, contritus est in terrā, qui miscebat ad omnes gentes. Tu autem dixisti in sensu tuo, In calum ascendam super sydera cali ponam thronū

meum, sed et in monte excelsos, super montes excelsos, qui sunt ad Aquilonem, ascendam super nubes, et similis Altissimi: nunc autem ad inferos descendens, & cetera: qua in figura regis velut Babylonis in Diabolum dicta intelliguntur plura in eius corpus conveniunt, quod etiam de humano genere congruat; & in eos maxime, qui ei per superbiam coherent apostatando à mandatis Dei, &c. ex cap. 25. Item figura Principis Tyri per Ezechielem Prophetam in Diabolum dicta intelliguntur, c. 28. v. 22. Tu es signaculum similitudinis, & corona decoris, in delicijs paradisi fuisti, omni lapide pretioso ornatus es, & cetera, quia non tam in ipsum Principem nequitia, quam in corpus eius dicta conveniunt, &c. [infra] Fuisti in medio lapidum flammorum, id est Sanctorum Spirituum ferventium lapidum vivorum ambulasti sine ulla in diebus tuis, ex quo die creatus es tu, donec inuenta sunt delicta tua in te. Possunt diligentius ista tractari, ut fortassis ostendatur non solum, & hunc intellectum esse in his verbis posse, sed omnino alium esse non posse.

D V B I V M

Quinam fuerint Angeli, qui peccaverunt.

Supponit hæc quaestio tamquam certum, & de fide, ut supra dictum est; aliquos Angelos peccasse: & ex hoc procedit ad inquirendum, quinam fuerint illi, qui peccaverunt: continet autem plures difficultates. Quarum prima est, an Primus Angelus qui peccavit, fuerit ille, qui inter omnes omnino Angelos erat in perfectione naturali supremus: & hæc oritur ex diverso sensu Patrum. Aliqui enim distinguentes Angelicam naturam in eos, qui in cælis Deo assistebant: & alios qui

bus sublimarium rerum cura commissa fuerat; volunt Luciferum solum inter istos ultimos fuisse primū. Hęc sententia habetur apud S. Epiphanium heresi 64. in verbis Procli, quę ibi ex Methodio referuntur; quam etiā docet, S. Ioannes Damascenus lib. 2. de fide Orthodoxa cap. 4. ut late ibi explicat Commentator, & S. Gregorius Nissenus in oratione Catechetica cap. 6.

Oppositam sententiā tenent S. Hieronymus in illa verba Iob. c. 40. Ipse est principium viarum Dei. ubi

ait

ait ita d'ci, eo quod Diabolus ibi non natur inter ceteras creaturas primus a Deo conditus, & in illa verba Pl. 23, *Dominus virtutum ipse est Rex gloria*, ait. *Diabolus nomen ordines Angelorum sub sua habuit Dominatione, siue bonos siue malos*. Tertullianus lib. 2. contra Marcionem paulo ante medium. S. Io. Chrysostomus homilia de lapsu primi hominis. S. Bernardus Serm. p. de Adventu Domini S. Isidorus lib. p. de summo Bono cap. 12. S. Gregorius Magnus, qui satis prolixè de hoc agit lib. 32. Moralium cap. 18. eamque confirmat pluribus Sacre Scripturæ testimonijs, & post ipsum Hugo à S. Victore in summa Sententiarum Tract. 2. cap. 4. De S. P. dicā infra. Horum PP. sententiæ adherent communiter Scholastici in secundo Dist. sexta, & S. Thomas prima parte quæst. 63. art. 7. Estque hodie communis. Propterea,

Dico. Primum Angelum ex illis, qui peccauerunt, fuisse illum, qui inter omnes Angelos fuit supremus in perfectione naturali. Prob. primo ex Scripturis: de illo enim sub nomine Behe-moth, dixit Iob. cap. 40. v. 14. *Ipse est principium viarum Dei*. nomine viarum in Scripturis communiter veniunt opera ipsius Dei; iuxta illud Prou. cap. 8. *Dominus possedit me in initio viarum suarum*; quem locum communiter PP. interpretatur de operibus Dei. Quapropter

cum Iob; ibi loquatur de Lucifero; manet, quod ipse fuerit Primus inter alios modo dicto. Similiter Itaq; cap. 14. v. 12. de illo dicitur, *Quomodo cecidisti de celo Lucifer, qui mane oriebaris*; hic est allusio Luciferi Angeli ad Luciferum stellam, ut sensus sit, quod sicut hæc cæteris stellis procellit, ita ille Spiritus alijs spiritibus. Sic etiam Ezech. cap. 28. v. 13, dicitur eidem, *In delicijs Paradisi Dei fuisti: omnis lapis pretiosus operimentum tuum; Sardius, Topazius, & Iaspis; Chrysolus, & Onyx, & Berillus, Saphyrus, & Carbunculus, & Smeragdus. Aurum opus decoris tui*. Vbi aduertunt Interpretes, quod ideo enumerantur nouem species gemmarum, ut specificentur, & significentur nouem chori, siue ordines Angelorum quorum: omnium perfectiones veluti supremis continet Lucifer, ut obseruat S. Gregorius Magnus lib. 32. moralium cap. 18. Denique etiam in cap. 32. Ezechielis v. 8; habetur *Cæci erunt, fuerunt aliores illi in Paradiso Dei, abietes non adæquarunt summitatem eius*. &c. quibus verbis iuxta communiorē explicationem declaratur perfectio Luciferi; quæ fuit tam sublimis; ut non solum omnes alias creaturas corporeas; sed etiam omnes alios Angelos superauerit. Prob. 2. Auctoritate SS. PP. quos supra retuli. D. Gregorij magni solum; verba refero; qui loco citato fusius

rem

rem explicat, & Scripturas supra regularas in allegata sentia sic explicat. *Ipsa est principium viarum Dei. Velut si aperte diceret: Idcirco ad tam multa fortiter sufficit: quia in natura rerum hunc creando per substantiam conditor primum fecit. Quid enim vias Dei, nisi eius actiones accipimus? De quibus per Prophetam dicit: Non enim sunt quae me exsiccet via vestra. Et principium viarum Dei Behemot dicitur: quia nimirum cum cuncta creans ageret, hunc primum condidit, quem reliquis Angelis eminentiorem fecit. Huius primatus eminentiam conspicit Prophetam enunciat. Cedrus non fuerit altior collo in Paradiso Dei. &c. Qui namque accipiam cedrus &c. nisi illa virtutum caelestium procera celsitudinis agmina, in aeterna caestia viriditate plantata? Quae quamvis excelsa sunt conata, huic tamen nec praelata sunt, nec aequata. Qui speciosus factus in multis, condensisque frondibus effoditur: quia praelatam tatoris legionibus tanta illum species pulchriorē reddidit, quanta, & supposita Angelorum multitudo decoravit. Idcirco arbor in Paradiso Dei tot quasi condensae frondes habuit; quia sub se positas supernorum spirituum legiones attendit. Qui idcirco peccans sine venia damnatus est, quia magnus sine comparatione fuerat creatus. Hinc etiam per eundem Prophetam dicitur: Tu signaculum similitudinis Dei, plenus sapientia, & perfectus decore in delicijs*

paradisi Dei fuisti. Multa enim de eius magnitudine locuturus, primo verbo cuncta complexus est. Quid namque bonum habuit, si signaculum Dei similitudinis fuit? De sigillo quippe Anuli talis similitudo imaginaliter exprimitur, qualis in sigillo eodem essentialiter habetur. Et licet homo ad similitudinem Dei creatus sit, Angelo tamē quasi maius aliquid tribuēs, non eum ad similitudinem Dei condatum, sed ipsum signaculum Dei similitudinis dicit: ut quod subtilior est in natura, eò in illo similitudo Dei plenius credatur expressa. Hinc est, quod primatus eius potentiam adducit insinuans, idem Prophetam subiungit: Omnis lapis preciosus operimentum tuum, sardius, & topazius, & iaspis, chrysolithus, onyx, & berillus, sapphirus, carunculus, & smaragdus. Novem dixit genera lapidum, quia nimirum novem sunt ordines Angelorum. Nam cum per ipse sacra eloquia Angeli, Archangeli, Throni, dominationes, virtutes, Principatus potestates, Cherubim, & Seraphim, aperta narratione memorantur, quanta sint supernorum civium distinctiones, ostenditur: quibus tamen Behemot iste operatus fuisse describitur; quia eos quasi vestem ad ornamentum suum habuit, quorum dum claritate transenderet, eorum comparatione clarius fuit. De cuius illic adhuc descriptione subiungit: Aurum opus decoris tui, & foramina tua in die, quae conditus es, preparata sunt. &c.

rum opus decoris eius exiit, quia sapientie claritate conduct, quam bene creatus accepit. Foramina vero idcirco in lapidibus sunt, ut quicquid auro in ornamentis compositione iungantur, & nequaquam a se diffidant, quos inter fufum durum repletis foraminibus ligant. Huius ergo lapidis in die condictionis sua foramina preparata sunt, quia uidelicet capax Charitatis est conditus. Quasi repleti uoluisset, & tribus Angelis posset in regis ornamento lapidibus potuisset inherere. Si enim Charitatis auro sese penetrabilem praeberet, Sanctis Angelis sociatus in ornamento, ut diximus, regio, lapis fixus maneret. Habuit ergo lapis iste foramina, sed per superbiam disjuncti Charitatis auro non sunt repleta. Nam quia idcirco ligantur auro, ne cadant, idcirco iste decidit, quia etiam perforatus manu artificis amotis vinculis ligari contempsit. Nunc autem ceteri lapides qui huic similes fuerant perforati, penetrantis se inuicem Charitate ligati sunt, & quos hoc munere, isto cadente, meruerunt, ut nequaquam iam de ornamento regio cadendo soluantur. Huius principatus celsitudinem adhuc idem Propheta intuens adiungit: Tu cherub extentus, & protegens in monte sancto Dei, in medio lapidum ignitorum perfectus ambulasti. Cherub quippe plenitudo scientie interpretatur, & idcirco iste Cherub dicitur, quia transcendisse cunctas scientia non dubitatur. Qui in medio ignitorum

lapidum perfectus ambulasti, in quo inter Angelorum corda charitates igne succensa, clarus gloria condictionis exiit. Quoniam autem extensus & protegens dicitur omne entium, quod extensus protegitur, ubi ubique, ita quia comparatio hec charitatis suorum claritatem obumbrasse creditur, ipse extensus, & protegens, fuisse perhibetur. Reliquos enim quasi obumbrato operuit, qui totum magnitudinem excellentia maiore transcendit. Quod ergo speciosus multis conditionibus, quod illic signaculum similitudinis, quod illud Cherub, quod illic protegens dicitur, hoc hic uoce Domini ubi beatus iste uiam Dei principatum uocatur. Hec habet ibi S. Gregorius, quibus nihil expressius, aut magis ad rem nostram. De mente S. P. N. quia hoc puncto mihi certo non constat, licet enim Valentinus Toletus primo Disp. quarta qu. 14. Puncto quidem S. P. N. id afferat, citet lib. 1. de Civitate Dei cap. 19. ac etiam P. Augustinus a Virgine Maria Carmelita Atrienensis Observantiae. Anno secundol. Eccl. Mar. Disp. 14. de Angelis 1. 14. citet eundem S. P. N. lib. 1. de Genesi ad litteram cap. 28. utique pro nostra sententia, nihilominus, nec in uno, nec in altero loco, nec alibi adhuc inueni, quod expressius, aut nostram, aut oppositam sententiam doceat, licet praedictis locis attendis, & consideratis illis, quae in Axiomate, & alibi docuit, videatur

in-

inferri posse cum magis inclinare in hanc, quam in contrariam opinionē.

Dices primo ab Ezechiele c. 28. v. 14. Lucifer vocatur Cherub, ergo non solum non fuit supremus omnium Angelorum; sed nec etiam ex numero eorum, qui sunt in ordine supremo i. *Seraphim*. Respondetur ideo non vocari *Seraphim*, quia hoc nomen est desumptum ex ardenti Charitate, quam Lucifer peccando amisit; & vocari *Cherub*, quia hoc desumptum est a scientia, quam retinuit.

Dices secundo: si Lucifer fuisset supremus omnium creaturarum, gloriaratur gehenna, quod eum contineret; & eo careret paradysus. & debere potius confundi eo, quod contineat pessimam, & ingratiſſimam omnium creaturarum.

Secunda questio est, an alij Angeli, qui peccauerunt, a Lucifero induci sint ad peccandum. R. communiter affirmatiue; ex cap. 12. Apocal. v. 4. ubi de Lucifero cad. sub nomine Draconis dicitur, quod *Traxit secum tertiam partem stellarum*; ubi etiam illi imr. *Draco, & Angeli eius pugnant*; & cap. 25. Sancti Matth. dicitur Reprobis. *Ite in ignem aeternum qui paratus est Diabolo, & Angelis eius*, in quibus locis supremus eorum commemoratur, v. dux eorum in peccando, qui idcirco eadem pena puniuntur, qua eorum princeps: quo sensu S. Hieronymus

in cap. 14. Itaque illa verba. *Tu septem tuam perdidisti, in populum tuum occidisti*, interpretatur de Lucifero, qui ceteros Angelos malos, & natura inferiores perdidit, qui aliquo modo ei subditi erant. Hæc est communis, & vera sententia DD. in secundo Dist. 6. nec non, & S. Thomæ prima parte qu. 63. artic. 8. Nec scio ex Theologis vllum alium refragari præter Guilieum lib. primo de Vniuerso parte prima cap. 112. & Alfonso à Castro in summa de Heresib. V. *Peccatum* hæresi 3. qui docuerunt, Quemlibet Angelū ex ijs, qui peccauerunt, ex seipso peccasse sine vlla suggestione, vel iussione. Sic refert Valencia T. 1. Disp. 4. q. 14. Puncto sexto.

Questio Tertia est, quo sensu alij Demones dicantur subditi Lucifero; & ipse dicatur Princeps, & Rex eorum. Resp. communiter huiusmodi potestatem, & subiectionem non esse ratione naturæ; Nam licet Vnus Angelus sit ex natura sua perfectior altero etiam in prædicatis naturalibus; nō tamen sequitur ex hoc quod vnus natura sua sit seruus, aut Rex alterius; Sed omnes immediate ex natura sua sunt serui Dei, qui essentialiter est Dominus omnium creaturarum. Est igitur subiectio prædicta ratione culpæ: eo quod ordo Diuinae Iustitiæ exigat, vt vnusquisque subiciatur illi in pena, cuius suggestioni consensit in culpa iuxta illud

Epist.

Epist. 2. D. Petri v. 19. *A quo quis superatus est, huius, & seruus est.* sic discurret S. Th. quæst. 63. art. 8.

Quæstio quarta est an illa tractio aliorum ad culpam, & pœnam fuerit facta solo exemplo: vel aliquo alio maiori conatu, idest suasionem, & exhortationem. Primo modo fuisse factam per hoc scilicet, quod Lucifer manifestauit solummodo alijs suum prauum affectum, quem imitarentur, sentiunt plurimi, ijque classici DD. inter quos Alex. Aletensis p. 2. quæst. 110. memb. 5. & 6. B. Albertus Magnus in secundo Dist. 6. art. 3. Richardus Dist. 5. artic. p. qu. 3. & Durandus Dist. 6. quæst. 3. in quam partem inclinare videtur etiã S. Th. p. parte quæst. 63. artic. 8. in Responſionē ad primum cum ait *in eodem instanti in quo Primus Angelus suam affectionē intelligibili locutione expressit fuit possibile alijs in eam consentire.* Secundo etiã modo contigisse, alij sentiunt, vt scilicet peculiari suasionem exhortationem, & conatu præter ostensionem suæ affectionis malæ alij alios ad suam imitationem inducere conati fuerint: res est incerta, vt aduertit Durandus loco citato nec aliud peculiare consideratione dignum de hoc puncto occurrit.

Quæstio quinta est: An Angeli qui peccauerunt, fuerint ex vno aliquo ordine solum, vel ex omnibus ordinibus aliqui ceciderint. Respondet

S. Thomas p. parte quæst. 63. art. 9. in R. ad 3. Secundum illos qui dicunt, quod Diabolus maior fuit de inferiori ordine Angelorum, qui præ sunt terrestribus, manifestū est, quod non de quolibet ordine ceciderunt: sed de infimo tantum. Secundum illos verò, qui ponunt maiorem Diabolum de supremo fuisse ordine, probabile est, quod de quolibet ordine aliqui ceciderint, sicut in quemlibet ordinem homines assumuntur in supplementum ruinæ Angelicæ. In quo etiã magis comprobatur libertas liberi arbitrij, quæ secundum quemlibet gradum creaturæ in malum flecti potest: Hanc secundam partē iuxta supradicta nos sequimur. Dices in Sacra Scriptura nomina quorundam ordinum, vt Seraphim, & Thronorum Dæmonibus non attribuuntur. Esto in Epistola ad Ephes. cap. 6. v. 12. vocentur Principatus, & Potestates. Ergo non ex quolibet ordine ceciderunt spiritus; Respondet ibi S. Thom. prædicta nomina non attribui eis, quia nomen *Seraphim* sumitur ab ardore charitatis, & nomen *Throni* sumitur ab habitatione Dei: quæ non possunt esse cum peccato mortali. Attribuuntur vero eis nomina Cherubim: Potestatum, & Principatum: quia hæc nomina sumuntur à scientia, & potentia quæ bonis, & malis possunt esse communia.

Quæstio sexta est: an fuerint plures

Vu

res

res Angeli, qui peccauerunt, an verò qui remanserunt. *R.* S. Thomas loco citato; Est que communis sententia, quod plures sunt Angeli, qui permanserunt, quam illi qui peccauerunt. Quod probat, quia peccatum est contra naturalem inclinationem: Et ea quæ contra naturam sunt, ut in paucioribus accidunt: eo quod natura consequatur suum effectum, vel semper, vel ut in pluribus. Hæc tamen ratio patitur difficultatem in hominibus, in quibus multi sunt vocati, pauci verò electi; & multo plures infideles, & mali, quam fideles, & boni. Propter hæc alij probant hanc assertionem ex illo Apocalyp. 12. ubi dicitur, quod Draco traxit tertiam partem stellarum. Erat ergo multo plures manserunt, quam sint illi qui ceciderunt. Posset nihilominus etiam sustineri ratio D. Thomæ assignando disparitatem. Nam etsi in hominibus sint plures illi, qui peccant, ut ait etiam Phil. libr. secundo Ethic. cap. 6. nihilominus etiam isti ex inclinatione ad aliquod bonum cadunt; id est ad bonum sensibile, quod est hominibus magis notum; & interdum cum bono rationis pugnat, & ex hoc fit, ut plures sint qui peccent; Non sic in Angelis, qui cum non habeant inclinationem naturalem ad huiusmodi, tam multa bona, quæ cum recta ratione pugnant. Id-

circo non fuerunt plures immò pauciores illi, qui peccauerunt, quam illi qui persisterunt in bono cōsentaneo rationi. Hæc inferuiunt pro congruenti argumento, & satis probabili; sed efficax argumentum est ex illo Apocalypf.

Dices: ex Arist. 1. 2. Ethic. cap. 6. tex. 5. malum est, ut in pluribus, bonum, ut in paucioribus. Ergo plures sunt Angeli qui peccauerunt, quam illi qui permanserunt. Confirmatur à simili de hominibus, de quib. Eccl. 1. dicitur *Stellarum infinitas est numerus*. *Re.* primo, quod nos non metimur mysteria Divina, ex Doctrina Aristorelis; sed ex Sacra Scriptura, quæ oppositum indicat. *R.* secundo ex S. Thomæ, quod loquitur de hominibus, qui sequuntur bona sensibilia, quæ magis sunt nota; deserto bono rationis, quod paucioribus notum est: quod non habet locum in Angelis, in quibus non est nisi natura intellectualis, & propterea illis primo, & per se est notum, bonum rationis. *R.* tertio potest esse etiam aliam diuersam rationem de hominibus, ac de Angelis; nam illi nascuntur cum peccato originali, & concupiscentia, & natura prona ad malum, quod non habuit locum in Angelis, in quibus nō precessit peccatum originale, nec concupiscentia, quæ ex illo oritur.

AXIOMA QVINTVM

Primum peccatum Luciferi, & aliorum Dæmonum fuit superbia.

Ex Lib. 11. de Gen. ad litt. cap. 13.

DE ipsa natura Diaboli scrupulosius quæri solet, quam totam quidam heretici offensæ molesta mala voluntatis eius, alienare conantur à creatura summi, & veri Dei, & alterum ei dare principium, quod sit contra Deum. Non enim valent intelligere omne, quod est, in quantum aliqua substantia est, & bonum esse, & nisi ab illo vero Deo, à quo omne bonum est, esse non posse: malam vero voluntatem inordinate moueri, bona inferiora superioribus proponendo: atque ita factum esse, ut rationalis creatura spiritus, sua potestate propter excellentiam delectatus tumesceret superbia, per quam caderet à beatitudine spiritualis Paradisi, & inuidencia contabesceret. Vide etiam dicta in præcedenti Axiomate, & in lib. 11. & 12. de Ciuit. Dei.

DVBIVM

Quo peccati genere primo peccauerint Angeli.

Dissidium hic est inter Scotistas, & Thomistas, & alios S. holicos. Scotus enim in secundo dist. 6. q. 2. art. 2. docet primum Angeli peccatum potius esse reducendum ad speciem cuiusdam luxuriæ spiri-

tualis; quam ad superbiam: quatenus scilicet fuerit nimium delectatus in appetitu beatitudinis supernaturalis; vel ut alij Scotistæ explicant. Quia Angelus amore nimio amicitiae dilexit se, & ex isto inordinato

Vu 2

amo-

amore amicitia, ortum habuit amor concupiscentia, quo sibi concupiuit bonum aliquod, idest beatitudinem ultra debitum modum. Hanc sententiam dicit Valentia Tomo primo Disp. 4. qu. 14 puncto 3. dissidere à communi sententia PP. & aliorum Theologorum affirmantium primū peccatum fuisse superbiam. Alij vero benignius eam interpretatur cum Caspensi Disp. 8. de Angelis Sect. 4. §. Scotus dicentes, quod licet hec sententia communiter rejiciatur à Recentioribus, quatenus negat primum peccatum fuisse superbiam propriè dictam; & in hoc puncto non sit admittenda: posse tamen non incongruè dici, illum maximum, & in ordinatum superbiae affectum, fuisse in Angelis nimiam sui complacentiam; eo quod vanissimè delectatus sit in pulchritudine, & donis sibi à Deo datis, quod etiam antea observauerant Granado. Tract. de Angelis Dist. 2. Sect. 2. ac proinde posse dici huiusmodi affectum superbiae fuisse quamdam spirituales luxuriā.

De errore Origenis, & Tertulliani, qui dixerunt primum peccatum Angelorum fuisse Luxuriam ex illo Gen. cap. 6. v. 2. *Videntes Angeli Dei filias hominū. quod essent pulchre* satis egi supra in Cōtrouersia secunda Dubio secundo. §. *Dices secundo.*

S. Thomas prima parte qu. 63. art. 3. & cum eo communiter omnes alij Theologi extra Scholā Scō-

ti docent: primum peccatum Luciferi, & aliorum Angelorum fuisse superbiam.

Hec assertio, quoad primā partem probatur primo ex Scripturis Sacris; nam Tobia cap. 4. habetur. *In superbia initium sumpsit omnis perditio.* Eccl. 10. *Initium omnis peccati superbia.* hoc loco vitur etiam S. P. lib. 12. de Ciuit. Dei cap. 6. ad hoc intentum. *Iob. 41. Ipse est Rex super omnes filios superbia.* idest omnium primus, & antesignanus, sic etiam Isaia cap. 14. *Quomodo cecidisti fili de calo Lucifer: dixisti enim in calum conscendam.* Ezech. 28. *dixisti in corde tuo Deus ego sum.* & praeterea *elevationem est cor tuum in decore tuo.* Prob. 2. Auct. PP. & primo S. P. N. non solum in duobus praecedentibus Axiomatibus; sed etiam in lib. 11. de Ciuitate Dei cap. 13. ubi ait. *Idco nunquam beatus cum Sanctis Angelis fuerit, suo recusans esse subditus Creatori, & sua per superbiam, velut priuata potestate elatus, ac per hoc falsus, & fallax.* & lib. 12. cap. 6. *Causa miseriae malorum Angelorum ea merito occurrit, quod ab illo qui summe est auersi, ad seipsos conuersi sunt, qui non summe sunt, & hoc vitium quid aliud quam superbia nūcupatur? Initium quippe omnis peccati superbia.* Quid clarius? Idem docent S. Ambrosius Serm. 3. in Psal. 118. ad illa verba. *Increpasti superbos.* S. Fulgentius lib. primo ad Monimum.

imum S. Gregorius Magnus lib. 34 Moralium cap. 13. & 14. S. Gregorius Nazianz. oratione prima de Pace, S. Athan. Lib. de Virg. & medit. & S. Io. Chrysostomus hom. 3. de Verbis Isaïæ. *Vidi Dominum sedentem.* &c. ubi ait. *Per superbiam factum esse Diabolum, qui antea Diabolus non erat.*

Secunda pars; idest etiam primum peccatum aliorum Angelorum, qui ceciderunt, fuisse superbiam, probatur p. Auctoritate S. P. qui lib. 11. de Genes. ad litteram cap. 24. cum retulisset verba illa Isaïæ Proph. c. 14 v. 12. *Quomodo cecidisti de calo Lucifer, &c. subiungit, dixisti in sensu tuo, In calum ascendam super sydera tali ponam Thronum meum.* &c. qua in figura velut Regis Babylonis in diabolum dicta intelliguntur, plura in eius corpus conueniunt pro quo facit etiã locus ille ex lib. 12. de Ciuit. Dei cap. 6. supra relatus, in quo loquitur S. P. non solum de Lucifero, sed etiã de omnibus Angelis malis; cum ait. *Causa miseria malorum Angelorum* &c. Prob. etiam ratione quia Angeli, qui ceciderunt inducti sunt à Lucifero ad peccandum, vt supra dictum est. Ergo peccauerunt eodem genere peccati, quo ille.

Dices in lib. Sapientie c. 2. hab. *Inuidia Diaboli mors intravit in orbem terrarum.* Ergo primum peccatum eius fuit inuidia &c. non sequi, vt acutè discurret S. P. lib. 11. de Gen. ad

litt. cap. 14. vbi refert, quod *Non nulli dicunt ipsum ei fuisse casum à supernis sedibus. quia inuiderit homini facto ad imaginem Dei.* & respondet. Porro hac inuidia sequitur superbiam, non proccit: non enim causa superbiendi est inuidia, sed causa inuidendi superbia. Cum igitur superbia sit amor excellentie propria, inuidia vero sit odium felicitatis aliena, quid vnde nascatur satis in promptu est. Amando enim quisque excellentiam suam, vel paribus inuidet, quod ei coquantur; vel inferioribus ne sibi coequantur, vel superioribus, quod ei non coquantur superbiendo igitur inuidus, non inuidendo quisque superbus est: Merito initium omnis peccati superbiam Scriptura definiuit dicens. *Initium omnis peccati superbia.* Inuidia ergo immediate oritur ex superbia; vt etiam supra dixi. Quæstio hic est inter PP. an hoc peccatum inuidie commiserint, cum adhuc essent in via, an verò post casum, & intermino: nam S. Basilius in homilia de inuidia, & S. Bernardus Sermon. 2. de Aduentu asserunt, eos cecidisse de calo propter superbiam, & inuidiam; & consequenter inuidiam præcessisse statum damnationis, vt causam meritoriam eius. Oppositam sententiam docet S. P. lib. 14. de Ciuit. Dei cap. 11 decimo dicens. *Postea quam superbus ille Angelus, ac per hoc etiam inuidus per eandem superbiam à Deo ad semetipsum*

sum conversus, &c. male suada versu-
sis in hominis sensu serpere affectans;
cui usque stanti, quoniam ipse cecide-
rat inuidebat colubrum elegit, &c.
Hanc eandem Sent. tenuit S; Gre-
gorius Magnus in Tertia parte curæ
pastoralis admon. 11, vbi ait. *Dicen-
dum itaque est inuidis, quia dum se à
laure minime custodiunt, in antiquam
versus hostis nequitiam demergun-
tur: de illo namque Scriptum est Inui-
dia autem diaboli mors intravit in or-
bem terrarum. Quia enim ipse mali-
gnus spiritus adversarius noster calū*

*perdidit, condito ad hoc homini inui-
dit, & damnationem suam perditus
adhuc alios perdendo cumulat.* lo-
cis istis hi SS. PP. & DD. primum
actum invidiæ indicant fuisse post
iporum terminum viæ. Si dicas po-
tuit esse alius actus antecedens ca-
sum. R. me non negare fuisse possi-
bilem: sed non habere fundamentū,
vel ex Scripturis; vel ex PP. ad asse-
rendum, quod fuerit de facto; sicut
habeo ad dicendum, quod fuerit
post casum.

AXIOMA SEXTVM

*Obiectum superbiæ Angelorum fuit dominium, seu prelatia
illis indebita.*

Ex Lib. 14. de Ciuit. Dei. cap. vndecimo.

Postea quam superbus ille Angelus, ac per hoc inuidus per eandem super-
biam, à Deo ad semetipsum conversus, & quodam quasi Tyrannico fastu
gaudere subditis, quam esse subditus eligens; de Spiritali Paradiso cecidit: de
cuius lapsu, sociorumque eius, qui ex Angelis Dei Angeli eius effecti sunt, in
libris vndecimo, & duodecimo huius operis satis, quantum potui, disputanti.

D V B I V M

Quodnā fuerit obiectū superbiæ Angelicæ

In hac questione in diuersas abie-
re Theologi sententias; quarum

Prima est eorum qui docuerunt An-
gelum potuisse, & de facto peccasse
appe-

appetitu inordinato vnionis hypothauit, quo desiderauit suam naturam Diuinæ Personæ vniri: & simul deliquisse inuidia Vnionis humanæ naturæ cum Verbo Diuino. Authores huius opinionis dicuntur fuisse Ambr. Cathernus in opusculo de gloria bonorum Angelorum, & lapsu malorum, & in Expositione Genesis ad illa verba c. 3. *Serpens callidior erat*, Noster Iacobus de Valentia in Pfah. 81. ad illa v. *Surge Deus indica terram.* &c. Viguerus in lib. de institutionibus Theologicis cap. 3. §. 2. versic. 15. Iacobus Naclarius in Epistolam ad Ephesios, & Alexander Alensis Tertia parte qu. 2. membro 13. Eandem sequuntur plures recentiores; qui vtuntur etiā Auctoritate S. Bernardi Abb. & Rupertii item Abb. Tuiriensis: de quibus infra.

Secunda sententiā est eorum, qui dicunt, potuisse peccare appetitu æqualitatis naturæ, cum Deo; pro qua citatur. Scotus in secundo Dist. 6. quæst. prima §. *Quia tamen ad primum*. Gabriel in eadem Dist. qu. p. Bassolis quæst. prima §. *Quia tamen ad primum*. Et tali superbia Angelos de facto peccasse affirmat Ioannes Maior: relatus à Valquez T. 2. in primam partem Disp. 234. cap. 3. §. *Quamquam non improbanda*.

Tertia est eorum, qui dicunt non esse minus certum Angelum peccasse immoderato appetitu suæ beati-

tudinis supernaturalis, quam creaturæ intellectuales sperat in premium suorum meritorum, quam peccasse peccato superbiæ: hanc tenent Antistodorense lib. 2. suæ summæ Tract. 12. p. 2. Alb. Magnus in secunda p. Summæ Tract. 5. q. 21. memb. 1. & in sec. Sent. dist. 5. artic. 3. Alex. Alenf. 2. p. §. quæst. 98. memb. 3. in corp. & ad 5. S. Th. prima parte quæst. 63. artic. 3. Caietanus, & alij Thomistæ, noster B. Egidius in secundo Dist. 5. qu. primo artic. 2. noster Thomas, Arg. item in secundo Dist. 6. quæst. p. artic. p. citantur etiam pro ea Ricardus, Durandus, Heruæus, Scotus, Bassolis, Gabriel, Maior, Capreolus, Marsilius, Holcor, & Ferrariensis: à Valquez Disp. 235. cap. p. Quidam ex istis citant pro se S. P. N. libro 22. de Cioit. Dei cap. primo S. Ambrosium in Epist. 84. & S. Gregorium lib. 34. Moralium cap. 14. & in aliquibus impressionibus 17. ac etiam lib. 3. cap. 18 vel vi apud aliquos 23.

Quarta sententiā est eorum, qui docuerunt, peccasse appetitu beatitudinis naturalis, vel saltem peccare potuisse pro hac Valquez loco citato cap. 5. citat S. Thomam in citata qu. 63. art. 3. Caietanum ibi Ferrariensem nostrum lib. 3. contra Gentēs cap. 109. §. *circa primum modum* Heruæum, & Bassolium docentes Angelum peccasse appetitu immoderato beatitudinis naturalis, qua-

quatenus hæc illi ita placuit tamquā vltimus finis, vt à beatitudine naturali seipsum auerterit. Quibus ait consentire etiam Nostrum B. Egidium, & Ricardum, Sed aduertit hos Doctores non conuenire in modo explicandi hanc sententiam.

Quinta Sententia est eorum, qui dicunt, Angelum peccasse appetendo præferri alijs; & illis præesse: vel saltem nulli subesse his enim duobus modis, vel peccasse, vel peccare potuisse docent Alexander Aléxis secunda parte summæ quæst. 98. membro 3. in corp. & §. 1. vbi dicit peccasse, & hoc modo, & simul peccasse immoderato affectu beatitudinis supernaturalis; S. Bonauentura in secundo Dist. 5. artic. 1. qu. 2. Nicolaus de Lyra in cap. 14. Isaie ad illa verba; *In calam conscendam*, &c. Burgentis in addit. 2. illius capituli. Torrigius in replica illius. Vaillemus Parisiensis, prius na parte secundæ partis principalis de Vniuerso cap. 109. & 110. circa has sententias dicam per singulas quid sentiam, &

Dico primo: Luciferum ex consideratione propriæ perfectionis, & pulchritudinis in superbiam elatum inordinatè appetuisse dominatum. & potestatem: hoc est voluisse nulli subesse, nec etiam ipsi Deo; & præesse alijs. Hanc assertionem puto esse mentem expressam S. P. fundatā in Scripturis illis Ezech. cap. 8. ver-

su 3. *Elevatum est cor tuum in decore tuo*. Isaie cap. 14. versu 13. *In calum conscendam super astra Dei exaltabo solium meum*. &c. *Ascendam super altitudinem montium*, *similis ero Altissimo*, motuum huius appetitus fuisse excellentiam propriam indicant clarè illa verba Ezech. Et exponit S. P. lib. 11. de Gen. ad litt. cap. 23. vbi de Diabolo explicans quomodo in veritate non steterit, ait. *Factus continuò se à luce veritatis auertit, superbia tumidus, & propria potestatis delectatione corruptus*.

Quod verò ex hac consideratione appetierit nulli subesse, & præesse alijs explicat S. P. in illis verbis Axiomatis: *quodam quasi tyrannico fastu gaudere subditis, quam esse subditus eligenti*; quod etiam docuerunt S. Basilii oratione 17. S. Anselmus lib. de casu Diaboli cap. 4. & S. Bernardus Serm. 17. in Cantica. Quod verò nec etiam subesse Deo voluerit explicat S. P. in præcitato loco de Genesi ad litteram vbi subdit. *Ille autem continuo impius, consequenter, & mente cecus non ex eo, quod acceperat cecidit, sed ex eo, quod acciperet, si subdi voluisset Deo, quod profecto quia noluit, & ab eo, quod accepturus erat cecidit, & potestatem illius sub quo esse noluit non enast*. Quæ doctrina sic communiter explicatur vt mali Angeli propterea ceciderint, quia inordinatè appeti vere esse Deo similes in hoc, vt quemadmodum ipse

se nulli est subiectus, ut Superiori; ita & ipsi nullius, nec etiam ipsius Dei imperio actu referrentur, ut inferiores: Ac proinde dicendum est, non appetuisse, eos non subdi Deo quoad conseruationem; & actualement eius concursum ad eorum opera; nam sine hac subiectione, nec consistere poterant; nec poterant ignorare, hoc fieri non posse, cum essent pleni scientia: cuius hoc est vnum exprimis principijs. Sed desiderasse libertatē, qua non subessent Deo imperanti, & præcepta imponenti; Cum scirent hoc non esse impossibile: nulla apparente implicancia quin Deus possit creare Angelos, quibus nullum velit præceptum positium imponere; ac proinde eximere illos ab omni imperio actuali: & consequenter potuerunt absolute, & efficaciter appetere talem exemptionem. Nulla est enim necessitas ponendi, quod nouerint tunc Decreta Dei de ipsorum ministerijs per actuale imperiū. Ex prædicto superbo appetitu probabilissimum est, deriuasse in vnumquemque Dæmonum desiderium cuiusdam principatus, id est potestatis in aliquas creaturas, ut indicat S. P. in Axiomate; & honoris indebiti exhibēdi à creaturis inferioribus. Quod suaderi potest, quia supremus Angelus inter malos desiderauit efficaciter, coli, & venerari à malis Angelis, & hominibus maiori honore; quam esset ille, qui sibi debeba-

tur, ut supra dictū est, & Scriptura indicat: Cumque alij peccauerint moti exemplo, vel forte etiam suasionem ipsius, consequens est, quod induci fuerint ad eandem peccati speciem, & quod vnusquisque Angelorum malorum efficaciter desiderauerit à creaturis inferioribus se coli, & honorari indebitē. Confirmari potest ab experientia, qua patet, quod Dæmones contendunt ab hominibus sibi deferri honores soli Deo debitos: ut videre est apud Idolatras. Et consequenter relinquitur, probabilissimum esse, illos huiusmodi indebitos honores iam à principio appetiuisse. Quæri hic solet an Lucifer appetierit, præesse solis Angelis; an solis hominibus, an verò vtrisque simul. & rem esse incertam. Aliqui enim dicunt, eum appetiisse solum dominium super homines, & pro hac sententia citant S. Bernardum Serm. 17. in Cantica: verum ibi mellissimus Doctor sub dubio loquitur: dicendo: *hoc ego non assero, dicere spiritum S. sed nec contra dicere dico. Nescio enim. Poterit autem contingere, si tamen incredibile non putetur.* & præterea ibi S. Bernardus non excludit alios Angelos ab hoc appetitu dominandi, nec de illis meminit, sed solum dicit, quod ipse appetierit, *alius sedere, & regere genus humanum*, quod est præscindere ab hoc puncto, an scilicet appetierit etiam regere Angelos sibi inferiori-

feriores: citatur etiam pro hac sententia S. Basilii. Communior videtur sententia, & magis ad mentē S. P. quod absolute appetierit præesse utrisque: cum indeterminate loquatur tam in Axiomate, quam alibi. Hæc autem præexcellētia; & præſidentia cum possit considerari in ordine ad diuersa; Videndum est in ordine ad quæ, illa appetierit. Primò quidem in ordine ad naturalia; & in hoc sensu non potuit eam appetere, cum in illis præcelleret omnibus, tam Angelis, quam hominibus: Secundò quoad iustificatorem, & in hoc sensu nec etiam potuit appetere nulli subesse, cum optimè sciret, Gratiā sanctificantem esse participationem Diuinæ naturæ; ac proinde à nullo alio, quam ab ipso Deo tamquam à causa principali posse infundi. Impossibilia verò, cognita ut talia, non appetuntur absolute, & efficaciter; sed solum conditionatè, & inefficaciter. Si dicas, potuit appetere præesse cæteris in ordine causæ ministerialis, siuè instrumentalis. R. hoc iam esse velle subdi, & subesse; instrumētum enim, & minister subditur, & subiicitur Principali; & Lucifer in eo, quod appetebat, nulli subesse volebat. Tercio potest considerari in ordine ad actualia ministeria, & exercitia; & hoc modo peccasse, arbitror esse de mente S. P. ut indicant illa verba Axiom. quodam quasi tyranico fastu

gaudere subditis, quam esse subditus eligens. Tyrannis enim ita nō poterat appeti, nisi in ordine ad hæc ministeria, & exercitia,

Dico 2 probabile esse, quod Angelus etiam peccauerit appetitu superbo acquirendi beatitudinem supernaturalem proprijs viribus; hæc sententia videtur esse de mente S. Thomæ, qu. 63. art. 3. & probatur Auctoritate S. P. qui lib. 22. de Ciuitate Dei cap. primo loquens de beatis, ait: *Deus ipse illis est tamquam vita victusque communis. Qui liberū arbitrium eidem intellectuāli naturæ tribuit tale, ut si vellet deferere Deum, beatitudinem scilicet suam, continuo miseria esset futura. Qui cum præſcires Angelos quosdam per elationem, qua ipsi sibi ad beatam vitam sufficere vellent, tanti boni desertores futuros, non eis ademisti hanc potestatem.* idem docuerunt S. Ambrosius Epistola 84. ante medium: & S. Gregorius Magnus lib. 34. suorum moralium: capite septimo, quod in aliquibus impressionibus est decimum quartum. Consequenter ad hæc S. Thomas loco citato ait; *Vel si appetijt ut vltimum finem illam Dei similitudinem, quæ datur ex gratia, voluit hoc habere per virtutem suæ naturæ non ex diuino auxilio secundum Dei dispositionem; Et hoc modo consonat dictis Anselmi lib. de casu Diaboli cap. 4. qui dicit quod appetijt illud, ad quod peruenisset si stasset. Non placet*

cet hæc doctrina Becano, & propterea in Tract. de Angelis cap. 4. Q. 7. *S. Secunda Conclusio* dicit Angelum non peccasse appetendo beatitudinem supernaturalem; eo quod appetitus ille non fuerit inordinatus, neque ratione obiecti, neque ratione alicuius modi, vel circumstantiæ. Non ratione obiecti, quia tale obiectum est per se bonum, ad quod appetendum erat per se à Deo ordinatus. Si dicas petuit appetere plures gradus Beatitudinis, quam illi quicui conuenirent, vel qui à Deo illi decreti fuissent. Respondet illum nesciisse quot gradus illi decreti fuissent, si perseverasset; & propterea ex hac parte non habuit motiuium inordinati desiderij. Quod verò nõ fuerit inordinatus ratione modi, vel alicuius circumstantiæ probat; quia non fuit nimius obiectiue, cum obiectum sit bonum, nec intensiue, quia maior, vel minor intensio actus non facit illum esse malum; & præterea intensio non est in præcepto. Nec appropriatiue, quia nullus amat se inordinate, vel nimium hoc modo, nisi quando ex amore sui commodi transgreditur aliquod præceptum Diuinum, quod non constat fuisse Angelum in ordine ad beatitudinem supernaturalem. Et consequenter nec etiam modo inordinato appetiuisse talem beatitudinẽ. Si dicatur fuisse inordinatum ex eo, quod desiderauit habere beatitudi-

nem supernaturalem suis viribus sine gratia; vt docet S. Thomas loco citato: opponit, quod hoc desiderium non potuit esse nisi vel explicitum, vel implicitum; & neutro ex his modis Angelum potuisse peccare, primo; ita vt primum peccatum, de quo loquimur, esset actus superbiæ; quod sic probat, & explicat. Si desiderauit explicitè illo modo beatitudinem, errauit non solum contra rationem; sed etiam contra fidem; iudicando se posse consequi beatitudinem supernaturalem suis viribus; quod est error contra fidem, & primum principium hæresis Pelagianæ; & sic primum peccatum eius non fuisset superbia; sed infidelitas. Similiter si dicatur, desiderasse solum implicitè, sequitur non peccasse primo per superbiam. Quia desiderare implicitè beatitudinem sine gratia, nihil aliud est, quam eam appetere non cogitando de medijs supernaturalibus, quibus acquirenda est. Sed in hoc nullum est peccatum, quando nullum adest præcepti obligans ad talem cogitationem. Neque enim nos peccamus appetendo Regnum Cælorum, licet nihil cogitemus de medijs: Eo quod, qui appetit beatitudinem, ex vi illius appetitus non tenetur semper appetere media; sed sufficit, quod actu non excludat media conuenientia, nec appetat media indebita. Quod si dicatur Angelum habuisse præceptum

cogitandi, & appetendi media, & tale mandatum non servasse; iam non fuisset peccatum superbiæ, sed omissionis; aut inobedientiæ. Iste est discursus Becani loco citato, cuius vis tendit ad infirmendam Doctrinam prædictam SS. DD. Augustini, & S. Thomæ, nec non & Ambrosij, ac Gregorij Magni locis supra citatis: Et dum nimio impetu fertur in illos sua met ratione destruit seipsum; nam eo ipso; quod confiteretur eum, qui appetit beatitudinem, tenetur non excludere actum media convenientia, nec appetere media indebita. Cum isti SS. PP., & DD. præsidio, & contemplatione Sacrarum Scripturarum, quæ de peccato primo Luciferi agunt; agnoscant in eo actum positivum excludendi auxilium gratiæ Dei, iam actu excluditur medium conveniens; & cum ponant eum appetiisse dictam beatitudinem, ut acquirendam suis viribus naturalibus, iam agnoscunt eum appetiisse media indebita. Et consequenter eum utroque modo peccasse; quia tenebatur ex vi appetitus beatitudinis ad excludendum hos actus appetitus indebiti circa media; quod habet locum non solum in desiderio implicito; sed multo magis in desiderio explicito; quod isti SS. PP. supponunt fuisse in Angelis malis. Quod vero actus iste fuerit actus superbiæ; quod contendit negare Becanus; patet. Quia hoc

fuit, nolle subesse Deo auxilianti in acquirenda beatitudine; & consequenter appetitiuè præferre se ipsum illi, & suas vires diuinæ gratiæ ipsius. Quod est formalissimè actus superbiæ: Nec obstat, quod fuerit solus infidelitatis; neque enim repugnat in vno, eodemque actu inueniri malitiam superbiæ, & malitiam infidelitatis; immò ex superbia ortas hæreses omnes, demonstrant communiter Theologi, quorum omnium venena concludit; ut loquitur Sanctus Hieronymus in Epistola ad Cresiphontem: error iste Luciferi; quæ postea Pelagius innouavit, contra quem S. iste Doctor in prædicta Epistola scribit, & dicit; *quod plerisque in oriente decepit, ut per similitudinem humilitatis superbiæ discerent, & dicerent cum Diabolo. In Calum ascendam super sydera Celsi ponam thronum meum, & ero similis Altissimo. Que enim potest alia maior esse temeritas, quam Dei sibi non dicam similitudinem, sed aequalitatem vindicare, & brevi sententia omnium hæreticorum venena complecti.*

Dico 3. esse etiam probabile, quod Angeli mali appetierint suam beatitudinem naturalem, tamquam finem ultimum simpliciter, non curando de beatitudine supernaturali, ad quam ordinabatur per gratiam: hanc etiam sententiam docet S. Thomas loco cit. supra his verbis. *Appetijit esse similis Deo: quia appetijit ut finem*

*finem ultimum beatitudinis, ad quod virtute (sue naturæ) poterat pervenire: auerrens suum appetitum à beatitudine supernaturali, quæ est ex gratia Dei. Hanc assertionem cum præcedenti coincidere, docet ibi Angelicus Doctor; cum enim docuisset utramque verbis relatis, subiunxit: Et hæc duo quodammodo in idem redeunt: quia secundum utrumque appetit finalem beatitudinem per suam virtutem habere, quod est proprium Dei: Ex hac Doctrina facta est contentio inter Thomistas, in quam partem S. Doctor magis inclinet: Caietanusenim, & noster Ferrariensis censent eum magis propendere in hanc assertionem; Capreolus verò docet eum magis inclinare in præcedentem: Vtrumque fortasse æqualiter probabile iudicavit, quod non obscurè indicant illa verba. Et hæc duo quodammodo in idem redeunt. Hæc assertio præter auctoritatem S. Thomæ probari potest etiam testimonio S. P. qui in loco supracitato ex cap. 1. lib. 22. de Civitate Dei: loquens de præscientia Dei, quam habuit de peccato malorum Angelorum: ait. *Qui cum præsciret Angelos quosdam per elationem, quæ ipsi sibi ad beatam vitam sufficere vellent, tanti boni desertores futuros, non eis ademisse hanc potestatem: hæc enim verba procul dubio indicant eos appetivisse beatitudinem naturalem; ad hanc enim solum ipsi sibi sufficere**

posse cogitare; & velle potuerunt. Probari etiã potest Auctoritate S. Ambrosij, qui epistola 84. ante medium describendo superbiam, species ait. Non aliter inflantur, qui cupiditate extollemia singularis omnibus appetunt ante ferri, aliter verò intumescunt, qui auxilium Dei recusantes, quæ fieri sine ipsis opere non possunt, ex sua perfici virtute contendunt, & spem suam à Deo auferunt: hæc superbia à Diabolo sumpsit exordium, qui quoniam suam, quam à Creatore acceperat potentiam, & dignitatem sibi placuit, seque Authori suæ gloria comparavit, cum ihs Angelis, quos in consensum impietatis suæ traxerat, à Cælesti sublimitate deiectus est. Similia habet S. Gregorius loco supra citato; idest lib. 34. cap. 7. & apud quosdam 14. ubi de Diabolo ait relicto enim cui debuit inharere principio, suum sibi appetitum quodammodo esse principium: relicto eo, qui verè illi sufficere poterat, se sibi sufficere posse iudicavit. Hæc testimonia allegantur, tam pro præcedenti, quam pro præsentī assertionē; eo quod hi SS. PP. non se explicant an de vna, vel de altera beatitudine; idest naturali, & supernaturali loquantur; & probabilissimum mihi videtur eos de utraque loqui indifferenter, ut loquitur etiam Sanctus Thomas.

Dices 1. cum Becano, cui nec etiam hæc Angelici Doctoris sententia placet: Angelus non appeti-

uit

uit hanc naturalem beatitudinem per modum desiderij, sed solum per modum amoris, & complacentiæ. Sed hic amor non fuit malus, nec ratione obiecti, nec ratione alicuius modi, qui fuerit in ipso actu amoris; neque ratione alicuius circumstantiæ, quæ debuerit esse in actu, vel secundum rectam rationem, vel secundum regulam fidei. Ergo non peccauit appetendo huiusmodi beatitudinem. Maiorem probat; quia desiderium fertur in rem absentem, & beatitudo naturalis erat præsens, non verò absens; ergo solo appetitu complacentiæ, non verò desiderij poterat appeti. Minorem etiam probat, primò quoad primam partem, quia beatitudo illa naturalis erat obiectum bonum, & dignum amore secundum rectam rationem; secundam etiam partem probat, quia non potest assignari aliquis modus intrinsecus; propter quem ille amor fuerit inordinatus. R. negando maiorem, ad probationem Respondetur negando antecedens; nam Angelus in via non habebat propriam, & integram rationem Beatitudinis in eo sensu, de quo hic loquimur; nam talis beatitudo, siue naturalis, siue supernaturalis non est re vera talis perfectè, nisi sit status omnium bonorum aggregatione perfectus, ad quem statum requiritur firmitas, stabilitas, & certitudo perpetuitatis in illo statu, quam non habebant Angeli in via:

propterea S. P. in lib. de correptione, & gratia cap. 10. de hoc puncto loquens ait erat tamen adhuc quod eorum adderetur beatitudini, si per liberum arbitrium in veritate steterissent, donec istam summam beatitudinis plenitudinem, tamquam premium ipsius per mansionis acciperent, id est ut magna per Spiritum S. data abundantia charitatis Dei, cadere ulterius omnino non possent, & hoc de se certissime noscent. Hanc plenitudinem beatitudinis non habebant. Poterant igitur desiderare hanc plenitudinem beatitudinis; sine qua plenè, & perfectè beati esse non poterant, nec etiam beatitudine naturali, & libro undecimo de Ciuitate Dei cap. undecimo hoc idem argumentum versans ait. Quapropter quamuis non quicquid æternum, continuò beatum sit, [dicitur enim etiam panalis ignis æternus] tamen si verè perfectèque beata vita, non nisi æterna est, non erat talis istorum vita beata, quia quandoque deflatura, & propterea non æterna. Dicebantur igitur beati illi Angeli in via, & primi homines in statu innocentie, ut ait S. P. ibi capite sequenti, eo modo quo, & nos hodie non impudenter beatos vocamus, quos videmus iussu, ac pie cum spe futura immortalitatis hanc vitam ducere, sine crimine vastante conscientiam. Sicut igitur homines pij, ac Sancti in hac mortali vita dicuntur beati, & nihilominus sperant, & desiderant beatitudi-

itudinem æternam, & æternitatem beatitudinis, sic & Angeli quando erant in via, potuerunt eam sperare, & desiderare. Ad ininorem Responderetur; amorem, & desiderium illud non fuisse quidem malum ratione obiecti in esse rei, sed ratione modi, ac circumstantiæ, quo intellectus maiorum Angelorū tēdebat in huiusmodi obiectū; quatenus scilicet, ut ait S. P. loco supra citato *ipsi sibi ad beatam vitam sufficere vellent*, vel ut ait S. Ambrosius, *auxilium Dei refutantes, qua fieri sine ipsius opere non possunt sua perfici virtute contendunt, & spem suam à Deo auferunt*, &c. ut supra, vel cū S. Gregorio; *appetijt sibi quodammodo esse principium*, &c. quibus verbis hi SS. PP. aperte indicant, Damascenos errasse in modo appetendi beatitudinem, volendo scilicet sufficientiam suam sibi non ex Deo, sed à seipsis esse, & refutando auxilium Dei, & appetendo esse sibi ipsis principium suæ beatitudinis: ut docet prædicti SS. PP. per quæ latissimè etiam probationi dictæ minoris; nam in his assignatur modus, immò modi intrinseci, quibus ille amor, & illud desiderium fuit inordinatus. Ad instantiā prædicti Auctoris, qua petit utrum Amor iste fuerit inordinatus obiectiue, vel intensiue, an verò appetitariue. R. quidquid sit de ly obiectiue, nam dici posset, obiectū dupliciter considerari posse; primo in esse rei; secundo in esse formali

obiecti; & quod in esse rei obiectum quidem illud in se erat bonum; nihilominus in esse obiecti quatenus scilicet ipsi Angeli sibi repræsentabant beatam vitam independētem; immò refutantem auxilia Dei, ad quam ipsi soli, sibi ipsis sufficere volebant: conantes ex tunc quodammodo fundare priam Monarchiā Solipsorum, erat malum in ratione illa formali, & sub hac consideratione sub qua illam beatitudinem sibi repræsentabant. Sed quidquid sit de hoc. Respondeo: fuisse inordinatum appetitariue, quia suam sufficientiam ad hanc beatam vitam attollebant supra voluntatem, & potentiam Dei, recusantes dependentiam, & auxilium eius, sine quibus nec beatitudo supernaturalis, nec naturalis haberi potest. Ad id quod subiungit Becanus Angelum non fuisse transgressum aliquod præceptum naturale. Respondeo esse falsissimū; nā eo ipso, quo agnoscebant se esse creaturas ex nihilo factas, cognoscebāt etiam, quod creatura, quæ potest fieri Beata. *Nō ex seipsa potest*, ut loquitur S. P. lib. 12. de Civitate Dei, *quia ex nihilo creata est, sed ex illo, ex quo creata est*. Quapropter recusando subiectionem, & dependentiam à Deo in assequenda huiusmodi beatitudine transgrediebantur præceptum naturale, qua creatura eo ipso, quod est creatura, tenetur esse subdita Deo in suo esse, posse, & ope.

& operari; Et creatura intellectionis libera eo ipso, quod vult in dependentia in aliquo ex his à primo principio, eo ipso transgreditur huiusmodi præceptum, & superbi non se attollit supra id, cui debet esse iure naturæ subiecta. Denique ad id quod addit Becanus, non posse designari circumstantiam, propter quam ille amor fuerit inordinatus. Respondet etiam hoc pariter esse falsissimum, & omnino illa, quam ipse adducit ex Theonistis. Dico, fuisse malum, & inordinatum ex omnibus illis circumstantiis, ex quibus Theologi morales expendant malitiam alicuius actus mali. Si enim attendatur *Quis* erat Angelus ornatus omni lapide pretioso, idest donatus donis eximjis, tam naturalibus, quàm supernaturalibus; & Lucifer præ omnibus, ac proinde tenebatur diligere Deum supra se ipsum, & non se attollere, vel æquiparare illi in beatitudine. Si *Quid*; actus fuit perfectissimus, & ingratiſſimus rebellando à Deo, & coniurando contra ipsam. Si *Vbi* in ipsa Regia Creatoris idest in Cælo, & forte in ipsa Aula Principis, idest in Empyreo, ut placuit plurimis Theologis. Si *quibus auxilijs*, eisdem donis, quibus ab ipso Deo cunctatus fuerat; & adducendo tertiam partem stellarum, idest Angelorum, ad consortium sui sceleris rebellionis, si *Cui*, ut esset similis altissimo in folio gloriæ, & in principatu in de-

pendens; quo sine peior assignari nequit. Si *Quomodo* priori, & perfectissimo modo, quo fieri posset, recusando scilicet eius auxilia, & conuertendo omnia ea, quæ acceperat ad sui perfectionem, & ornatum contra ipsum Deum. Si *Quando*; vix creatus, tunc potissimum quando maiori, liberiori, & ferventiori actu tenebatur subdi, & diligere ipsum Deum. Ex omnibus igitur circumstantiis, quæ in actu peccaminoso excogitari possunt, fuit inordinatus ille Amor sui, quo superbus Spiritus dixit *In Calum conscendam super astra Dei exaltabo solum meum, & ero similis Altissimo*.

Dices 2 Primum Angeli peccatum fuit appetitus cuiusdam principatus, ut dictum est in prima assertionem, & probatum Auctor SS. PP. Ergo non potuit esse appetitus beatitudinis naturalis; aut supernaturalis. Probatur consequentia: quia hæc sunt valde diversa inter se. Unde esto appetisset postea aliquam ex istis beatitudinibus inordinatè, hoc non fuisset primum peccatum eius, de quo quærimus, sed secundarium. & negando consequentiam; Ad probationem responderetur, nihil repugnare, quominus ea, quæ sunt diversa in esse materiali, siue in esse rei conveniant sub vna ratione formali obiecti intellectus, & voluntatis: & maximè in Angelis, qui plurimò vno, eodemque actu intelligunt, & appe-

appetunt, vt sunt conclusiones in principijs, & effectus in causis. Quod si homo mortalis potest vnico actu appetere præse omnibus alijs indiuitijs, volupratibus, & honoribus, multo magis potuit Angelus appetere præse cunctis in dominio, & beatitudine vnico, & indiuisibili actu, & sic etiam Angelic⁹ Doctor in præcitato articulo agnoscit potuisse esse, & appetitum beatitudinis; & appetitum dominij iam explicari.

Dico 4. primum peccatum Angeli non fuisse appetitum vnionis hypostaticæ. Hæc assertio est communis, & sequitur per necessariam consequentiã ex principijs Doctrinæ SS. PP. & maximè S. P. N. Augustini, & S. Thomæ, & eorum omnium, qui docent Christum non fuisse vëturum, si Adam nõ peccasset. Quorum doctrina supposita, sic probò intentum, si Angelus primo peccasset per appetitum vnionis hypostaticæ, vel peccasset, quia eam concupiuisset, vt sibi debitam, & naturæ suæ viribus acquirendam: vel quia eã homini inuidisset: vel quia Christo Domino, tamquam proprio capiti, & Domino noluisse se subijcere; hæc enim sunt præcipua capita, propter quæ aduersarij docent, eum huiusmodi appetitu peccasse. Sed nullo ex his modis primò peccauit; ergo non peccauit primò per huiusmodi appetitum. Maior conceditur ab Aduersarijs. Minor probatur,

quoad singulas partes. Et primò quod non peccarit appetendo eam vt debitam, &c. patet quia iste appetitus supponit in intellectu cognitionem talis vnionis antecedenter ad ipsorum peccatum; quæ tamen esse non potuit sine errore; & talis error communiter non admittitur in mente Angeli, & maximè circa talia obiecta: nam si in via nouit eam saltem vt possibilem; consequenter nouit eam esse in suo conceptu supremum opus ad extra inter supernaturalia; ac proinde nulli creaturæ debitum, aut acquisibile viribus naturæ. Quoad secundam partem probatur ex dictis in præcedentibus dubijs, vbi demonstratum est ex Scripturis, & SS. PP. primum Angeli peccatum non fuisse inuidiam, sed superbiam; vt enim ait S. P. lib. 11. de Gen. ad litteram cap. 14. *Inuidia sequitur superbiam, non praecedit.* Quoad tertiam partem probatur, quia omnis nolitio est fuga mali, & supponit, volitionem, & prosecutionem alicuius boni, nam vt ait S. Tho. in par. 2. qu. 21. art. 2. *Quia bonum queritur, ideo refutatur oppositum malum.* Si ergo Angelus peccasset, quia noluisse, se subijcere Christo tamquam Domino; hoc non fuisset, nec potuisset esse primum peccatum, de quo querimus; Sed necessario debuisset præsupponi in Angelo peruersa voluntas alicuius obiecti excellentis, ad quam sequuta fuisset

nolitio, siue fugatalis subiectionis. Vide S. Thomam lib. 3. contra Gentes cap. 109. Probatur secundo ex Becano loco supracitato Q. 2. § *Secunda Concl.* quia sententia Aduersariorum est planè noua, & nullum habet Authorem pro se ex veteribus Patribus, aut Theologis; cui addo, quod si aliqui PP. dicunt Angelum peccasse in hoc, nullus tamen ex illis dicit hoc fuisse primum Angeli peccatum; vt infra in obiectionibus clarum fiet. Prob. 3. cum eodem Auctore, quia opposita sententia nititur fundamentis, vel falsis, vel saltem dubijs. Supponit enim Mystrium Incarnationis fuisse reuelatum, Angelis, cum adhuc essent in via; quod tamen probari non potest: præterea supponit, Christum Dominum fuisse, venturum, etiamsi Adam non peccasset; quod est contra omnes antiquos Patres, & in Scholis SS. DD. Augustini, & Thomæ falsum, omnino reputatur.

Dices 1. cum Catharino, Viguerio, & Suario in Epistola ad Hebræos cap. 1. nu. 6. habetur. *Et cum iterum introducit Primogenitum in orbem terre, dicit, adorent eum omnes Angeli Dei.* Hic locus indicat: Christum Dominum bis introductum fuisse in orbem terrarum: primò quidem in creatione Angelorum, quando illis manifestatum fuit Sacrosanctum Incarnationis Mystrium: secundò quando fuit adimpletum; Et

in vtraque vice præceptum fuisse Angelis, vt ipsum Christum, tamquam caput ipsorum, & hominum colerent, & adorarent: Quod præceptum Lucifer in prima introductione ex superbia, & inuidia transgressus fuit; eo quod propriam excellentiam, & perfectiones considerans egrè tulit, inferiorem creaturam sibi præponi; ac proinde eleuatum est cor eius in superbiam; & inordinatè sibi ipsi eam appetiuit excellentiam; & consequenter humanitati SS. Christi Domini, & toto generi humano eam inuidit. R. ex communiore interpretatione sententia, hunc non esse germanum sensum illius loci, & verborum illius textus, vt videre est apud Nicolaum de Lyra in Commentario prædicti loci, apud Adamum in expositione illius; vbi aduertit, illam particulam *Iterum* non significare aliquam secundam introductionem supponentem aliã priorem; sed esse citationem alterius testimonij veteris testamenti, idest ex Psal. 96. v. 8. vbi Psal. ait: *Adorate eum omnes Angeli eius;* nam antea Apostolus attulerat alios textus ex libris Sapientia cap. 7. v. 36. ex Psal. 2. v. 7. ex lib. 2. Regum cap. 7. v. 17. quapropter ly *iterum* idem est, ac si diceret Apostolus in alio loco Scripturæ; immò obseruat Vasq. T. 2. primæ par. disp. 2 34. cap. 2. §. 1 2. quod Græci interpretes propterea non exponunt illam particulam

iam iterum, eo quod viderent ad ipsum testimonium citatum non pertinere. Est enim nexus, & copula huius textus cum præcedentibus. Verum adhuc dato quod illa particula exprimeret duas introductiones; non est necesse accipere primam introductionem in mente Angelorum; nam illa fuit introductio intentionalis, & obiectiua; & non potest per illam dici Primogenitus introductus in orbem terræ, sed in orbem intellectualem; unde nec etiam hoc modo potest sumi efficax argumentum ex hoc loco pro Aduersarijs; cum introductio in orbem terræ debeat esse physica extra suas causas, & non solum intentionalis: quapropter melius exponit hunc locum alij gratis data prædicta interpretatione de duplici introductione, una in carne passibili, & mortali; altera impassibili, & immortali per Resurrectionem, quando cepit Filij Dei notitia, & Regni ipsius spirituale propagari. Et hæc introductio potest dici facta iterum; quia per mortem Crucis videbatur à Mundo exclusus, & abscissus de terra viuientium, vel cum Genebrando in expositione prædicti Psal. 96. potest dici, secundam illam introductionem faciendam esse in extremo Aduentu Christi, quando venerit ad iudicandum, & omnia ei subiciantur. Vide plura alia de hoc textu supra Controuersia Septima

in dubio ad Axioma Tertium §. Dices 5. ex his enim, & illis ibi adductis corruiat penitus tota hæc Aduersariorum obiectio.

Dices 2. Diuum Bernardum serm. 17. in Cantica, & Rupertum Abbatem lib. octauo in Ioannem ad illa verba *ille homicida erat ab initio: docere; Angelum peccasse appetitu vnionis hypostaticæ, & eam inuidisse humanæ naturæ.* R. cum Vasquez, Diuum Bernardum ibi solum docere; Luciferum inuidia vnionis naturæ humanæ cum verbo peccasse, non tamen docet, quod eam appetierit sibi; sed solum dicit, eum indignè tulisse hoc mysterium, & dixisse *Vt quid perditio hac unguenti*; ac si diceret frustra Verbum Diuinum fuisse incarnandum. Et in eodem Sermone solum affirmat Angelum appetiisse, præesse hominibus tamquam Magistrum, & propterea dixisse *Vt quid, &c.* Ad id quod adducunt alij in confirmationem ex eodem S. Bernardo serm. 1. de Aduentu. Respondeo: neque ibi aliquid tale docuisse Mellissimum Doctorem; sed solum docuisse; Angelos, & primos homines peccasse appetitu superbo equalitatis Sapientiæ, & Scientiæ Dei; quæ cum attribuitur Filio Dei, introducit ibi illum dicentem: *Si propter me orta est tempestas, projicite me in mare*; idest mortalitatis, & passionum, quas assumpsit. Similiter ad Auctoritatē. Ruperti respondeo: ibi

solum docere; quod Diabolus peccauerit peccato odij contra Christū, statim ac nouit Mystrium Sacros. Incarnationis, & propterea illi ex tunc Passionem, & mortem molitum fuisse. Et propterea ex tunc homicidam ab initio appellatum fuisse.

Dices 3. Lucifer appetijt aliquā aliam excellentiam maiorem illis, quas habebat, vel in re, vel in spe, vt indicant Scripturæ S. textus supra adducti; sed hæc non potuit esse alia quam vnio hypostatica; ergo hanc de facto inordinatè appetiuit. Maior non habet difficultatem, & ferè ab omnibus conceditur. Minor probatur, quia si quæ alia fuisset, hæc aut beatitudo naturalis, aut supernaturalis; aut prælatio aliqua fuisset; (nam æqualitatem in natura cum Deo, nec appetiisse, nec appetere potuisse infra ostendam,) sed non fuit vlla ex istis; nam Lucifer iam præerat alijs, beatitudinem verò naturalem, iam habebat in re, supernaturalem verò habebat in spe; sciebat enim, quod eam de facto cōsequutus fuisset, si in gratia permanisset: ergo non potuit esse vlla alia perfectio illa, quam appetijt, nisi vnio hypostatica. R. neq. ando minorem. Ad probationem respondendo, non habuisse, nec dominationē siue prælationem; nec beatitudinem supernaturalem, nec naturalem eo modo, quo ipse appetebat, idest independentem, & sinè subiectione, ad

ipsum Deum, vt supra explicatum est; nec est beatitudo perfecta, siue naturalis, siue supernaturalis, nisi sit perpetua, & qui eam possidet, de hac perpetuitate sit certus, vt supra ex S.P. ostendi.

Dices 4. verba illa Isaia cap. 14. v. 13. *In Calum conscendam, &c.* nō possunt intelligi de Cælo materiali; nam Angelus iam erat in eo; ergo sunt accipienda de ascensu ad Cælū intellectualem; idest ad aliquod esse spirituale, quod ipse non haberet: hoc non erat esse Angelicum, iam enim erat Angelus, nec esse Diuinū per identitatem; sciebat enim, hoc esse impossibile. Ergo fuit esse Diuinum per vnionem hypostaticam, quod saltem ex reuelatione sciebat esse possibile. R. ex comununi interpretum consensu aliam esse prædicti textus explicationem; nā Glossa interlinealis sic interpretatur. *Cum subiecero tibi terram, quid restat nisi vt in Calum conscendam.* Glossa vero ordinaria, sic: *In firmamento erat in Calum conscendam ubi est Domini solum,* & Nicolaus de Lyra; idest *super alios Angelos, sic enim voluit præesse alijs Angelis indebitè scilicet, vt sibi exhiberent honorem soli Deo debitum, & nulli subesse; non simpliciter; cum sciret, se non posse esse absque Dei sustententia sed quantum ad regulam agendorum.* Hæc ibi Lyranus conformiter ad verum, & germanū sensum SS.PP. interpretum, & commun-

muniozem Sententiam Theologorum.

Dices 5. Io: c. 8. v. 44. habetur dictum Phariseis à Christo Domino: *Vos ex patre Diabolo estis, & desideria Patris vestri vultis perficere, ille homicida erat ab initio.* Ex antecedentibus contextus illius capitis constat Phariseos voluisse occidere Christum D. & consequenter ad hæc ipse Saluator dicit, quod perficere volebant desideria Luciferi, quæ habuit ab initio occidendi ipsum; ergo si à principio Lucifer desideravit occisionem Christi, necesse est, hoc peccatum initiale ipsius Luciferi ortum habuisse ex reuelatione vnionis hypostaticæ, quam ille appetebat, & humanitati Christi inuidebat. Et illum non esse sensum verum illius loci; sed illū, quem habet S. P. Tract. 42. in Ioannem ad prædicta verba sic. *Ille inuidit homini, & occidit hominem, Diabolus enim, cum inuide res homini serpente indutus, locus est mulieri, & de muliere venenauit & virum. &c.* Ergo ille homicida erat ab initio. Videte genus homicidij fratres. Homicida dicitur Diabolus, non gladio armatus, non ferro accinctus: ad hominem venit, verbum malum seminauit, & occidit. Immo in lib. vndecimo de Ciuitate Dei cap. 13. expressè loquens de casu, & ruina Angelorum malorum, & adducens hunc textum refundit illam in peccatum Superbiæ nolendi esse subdi-

tum creatori ait enim. *Forse quis dicat id, quod Dominus ait de Diabolo in Euangelio, ille homicida erat ab initio, & in veritate non stetit: sic esse capiendum, ut non solum homicida fuerit ab initio humani generis: ex quo utique homo factus est, quem decipiendo posset occidere: verum etiam ab initio sua conditionis in veritate non steterit; & ideo nunquam beatus cum Sanctis Angelis fuerit, suo recusans esse subditus creatori, & sua per superbiam velut priuata potestate elatus; ac per hoc falsus, & fallax.* Quem discursum in fine capitis, approbat, vt omnino diuersum à discursu Manichæorum. Similiter etiā in libro vndecimo de Genesi ad litt. cap. 16. ait. *Et homicida quidem ab illo initio, ex quo homo potuit occidi: non autem potuit occidere, antequam esset, qui occideretur: Ab initio ergo homicida Diabolus, quia ipse occidit hominem primum, ante quem nullus hominum fuit.* Hæc & similia habet Glossæ, & interpretes, tam Græci, quam Latini; ex quibus patet sensum verum, & proprium illius loci esse valdè diuersum ab interpretatione Catherini, & aliorum Neotericorum, qui eius sententiæ adhærent.

Dices vltimo: Ex Scripturis, & SS. PP. constat, Angelum peccasse ex inuidia contra genus humanum. Sed hæc non poterat versari circa perfectiones naturæ, vel gratiæ; in his enim

enim ille superabat homines; ergo necessarii sequitur fuisse circa donū vnionis hypostaticę, quam humanitati Christi D. inuidebat. *¶* verā, & germanam interpretationē Scripturarum, quę docent Angelos malos peccasse ex inuidia, esse illam, quam assignat S.P. in Axiomate huius dubij his verbis. *Posteaquam superbus ille Angelus, ac per hoc inuidus, per eandem superbiam à Deo ad semetipsum cōuersus, & quodam quasi tyrannico fastu gaudens subditis: quā esse subditus elicens, de spiritali Paradiso cecidit, &c. male suada persuasione in hominis sensum serpere affectūs, cui vtrique stanti, quoniam ipse ceciderat inuidebat colubrū in paradiso corporali elegit, &c.* Inuidia igitur contra genus humanum fuit post casum ipsius Luciferi: quia videbat; quod ipsi primi homines starent, cum ipse cecidisset, & hoc quoad quæstionem de facto satis, quoad possibilitatem enim non nego, quin potuerit Angelus peccare appetendo inordinatē ipsam vnionem hypostaticam; dixi inordinatē: arbitror enim potuisse etiam appeti ordinatē, & sine peccato; idest cum subiectione ad Diuinum beneplacitum, & affectu ac desiderio maioris coniunctionis cum ipso Deo; appetitur verò inordinatē, si appetatur ex motiuo dominandi, & tyrannico fastu gaudendi subditis, vt lupradictum est.

Dico 5. Angelum non appetiuiſ-

se appetitu absoluto, & efficaci, immò nec potuisse sic appetere equalitatem Dei in essentia, siue in natura: hanc assertionem probat S. Thomas art. 3. qu. 63. Quia nemo appetit id, quod scit esse impossibile; sed Angelus optimè nouerat, hoc esse impossibile; ergo nec appetiuit, nec potuit hoc appetere. Confirmatur ex Aristotile lib. 3. Ethic. vbi docet *Electiōnem non esse impossibilem*, cuius axiomatis ratio est, quia electio est voluntas efficax; quę tendit ad rei consecutionem; nullus autem voluntate absoluta, & efficacititur in id, quod iudicat, aut scit, esse impossibile; cum quo tamen stat, quod si detur iudicium erroneum, quod aliquid reuera impossibile alicui, sit sibi possibile; non nego; quin tunc possit aliquis tendere etiam per electionem in id, quod est impossibile, & sic libenter do, quod si Angelus habuisset iudicium erroneum de hoc, potuisset illam absolutè, & efficaciter appetere.

Dices: ex Scripturis Sacris habemus, cum reuera Deum se existimat se, & vt talem se manifestasse; ergo reuera hoc voluit, & appetiuit: probatur antecedens: nam Ezech. cap. 28. v. 2. ex probatur Diabolo hoc illis verbis. *Dixisti in corde tuo: Deus ego sum.* Sic etiam Isaia c. 14. v. 14. refertur dictum ab illo, *Similis ero Altissimo*; & ex nomine S. Michaelis Arcangelis desumptum ex actu quo

quo se illi opposuit; quod interpretatur. *Quis ut Deus*, manifestū est, Luciferum in hoc errasse. R. communiter, ex istis locis solum haberi, quod voluerit esse similis Deo; non verò quod appetierit identitatem, vel æqualitatem in natura; cū enim esset plenus scientia, optimè nouerat: hoc esse impossibile, vt ex ipsis Sacris litteris paret; propterea in his textibus exprimitur similitudo, non verò identitas, aut æqualitas vera propria, & rigorosa; ly enim *sicut*, & *similis* solam similitudinem indicant, quæ rectè stat sine æqualitate. Locus ille Ezechielis dictus est primò in persona regis Tyri, sub quo tamen figurabatur Lucifer. Et propterea Glossa ordinaria in expositione illius textus affert etiam supradictam Auctoritatem Isaïæ, *Similis ero Altissimo*: ita vt sensus sit, solum de similitudine esse ibi sermonem: & apertius Nicolaus de Lyra ibi ait *dixisti, Deus ego sum; idest potens in terra, sicut Deus in Cælo, & est hyperbole, sicut communiter dicitur de aliquo multum potente in aliqua patria, vel Ciuitate: Talis est Deus talis Ciuitatis, vel patriæ; vel fortè quia Rex Tyri ex nimia elatione faciebat sibi exhibere honores diuinos, sicut Iouis, Nabuchodonosor, & Cæsar Imperator*. Ex quibus apparet, non rectè inferri ex eo, T quod ibi sit Luciferi sermo de appetentia absoluta Deitatis per æqualitatem propriam.

Dico 2. probabile esse, quod potuerit appetere æqualitatem prædictam affectu simplici, & inefficaci non tendente in rei consecutionem; sedistente in quadam simplici complacentia libera, & hanc dicunt aliqui fuisse mentem Scoti in secundo dist. 6. qu. 1. vbi videtur dissentire à S. Thoma circa huiusmodi appetitū; sed si hæc fuit eius intentio re vera non dissentit. Probat hanc assertionem primo ex Aristotele loco supradicto: vbi docet Electionem quidē non posse esse; bene tamen voluntatem impossibilem. Prob. 2. communiter quia etiam Dammati voluntate condicionata, & inefficaci appetunt Deū non esse; quod tamē non est minus impossibile quam sit Angelum esse Deum per essentiam: Ergo etiam Angeli potuerunt modo dicto appetere hoc impossibile.

Dices primo: damnati hoc appetūt nō propter se; sed propter aliud, idest vt euadāt punitionem. At hoc non habet locum in Angelis anrequam punirentur, in quibus non apparet vllum motiuum, quo potuissent ipsi velle Diuinitatem per esse-tiam. R. sufficiens motiuum potuisse esse, quod vellent esse in maiori honore, & gloria, quam esset illa, quam habebant; & quæ proueniret ex tali æqualitate, ac proinde sibi in illa inordinate complacere.

Dices secundo in simplici complacentia non est nec meritum, nec demeriti.

meritum. Ergo Angelus non potuit hoc modo peccare. *R.* negando antecedens; nam in complacentia libera existentis in gratia, & viatoris de perfectionibus Divinis, gloria Dei, & in displicentia qua homo nollet se peccasse, postquam peccavit, licet sit voluntas conditionata, inuenitur ratio meriti, & similiter in libera, & simplici complacentia, qua voluntas delectatur de obiecto malo, vel qua desideraret Deum, non esse solum ex prauo affectu, inuenitur ratio demeriti.

Dices 3. Nullus potest appetere sui destructionem, nec etiam affectu simplicis complacentia, nisi ex errore prauo existente in intellectu. Sed si Angelus appetiuiisset simplici affectu Diuinitatem modo dicto appetiuiisset sui destructionem; cum tamen de hoc non haberet errorem in intellectu; ergo nullo modo potuit appetere Diuinitatem; Maior communiter admittitur. Minor probatur quoad primam partem, quia non poterat esse æqualis Deo in Deitate, nisi desisisset esse Angelus; [nō enim est hic sermo de vnione hypostatica, sed de identitate cum Diuina natura.] Ergo si appetiuiisset Diuinitatem modo dicto, appetiuiisset sui destructionem. Probatum etiam quoad secundam partem; quia Angelus clarè, & distinctè nouerat seipsum, & consequenter se esse creaturam, & ens essentialiter dependens,

ac proinde se non posse transire ad esse Dei, de cuius essentiali conceptu est esse ens omnino independens, nisi prius desineret esse ens essentialiter dependens. Ergo non habebat errorem in intellectu, qui requiritur ad hoc, vt posset appetere simplici affectu, seu complacentia hoc complexum impossibile, quod est, incipere esse Deum per essentialiter. *R.* quod cum Angelus non cognosceret tunc Deum sicuti est, poterat optimè se apprehendere, ac si esset Deus; hoc est, ac si super se non haberet Deum; Ex quo non sequitur eum, appetendo Diuinitatem modo explicato, appetiui se sui non esse; nam licet esse Deum essentialiter, im portet necessariò, & essentialiter nō esse creaturam, poterat nihilominus Angelus vnum sine altero voluntati proponere; id est bonum Diuinitatis, non proponendo malum, quod est in non esse sui ipsius, & hoc absque iudicio affirmante, vel negante: Sicut apprehendit præse alijs omnibus independentem à Deo, esse sibi bonum, ac proinde appetendum, pro vt de facto appetijt, vt supra dictum est; non apprehendendo, vel iudicando de malis, & pænis indè secuturis.

Dices 4: hæc simplex, & inefficax complacētia non est actus de liberatus. Ergo non sufficit ad peccatum mortale. *R.* distinguendo antecedens, non est actus delibera-

tus

tus, id est liber procedens à voluntate potente operari, & non operari, nego antecedens; & hæc sufficit ad peccatum si adsit præceptum vel naturale, vel positivum. Non est actus deliberatus procedens à voluntate eligente, ad quem præcessit con-

sultatio, concedo antecedens; sed hoc licet sufficiat ad peccandum, non tamen necessarium requiritur; quia sine hoc complacentia simplex potest esse actus liber, & ad peccatum sufficiens.

AXIOMA SEPTIMUM.

Casus Angelorum deserentium Deum.

Ex Enchiridione cap. 28. & 29.

Angelis aliquibus impia superbia deserentibus Deum, & in huius aeris imam caliginem de superna caelesti habitatione deiectis: residuus numerus Angelorum in aeterna cum Deo beatitudine, & sanctitate permansit, neque enim ex uno Angelo lapsus, atque damnatus, ceteri propagati sunt, ut eos sicut homines originale malum obnoxie successionis vinculis obligaret, atque universos traheret ad debitas penas: sed eo, qui Diabolus factus est cum socijs impietatis elatus, & ipsa cum eis elatione prostratus, ceteri pia obedientia Domino cohererunt, &c. Placuit itaque universitatis creatori, atque moderatori, ut quoniam non tota multitudo Angelorum Deum deserendo perierat, ea qua perierat, in perpetua perditione remaneret.

D V B I V M

Vtrum omnes Angeli, qui peccaverunt fuerint damnati, & quomodo.

Constans est omnium Theologorum assertio. Omnes Angelos, qui semel peccaverunt fuisse

damnatos. Et prob. 1. Ex epist. 2. S. Petri cap. 2. ubi habetur *Deus Angelis peccantibus non peperit*. Et cōfir-

firmatur ex cap. 12. Apocalyp. v. 8. ubi de Angelis peccantibus dicitur. *Neque locus inuentus est eorum amplius in Calo.* Hæc enim loca cum habeant vim propositionum vniuersalium negatiuarum satis apertè ostendunt nullum eorum veram penitentiam egisse. Si enim egissent veram penitentiam nõ fuissent damnati. Hoc idem docent communiter Patres: & hoc non obscurè indicat S. P. hic in Axiomate, cum indifferenter dicat. *Angelis impii superbia deferentibus Deum, & in huius aeris imam caliginem de superna Calesti habitatione deiectionis.*

Difficultas nunc est in assignanda firma ratione prædictæ impenitentiae Angelorum malorum, quæ ex eo oritur, quod vel penitentia erat possibilis, vel impossibilis illis. Si enim possibilis fuit, vnde constat aliquos non penituisse, & in gratiam restitutos fuisse. Si enim dicatur hoc haberi ex prædictis scripturis: responderi potest in illis esse Sermone solum de Angelis omnibus peccantibus, & non penitentibus. Si dicatur quod fuit impossibilis, huius impossibilitatis ratio assignari debet: Et hic labor est, in quo primò reiiciendus est error Origenis, docentis De nones esse purgandos, quæ refert S. P. Augustin⁹ lib. de hæresibus, & refutat hæresi 43. his verbis. *Quis enim Catholicus Christianus, vel doctus, vel indoctus, non vehementer exhorreat, eam, quam dicit purgationem malorum, idest etiam eos, qui hanc vitam in impietate finierint, ipsum etiam Diabolum, atque Angelos eius post longissima tempora purgatos, atque illuminatos Regno Dei restitui, &c.* Qui error in sexta Synodo in Epistola Sophronij, quæ fuit recitata actione secunda, & approbata actione 13. specialiter damnatus est iste Origenis error, & meritò; nam oppositum eius continetur in Euang. S. Matthæi cap. 25, in epist. S. Iudæ Apostoli, in Apocalypsi S. Ioan: cap. 20, in Symbolo S. Athanasij, & in Concilio Later. cap. firmiter. Quibus in locis habetur penas damnatorum futuras æternas. Et hic est sensus vniuersalis SS. PP. & omnium Christi fidelium. Quo errore excluso, quem Valentinus dicit Origenem in Periarchon cap. 6. non asseueranter docuisse; sed cum timore, & tremore proposuisse datis eius verbis.

Thomistæ communiter docent cum Angelico Doctore 1. par. qu. 64. art. 2. Angelos semel peccantes natura sua esse inflexibiles, eo quod immobiliter adhæreant ei, quod semel elegerunt, ac proinde eos non posse mutare electionem semel factam, & ex hac inflexibilitate oriri impossibilitatem in eis post peccatum agendi penitentiam.

E contra S. Bonaventura in secundo dist. 7. par. 1. art. 1. qu. 1. Scotus ibid,

ibid. quæst. vnica. Durandus etiã ibi qu. 2. num. 11. & Marfilius qu. 5. art. 3. & alij plures, tum antiqui, tũ recentiores docent voluntatem Angelici natura sua esse flexibilem: ac proinde aliunde esse petendam rationem impenitentiae Dæmonum: Et hoc est magis conforme doctrinæ S. P. N. Augustini, & S. Fulgentij Ruspensis Episcopi, & eius discipuli, vt habetur in libro de Fide ad Petrum, qui sub nomine vtriusque circumfertur cap. 23. vbi expressè habetur. *Hoc ipsum quod Angeli ab illo statu beatitudinis mutari in deterius nullatenus possunt, non est eis naturaliter insitum, sed postquam creati sunt gratia Diuina largitate collatum. Si enim Angeli naturaliter incommutabiles fierent, numquam de eorum consortio Diabolus, & eius Angeli cecidissent.* Hoc ipsum etiã manifestè habetur in capite tertio eiusdẽ libri. Propterea

Dico 1. totam causam impenitentiae Diaboli desumendam esse ex denegatione diuini auxilij. Quod probatur, quia Angeli mali sine speciali auxilio gratiæ, non potuerunt agere veram pœnitentiam de peccato semel commissio. Et Deus huiusmodi auxilium illis omnibus peccantibus iuste denegauit, vt ex Scripturis, & PP. habetur, & patet ex effectu. Ergo ex hoc capite sufficiens ratio impenitentiae habetur.

Dices 1. cum Thomistis intel-

ctus Angeli apprehendit immobiliter vnum oppositorum. Ergo, & voluntas Angelica adhæret vni oppositorum fixè, & immobiliter postquam illud elegerit. Antecedens probatur, quia Angeli apprehendunt sine discursu eo modo, quo nos apprehendimus prima principia; quæ propterea à nobis apprehenduntur fixè, & immobiliter. Consequentia probatur, quia voluntas est proportionata intellectui, tamquã mobile suo motori. R. quidquid sit de iudicio speculatiuo; non tamen discutamine practico, quo intellectus mouet voluntatem habere Angelũ, vt apprehendar immobiliter. Potest enim, & ipse practicè quodlibet oppositorum sub ratione aliqua boni saltem apparentis, vel delectabilis, ac proinde sine errore speculatiuo proponere voluntati oppositum eius, quod idem intellectus iudicio speculatiuo iam apprehenderat vt verum. Est tamen probabilissimum; quod longe difficilius Angelus, quã homo dimouetur ab eo, quod sibi semel proposuit. Cum enim sit perfectiori intellectu, & voluntate praeditus; sic etiã eligit firmiori quodam conatu.

Dices 2. Si Angeli natura sua essent flexibiles Deus pro sua misericordia aliquem illorum adiunisset ad salutarem pœnitentiam suscipiendam; hoc enim videtur verosimilius, & Diuinæ misericordiae con-

formius: cum hoc præster quotidie cum hominibus non semel tantum, sed plusquā septuagies septies enormissima scelera iterantibus. Sed nullum vnquam adiuvit; ut constat ex prædictis, & testatur etiam Divus Petrus in secunda Epistola cap. 2. sic Deus Angelis suis peccantibus non pepercit. Ergo dicendum est eos natura sua post electionem esse inflexibiles. & esse plures rationes, quas adducunt SS. PP. propter quas Deus voluit negare gratiam Angelis ad penitentiam salutarem, esto illorum arbitrium natura sua sit flexibile, & eam concesserit hominibus. Prima est quia homo peccavit ex imbecillitate, seu fragilitate, Angelus verò ex malitia. Secunda, quia homo peccavit alio suadente, & decipiente, Angelus sua sponte. Tertia, quia peccante vno homine perijt tota natura humana.

Dico 2. non esse certam, an Angelistatim, ac immediatè post primum peccatum fuerint damnati; licet enim communiter habeatur pro certo, quod omnes in eodem instanti simul peccaverint; non tamè propterea possumus asserere in eodem quoque momento fuisse pœna affectos simul cum peccato; nam licet posset assignari, quod in priori naturæ peccaverint, & in posteriori fuerint puniti intra idem instans durationis, seu temporis; nihilominus hoc à nullo adhuc ex Theologis,

quos vidi assertum inveni. Cum enim peccatum fuerit commissum, in via: & primum instans pœnæ fuerit initium termini, necessariò videtur debere assignari diversam durationē vni, ac alteri; neq; enim via, & terminus debent, aut possunt in eodem momento durationis implicari. Si quæras, quantum distauerit primum instans inflictionis pœnæ à primo instanti creationis, vel ab instanti lapsus, loquendo de duratione extrinseca, nihil certi possumus assignare, loquendo verò de intrinseca, ea ratione qua supra dixi, instantia Angelica desumi ab eorum operationibus ad minus tria instantia sunt assignanda. Primum est creationis, in quo omnes omnino Angeli creati fuerunt in gratia, iuxta proloquutū S. P. Deus erat in eis condens naturam, & largiens gratiam. Secundum, in quo mali per actum superbiæ se auerterunt à summo bono; quem consecutos fuisse alios actus aliorum peccatorum probabile est, sed ab his ordinariè non desumi tur diversitas instantium, cum supponatur simul cum illis durasse actum illū superbiæ, qui fuit radix aliorum peccatorum; Et propterea ab eo solū, & principaliter accipitur denominatio diversī instantis à primo. Tertium fuit, in quo incepit eorum pœna, & non solum ignis, & cruciatus, postquam deiectione fuere; sed etiam damni; nam licet omnes An-

Angeli in toto spatio viæ non viderint clarè Diuinam Essentiam; non tamen hæc carentia in Angelis malis habuit rationem pænæ; nisi quâdo ex decreto Dei habuit rationem priuationis, & priuationis æternæ; nam antea habebat solum rationem simplicis carentiæ: non enim adhuc debita erat visio beata, nec etiam bonis; Et sicut in Angelis Sanctis collatio visionis beatificæ in primo instanti; fuit debita eorum merito, & habuit rationem præmij, & primi esse termini eorum; ita carentia illius non potuit habere rationem pænæ, nisi quando incæ esse priuatio æterna à Deo decreta, & ab eis contracta pro debito supplicio suæ Apostasiæ. Propterea communiter censetur simul simultate coexistentiæ cæpisse terminum viæ Angelorum, Sanctorum, & terminum viæ Dæmonum.

Dico 3. Angelis non fuisse concessum spatium, vel locum pœnitentiæ, sed statim, ac deliquerunt fuisse irremissibiliter deputatos damnationi, & pænæ æternæ. Hæc assertio est communis in Scholis, & ex principijs S. Thomæ sequitur per necessariam consequentiam; nam eo ipso quod ponuntur natura sua post liberam electionem inflexibiles omnino, necessariò sequitur, quod frustra eis concederetur locus, vel spatium pœnitendi. In nostra verò sententia, qui ponimus eos naturæ sua

flexibiles, habet aliquam difficultatem. Immo non desuere S. holatici primarij, ac interpretes S. Scripturæ, qui oppositum docuerunt. Inter quos sunt Scotus in secundo dist. 6. quæst. 2. S. *Ad argumenta principalia, v: ad quartum.* Gabr. ibid. art. 1. concl. 2. vbi docent Angelos post primum peccatum intra spatiū viæ potuisse resipiscere; quod si fecissent inuenturi erant veniam, & misericordiam, & consequenter negant Angelum statim post primum peccatum fuisse irremissibiliter adiudicatum, & additum pænæ. Hoc defendit etiam Salmer, in suis Commentarijs super Epistolam secundā S. Petri cap. 2. disp. 3. Dubio 3. His tamen non obstantibus, non est recedendum à communiore sententia supra posita. Quæ communiter probatur, ex illo D. Petri epist. 2. cap. 2. *Deus peccantibus Angelis non pepercit*, cuius textus sensus est Deus non reliquit eis locum remissionis, & veniæ; conantur aliqui infirmare vim huius Scripturæ, dicēdo quod Apostolus ibi subiungit. *Et originali Mundo non pepercit diluniam inducens.* Cum tamen constet Deum concessisse hominibus pœnitentiam, Sed facile responderetur hic loqui Apostolum de pœna temporali Mundi; idest hominum, qui erāt in Mundo; ibi verò loquitur de æterna; unde potius erat inferendum oppositum; idest quod sicut Deus non pe-

per.

percit hominibus peccantibus, & non pœnitentibus pœnam temporalem comminatum diluuij, quia non resipuerunt; ita nec etiam pepercit Angelis peccantibus pœnam æternam, sic se explicat ibi Apostolus ipse, cum enim dixisset *Angelis peccantibus non pepercit*, statim subdit, *sed videntibus Inferni detractos in sartanum tradidit cruciandos*, &c. post illud verò de diluuiò adducit etiam in exemplum Ciuitates Sodomorum, de quibus dicit, *& Ciuitates Sodomorum, & Gommoarorum in cincrem redigens euersione damnavit*. Vbi vltèrius aduerto, quod hic Scriptura meminit de Noè custodito à diluuiò, & Loth de incendio liberato: ex quibus infert. *Nonit Dominus pios de tentatione eripere*. Cũ tamen nullam faciat mentionem de Angelorum malorum pœnitentia, vel actuali, vel possibili. Prob. 2. ex communi consensu PP. nam S. P. hic in Axiomate, & in lib. vndecimo, duodecimo, & 22. de Ciuitate Dei; & alibi indifferenter ponit Angelos per superbiam elatos, & deferentes Deum deiectos fuisse: Idem habetur expressius in libro de mirabilibus Sacræ Scripturæ, qui circumfertur inter opera S. P. in appendice tamen lib. 1. cap. 2. est celebre ad hoc intentum Axioma illud Sancti Ioannis Damasceni lib. 2. cap. 4. *Hoc fuit Angelis casus, quod hominibus mors*, Idem docent S. Gregorius

Magnus lib. 2. Moralium cap. 3. & lib. 4. cap. 9. & 10. S. Ioannes Chrysostomus homil. de Adam, & Euæ. S. Isidorus lib. 1. de Summò Bono cap. 12. & in lib. Sentent. Sent. vndecima. S. Anselmus lib. 2. *Cur Deus homo*, cap. 21. & S. Gregorius Nyssenus lib. 1. de Philosoph. cap. 3. Probatur tertio ratione à posteriori, [nam à priori nullam aliam possumus certam assignare præter diuinam voluntatem, & Prouidentiam sic disponentem;] quia de facto non conceditur remissio peccatorum, nisi per merita Christi Domini; Sed Christus non fuit Redemptor Angelorum, sed hominum solum, ut est indubitatum in doctrina S. P. N. & S. Thomæ. Ergo non poterant Angeli consequi remissionem peccati; sed statim ac peccarunt, fuerunt sine remissione addicti damnationi æternæ. Prob. vltimo, quia alias posset quis dicere inter Angelos Beatos dari de facto aliquos, qui peccauerunt, & postea per pœnitentiam veniam obtinuerunt, quod tamen ad minus esset temerarium asserere.

Dices post primum peccatum, antequam infligeretur eis pœna; & durante prælio inter S. Michaelem, Archangelum, & Draconem potuerunt addere; & communior sententia est quod de facto addiderint alia peccata. Ergo potuerunt etiam resipiscere à primo peccato, & agere pœ-

pœnitentiam. Probatur consequentia, quia si non potuissent resurgere à peccato; nec etiā peccassent addendo nouos actus malos primo peccato. Ideo enim dicitur eos non potuisse resurgere à peccato; quia non fuit eis datum auxilium sufficiens ad hoc: sed nec etiā habuissent auxilium sufficiens ad vitanda sequentia peccata: Ergo de facto non peccassent per sequentes actus quantumuis malos, quos supponitur eos exercuisse antequam de superna cœlesti habitatione deijcerentur. R. aliqui actus malos sequentes ad primum peccatum fuisse solum liberos in causa, hoc est in primo peccato; nam Angeli tunc prœuidere, & cogitare debebant, se per illud peccatum contrahere necessitatem committendi deinceps alia peccata. Hoc tamen recentioribus nō placet, quia cum essent in via, vt supponitur, ad quemcumq; actum antecedentem ad principium termini debebant esse liberi: Et quia sequentia peccata imputarentur solum ratione eius primæ voluntatis in causa, quod eis durum videtur. Sed quidquid sit de hoc, de quo alibi. Responsio communior, & magis recepta est; quod etiā tunc peccare poterant magis, ac magis, & demereri, & maiorem pœnam sibi thesaurizare; Cū enim adhuc peccent in termino damna-

tionis, etiā tunc peccare poterant; & liberum erat eis non addere illa peccata; nam licet non habuerint auxilium sufficiens, quo possent conuerti ad Deum, & agere pœnitentiam de primo peccato; habebant tamen, quatenus erat necessarium, vt possent non adijcere noua peccata. Sic soluit nodum Auerſa 1. par. quest. 64. sect. 1.

Dices 2. videtur durum quod ex vna parte Angeli post aliquod meritum potuerint peccare; & posito primo peccato non potuerint resurgere, & ex alia ad acquirendam gloriam requisita fuerit perseuerantia interrupta. R. hoc nō esse durum, sed iustissimè à Deo ordinari potuisse; vt patet in simili de primis parentibus, quibus vt conseruarentur immunes à morte, & in statu iustitiæ originalis imposuit Deus præceptum, quod toto tempore viæ debebant obseruare, post cuius primam transgressionem non fuit amplius reditus ad illum statum, nec ad immunitatem à morte. Quod verò nobis hominibus in hoc statu naturæ lapsæ concessum fuerit, vt post peccatum sumus in via, possimus ad Deum conuerti, & veniam obrinere; Hoc est singulare beneficium, & priuilegium nobis concessum propter merita Christi Domini.

AXIOMA OCTAVVM.

*Diabolus, & Angeli eius ad ignem æternum, & alias
perpetuas pœnas sunt destinati.*

Ex enarratione in Psal. 54.

D *iabolus, & Angeli eius in Scripturis Sanctis manifestati sunt nobis;
quod ad ignem æternum sunt destinati. Ipsorum tantum desperanda est
correctio, contra quos habemus occultam luctam.*

D V B I V M

Quasnam pœnas incurrerint Angeli mali
propter peccata.

Pœnas Dæmonum singillatim,
ac per partes hic breuiter per-
curro distinctis assertionibus, ea so-
lum attingens, quæ mihi magis ad
mentem S. P. videntur, & initium
sumo à pœna intellectus, &c.

Dico 1. Maximam, & omnium
pœnarum primam esse in Dæmoni-
bus priuationem visionis beatifi.æ;
sicut enim in uisione beata primariò,
& formaliter saltem inadæquarè cõ-
sistit beatitudo; sic eius priuatio est
maxima, & prima omnium damna-
torum pœna. De hac loquitur S. P.
lib. undecimo de Ciuitate Dei cap.
13. ubi cum dixisset; *visusque coniun-*

*cto effici beatitudinem, quam recto
proposito intellectus naturalis deside-
rat. Hoc est ut incommutabili bono,
quod est Deus sine ulla molestia per-
fruat, & in eo se in æternum esse
manjurum, nec ulla dubitatione cun-
ctetur, nec villo errore fallatur;* su-
biunxit, *Hanc habere Angelos lucis
pia fide credimus; hanc nec antequam
caderet habuisse Angelos peccatores,
qui sua prauitate illa luce privati sunt,
consequenti ratione colligimus.* Hanc
pœnam consequitur in intellectu Dæ-
monum, sicut, & aliorum damnato-
rum continua cogitatio de suis dam-
nis, & malis, quæ ob peccatum pa-
tiantur.

tiuntur, & de bonis, quæ amiserunt: & ob maiorem suum cruciatum non possunt à tali cogitatione mentem auertere; à qua provenit tristitia, de qua infra.

Dico 2. Angelos malos fuisse spoliatos quarumcumque notitia entitatiuè supernaturali, tam actuali, quam habituali, quod probatur ex Apost. ad Heb. 11. ubi de Fide supernaturali dicitur, quod sit *substantia rerum sperandarum, argumentum non apparentium*. Quapropter cum beatitudinem sperare non possint, non est cur eis detur, aut conseruetur fides supernaturalis, est enim par ratio de illis, ac de cæteris damnatis in quibus communi consensu docent Theologi non conseruari huiusmodi actus, vel habitus supernaturales. Et hoc est verum non solum de illa cognitione supernaturali practica, & affectiua, quæ est causa efficax amoris Dei, & pertinet ad donum Sapientiæ, de qua S. Io: in prima epistola c. 4. dicit. *Qui non diligit non novit Deum*, & S. P. Augustinus epist. 112. docet solos Mundos corde videre Deum etiam in hac vita cognitione illa, quæ habetur per donum Sapientiæ. Hanc enim omnino ablatam esse à Dæmonibus nullum est dubium cum exciderint à charitate, nec possint eam amplius recuperare. Sed verificatur etiam de quacumque cognitione speculatiua entitatiuè supernaturali; nam sicut non habent

spem supernaturalem, ita nec etiam fidem infusam, sine qua huiusmodi cognitiones non habeantur.

Dices 1. S. Iacobum Apostolum in sua epist. canon. cap. 2. Fidem hominum peccatorum comparare cum fide Dæmonum, qua credunt, & contremiscunt. Sed in peccatoribus fidelibus dantur, & habitus, & actus fidei entitatiuè supernaturales. Ergo etiam in Dæmonibus. R. similitudines non tenere in omnibus, ac proinde inualuisse Axioma eas non currere quattuor pedibus. Quapropter similitudo ista Apostoli tenet solum in eo, quod utraque fides ipsdem veritatibus assentitur; & quod neutra sufficit ad salutem. Fides enim sine operibus mortua est. Sed non stat comparatio in eo, quod sicut Fides Christianorum existentium in peccato mortali est donum supernaturale, & habitus infusus, ita etiam sit fides Dæmonum.

Dices 2. S. Thomas Q. 64. docet cognitionem gratuitam speculatiuam, fuisse solum diminutam; & quod de Diuinis secretis reuelaretur eis quantum oportet: in cuius rei confirmationem adducit Auctoritatem S. P. Augustini lib. 9. de Ciuitate Dei cap. 21. circa medium. R. non propterea Angelicum Doctorem concedere illis notitiam, quæ sit in se entitatiuè, & formaliter supernaturalis; sed solum notitiam, quæ sit ad instar fidei humanæ, quod aperte indicat

Auctoritas illa S. P. qui in loco citato; ac etiam in libro secundo de Genesi ad litteram cap. 17. docet hanc notitiam à Dæmonibus haberi, vel per reminiscentiā eorum, quæ prius dum erant in via, illis reuelata fuere; vel per nouam acquisitionem ex effectibus Dei, vel ex reuelatione Diuina notificata ipsis Dæmonibus ministerio Angelorum Sanctorum iuxta Diuinæ Prouidentię dispositionem: audiamus ipsum S. P. qui in primo loco cit. ait. *Ipsi autem Dæmones etiam hoc ita sciunt, ut eidem, Domino infirmitatis carne indato dixerint. Quid nobis, & tibi Iesu Nazarene, &c. Tantum verò eis innotuit quantum voluit: Tantum autem voluit, quantum opportuit. Sed sic innotuit, non sicut Angelis Sanctis, qui eis secundum, quod verbum est participata eternitate perfruntur, sed sicut eis terrendis innotescendum fuit, &c. Innotuit ergo Dæmonibus non per id quod est vita æterna, & lumen incommutabile, quod illuminat pios; cui videndo per Fidem, quæ in illo est, corda mandantur: sed per quadam temporalia sue virtutis effecta, & occultissima signa præsentia, quæ Angelicis sensibus etiam malignorum spirituum, potius quam infirmitati hominum possent esse conspicua: Denique quando ea paululum suppressenda indicauit, & aliquando alius latuit, dubitauit de illo Dæmonum princeps, enimq; temptauit, an Christus esset. Similia ha-*

ber etiam in secundo loco citato, ex lib. 2. de Gen. ad litt. ex quibus patet huiusmodi cognitiones esse quidem de obiectis supernaturalibus; puta de mysterio Incarnationis, de quo præcipuè loquitur hic S. P. ipsas tamen non esse in se formaliter supernaturales; nec supponentes in eis habitus supernaturales, vt clare hic se explicat S. P. vbi etiam aduertendum est cum S. Th. loco cit. Dæmones in penam sui peccati carere plurimarum rerum notitia, quæ habent S. Angeli, & quam etiam ipsi habuissent, si persistissent in gratia; quod non obscure indicat hic, & alibi S. P.

Dico 3. Dæmones non fuisse spoliatos cognitione naturali, quam iuxta suam naturalem virtutem intellectiuam exigunt habere. Prob. communiter Auctoritate D. Dionysij in lib. de Diuinis nominibus cap. 4. vbi ait *Dæmones non omnino exortes boni sunt. Quia, & sunt, & viuunt, & intelligunt, eisque in eis quidam desiderij motus.* Ex eodem cap. adducit communiter vulgari illud Axioma. *Naturalia in Dæmonibus integra permanserunt, quod 1. par. Qu. 64. art. 1. S. Thomas sic proponit. Data sunt Dæmonibus aliqua dona, quæ nequaquam mutata esse dicimus: sed sunt integra, & splendidissima: inter ista autem naturalia dona, est cognitio veritatis.* Ex quo principio infert S. Doctor in Dæmonibus cognitionē

naturalem, nec esse ablaram, neque diminutam; eo quod consequatur ipsam naturam Angeli, qui secundum suam naturam est quidam intellectus, vel mens; & ideo propter simplicitatē suę substantię à natura ei⁹ aliquid subtrahi nō potest, ut sic per subtractionē naturalium puniatur, sicut homo punitur p subtractionē manus, aut pedis, aut alicuius huiusmodi. Hęc tamen S. Tho: doctrina nō sic est intelligēda, quasi Deus nō potuerit spoliare Demones omni actu cognitionis naturalis; nam licet Angeli sint simplices quoad substantiam; nihilominus actus isti sunt verē distincti ab ipsorum substantia, quę sine illis rectē conservari potest. Habet etiam apud me specialem difficultatem attentis principijs Doctrinę Thomisticę, quod & in Angelis, & in anima rationali potent. & spirituales, puta intellectus, & voluntatis, distinguantur realiter ab eorum substantia distinctione reali, nam ea posita; non video quomodo Deus de potentia absoluta, non potuisset privare Angelum potentia intellectiva remanente integrā illius substantiā; si ut auferatur pes, vel manus ab humine remanente integrā substantia animę ipsius. Propterea cenſeo doctrinā illam Angelici Doctoris esse intelligendam de inclinatione radicali ad cognoscendum, quę est ipsamet substantia Angeli, quę propterea tolli ab eo nō potest,

quia est identificata cum illo qui est substantia simplex, ac proinde nō diuisibilis in partes, ut est corp⁹ humanū

Dico 4. Pœnam Demonum ex parte voluntatis fuisse obstinationē in malo, quam pulchrē explicat S. P. lib. 14. de Ciuitate Dei cap. 27. sic *Peccatores, & Angeli, & homines nihil agunt, quo impediuntur magna opera Domini exquisita in omnes voluntates eius; quoniam qui prouideret, atque omnipotenter sua cuique distribuit, non solum bonis, verum etiam malis benē uti nouit, ac per hoc propter meritum prima mala voluntatis, ita damnato, atque obdurato Angelo malo, ut iam bonam voluntatem ulterius non haberet, benē utens Deus, cur non permitteret, ut ab illo prius homo, qui rectus, hoc est bona voluntatis creatus fuerat tentaretur?* &c. Ex hac S. P. doctrina non est dubium desumptam fuisse à S. Fulgentio eius discipulo illam celebrem sententiā, quę hab. in lib. de Fide ad Petrum cap. 3. *Dæmones, nec mala umquam posse carere voluntate, nec pœna.* Prob. hęc assertio à S. Thoma loco citato art. 2. ex illo Psal. 73. *Superbia eorū, qui cederunt ascendis semper.* Huius obstinationis causam docet Thomistę esse inflexibilitatem liberi arbitrii Dæmonum supra explicatam. Verum cum ex vna parte ipsi Angeli mali peccando ostenderint suam voluntatem esse flexibilem à bono in malum; & ex alia partē homines dam-

damnati sint, & ipsi quoad voluntatem in malo obstinati, quos tamen certum est non habere voluntatem ex natura sua inflexibilem, aliunde petenda est ratio. Propterea censeo eam esse petendam partim ex eo, quod semper sunt in actuali odio Dei propter perpetuum cruciatum in quo veriantur; ex quo fit ut omnia eorum opera sint pessima partim; ex eo quod Deus nolit illis dare auxilium gratiæ, quo conuertantur. Quod habet locum non solum in Angelis; sed etiam in hominibus damnatis, & probari potest ex natura ipsius obstinationis damnatorum, quæ consistit in his duobus. Primo ut non possint dolere de peccatis. Secundo in eo quod non possint bene operari.

Dico 4. præter has penas dari etiam in Dæmonibus dolorem continuum, qui à Theologis dicitur pæna sensus. Sicut carentia visionis beatificæ dicitur pæna damni. Cui enim peccando se auerterint à Summo bono, & conuerterint se ad creaturas: illi auersioni correspondet pæna damni, & huic conuersioni correspondet dolor iste, & pæna sensus, quæ infligitur à creatura; qui enim inordinate appetiuit res creatas dignus est, ut ab illis crucietur; sicut quia noluit frui summo bono dignus est, ut illius inuicis, & possessione perpetuo priuetur. Dolor iste, & cruciatus probatur ex varijs Scriptu-

ræ Sacræ locis, in quibus & Dæmones, & animæ hominum damnatorum dicuntur cruciari, & torqueri die, ac nocte in sæcula sæculorum; ut propterea S. P. lib. 21. de Ciuitate Dei cap. 10. docuerit spiritus incorporeos, licet miris, veris tamen modis cruciari ab illo igne corporeo.

Dices in Dæmonibus non est corpus, & consequenter nec etiam sensus. Ergo non potest eis infligi dolor iste, siue pæna sensus. R. cum S. Thoma qu. 64. artic. 3. Dolorem posse suum dupliciter primo, ut est passio appetitus sensitiui, & hoc modo non ponitur à nobis in Dæmonibus, quia carent parte sensitiua; Secundo ut est simplex actus voluntatis renitentis ad ea, quæ sunt, quæ nollent esse, & ad ea, quæ non sunt, & vellet esse. Et hoc modo est in Dæmonibus, qui nollent esse in miseria, in qua sunt, & vellent habere felicitates, & bona, quæ non habent.

Dico 5. Dæmones torqueri ab igne corporeo esse communem SS. PP. & Theologorum Sententiã, conformem Sacris Scripturis; nam Math. 25. hab. *Ite maledicti in ignem æternum, qui parati estis Diabolo, & Angelis eius.* Apocalyp. c. 20. *Diabolus missus est in flagnum ignis, & sulphuris.* Hunc ignem non esse Metaphoricè, & spiritualiter solum accipiendum; sed verè, & corporaliter pro certo habetur à DD. & in confirmationem præter scripturas

præ-

prædictas affectur communiter Textus ille 3. P. loco supra cit. *Dicamus, quamvis miris, veris tamen modis, spiritus incorporeos posse pæna ignis corporalis affligi.*

De modo tamen quo cruciantur non levis est inter Scholasticos questio; nam Henricus Quodlib. 8. qu. 34. & cum eo alij ex Theologis antiquioribus dixerunt Dæmones, & animas separatas torqueri ab igne illo, eodem modo, quo anima nostra in corpore patitur, & cruciatur, dum corpus exurit. Sed hæc sententia communiter refellitur, si velit Dæmones pati ab igne corpoream vllā læsionem, aut dolorem sensibilem, qualem patimur nos in sensu tactus, & in appetitu sensitivo, cum istis omnino careant. Si verò intelligant hunc dolorem, & cruciatum esse tristitiam voluntatis, cum nō repugnet fieri à Deo, ut ea apprehensio, & tristitia, quæ causatur ab igne corporeo in nostro intellectu, & in nostra voluntate, causetur etiam in intellectu, & voluntate Dæmonum ab ipso igne, ut instrumento iustitiæ Dei; est satis probabilis, & habet patronos Scotum in Quarto dist. 50. qu. 1. art. 2. Zumel in pri. par. qu. 64. art. 4. qu. 3. & fauet S. Bonaventura in Quarto dist. 44. par. 2. art. 3. qu. 2.

Recentiores aliqui cum Pefantio pri. par. qu. 64. ad art. 4. disp. 5. Malonio in secundo dist. 6. disp. 10. sect. 2. & Suario lib. 8. de Angelis cap.

11. docent ignem corporeum inferni eleuari virtute Dei, ut instrumentum ad imprimendam Dæmonibus qualitatem doloriferam ipsis repugnantem, ex qua postea Dæmones trisentur. Hanc sententiam multo ante tempora horum DD. retulerat Durandus in Quarto dist. 44. qu. 11. art. 15.

S. Thomas in præcit. Qu. 64. art. 4. in resp. ad 3. & in lib. 4. contra Gentes, & alibi, & cum eo ferè omnes Thomistæ docent Dæmones cruciari ab illo igne per alligationem, hoc est alligatos detineri, & ex hoc affligi, atque tritari. Et hunc dicendi modum absolute tradiderunt etiā Scotus in Quarto dist. 44. qu. 2. S. *Ad Questionem dico.* S. Bonaventura loco supra citato, & Riccardus art. 2. qu. 3. eum etiam satis probabilem existimavit. Durandus loco cit. à nu. 26. Si ponantur spiritus esse in loco secundum suam substantiam; difficilem verò si ponantur esse solum per operationem res est incerta; probabilis est quilibet ex his modis; *Quid autem horum verum sit res ipsa expeditius indicabit, quando erit scientia tanta Sanctorum, ut eis cognoscendarum illarum pænarum necessaria non sit experientia, sed ea, qua tunc erit plena, atque perfecta, ad hoc quoque sciendum sapientia sola sufficiat.* Nunc enim ex parte scimus, donec venias quod perfectum est; dum tamen nullo modo illa corpora talia fuerant.

ant a esse credamus, ut nullus ab igne afficiatur doloribus. Sic dicitur S. P. in citato lib. 21. de Civitate Dei cap. 9. & postea cap. 10. fuisse pertractat hanc questionem de spiritibus docens miris, tamen veris modis etiam spiritus incorporeos posse pava corporalis ignis affligi. Quam doctrinam, quia varijs eruditionibus exornat, eruditissimus noster Leonardus Coquæus in præcitato loco, Et Codex est rarus, placet hic ipsius verba referre. Ait igitur. *An ignis inferni sit corporeus, & eiusdem rationis cum nostro igne, disputant Theologi in 4. sentent. distinct. 50. videtur aliquando D. Augustinus dubitasse. Nam supra lib. 20. cap. 16. ita scripsit: Qui ignis eiusmodi sit, vel in qua parte Mundi futurus sit, hominem arbitror scire neminem, nisi cui id divinus spiritus ostenderit. Damascenus extremis verbis lib. 4. scribit non esse materialem, qualis est apud nos, sed qualem Deus novit. D. Gregorius lib. 15. moral. cap. 17. corporeum ignem perpetuo indigere nutrimento, ignem vero Inferni, quia incorporeus est, alimento non egere. Lactantius lib. 7. dicit ignem illum diversum esse ab hac nostra. Est autem Theologorum communis opinio ignem illum esse corporeum. Frequenter enim meministi scriptura illius ignis, nec quicquam est, quod nos cogat, ut eum metaphorice exponamus. Et hic aperte docet D. Augustinus illum esse corporeum. Cum enim nihil ferè habeas*

difficilis, quo pacto corpora damnatorum, post resurrectionem ab igne corporeo patiantur, necesse est ut etiam demones, & anima prorsusquam iterum corporibus coniungantur eodem igne crucientur. Si quidem ex verbis illis scriptura. Itc maledicti in ignem æternum, qui preparatus est Diabolo, & Angelis eius, aperte constat eundem esse ignem, quo cruciamur demones, & quo torquentur corpora damnatorum. Et igitur ille ignis corporeus. Et D. Augustinus conatur dissolvere argumenta Philosophorum, quibus illi adducebantur, ut crederent non posse rem spirituales pati ab igne corporeo. Ad id enim Demones igni alligari quemadmodum anima corrupta est corpori, etsi discrimen in eo existat, quod anima corpori coniungatur, ut vitam illi det; demones vero igni alligantur, ut inde penam accipiant. D. Hieronymus epist. 59. ad Autum, & in Apologia contra Rufinum, propterea taxat Origenem, quod metaphorice interpretaretur ignem inferni, conscientiam videlicet peccatorum, & penitudinem interna cordis urenti, & in cap. 66. Isaia interpretatur stridorem dentium propriè accipiendum, multo igitur magis existimant ignem propriè accipi debere. D. Gregorius lib. 4. dialog. cap. 29. aperte docet ignem illum corporeum esse, & qui induxerunt ignem metaphorice, vel impropriè dictum non videntur alia ratione fuisse impulsæ, quam difficultate argumentorum in contrariam par-

partem; quod tamen de hic passim docet Augustinus, minime faciendam fuit, cum multa sint alias evidētissima, quorum tamen nullam propemodum rationem reddere possimus. Quod aliquando Patres videntur illum ignē vocare incorporeum, respondere potest non negasse eos verum ignem, sed dixerunt aliquando esse incorporeum, nō quod sit spiritus; verum quia alterius sit rationis a nostro igne, multo eo subtilior, ac maiori ut prae dictus calefaciendi; quod constare videtur, & D. Gregorius, quod supra observavimus, aliquando ignem infernū, aut esse corporeum; aliquando incorporeum; atque hoc sensu intelligendus est Damascenus, & D. Augustinus cum proficitur se ignorare qualis sit ille ignis.

Sicut docetis hominib⁹ visū eī (Ita sentit Origenes lib. 2.) ubi solum Deū ait esse incorporeum, & Tertullianus lib. de car. Christi Angelos esse corporeos licet non carne praeditos. Basilijus lib. de Spiritu Sancto cap. 16. Angelos non tantum vult esse corporeos, sed etiam in proprijs corporibus videri posse, & visos aliquando fuisse. In 7. Synodo generali, act. 4. in eandem sententiam adferuntur varia testimonia Græcorum Authorum. D. Augustinus hoc loco videtur, quidem hac de re ambigere, ut etiam in Enchiridio cap. 59. alias tamen saepe magis propendit in eam sententiam, ut existimet Angelos habere corpora, ut supra lib. 11. cap. 23. & lib. 2. super Genes. ad litt. cap.

17. & Epist. 115. ad Nebridium causam celestis mirus Angelorum refero in subtilitatem corporum. Vbi tamen adverte S. P. hanc sententiam retractasse { Primo Retrahit. c. 27. Si autem quispiam } D. Thomas quaest. 16. de malo art. 1. citat, ut docet ex sententia D. Augustini quācumque sententiam quis asserat, non malum pertinere ad doctrinam fidei Christianae, ut neutra sit de fide.

Quamvis miris, tamē veris modis etiam spiritus incorporeus certum quidem est ex Scriptura, & Patrum auctoritate torqueri illa igne inferni, & Damones, & animas damnatorum, quae verò ratione cum sint substantia, & spirituales, & incorporea patiuntur ab illo igne corporeo, non ita cerè constat. De hoc cum D. Augustinus hoc loco disputat D. Greg. lib. 4. dialog. cap. 29. & Scholastici in 4. dist. 50. Ex quibus Durandus ingenuè fatetur non posse in hac vita sciri, quomodo ignis corporeus agat in animam incorpoream. D. Greg. loco citato, dicit ex igne visibili inuisibilem panem animas trahere, quod ita interpretatur Bellarminus lib. 2. de Purg. cap. 12. quia occulta, & incognita est nobis; Suarez verò tom. 4. in 3. p. D. Thomae disputat. 46. sect. secunda dolorem inuisibilem, ex D. Gregorio interpretatur, non quia nobis occultus est, sed quia spiritualis est, & non sensibilibus, ubi vult per actionem ignis fieri in spiritum qualitatem illi disconuenientē, qua sit obiectum doloris, & tristitia.

Pro-

Probabile est eo quidem igne cruciari
dæmones, & animas non quod illo igne
comburantur, cum res spirituales, non
admittent in se huiusmodi actionem,
vel qualitatē; Sed quod in eo igne,
tamquam in carcere detineantur. Dū
enim dignitatem suā naturā conside-
rant, deinde se ita esse veluti alligatos
illi igni contra suam ipsorum volunta-
tem, tanquam carceri sibi à diuina Iu-
stitia per scripto, ut inde recedere non
possint, necesse est, ut inde summa tri-
stitia afficiantur. Accidit quod sint
veluti definiti ab igne, ne de alijs re-
bus possint cogitare, quod etiam cedit
in partem supplicij; & locus ille, in quo
desinentur, vilissimus est, & ita expli-
cat D. Tho: 1. par. q. 64. art. 4. ad 1. cum
ait locum non esse penalem Dæmon,
vel anima, quasi efficiat aliquid alte-

rando naturam; sed quoniam officit
voluntatem eam contristando cum Dæ-
mon, vel anima apprehendit se esse in
loco non conuenienti suā naturā, &
lib. 4. contra gentes cap. 9. idem docet.
Vbi tamen erant sine corpore ani-
mæ.] Illa ergo improprie, & meta-
phorice intelligenda sunt; unde ex hoc
Luca male Tertullianus colligit ani-
mam esse corpoream lib. de anima cap.
7. & 9. & lib. de resurrectione car.
cap. 17. Verum ex hoc loco non conclu-
di animam esse corpoream, docet Au-
gustinus lib. 4. de anima, & eius ori-
gine cap. 16. & Gregorius Nyssenus di-
sputat. de anima, & resurrectione, ubi
membra illa spiritualiter interpreta-
tur, [Hæc ibi Coquæus.] Et hæc ja-
tis de hac tetra materia,



CONTRORSIA

NONA, ET VLTIMA.

De Ordinatione, Potestate, Missione,
& Custodia Angelorum.

AXIOMA PRIMVM.

Angeli sunt dispositi per Ordines.

Ex lib. ad Orosium contra Priscillianistas;
& Origenistas cap. 11.

Esse Sedes, Dominationes, Principatus, Potestates in caelestibus appar-
tibus firmissimè credo, & differre inter se aliquid indubitata fide te-
ner.

D V B I V M

Quomodo Angeli dispositi sint per ordi-
nes, & Hierarchias.

Difficultates has breuiter per-
stringo; licet enim habeant
etiam eruditione plurimum; pa-
rum tamen habent de Scholastica.
Disputatione. De quibus videri
potest Suarez. tom. secundo. in pri-

ma partem, qui est de Angelis,
propterea per assertiones breues;
quæ sunt præcipua perstringo, &
Dico 1. Hierarchiam idem esse,
ac Sacrum Principatum, vel Sacram
Rempublicam, & quemadmodum.

B b b

in-

inter homines est vna Ecclesiastica Hierarchia sub Christi Domini vicario vt sub capite; ita & in Angelis esse vnā Hierarchiam, si considerentur in ordine ad Principem, Quatenus scilicet tota hominum, & Angelorum multitudo, qui sacris participant sub vno Principe, idest Deo gubernantur. Et hoc sensu S.P. lib. 12. de Ciuitate Dei cap. 1. docuit duas esse in toto vniuerso Ciuitates vnā SS. Angelorum, & hominum sub vno principe Deo; alteram maiorem sub principe Diabolo primā illam describit. *Vna est enim, ait ibi Coque^r sic, & eadem, velut Respublica Ciuitas, ac societas, seu maior Ecclesia, quæ complectitur electos ex Angelis, & hominibus, vt non alia sit Angelorum, & hominum societas, etsi naturæ sint differentes, in his spectandum tamen quod est gratia, quod in eundem finem beatitudinis, & gloriæ sint à Deo ordinati; quod homines affluendi sunt pro varietate meritum ad omnes Angelorum ordines, &c.*

Dico 2. inter Angelos ipsos esse tres Hierarchias. Hec est communis, & vnanimis PP. & Theologorum sententia, vt ex D. Dionysio in lib. de celesti hierarchia cap. 6. ostendit S. Tho. pri. par. qu. 108. art. 1. Liget enim considerata tota illa multitudo beatorum spirituum in se sub vno Deo nomine vnitatis appellatur Celestis Hierarchia: ab ipso tamen S. Dionysio loco cit. diuiditur in supre-

mam, mediam, & infimam, & in vna quaque ex his tribus numerantur tres ordines, siue Chori Angelorum distincti. In suprema enim sunt Seraphim, Cherubim, & Throni. In media Dominationes Virtutes, & Potestates. In infima Principatus, Archangeli, & Angeli, &c. Alter tamen disponuntur hi nouem Chori à S. Gregorio hom. 34. in Euangelia, & à S. Bernardo lib. 5. de Consideratione ad Eugenium. Qui secundæ Hierarchiæ, pro secundo Choro adscribunt Principatus, & infimæ Hierarchiæ pro primo Choro, Virtutes reponunt; refert tamen Beatus Tract. de Angelis cap. 3. qu. 10. S. 5. ex testimonio Dionysij Chartusiani in Commentarijs super Dionysium. D. Bernardum deluisse, quod dissensisset ab Areopagita. Sufficiens tamen diuisionis in nouem Choros ab omnibus Catholicis retinetur, neque de ea dubitare; nam ex scripturis Sacris: & ex vnanimi consensu PP. habetur. Ad Romanos enim cap. 8. numerantur tres; idest Angeli, Archangeli, & Principatus. Ad Colossenses cap. 1. tres alij, idest Throni, Dominationes, & Potestates, & in epist. 1. ad Corinth. cap. 13. Virtutes. In libro Gen. cap. 3. fit mentio de Cherubinibus, & Isaiæ cap. 6. de Seraphinis. Et hoc passim etiam S. Gregorius homil. prædicta ex Scriptura Sacra, nouem Choros esse collegit, & probauit. Veritas hæc

Hæc ab illis, qui sunt de hac materia scribere probatur etiam Auctoritate PP. & primo S. Martialis in Epistola ad Tolosanum cap. 12. S. Antonij Abbatum epist. 5. quæ hab. tomo 3. Bibliothecæ PP. S. Dionysij loco citato. S. Ignatij Martyris in epist. ad Trallianos. S. Irenæi lib. 2. aduersus Valentini cap. 54. S. Atanasij ferm. 3. & 4. contra Arrianos, & in qu. 4. ad Antiochum. S. Basilij in Liturgia. S. Io. Chrysostomi hom. 2. de Incomprehensib. Dei natura, & hom. 4. in Gen. S. Cyrilli Alexandrini lib. 1. in Genesim. S. Io. Damasceni lib. 2. de Fide cap. 3. S. Hilarij in Ps. 134. Beati Laurentij Iustiniani in ferm. de Angelis. Nostri S. Thomæ de Villanova ferm. de S. Michael Archang. S. Clementis Romani lib. 8. Constit. Apostolicarum cap. 12. & aliorum.

Dico 3. prædicta nomina quæ singulis Choris attribuantur esse nomina significatiua personas, & officia distincta; sic enim docet S. Dionysius loco cit. & plures alij PP. & præcipue S. Gregorius in prædicta homilia, id colligit expressè ex Sac. Scriptura, & indubitanter asserit.

Dices 1. hæc nomina in scripturis sæpè accipiuntur promiscue; nomen enim *Angelus* est nomen genericum de singulis quibusque ex quolibet Choro prædicabile. Similiter etiam nomen *Arcangelus* S. Michaeli tribuitur, qui tamen à PP. communiter in Choro Seraphim collocatur,

& inter illos primus esse dicitur. R. id accidere ob conuenientiam naturæ, vel ob similitudinem officiorum, quæ nobis exhibent, propter quæ quando concionatoriè, non verò in toto rigore Scholastico loquimur, solemus ea usurpare, & miscere; vt contingit etiam in alijs materijs.

Dices 2. S. P. in Enchiridione cap. 58. ait. *Quomodo autem se habeat Beatissima illa, & suprema societas, qua ibi sunt differentia personarum, cum omnes tanquam generali nomine Angeli nuncupentur, &c. & quid inter se differant quatuor illa vocabula, quibus vniuersam ipsam celestem societatem videtur Apostolus esse complexus dicendo, siue Sedes, siue Dominationes, siue Principatus, siue Potestates: dicant qui possunt, si tamen possunt probare quod dicant. Ego me ista ignorare confiteor.* Ergo non est certum apud PP. illa nouem nomina esse nomina significantia diuersos ordines, & Choros. R. eundem S. P. tollere hanc difficultatem in Axiomate posito pro fundamento huius dubij; tum dicit se indubitata fide tenere quod differant.

Dico 4. Distinctionem prædictarum Hierarchiarum; & nouem ordinum iuxta communiozem explicationem consistere in eo, quod Angeli supremæ Hierarchiæ sunt veluti assessores, & cubicularij Dei, per quos ad reliquos Angelos Diuinæ reuelationes deriuantur, vt docet S.

Dionys. cap. 7. Cælestis Hierarchiæ; quibus in Ecclesia militanti correspondent viri Sancti, & contéplatiui, quibus immediatè à Deo multa reuelantur. In hac perfectissima Hierarchia infimus Chorus est eorum, qui dicuntur Throni, eo quod sint quasi Sedes Dei. Medius est eorum, qui dicuntur Cherubim à plenitudine scientiæ. Supremus eorum qui dicuntur Seraphim à plenitudine Charitatis. Hi tres ordines occupantur solum in assistentia ad Diuinam Maiestatem, & per se non mittuntur ad exteriora, seu inferiora ministeria.

Secunda Hierarchia habet Angelos; vt docet noster B. Egidius in secundo dist. 9. qu. 2. art. 1. dub. 2. ad quos spectat dispositio Diuinorum Ministeriorum, & sunt veluti præfæcti operum, quorum spiritus infimæ Hierarchiæ sunt executores; quibus etiam imperant; ita vt Potestates, quæ in infimo ordine huius sunt habeant statuerè, & disponere ea, quæ acceperunt à suprema Hierarchia, esse executioni mandanda; quapropter isti mandant, & tres ordines infimæ Hierarchiæ exequuntur. His S. Gregorius tribuit etiam specialem in Dæmones potestatem; Virtutes verò, quæ sunt in secundo Choro ex D. Dionysio loco citato, præfunt operibus miraculosis, quæ extra commune cursum causarum secularum contingunt; vt propterea S.

Areopagita dicat. *Virilem quandam fortitudinem habere, qua in actionibus suis omnibus ad imitationem Dei potenter assurgunt.* Supremus ordo in hac Hierarchia est illorum spirituum, qui dicuntur Dominationes; ad quos spectat mandando præesse; ita tamen vt in hoc differant à Potestatibus, vt non solum tribus infimis Chorjs; sed etiam ipsismet Potestatibus imperent; sic explicatur dictum illud S. Dionysii loco citato de Dominationibus, esse scilicet. *Intelligentias celsiores, omni inferiori submissione liberas, & omni sexuile, & diminutioni obnoxio opere superiores.* Becanus loco citato dicit ad hanc Hierarchiam spectare regimen generale S. Ecclesiæ militantis, & executionem eorum, quæ ad vniuersale bonum eiusdem Ecclesiæ spectant. Quibus ait in Ecclesia militante respondere Prælatos, qui curam habet communitalis.

Tertia, & infima Hierarchia habet in infimo ordine spiritus illos, quibus nomen commune, & generale omnibus alijs appropriatur; & propterea dicuntur Angeli, idest missi ad ministrandum hominibus. Chorus medius continet illos, qui Arcangeli appellantur; de quibus incertum est apud D. D. an excellentia illorum consistat præcisè in maiori excellentia, & perfectione eorum; an verò etiam in aliqua iurisdictione supra Angelos; hoc posterius vide-

tur

tur esse de mente S. Dionysij cap. 9. prædicti libri de celesti hierarchia, ubi admittit aliquam iurisdictionem, & illuminationem eorum. Aliqui tamen cum Suario contendunt dictum S. Dionysij esse intelligendum de indirecta potestate, quando ratione personarum altioris gradus, & conditionis, quarum dicuntur esse custodes videntur posse imperare aliquid Angelo Custodi personæ inferioris, & subiectæ alteri personæ, cuius Archangelus curam habet. Primus Chorus huius Hier: est eorum, qui dicuntur Principatus; quibus ab omnibus conceditur aliqua iurisdictione ad imperandum non solum Angelis, sed etiam Archangelis; & ad eos illuminandum, & instruendum, iuxta ordinem Diuinæ Prouidentię sibi manifestatum. Ex his communior fuit sententia aliquos suscipere curam Regum, aut regnorum; vel etiam Pontificum, & in hoc ordine dicit Arriaga S. Dionysium collocare S. Michaellem, quod tamen esse valde dubium, asserit & recte; nam communiter censetur esse in supremo ordine primæ Hierarchię, & Principem, id est primum totius militię celestis, de quo infra. Hanc Hierarchiam dicit Becanus loco citato, habere curam eorum omnium, quæ ad speciale regimen pertinent; quibus in militanti Ecclesia, ait respondere curatores negotiorum, & causarum particularium; Puto ta-

men huius Auctoris sensum, tam circa præcedentem Hierarchiam supra relatum, quam circa hanc infimam non esse restringere munera, & potestates illorum spirituum ad eas solum, quæ ipse commemorat; id est ad regimen, & bonum Generale militantis Ecclesię, tantum; & ad sola negotia particularis; nam & de partibus vniuersi corporei; ac etiam de illis, quæ extra Ecclesiam sunt, & de corporibus celestibus illis curam commissam fuisse, est communis sententia; Virtutes enim celorum orbibus sydereis præesse, & Principatus non solum Principes Ecclesiasticos, & Reges Christianos dirigere, & illuminare, ac custodire; sed etiam infideles, & alienos ab Ecclesia dicuntur, & ex Sacris Scripturis probatur. Dices Apostolus in Epistola ad Hebr. cap. 2 ait. *Non enim Angelis subiecit Deus orbem terra.* Ergo nec etiam partes vniuersi corporei; nec orbis syderum; nec similia. Respondentiam istam, ab eis, qui illa utuntur contra præcedentem doctrinam allegari truncatam; nam Apostolus dicit *non enim Angelis subiecit Deus orbem terra futurum.* Ex quo loco non recte postea colligitur, quod Deus non subiecerit illis partes orbis corporei secundum præsentem statum. Nam ut recte exponit Nicolaus de Lyra hunc textum, *Duplex est status orbis unus qui primus est secundum generationem, & corruptio-*

ptio-

ptionem. Alius erit status post iudicium, in quo cessabit omnis talis transmutatio, &c. Orbis autem secundum statum præsentem subiectus est quodammodo ipsis Angelis, quia Ministerio eorum mouentur corpora celestia, & per consequens transmutantur ista inferiora per ipsos, & illuminantur homines de Diuinis. Omnia autem cessabunt in iudicio, & ideo orbis futurus non erit Angelis subiectus, sed ipsi Christo, &c.

Disputant hic aliqui recentiores, in quo differat habitatio Dei in Angelis tertij Chori primæ Hierarchiæ, qui dicuntur Throni Dei, ab habitatione in alijs Angelis; siue vt alij proponunt, quid sit esse Thronum, siue Sedem Dei. Et an Seraphim sicut in amore excedunt alios, sic etiam in scientia, & visione Dei, quæ responderet amori, & si hoc est, quomodo Cherubim dicantur tales ob excellentiam scientiæ. Et cum hæc inæqualitas visionis Dei, & Amoris reperiat in alijs Choris, & Hierarchijs inferioribus, quomodo sufficiat in prima ad constituendam singulariter diuersitatem ordinum, & post longam discussionem relinquunt rem dubiam, sicuti eam inuenerunt. In hoc placet mihi sententia eorum, qui docent Seraphim excedere quidem omnes in visione, & charitate, sed denominationem excellentiæ ipsorum desumi ab amore, & à charitate, quia hæc potissimum facit pro-

pinquiorem Deo, & est verà forma sanctitatis, & Amicitie Dei. Cherubim verò dici à plenitudine scientiæ, quia licet inferiores illis etiam in hac excellentia; nihilominus excellent omnes alijs Choris inferioribus in hac perfectione, quæ immediate in creaturis attenditur post charitatē, quia sicut ista est perfectio voluntatis, ita illa est perfectio intellectus, quæ sunt potentie præcipuæ creaturæ intellectuslis. Hoc verò quod est esse Sedem Dei. Potestates, Virtutes, & cætera huiusmodi esse in illis Choris veluti sunt gratiæ gratis datæ in nobis, quæ sunt specialia ornamenta, & perfectiones illarum personarum quæ eas participant, & sicut inter homines posset dici habentes sermonem scientiæ, constituere ordinem diuersum ab habentibus Sermonem sapientiæ, & istos diuersum ab habentibus genera linguarum, & isti diuersum ab habentibus gratiam curationum; & sic de singulis: sic etiam in illis Choris per similes gratias distingui ordines. An autem hæc distinctio supponat necessariò diuersitatem essentialem in natura; & inæqualitatem notabilem in gratia, & meritis: & an sit alia diuersitas: Nullum adhuc reperi mihi plenè de hoc satisfaciens; vnde libens cū S. P. fateor me ignorare, cum n. in lib. ad Orosium capite vndecimo dixisset *esse Sedes, Dominationes, Principatus, &c.* vt habes

Bes in Axiomate: Statim subdidit. *Sed quo me contemnas, quom magnum putas esse Doctorem, quamam ista sint, & quid inter se differant nescio. Nec ea sanè ignorantia periclitari me puta, sicut in obedientia, si Domini præcepta neglexero.* Sic loquitur S. P. ut propterea mirum non sit si S. Ecclesia Romana, de eo dicit. *Nihil illo fuit humilius.*

Quæres hic an diuersitas horum ordinum remanebit post diem iudicii. R. S. Thomas pri. par. qu. 108, art. 7. In ordinibus Angelicis duo posse considerari. Primum est distinctio graduum; secundum verò est executio officiorum, & distinctionem graduum esse in Angelis secundum differentiam gratiæ, & naturæ; & utramque hanc differentiam in Angelis semper esse mansuram; & sic etiam differentiam gloriæ, secundum differentiam meritorum præcedentium. Quantum verò ad executionem officiorum cessaturum quidem, secundum quod eorum officia ordinantur ad perducendum aliquos ad finem: remansuram verò secundum quod conuenit in vltima finis consecutione: sicut alia sunt officia militarium ordinum in pugna, & in triumpho. Arbitror mentem Angelici Doctoris esse, quod remanebunt in illis veluti characteres, nobilitates, dignitates illas constituentes illos spiritus in talibus, vel talibus officiis, ad eorum decorem, splendo-

rem, & gloriam accidentalem; sicut post prælium in hoc Mundo, adhuc post victoriam, & triumphum retinent Duces, Vexilliferi, Centuriones, & alij similes easdem dignitates, & stipendia ad decorem, & vtilitatē. Porro cessaturam esse executionem prædictorum officiorum in Angelis colligitur ex epist. 1. ad Corinth. c. 15, ubi Apostolus loquens de extremo die iudicii, ait. *Cum euacuauerit omnem Principatum, & Potestatem, & Virtutem.* Quem locum etiam S. Thomas ibi in responsione ad primū exponit, secundum prædictam distinctionem; idest quantum ad executionem perducendi ad finem.

Dico 5. S. Michaelē esse vnum ex primis Seraphim, qui immediatē Deo assistunt, ut fert communior sententia, immo & primum inter illos. Prima pars huius assertionis probatur 1. ex scripturis; nā Danielis cap. 10, v. 13, habetur *Michael vnus de principibus primis venit in adiutorium meum*, & c. 12. *Consurget Michael Princeps Magnus, qui stat pro filiis populi tui.* Nomine horum principum apud interpretes veniunt communiter Seraphim, & præcipuē septem illi, qui dicuntur astare ante Thronū Dei; Eum verò esse primum inter illos. Quod habet altera pars nostræ assertionis probat Andreas Viatorius in lib. de Ministerijs Angelorum lib. 6, cap 6, simul cum Cardinali Bellarmino, eo quod in Apo-

calypsi cap. 12. v. 7. habeatur *Michael, & Angeli eius praeliabantur cum Dracone, & Draco pugnabat, & Angeli eius*, &c. ex quo loco sic arguunt: Tota militia Angelorum cælestium est subiecta directioni, & imperio S. Michaelis, veluti milites vni Duci Generalissimo totius exercitus: ergo ille est primus absolute inter omnes; & probatur à simili, quia nullus dubitat, quin Draco ille, quæ dicitur pugnasse cum S. Michael esse primum inter Angelos eius, idest Dæmones, qui ibi dicuntur pugnasse. Prob. 2. testimonio S. Ecclesiæ, quæ cum in eius officio appellat præpositum Paradisi; nam in Antiphona secunda Nocturni secundi est; *Michael Præpositus Paradisi, quem honorificant Angelorum ciues, &c.* hoc nomen præpositi Paradisi proculdubio primatum eius significat: Sic etiam in Lytanijs SS. & in Confessione primum ei locum concedit immediate post Beatissimam Virginem.

Dices. B. Egidium nostrum in lib. 2. sent. dist. 10. dub. 2. laterali, ex illis, quæ perpendit versus finem articulorum totius distinctionis collocat S. Michaellem in ordine Principatum; eumque sequitur Cardinalis Tolerus in Comment. super caput primum Euang. S. Lucæ: immo Arriaga tomo 2. in pri. par. Tract. de Angelis disput. 26. sect. 5. subsect. 2. refert ex Suario, hoc esse de mente S. Thomæ, & alios Auctores docere,

cum esse de Choro Potestatum; & mihi in hac parte arridere sententiæ P. Dominici Bannez, quem refert Vi ctorellus loco citato docuisse, esse duos saltem spiritus, qui hoc nomine appellantur; alterum quidem supremum inter Seraphim; alterum vero inter Principatus existentem; immo Arriaga refert ex Suario sententiam quorundam dicentium, multos esse Angelos inter Beatos spiritus hoc nomine appellatos. In hac enim sententia facile conciliantur omnia, dicendo alium esse Michaellem supremum, qui cum Dracone bellum gessit; & alium, vel alios qui sæpè leguntur missi. Neque hoc mihi videtur, sine fundamento asseri, ut opponit Victorellus; nam ut ait S. Gregorius homil. 34. in Euang. *Angeli idcirco privatis nominibus censentur, ut signetur per vocabula, etiam in operatione quid valeant; Michael namque, quis, ut Deus; Gabriel autem, fortitudo Dei. Raphael vero medicina Dei.* Quæ nomina, cum ex operationibus eorum sint desumpta: propter nostram eruditionem; neque enim in illa suprema Hierusalem indigent Beati illi ciues; & spiritus nominibus, ut se tantum cognoscant, & discernant; & in prælio illo contra Draconem, probabilissimum sit, hoc eodem concepit. *Qui ut Deus à pluribus ex illis spiritibus est formatus, & manifestato pugnatum fuisse, non debet videri mirum si in* ref.

tesseram suæ victoriæ etiam hoc nomine plures alij decorentur, sicut nõ est inconueniens in eodem exercitu plures duces ex inferioribus eodem nomine appellari, quo Dux Generalis, & supremus, & stemmata, ac signa eiusdem rationis, & similia referre. Nec officit id quod opponit Arriaga loco citato, nempe quod induceretur magna æquiuocatio tot Michaelis ponendo; nam vel hæc æquiuocatio supponeretur oriri inter ipsos Beatos spiritus, vel inter nos homines; non inter illos, quia vt di-

xi non indigēt nominibus, vt se appellent, discernant, & cognoscant. Apud nos æquiuocatio faciliè tolli potest si cum absolutè profertur, vel cum addito *Seraphim* intelligatur supremus: cum verò indicare volumus aliquem alium ex inferioribus ordinibus addatur pro distinctiuo nomen illius Chori, eo modo quo plures Sanctos eodem nomine insignitos v. g. Petri, Io, Thomæ, Francisci, &c. per additum Patriæ, vel dignitatis, aut excellentiæ vt plurimū distinguimus.

AXIOMA SECVNDVM.

Sape ad nos Angeli Sancti mittuntur.

Ex Conc. 1. in Psal. 103. ad illa verba. Qui facit Angelos suos spiritus, & ministros suos ignem vrentem.

Effe Angelos nouimus ex fide. Spiritus autem Angeli sunt. Angelus officij nomen est, non natura. Quærit nomen eius natura? Spiritus est. Quærit officium? Angelus est. Sic ergo, qui erant iam spiritus conditi à Creatore Deo facit eos Angelos mittendo eos nuntiare quod iusserit. Et ignem flagrantem facit ministros suos. Bene facit Angelos suos spirituales, idest nuntios verbi sui. Quomodo dicit, & Ministros suos ignem flagrantem? nisi quomodo ad Rom. 12. Spiritu feruentes? Hunc ignem se missuram in terram Dominus dicebat, Quomodo gladium sic ignem.



D V B I V M

An, & quomodo Angeli Sancti ad nos mittantur.

Premetto ex Angelis Sanctis alios esse, qui dicuntur Deo assistentes, ut habetur Tobie cap. 12. *Ego sum Raphael unus ex septem, qui astamus ante Dominum*; alios vero esse ministrantes, de quibus Danielis cap. 7. dicitur *Millia millium ministrabant ei, & decies millies centena millia assistebant ei*. Porro hoc quod est assistere Deo dupliciter accipi potest. Primo præcisè pro eo, quod est intueri faciem ipsius Dei clarè, & in hoc sensu omnes Angeli Beati sunt Deo assistentes; nec in ordine ad hoc sumitur prædicta distinctio. Secundo pro eo, quod est specialiter assistere, idest per se; siue ordinariè non recedere ab assistentia, & conspectu eius in Empyreo, seu Ciuitate Sancta Hierusalem Cælesti, & in hoc sensu procedit prædicta distinctio. Hi enim per se, idest non ordinariè, sed rarò exeunt, aut mittuntur ad nos. Sic etiam hoc, quod est ministrare, dupliciter accipitur. Primo pro ea ministratioe, quæ est purè spiritalis, & intra cor-

pore cælestia; ut cum mittuntur ad alios illuminandos, & ad intimandum eis ea, quæ Deus vult fieri. Sicut Consiliarij Regis quandoque mittuntur ad Principes, ut nuntient eis mentem, & decreta sua. Ad hanc ministratioem non requiritur motus localis. Cum enim supra demonstratum sit eos posse loqui in distantia inter se: nulla est per se necessaria localis mutatio ad hoc. Secundo accipitur pro Ministerio externo extra Cælum, vel ad custodiendos homines, vel ad eos puniendos, vel ad reuelandum eis aliquid; vel alijs de causis, quo posito est questio, quæ mihi de voce videtur, an vtraque hæc ministratio Angelorum dicenda sit missio, in quo mihi placet sententia S. Thomæ pri. par. qu. 112. art. 2. ad primum affirmatiuè respondētis. Et quidem de secunda non est difficultas, nam etiam inter nos talis ministratio de mandato superioris missio dicitur. Primam verò esse etiam propriè missionem probatur; nam & persona Diuina, quamuis sem-

semper immota, & immutabilis, eo ipso, quod specialiter per aliquem effectum sit in creatura, dicitur missa ab ea, à qua procedit, vt suo loco cū Angelico Doctore, & S.P. dictū est. His positis quæstiones de re sunt. An omnes omnino Chori Angelorum sint ministrantes vtroque ministrationis modo explicato. Secunda, an sint aliqui, qui per se, & regulariter extra cælum nō mittantur. Tertia, an sint plures, qui assistūt: an verò qui mittuntur. Quarta, an ex assistentibus, idest Seraphim, aut Cherubim aliqui in propria persona mittantur. Has per totidem assertiones breuiter resoluo, &

Dico 1. Omnes omnino spiritus Beatos esse ministrantes, vel in secūda, vel in prima ministrationis acceptione; nam vel immediatē illuminantur à Deo, vt alijs etiam spiritibus intiment; quod Deus fieri vult, & tunc primo modo ministrant: & in hoc sensu, & assistentes, & ministrantes ijdem sunt. Vel exequuntur illa, quæ à Deo per alios sibi sunt mandata, & tunc exercent secundā missionem, seu ministrationē. Prob. hæc assertio ex illo D. Pauli ad Hebræos cap. 1. *Omnes sunt administratores spiritus, propter eos, qui hereditatem capiunt salutis*. Non vtor hic rationibus; nam de possibilitate vtriusque missionis, & ministrationis non procedit hæc difficultas; vnūquemque enim spiritum Beatum

posse mitti vtroque modo à Deo nō est dubium; quapropter quæstio est solum de facto, in qua standum est reuelationi Diuinæ per Scripturam Sacram nobis notæ.

Dices data hac Doctrina sequitur multo plures esse Angelos assistentes, & consequenter ministrantes primo modo, quam missi, & ministrantes secūdo modo. Sed hoc videtur absurdum, & contra regulam rectā Oeconomicam, & Politicam. Ergo dicendum est non omnes omnino spiritus assistentes esse ministrantes, nec etiam primo modo. Sequela probatur ex illo cōmuni principio, vel Axiomate, quod ascendendo ab infimis ad superiora, hæc per notabilem puta decuplam proportionem superent illa; quo posito tres Chori supremæ Hierarchiæ, qui sunt assistentes per multa millia superabunt Angelos non solum infimæ, sed etiam mediæ Hierarchiæ, qui censentur esse ministrantes etiam secundo modo. Minor probatur ex analogia ad dispositionem nostrarū communitatum, in quibus si plures sint mādantes, & mittentes, quam missi, tollitur pulchritudo, & ordo; & oritur confusio, vt est videre in Regnis, in Republica, in exercitu, in domibus, in nauibus, &c. R. Primo nos non habere fundamentum certum inferendi esse multo plures spiritus assistentes, quam ministrantes; immo potius si arguere volumus ex

visibilibus ad inuisibilia debere concludi oppositum; nam in vtroquoque genere rerum, siue sint inanimata, siue animata, multo plura cernuntur, vt plurimum esse imperfectiora, siue minus perfecta, quam perfectiora: Vade ortum est Prouerbiū: Natura in minus perfectis magis abundat, quam in perfectissimis; sic videmus in lapidibus multo pauciores esse pretiosiores, sic & in herbis, & in arboribus, & in animalibus, siue suas aquatilia, siue volatilia, siue terrestria, sic & in fyderibus. Et propterea in Physicis prædictam decuplam proportionem dixi non habere fundamentum certum. Præterea adhuc incertum est, an ex solo infimo Choro assignentur custodes. Denique nulla est necessitas, quod illuminatio, & intimatio Diuinæ voluntatis semper fiat per eundem Seraphim, vel Cherubim, sed quandoque per vnum, quandoque per alterū; vt videmus inter Reges, & Principes frequenter esse mutationes Legatorum, & Oratorum. Cumque sint duæ Hierarchiæ, quibus assignantur ministeria illa exteriora optime potuit à Deo disponi, vt omnes spiritus Primæ Hierarchiæ essent spiritus administratorij primo modo, idest assistentes, & illuminantes, Cōsequenter adhuc

Dico 2. esse communem sententiam Angelos quosdam esse, qui per se, & ordinariè non mittuntur extra

Cælum, & hos esse tres primos Choros, & supremum Chorum ex prima Hierarchia. Fundamentum huius assertionis est Auctoritas S. Dionysij, in libro de Cælesti Hyerarchia cap. 7. & 13. vbi hoc docet, & Sancti Gregorij Magni, qui hom. 34. in Euangelia idem significat, quibus adherent S. Thomas pri. par. qu. 112. artic. 2. & 3. & ferè omnes Scholastici.

Dices ex eodem D. Dionysio solum Chori Primæ Hyerarchiæ à Deo immediatè illuminantur. Ergo cū illis non est adnumerāndus supremus Chorus secundæ Hyerarchiæ. R. ex dicta Auctoritate solum sequi tres primæ Hyerarchiæ, Choros esse illos, qui propriè dicuntur Deo assistentes. Vnde Dominationes illæ hoc non conueniunt cum illis; sed in eo quod intuant alijs quinque inferioribus ordinibus mandata, qui immediatè ea exequuntur, & mittuntur extra Cælum, ipsæ tamen Dominationes accipiunt ipsa mandata nō à Deo immediatè, sed à tribus primis Choris. Propterea à Suario, & Arriaga loco citato sect. 4. disp. 21. nu. 25. notatur Benedictus Pererius, quod lib. 8. cap. 7. in Dan. dixerit iuxta Dionysium esse quatuor Choros Angelorum assistentium, quod minus rectè, & contra mentem Sancti Dionysij dictum volunt; eo quod iste S. docuerit quidem esse quatuor Ordines, qui non mittuntur ad extr-

trema ministeria; sed vnum ex illis non computauit inter assistentes, & iste est Chorus Dominationum; eo quod non accipiat à Deo immediate illuminationes.

Dico 3. Probabilissimum esse quod sint plures Angeli ministrantes etiam secundo modo, quam illi, qui simpliciter assistentes dicuntur. Prob. 1. Auctoritate S. Gregorij Magni lib. 17. *Moralium* cap. 9. ubi explicans illud capitis 25. Iob. *Numquid est numerus militum eius*, adducit illud Danielis c. 7. *Millia milliū*, &c. & ait: *quamvis est aliud assistere, aliud ministrare. Assistentium enim illi proculdubio Potestates, quæ ad quadam hominibus nuntianda non exeunt. Ministrant verò hi, qui ad explenda officia nuntiorum veniunt: sed tamen ipsi quoque contemplatione ab intimis non recedunt. Et quia plures sunt, qui ministrant, quam hi qui principaliter assistunt, assistentium numerus, quasi definitus, ministrantium verò infinitus ostenditur.* Similiter etiam Rupertus Abbas Tuitiensis lib. 1. *Commentariorum* in Daniele Proph. explicans eundem Textum huius Proph. ait. *Plures in actiua ministrant, pauciores in contemplatiua assistunt ei. Bene ergo indefinita quantitate dictum est millia millium ministrabant ei; definita verò, & decies millies centena millia assistebant ei.* Vbi licet hunc locū Danielis tribuat hominibus renatis per acquā, & Spiritū Sanctū,

videtur esse aliquo modo S. Gregorij loco mox citato de assistentibus, ubi dicit . *Ad quosdam hominibus nuncianda non exeunt.*

Sententia affirmatiua prob. 1. testimonio Isaie Proph. c. 6. ubi Proph. ait, & volauit ad me vn^o de Seraphim, & in manu eius calculus, quem forispe sulcat de Altari. Respondent aliqui, illum non fuisse verum Seraphim; sed sic appellatum ab officio purgandi labia igne. Hæc tamen responsio communiter rejicitur propter multa. Primo, quia est singularis, & opposita expositioni aliorum PP. idest S. Athanasij, S. Io: Chrysostomi, S. Gregorij Nazianzeni, S. Io: Damasceni, & Theodoretii, qui de verò Seraphim illa verba interpretantur. Secundo, quia cum in Scriptura Sacra non habeamus mentionem de Seraphinis, nisi in dicto capite Isaie. Non erit locus probandi ex scripturis dari talem Chorum, sed ad summum esset nomen commune, quibuscumque spiritibus Beatis, sicut est nomen Angeli; quo pacto etiam rejiciuntur, qui dicunt, cum dicitur Cherubim missum, non loqui de Cherubim propriè dictis. Tertio, quia illi, qui ab Isaia visi sunt astantes ante solum Dei, procul dubio erant veri Seraphini; erant enim assistentes, & ex illis vnus volauit. Respondent secundò, alij non volasse ipsum Seraphim in propria persona, sed misisse alium Angelum ordi-

narium ad Isaiam, & confirmant ex illis verbis. *Et in manu eius calculus.* Vbi per manum dicunt posse intelligi alium Angelum. Sed hæc etiam respōs. lic. propter auctoritatē S. Dionysij sit probabilis; nihilominus non videtur sufficiens, quia est valde metaphorica; & præterea hoc modo posset etiam dici ipsum Deum volasse ad Isaiam. Ex quibus patet hunc locum habere magnam probabilitatem pro hac sententia, cum pro se habeat prædictos PP. & iuxta regulam S. P. non debeamus in expositione Sacrae Scripturae recurrere ad expositiones minus proprias, nisi vehementi ratione cogamur. Nec valet dicere supremi spiritus distinguuntur per hoc ab inferioribus, quod isti mittantur illi non; nā hæc regula non constituit in illis differentiam essentialē, aut proprietatem quarto modo; sed ad summum privilegium quoddam, quod non mittantur ordinariè sicut inferiores, non verò quod non mittantur pro rebus magni momenti. Si enim Diuinæ Personæ procedentes, propriè dicuntur missæ, cur nō etiam & Angeli, quamuis supremi, aliquando mitti poterūt, illè quidem modo illis conuenienti; isti verò etiam per imperium ipsius Dei.

Prob. 2. ex cap. 3. Genesius, ubi in fine dicitur. *Et collocauit ante Paradisum voluptatis Cherubim, &c.* Respondent aliqui dictum Cherubim

bim propter formam, seu figuram, quam assumpserat similem Cherubinis arcæ, qui postea à Moysè efformati suere; non verò ex eo quod esset verè Cherubim; cum hoc non esset negotium tam Magni ponderis, vt spiritum supremæ Hierarchy exigeret. Respondent alij dictum Cherubim, quia custodiebat viam ligni scientiæ, & Cherubim dicti sunt spiritus secundi Chori primæ Hierarchy à plenitudine scientiæ; quod nomen tribuitur etiam ab Ezechiele Lucifero, qui tamen communiter censetur fuisse de Choro Seraphim antequam caderet. Eneruari tamen possent prædictæ responsiones ex dictis supra; non esse scilicet sine necessitate recurrendum ad metaphoras; nisi ex sensu proprio verborum aliquod inconueniens sequatur; quale hic non apparet; nam & custodire Paradisum erat opus magnum, & dignissimum tali spiritu. Et præterea magis congruum erat, vt collocaretur ibi pro custode arboris, scientiæ Spiritus, cui scientia ex propria ratione, & prædictis intrinsecis conueniret. Prob. 3. ex toto capite decimo Prophetiæ Ezechielis, vbi Propheta dicit se vidisse, & intellexisse quatuor illa animalia, quæ prius viderat iuxta fluuiū Chobar fuisse verè Cherubim, & pluries illa hoc nomine Cherubim appellat. Locus iste mihi videtur efficacissimus, sicut visus est etiam Suarez; ne-

que enim est probabile, quod dicunt aliqui, hic non esse sermonem de veris Cherubim: nam tolleretur via probandi ex Scripturis Sacris dari huiusmodi Chorum. Nec officit quod dicantur ambulasse; nam & dicitur etiam ibi Deum in curru ve-ctum fuisse, cum tamen sit omnino immutabilis: nec est inconueniens, quod dicantur ibi moueri, cum nulli spiritui creato per se competat nunquam moueri de loco ad locum, quilibet enim est finitæ, & limitatæ virtutis, sicut est determinatæ essentiæ; huius motus plures rationes adducit Arriaga loco citato subsect. 1. n. 3. r. & apparente Domino Deo, vel ad significandam Ezechieli Aduentum Verbi Dei in carne; vel ad exprimendam exterius per mobilem figuram maiestatem gloriæ suæ, conueniens erat, vt etiam Cherubini, non per delegatos, sed per seiplos apparent: & verum motum illis conuenientem ibi exercuerint. Ex his Scripturæ Sacre locis valde probabiliter conuincitur etiam supremos alios extra Cælum mitti; Quod probant alij etiam ex Daniele cap. 10. vbi dicitur Michaelẽ vnũ de Principibus venisse; qui tamen supremus inter omnes omnino Angelos Sanctos, & consequenter primus inter Seraphim censetur, & ex illo Epist. ad Hebræos cap. 1. *Omnes sunt administratorij spiritus in ministerium missi propter eos, qui hereditatem ca-*

piunt;

pius salutis. Verum quia de his ex dictis, satis constat quid sit dicendum, ab ulteriori discussione eorum supersedeo.

Dices esse regulam generalem, & infallibilem ut Deus administret infima per media, & media per suprema; Ergo non mittuntur, aut recedunt suprema à summis, ut descendant ad hæc infima. R. huiusmodi regulam posse pati dispensationem, & ex Sacris Scripturis adductis satis probabiliter, & efficaciter convin- ci de facto Deum in hac lege dispensasse. Dices dispensationes admitti quidem in ordine naturæ aliquando, sed hoc fieri propter ordinē gratiæ, qui est superior illo. At ordinē gratiæ non habere alium ordinem superiorem sibi, ratione cuius in huius legibus sit dispensandum. R. 1. Deum quandoque ordinare maiora ad finem in se minorem; ut cum voluit Incarnationem propter salutem generis humani. Secundò R. in ipso ordine gratiæ esse aliqua maioris, alia minoris momenti; & sicut in ordine naturæ illa regula quod gravia naturaliter non ascendant sursum, mutatur ad impediendum vacuum; Sic intra ipsum ordinem gratiæ possunt fieri dispensationes, ut maiora, idest suprema, quæ regulariter non descendant, nec mittuntur, propter aliquem finem à Deo intentum. & mittantur, & descendant. Sic plurimis viris Sanctis, & Dei amicis legi-

mus concessa multa, & plura esse facta præter communes regulas naturæ, & gratiæ. R. tertio ordinem Incarnationis, in quo habemus hominem Deum, esse superiorem ordine gratiæ, qui est in puris creaturis. Et propterea Deum non solum potuisse, sed etiam de facto meritò dispensasse piè creditur cum magno fundamento ex Scripturis Sacris desumpto, puta ad annuntiandum ipsum Divinissimum Incarnationis mysterium; ad quod annunciandum Sanctus Gabriel Archang. missus fuit, qui communi Theologorum calculo inter supremos Seraphim numeratur. Sic & in Natali Sacratissimo ipsius Redemptoris quando facta est cum Angelo multitudo militiæ celestis, etiam ex supremis venisse dicit S. Ios. Chrysostomus in Ps. 8. Quando post ieiunium, & tentationem accesserunt Angeli, & ministrabant ei, ac etiam in Horto, quando apparuit ei Angelus de Cælo confortans eum, communiter creditur, vel S. Michael, vel Gabriel, qui sunt ambo Seraphim, venisse. Piè etiam creditur in die Assumptionis Beatissimæ Virginis, etiam supremos Seraphim cum Christo Domino venisse ad excipiendam, & deducendam illam ad Thronum gloriæ. Denique in die Iudicii extremi omnes cū Christo Dño venturos esse, videtur esse extra contro- versiam, cum Sacer Textus dicat. *Et omnes Angeli eius cum eo.*

AXIO-

AXIOMA TERTIVM.

Angeli Sancti Custodes nostri sunt.

Tomo 9. ex libro Soliloquiorum cap. 27.

FAcis Deus Angelos tuos spiritus propter me, quibus mandasti, ut custodiant me in omnibus vijs meis, ne fortè offendam ad lapidem pedem meum. Hi enim sunt custodes vigilantes, & custodientes vigilas noctis super gregem tuum, ne antiquus ille serpens aduersarius noster Diabolus animas nostras eripiat. Hic tuus superna Civitatis Hierusalem missi in ministerium propter eos, qui hereditatem capiunt salutis, ut eos liberent ab inimicis suis, & custodiant in omnibus vijs suis, confortent quoque, & moneant, & orationes filiorum tuorum offerant in conspectu gloria Maiestatis tue. Vtor hoc libro, quia licet sit dubium, an sit opus S.P, nihilominus teste Cardinali Bellarmino, est opus non solum pium; sed etiam non indignum ingenio S.P. Augustini, & ut tale vniuersaliter habetur. Præterea Doctores Louanienſes in censura huius libri, sic habent. *Opus plenum pijs affectibus per hominem versatum in Augustini voluminibus: non nunquam verba quedam, ac sententias veluti testelas inter textas ex libris Confessionum, alijsque scriptis illius decerpas, Cuius dignitas ex eo apparet, quod eximij illi viri, nihil in eo reprehensionem dignum inuenerunt.*

D V B I V M

An, & quomodo Angeli Sancti custodiant homines, & alias res.

Continet hoc dubiū plura quæ sita scitu digna, quæ quia parum habent difficultatis Scholasti-

cæ, per asserta breuia resoluam: Hæc sunt. 1. An homines custodiantur ab Angelis. 2. An singuli homines

D d d

à fin.

à singulis Angelis . 3. An sit aliquis homo, qui careat Angelo Custode . 4. A quo tempore incipiat hæc custodia . 5. Virum aliquis Angelus præsit toti Ecclesiæ . 6. An personæ publicæ habeant alium Angelum Custodem diuersum ab eo, qui custodit illum vt naturæ humanæ singulare indiuiduum . 7. An Prouinciæ, & Regna habeant Angelum tutelarem . 8. An etiam species rerum irrationabilium . 9. Ex quib⁹ Choris sint Angeli Custodes . 10. Quid efficiant Angeli Custodes; quibus positis .

Dico 1. cum S. Thoma qu. 113. art. 1. Angelos custodire homines . Hoc assertum probat Angelicus Doctor ex illo Ps. 90. *Quoniam Angelis suis mandauit de te, vt custodiant te in omnibus vijs tuis; in manibus portabunt te, ne fortè offēdas ad lapidem pedem tuum* . Licet enim aliqui Interpretes hunc Psalmū de solo Christo Domino intelligant contextum; nihilominus ex primo versu illius constat eum esse vniuersaliter de omni iusto accipiendū; ait enim Proph. *Qui habitat in adiutorio Altissimi* : Et propterea assertum illud de Angelis, communiter de omnibus hominibus explicatur . Alia loca scripturæ, & PP. adducit Suárez tom. 3. in pri. par. Probat secundò ratione, quia ordo Diuinæ Prouidentię solet esse, vt variabilia, & mobilia per illa, quæ habent aliquam immobili-

tatem, & inuariabilitatem moueantur, & regulentur; quod patet inductione in corporibus; nam inferiora, quæ sunt variabilia per omnes mutationes sensibiles, per superiora, quæ de facto cōsentur solum habere motum localem, & in hoc habere etiam quēdam cursum regulatum, & inuariatum, regulantur . Sic & omnia corpora mobilia per substantias immateriales, & immobiles, quoad statum suum regi, & moueri docent communiter Scholæ . Et nos ipsi Conclusiones illas, in quibus diuersimodè possumus opinari, per principia, quæ inuariabilia censemus, firmare, & probare nitimur . Sed constat homines viatores in rebus agendis multipliciter esse mutabiles; & de facto variari in suis cogitationibus, affectionibus, & actionibus, & deficere posse à bono, & ab ultimo fine; Ergo necesse fuit pro liberandis nos, aut summè cōsentaneū Diuinæ Sapientiæ, & Prouidentię, vt nobis ad custodiam deputarentur Angeli imobiles, & inuariabiles in bono, qui nos dirigerent, regularēt, & mouerent ad bonum .

Dico 2. cuilibet homini vnum Angelum esse deputatum in custodiam . Probatur hoc ex communi consensu PP. Theologorum, & totius Ecclesiæ Catholicæ . Probat hanc assertionem S. Thomas loco citato, quia homines non solum quoad speciem communem; sed etiā quoad

ad

ad formas proprias singulorum individuorum sunt incorruptibiles: Et sicut ad conseruationem specierum corruptibilium assignantur Angeli tutelares, estò non sint capaces finis supernaturalis; ita pro singulis hominibus, cum sint ordinati ad finem supernaturalem, conueniens fuit, vt assignarentur singuli Angeli. Celebris est pro hoc intento sententia illa D. Hieronymi in Matth. c. 18. *Magna dignitas animarum, vt unaquaque habeat ab ortu natiuitatis, in custodiam sui Angelum delegatum, &c.* Hoc idem antea docuerat Origenes homil. 23. in Lucam.

Opponit Caluinus hæresiarca contra hanc veritatem Catholicam, melius esse omnes Angelos simul habere curam omnium hominũ, quam cuiuslibet vnum tantum. Respondet aliqui cum Suario: ex eo quod vnus sit assignatus, non tamen propterea rectè inferri alios etiam non posse iuuare quando opus fuerit. Alij respondent, & fortè melius, vel Caluinum intèdere, vt omnes simul Angeli habeant curam eiusdem hominis, vel successiuè omnes; ita vt quandoque vnus, quandoque alter eum tueatur. Si primum; est impossibile, cum nequeat naturaliter idem Angelus esse in duobus locis distantibus; vt opus esset, si deberent simul habere curam eorum, qui sunt in oriente, & eorum, qui sunt in Occidente, & eorum, qui sunt Antipodæ nostri.

Si verò intendat secundum; melius esse, vt vnus semper regat eundem hominem; tum quia cum sit virtus omnino spiritualis, non defatigatur; & si perpetuò id faciat, maiori notitia de singulis actibus, & maiori affectu de sibi commisso curam habebit. Propterea censetur hunc hæreticum animo potius tollendi è medio traditiones Ecclesiæ, quam inquirendi veritatem, hæc, & similia in medium protulisse.

Dubitant hic aliqui, an vnus Angelus soleat habere curam plurium hominum, vel simul, vel successiuè. R. communem sententiam esse eundem Angelum non custodire simul plures homines; cum enim, vt dictũ est, non possit naturaliter esse simul in pluribus locis sibi adæquatis, & distantibus, & homines sint quandoque in locis valde diffitis, non posset simul, & semel assistere illis sua præsentia, & ope indigentibus. Quoad alteram partem, an scilicet successiuè, non est ita certum quod vnus, & idem Angelus successu temporis, defuncto scilicet vno, non custodiat alterum. Illi qui censent solùm Angelos infimi Chori deputari ad custodiam ordinariam singulorum hominum, & non adæquare numerum omnium hominum, consequenter loquendo dicunt, successiuè vnum habere curam plurium. Alij verò, qui dicunt prædictos Angelos, estò sint infimi Chori, adæquare, vel etiam

superare numerum omnium hominum, qui fuerunt, sunt, & erunt; consequenter docent nullum Angelum, nec etiam successiuè deputari ad custodiam plurium hominum; res est dubia. Hoc posterius videtur habere plures patronos.

Dico 3. omnibus, & singulis omnino puris hominibus fuisse deputatum suum Angelum Custodem. Hæc assertio est contra illos, qui solis prædestinatis eum concesserunt, cuius sententiæ videtur fuisse Origenes Tract. 5. in Ioannem circa finem; ac etiam contra eos, qui solis iustis dari contendunt, siue saluandi sine, siue non; pro qua sententia citantur Didymus, Euagrius, Basilus, Hilarius, Chrysostomus, & Cyrillus, nec non & Origenes. Prob. hæc sententia Auctoritate Sacræ Scripturæ; nam Exodi cap. 23. habetur. *Ecce ego mitto Angelum meum, qui præcedat te, & custodiat in via, & introducat ad locum; quem præparauit; observa eum & audi vocem eius, nec contemnendus putes, quia non dimittet cum peccaueris.* Hoc loco vritur S. Romana Ecclesia in officio Angelorum Custodem, ac proinde dicendum est de mente ipsius esse, quod etiam cum homo peccat, & non est in gratia, nihilominus etiam tunc habeat Angelum Custodem. Et hic est sensus communis omnium Catholicorum, qui vnanimi consensu hanc veritatē docent, & tenent, tam de Prædesti-

natis, quam de reprobis; tam de iustis, quam de peccatoribus.

Dices 1. prædictos PP. oppositū docere; & præcipuè S. Basilium in cap. 5. Isaïæ, ubi ait: *Vt muro tectulari spoliatur, si in peccatis deprehendatur.* Et adhuc clariùs in expositione Ps. 33. his verbis. *Omnis in Christum credenti Angelus assistit, nisi illum à nobis per improbas actiones prostigauerimus.* Ergo non omnes habent hunc Angelum Custodem. Respondet Arriaga loco citato subsect. 1. Nonnullos obseruasse quod alij PP. non apponunt exclusiuam: & ipse fatetur quod non ita clarè vt S. Basilus loquuntur; immo nec hunc Sanctum Doctorem in his locis denotasse abscesum Angeli à custodia; sed solum nos esse qui nosmetipfos indignos reddamus eius custodia per peccata: vel aliquem breuem abscesum eius significare voluisse, quod non est contra Catholicam, certam, & communem Doctrinam; non enim propterea posset ille homo tunc dici desertus ab illo. Et hoc eo magis de tam magno Sancto, & Doctore credendum est; quia in libro tertio contra Eunomium: & in libro de vera virginitate nostrā docuit sententiam. Et hoc etiam modo intelligendi sunt alij PP. quando de abscesu nostri Angeli Custodis loquuntur; id est per breue tempus, neque enim dicitur non habere Rectore, Ducem, vel Magistrum illa

Ci

Ciuitas, vel exercitus, vel Schola, à quibus illi per breue tempus se clongant.

Dices 2. ad Hebræos cap. 1. de Angelis Custodibus dicitur. *In Militerium missi propter eos, qui hereditatem capiunt salutis.* Ergo solis prædestinatis dantur Angeli Custodes: cum hi solum capiant hereditatem salutis. Respondent aliqui etiam reprobos ordinari in bonum salutis electorum; ac proinde, vel dirigi à suis Angelis Custodibus in bonis, quibus possunt, & aliqui de facto cooperantur bonis operibus electorum, vel arceri à malis, quæ quandoque illis intentant. Verum hæc responsio non potest habere locum in plurimis reprobis; puta in infidelibus illis, qui ante mille annos erant in America, in quibus cum non esset fides: nec etiam erant electi, quibus vel iuarent, vel nocerent; nec in infantibus, qui moriuntur sine baptismo. Respondent alij Apostolū solum voluisse ibi indicare finem Missionis, & missionis Angelorum esse, vt omnes sint salui: eo sensu quo communiter docent Deum velle, vt omnes omnino homines salui fiant; & propterea dat quibuscumque media sufficientia ad salutem, inter quæ computanda venit custodia Angelica. Vnde cum omnes homines sint eleuari ad finem supernaturalem, necesse est, vt singulis assistant Angeli Custodes, qui eos dirigant ad hunc

finem. Quod habere locum dicunt etiam in illis infidelibus, de quibus supra, quia si non peccassent contra legem naturalem, & bene vti fuisset his auxilijs, vltiora auxilia recepissent, quibus tandem salutem æternā consequuti fuissent. Hæc responsio inter cæteras difficultates hanc præcipuè patitur, quod non habet locū in perpetuò amentibus, qui vt non possunt his auxilijs, nec in infantibus, qui ita moriuntur, vt illis nullo modo remedium salutis æternæ applicari possit. Respondent aliqui huic instantiæ, in moralibus regulam generalem habere locum etiam in illis, in quibus nō subest ratio motiua legis, dummodo id sit per accidens, vt patet in plurimis præceptis, & prohibitionibus. Verum hæc responsio nō euacuat difficultatem, nam licet hoc contingat in dispositionibus humanis, in quibus prouisor communis nō potest singula in indiuiduo disporre, & ordinare: non videtur tamen habere locum in dispositionibus, & ordinationibus diuinis, in quibus Deus est, qui habet curam de omnibus, & nihil frustra operatur. Respondent alij, idcirco datos illis Angelos Custodes, vt quantum partebatur cursus causarum secundarum, procurarent illis cum parentibus, vel tutoribus bonā ipsorum, & protractionem etiam vitæ; ac etiam ipsa auxilia, quibus salutem consequi possent. Hæc etiam responsio patitur

tur

tur difficultatem, quia huiusmodi personę iam erant pręuisę non habiturę talia bona, nec facultatem vtendi illis bonis. Melior ergo responsio videtur esse illorum, qui dicunt non vnici tantum officium, vel Ministerium exercere Angelum tutelarem, sed plures, putā dirigentis, docentis, illuminantis, remouentis pericula, arcentis operationes Dæmonum [qui propter odium quod eis gerunt contra homines, nocerent quantum possunt, vel inuadendo, vel suffocando, vel pręcipitando, vel alio modo] custodientis etiā corpus, & cineres, ac membra illius defuncti, quem custodiuit viuētem; cum ex Sacra Scriptura constet hęc per ministerium ipsorum Angelorū esse colligenda in resurrectione mortuorum in supremo die Iudicij, & Aduocati in suis causis maximē in Iudicio Dei, & propterea eis etiam assignatum fuisse Angelum Custodē, qui iuxta exigentiam status, & conditionis eorū illos custodirent; Apostolum verō ibi loquutum fuisse de fine principali huius custodię, & missionis, cum quo tamen stat, quod eo cessante in reprobis, quoad executionem, & efficaciam; remaneat tamen quamdiu viuunt, saltem quoad potentiam remotam, & hi alij fines quoque supersint, qui per se sunt sufficientes ad hoc, vt iuxta rectum ordinem suę Prouidentię Deus etiā reprobis assignet talem custodiam,

vt iustificetur in sermonibus suis. Sic etiam Antichristum habiturum Angelum Custodem, cum S. Thomas, 1. 3. art. 4. ad 3. docent communiter Theologi.

Dixi solum omnibus, & singulis puris hominibus; nam certum est Christum Dominum exceptum fuisse ab hac generali regula, & lege habendi Angelum Custodem; quia cum esset Deus, & consequenter Dominus Angelorum, & quoad animam etiam comprehensor, nec indigebat, nec erat conueniens vt ei deputaretur Angelus in Custodem: fuisse enim veluti assignare discipulū pro Magistro maximo omnium Doctori; habuit tamen illos Ministros; vt patet in Natiuitate, & post tentationem in deserto: & ex eo quod dixit Petro in Horto: videlicet. *An putas, quia non possum rogare Patrem, & exhibebit mihi modo plusquam duodecim Legiones Angelorum, &c.*

Dices 1. etiam Beatissimam Virginem fuisse Dominam Angelorum. Ergo vel non habuit Angelum Custodem, vel hęc ratio dominij in eos non sufficit ad hoc, vt Christus Dominus nō haberet talem custodem. R. Beatissimam Virginem non fuisse Dominam ratione Diuinitatis, vt erat Dominus noster Iesus Christus, sed ex priuilegio, & eius Regni possessionem dilatam fuisse, vsque ad Assumptionem ipsius. At Dominum Christi Domini in eos erat ratio-

tionē Verbi Diuini, cui erat essentialis potestas in ipsos, ac proinde nunquam fuit sine possessione talis Potestatis, & Domini; & propterea est communis consensus Theologorum, quod Beatissima Virgo haberet talem Angelum tutelarem: cum esset pura creatura, & viatrix, & non adhuc in termino: Et hunc contemplatiui aliquot dicunt fuisse S. Gabrielem Archangelum.

Dices 2. Quicumque tentatur à Diabolo indiget Angelo Custode; Ad hoc enim maximè datur, vt tueatur nos ab incurſibus, & tentationibus malignorum spirituum. Sed Christus Dominus fuit tentatus à Diabolo; ergo habuit Angelum Custodem: Responderetur illos indigere tali custodia, qui possunt in tentationib⁹ vinci; at Chrīst⁹ nō potuit tērationib⁹ superari, ac proinde non eguit tali custodia. Dices vt quid ergo tentatus est si expugnari non potuit? & propter multa. Primò, vt tentatus per omnia compareretur nobis quando tentamur, vt ait Apostolus in Epistola ad Hebr. c. 2. & 4. Secundo, vt nos doceret, & instrueret ieiunijs, & orationibus, ac Sacrarum Scripturarum eloquijs superandi modum. Tertio; vt hoste deuicto redderet nos fortiores, & confidentes in eius virtute de Victoria, iuxta illud Ior. cap. 16. *Confidite, ego vici Mundum.* Quarto, vt cognosceremus, quod quando vinci-

mus, illo vincente vincimus; & vt ait S. P. in Pl. 60. *Agnosce se in illa tentatū, & agnosce te in illo vincentē.*

Dico 4. loquendo de mūdi tempore probabile esse, quod Angelorum custodia inceperit à principio mundi, & ab ipsa creatione primorum parentum, & hæc est sententia S. Thomæ in cit. quæst. 113. art. 4. ad secundum, quod probat, quia in ipso statu innocentie imminebat homini periculum ab exteriori propter insidias Dæmonum, vt rei probauit euentus; & ideo etiam in illo statu indigebant custodia Angelorum. Hæc sententia est communis inter recentiores, qui addunt etiam hanc aliam rationem, quia, & in illo statu poterant Angeli suis illuminationibus illos homines incitare, & inclinare ad bonum; nam licet homo tunc à passionibus non esset pronus ad malum, nec ab illis retraheretur à bono; indigebat tamen etiam ibi incitamentis ad bonum. Dixi esse probabilissimum; nam hoc docent communiter Scholæ; Non desunt tamen, qui dicant huiusmodi custodiam incēpisse post lapsam primorū Parentum, & pro hac sententia citatur S. Gregorius Nyssenus in Vita Moysis paulò post initium, vbi ait *Occultior traditio est, verus sermo ad nos usque descendit, quo creditur postquam in peccatum natura nostra lapsa est, non omnino clementia diuina neglectam, nec absque suo patrocinio dimis-*

mis.

missam, sed Angelorum, qui incorpores sunt, aliquem in adnuncium cuique constitutum esse. Hanc sententiam sequitur etiam noster P. Ioannes Gregorius à Iesu Matia L. 8. de Horto. ubi ad argumenta Suarii respondet ex doct. S. P. N. Agult, sequi veritatem huius sententiae; nam lib. 8. de Genesi ad litteram capite 10. exponens illa verba Gen. cap. 2. *Posuit eum (id est hominem) in Paradiso voluptatis, ut operaretur, & custodiret illum.* ait *Est alius in his verbis sensus, quem puto non immerito proponendum. Ut ipsum hominem operaretur Deus, & custodiret.* Quod si Deus illum immediate custodiebat, & operabatur eum, id est in eo actuè non passivè illuminando, dirigendo, & arcendo mala &c. profectò non erat necessaria Angeli custodia; quod idem habet ibi Rupertus sic. *Ut operaretur Adā obediendo, & sic eum custodiret Deus.* Verum, quia non obediit, indignū se reddidit immediatæ Dei custodiæ; qui tamen eum non penitus deseruit sed cuique Angelum aliquem in adnuncium constituit. Vtraque sententia valde probabilis est, illa prior magis recepta inter Thomistas. Hæc posterior videtur esse magis ad mentem S. P. Loquendo postea de tempore cuiusque hominis, sententia S. Thomæ in præd. q. 113. art. 5. est deputari cuique Angelum Custodem à puncto natiuitatis suæ: quod pro-

bat, quia beneficia illa, quæ Deus providet cuique homini quatenus habet naturam rationalem; eo tempore illi conferuntur, quo talem naturam incipit habere. Sed custodia Angelica computatur inter huiusmodi beneficia, ergo homo statim à natiuitate habet talem custodem. Prob. 2. Auctoritate S. Hieronymi, & Origenis supracit. qui dicunt ab ortu natiuitatis habere vnumquēq; Angelum deputatum.

Dices 1. pueri mox nati, sunt incapaces, ut illuminentur, & dirigantur in suis actionibus ab Angelo: ergo non ab hoc tempore, sed ab eo, in quo incipit homo habere vsum rationis debet sumi exordium huius Tutelæ. R. effectum huiusmodi custodiæ non esse solam illuminationem, & directionem in operationibus moralibus; Sed etiam arcere Dæmones, removere pericula tam spiritualia, quam corporalia, procurare bona convenientia statui sui clientis &c. quæ optimè potest Custos exercere circa huiusmodi infantes.

Dices 2. puer accipit naturam humanam ab eo puncto, in quo anima rationalis incipit informare corpus in utero matris, quod conceptio hominis communiter appellatur. Ergo ab hoc puncto, & non à tempore natiuitatis debet assignari exordium custodiæ. Respondeo non deesse Auctores, qui & propter hanc rationem, & quia infans etiam in utero

Matris

Matris est persona distincta à Matre in ordine ad beatitudinem. Vnde est capax peccati originalis, & eo infectus, esto Mater, vt plurimum sit Sancta, & in statu gratiæ; docent assignari Angelum tutelarem à momēto huiusmodi Conceptionis; in quo videtur magis commendari Liberalitas Dei. Nihilominus censeo propter hæc non esse recedendum à sententia S. Thomæ loco cit. in responsione ad Tertium, qui pro sua sententia assignat hanc rationem: Puer quādiu est in vtero Matris est veluti pars Matris, quemadmodum fructus pendens ab arbore est aliquid arboris; & propterea tunc ab Angelo Tutori Matris custoditur; quod non habet locum in Natiuitate, tunc enim puer separatur à Matre. Et cum hæc sit etiam sententia S. Hieronymi, & Origenis videtur habere maiorem probabilitatem, & ab intrinseco, & ab extrinseco. Ad argumentum adductum. R. quod licet tunc puer habeat naturam rationalem indiuidua liter diuersam à Matre; nihilominus moraliter censetur vnum quid cum ipsa, vt quid contentum, vnitum, & alligatum illi; ac proinde nullam esse necessitatem diuersi Custodis: sicut non assignatur diuersus Custos pro vase, & pro contentis in vase. Ad aliam rationem recentiorum, respondetur distinctionem illam, non importare, nec exigere diuersitatem talis Custodis; nam sicut communi-

ter docetur Custos Regni, vel Ciuitatis non solum custodit Sanctos, qui in illis sunt, sed etiam peccatores; sic & Angelus, qui custodit Matrem Sanctam, optimè poterit custodire infantem existentem in vtero Matris. Ad illud de Liberalitate Dei, respondetur hanc non esse regulandam per nostros discursus, sed secundum ordinem Sapientiæ, & Prouidentię suæ, quæ suauiter disponit omnia; tunc enim recta est Liberalitas, & dispensatio, quando non solum datur, sed etiam datur quid, quantum, & quo tempore conuenit, tam danti, quam recipienti.

Dico 5. S. Michaelē Arcangelum præfuisse Iudæorum Synagogæ, & nunc præesse toti Ecclesiæ. Prima Pars prob. communiter ex Daniele capite decimo v. 21. vbi habetur. *Nemo est aditor meus in omnibus his, nisi Michael Princeps vester.* Prob. 2. ex illis quæ narrantur in Scripturis Sacris gesta pro Hebræis; nam in hoc eodem capite decimo refertur eum egisse causam ipsorum, vt possent liberari ex captiuitate Babylonis, & in Epistola canonica Sancti Iudæ Apostoli narratur eum contendisse cum Diabolo de corpore Moyſis; quo loco Lyranus, Dionysius, Cartusianus, & alij interpretes dicunt Diabolum voluisse illum in apertum proferre, vt Iudæis occasionem Idololatriæ daret. S. verò Michaelē se opposuisse, vt populo Dei

Ecc

Dei

Dei hanc peccandi occasionem auferret: Probatum etiam Auctoritate Sancti Thomæ, qui in quarto dist. 43. quæst. 43. quæst. 3. art. 3. ad 3. de S. Michaelē loquens, ait quod Synagoga præerat; refert etiam noster P. Io: Gregorius in præcitata Lectione 18. nu. 11. Auctoritatem S. Gregorij Magni, ex Vincentio Regio lib. 5. cap. 10. Digress. 6. nu. 11. dicentis *Michael erat Hebræi populi præpositus*. Et præterea adducit Auctoritatem S. Pantaleonis Ecclesiæ Constantino politanæ Decani dicentis de S. Michaelē *Semper castra locat in circumis fidelium, & nos redimit à telis Belial, & omnium inimicorum nostrorum*; immò ex Vincentio Regio loco citato, probat nomen Macabæorum derivatum fuisse à S. Michaelē; eo quod isti in vexillis ex præcepto inuictissimi Ducis Iudæ filij Mattatæ præliaturi contra Antiochum, inscripserint quatuor litteras initiales M. C. B. L. quorum significatum erat *Mi. Chemacha, Balaam, Ieboua*, idest quis sicut tu in fortibus Domine: quæ postea milites corruptè legentes ex illis se inuicem Macabæos appellabāt; ut refert Sixtus Senensis Lib. 1. suæ Bibliothecæ Sacræ; & his verbis contineri nomen S. Michaelis, qui interpretatur *quis ut Deus*, ostendit Vincentius Regius Digress. Sexta supracitata. Quibus addere possumus; Nicolaum de Lyra in Epist. S. Iudæ Apostoli ad illa verba, *Cum Michael*

Archangelus, cum Diabolo disputans alsercetur de Moysi corpore; ubi ait, *Volēbat Diabolus revelare corpus Moysi Iudæis ad idolatriam pronis, ut eum adorarent tanquam Deum. Michael autem tunc Princeps Synagoga, hoc volēbat impedire*; ac etiam Dionysium Cartusianum ibidem sic dicentem, *Quoniam tanquam Princeps Synagoga, voluit corpus illud manere absconditum*, quod etiam repetit in Evangelio S. Lucæ ad illa verba (cap. 22. *Apparuit illi Angelus de Calo confortans eum*: ubi ait, *Probabile est Angelum illum fuisse Michaelē, tunc Principem Synagoga*. Durasse hanc custodiam, donec *Velum templi scissum est in duas partes*; ostendit in præcit. Lect. n. 11. eruditè noster P. Io: Gregorius Auctoritate S. Hieronymi, Ruperti Abbatis, & Iosephi Hebræi quando auditæ fuerunt à multis voces illæ *Migremus hinc, migremus hinc*, quas fuisse voces Angelorum derelinentium Templum, & Synagogam, quorū Princeps est S. Michael, communis est Sententia.

Secunda pars probatur. Primò ex Sacra Scriptura; nam Danielis cap. 12. habetur, *In tempore autem illo consurget Michael Princeps Magnus, qui stat pro filijs populi tui*. Loquitur ibi Propheta, ut est clarum ex capite antecedenti, de prælijs contra Ecclesiā, & maxime de tribulatione illa magna, qualis non fuit, quam ha-

habebit Ecclesia Sancta tempore Antichristi, qua descripta subdite prædicta verba, & statim subiungit. *Et veniet tempus quale non fuit ab eo, ex quo gentes exorauerunt usque ad tempus illud; Et in tempore illo saluabitur populus tuus, omnis qui inuentus fuerit scriptus in libro. Et multi de his, qui dormiunt in terra puluere conglabunt, alij in vitam æternam, & alij in opprobrium, ut videant semper.* Immò S. Thomas Acquinas ad illa verba Epist. 2. ad Thelal, c. 2. *Quem Dominus Iesus interficiet spiritus moris sui;* ait, id est mandato suo; *Quia Michael interfecturus est eum in Monte Olineti;* unde Christus Calum ascendit. Ex quibus apparet S. Michaeli Archangelum, non solum Synagogæ, sed etiam S. Ecclesiæ Protectorem, Defensorem, & Custodem fuisse, esse, & fore futurum in omnibus, & maximè in cunctis suis prælijs, & certaminibus. Huius assertionis optima ratio illa mihi videtur esse, quam adducit Andreas Victorellus libro sexto Ministeriorum Angelorum cap. 9. id est, quia seruauit fideles Maiestati Diuinæ, omnes Sanctos, & felices spiritus omnium trium Hierarchiarum; immò S. Pantaleo supra relatus loquens de S. Michaeli docet eum à primis parentibus hanc custodiam exorsum fuisse. Et quod Adam de Paradiso eiec tum fraude Dæmonis inimici, texit, traduxit, & direxit, & eum terram ligo ne docuit

codere, seminare, & metere, & ad reliqua, quæ utilitatem afferebant instruit, ut quæ ei ex iniuria contigerat lapsus per laboriosam, & gratam Deo viuendi rationem rursus corrigeretur, & quod instructus à Michaeli, non fuit amplius seductus à Diabolo, nec ab eo est passus aliquam commotionem. Præterea ait inter cætera præclara Michaelis gesta, est quod Abraham comitatus est, cum è terra egrederetur, qui manu tenuit gladium, ne Isaac interficeretur; subinde narrat eundem S. Archangelum liberasse populum Hebræum à tyrranide Pharaonis, adiuuasse populum Hebræorum in deserto, Balaam Prophetam correxisse, Ad prælium hortatum fuisse Gedeonem, eumque iuuisse, Nara Prophetæ apparuisse, & ad corripiendum David misisse; qui exercitum Assiriorum interficiendo vna nocte, centum octuaginta quinque mille virorum destruxit, qui tres pueros in fornace ignis seruauit, Daniele in cisternam, & illæsum inter Leones custodiuit, & Abachucum cibo ad eum detulit. Dæmonem volentem prodere corpus Moyse cohibuit, qui aquam Probaticæ piscinæ commouit, & denique statuit, ac firmat veluti generalem regulam, quod *Michael fidelium populorum Ecclesias exhilarat. Romanorum custodit Rempublicam. Christi Imperatorem armat. Aduersus barbaros Christianos reddit victores.*

Ecc 2

Ho-

Hostes inimicos persequitur, ab eorum qui persequuntur molestijs pios liberat, ab ingentibus maris fluctibus eos, qui ipsum innocentem eripit, Demonis impetns propulsat. Hanc eandem veritatem probat Becanus Tract. de Angelis cap. 6. §. Secunda Pars. Ex multis huius Sancti Seraphim apparitionibus, & ex multis miraculis, quibus partim in Occidentali, partim in Orientali Ecclesia conspicuū se fecit. Vnde tot illi Basilicæ erectæ, & dicatæ in Orbe Christiano fuere. Propterea arbitror S. Romanam Ecclesiam ei commendare omnes animas suorum filiorum in Misæ Defunctorum illis vocibus. D. I. C. libera animas omnium Fidelium Defunctorum, &c. signifer Sanctus Michael repræsentet eas in lucem Sanctam, &c. Dignissimus propterea spiritus Princeps, & Seraphim, quem inuocemus omnes; sicut cum toto corde ex nūc oro, & deprecor ut me nunc, & semper, & maximè in hora obitus mei, iuuet, protegat, custodiat, & defendat, & eisdem vocibus interpello, quibus S. Sostionius Episcopus Hierosolomitæ oratione de excellentia Angelorum interpellauit, & sunt. Re, & nomine Michael venerande te oro, & quantum possum sensu obtestor, ut è vita huius curriculo exituro latius, pacatusque appareas; meque sub honorato alarum tuarum velamine abscondas, atque ex angustis, obscurisque inferorum lacis ereptum in loca Tabernaculi

admirationis constituas, deducens usque ad domum Dei, in voce exultationis, & confessionis, & soni festum celebrantium.

Dico 6. communem esse sententiam Theologorum personas publicas, ut sunt Summus Pontifex, Episcopi, Reges, Gubernatores, & alij, huiusmodi præter Angelum Custodem assignatum eis ab ortu natiuitatis iuxta præcedentem Doctrinam habere alterum Angelum Custodē, in ijs quæ spectant ad regimen; qui à quibusdam Angelus gubernij appellatur. Probant hanc assertionem aliqui ex cap. 12. Actuum Apostolorum ubi narratur, quod Petro, educto è carcere, & pulsante ad ostium, ubi erant fideles congregati, & oratio fiebat sine intermissione ab Ecclesia ad Deum pro eo; crediderunt isti Angelum eius esse id est Angelum officij. Hoc tamen recentioribus non videtur sufficiens ad probandum intentum, quia verba illa Textus hoc, nec quidem leuiter indicant, nec apparet ex quo capite illi fideles potius de Angelo Custode Personæ, quam de Angelo officij dixerint Angelum eius esse. Melius crediderim ego probari ex apparitione ipsa Angeli in carcere, qui percusso latere ipsius Petri eduxit eū ab omnibus periculis, & si quæras à me cum Arriaga; vnde habeam hūc fuisse Angelum officij. Respondeo ex contextu in quo habetur, quod

ora-

oratio fiebat sine intermissione ab Ecclesia ad Deum pro eo; & cū hoc expediret bono totius Ecclesiæ, ipsum S. Michaelē Archangelum ipsius S. Ecclesiæ Protectorem, & Custodem ex officio arbitror id præstitisse, cuius rei non habeo quidem necessariam consequentiam; sed solum argumentum ex dictis, & ex eo, quod cum Andrea Victorello docet noster P. Io: Gregorius in præcitata lectione 19. videlicet S. Michaelē Archangelum esse Tutelarem Summi Pontificis pro tempore existentis, pro quo citat etiam Cornelium à lapide, & Vincentium Regium, qui omnes ut viri pij, & eruditi hæc non sine fundamento docuere; propterea etiam ipse Arriaga Tract. de Angelis sect. octaua; licet in subsektionē secunda. § sexto dubitatur, hoc valde dubium reliquisset; nihilominus in subsect. 3. nu. 58. §. Dices scripsit, probabilissimè dicitur etiam Regibus, Episcopis, & similibus personis Archangelos aliquos designari: Hoc magis patebit ex sequenti assertionē.

Dices. Cum nullus homo sit Episcopus, aut Rex ante electionē, vel inaugurationem, vel ante hanc, puta à natiuitate, habuerunt huiusmodi personæ Angelum Custodem officij, vel solum personæ. vel vtrumque simul. Non primum, nec tertium, quia tunc non habebant huiusmodi officia, & consequenter frustra

fuisse talis Angelus. Ex secundo sequitur, quod vel postea mutandus sit Angelus cum vnicus sufficiat, tam pro persona, quam pro officio: vel quod idemmet, qui est personæ debeat etiam esse officij Custos; sicut eadem est persona, quæ assumitur à statu priuato ad statum personæ publicæ: ne dicatur Deum aliquid frustra disposuisse. R. communiter iuxta ordinem Sapientiæ Diuinæ factam esse illam dispositionem ordinum Angelorum, quam supra ex Sancto Dionysio, & alijs indicavi; ut Angeli infimi Chori custodiāt priuatas personas; Archangeli verò, vel etiam Principatus custodiant personas publicas; ac proinde duos omnino esse constituendos vnum à natiuitate, qui semper curam illius habet ut est indiuiduum naturæ humanæ, qui cum sit Angelus semper manet in ordine infimo Angelorum, cū in Patria non fiat assumptio ab vno Choro ad alium. Alterum verò à puncto electionis, vel inaugurationis, qui regat, dirigat, & custodiat in illis, quæ ad officium spectāt, qui sit à Choro Angelorum, vel Principatum; ac proinde Deum, nihil frustra disposuisse. Instantia illa Arriagæ loco cit. ex absurdo quod sequeretur, si Angelus sciret iam ab instanti Conceptionis, quis sit futurus Episcopus, quis verò non. Mihi videtur oriri potius ex inordinato illo appetitu intrudendi vbique quæ-

stio.

scientiam scientiæ de futuris liberis, vel absolutis, vel conditionatis, quæ ex eo, quod habeat aliquid difficultatis consideratione dignæ. Quis enim Theologorum ignorat quemcumque Beatorum sine villo inconuenienti scire, & videre, ac prævidere ea omnia, quæ ad proprium statum, & eorum cuius curam habet, vel habuit?

Dico 7. Regnis singulis, atque Provinciis etiam infidelium præpositos esse Angelos singulos quod prob. ex cap. 12. Danielis ubi narratur quattuor Angelos fuisse Principes diuersorum regnorum, esto duo ex illis essent infidelium; nam vnus dicitur fuisse Princeps Persarum. Secundus Græcorum. Tertius captiuorum in Perside, & hic dico ibi fuisse Gabriel. Quartus Michael Princeps populi Dei: & ortam fuisse dissensionem inter Angelum Principem Persarum, & Gabrielem, an Iudæi essent liberandi ex Perside nec ne? nam Princeps Persarum urgebat persistendum esse Iudæis in Perside, vt Persæ erudirentur ab illis de cultu, & Religione veri Dei, & sic conuerterentur. Gabriel verò contendebat eos esse liberandos, ne paulatim imberberent mores Persarum infidelium, & relicto verò Deo ad idola se conuerterent, & durauit dissensio, donec Michael nuntiavit eis voluntatem Dei. Idem docent PP. & Interpretes in hoc loco, & alibi.

Quæret hic forte aliquis, an idem numero sit Angelus Custos Regni vel Provincie, ac Custos Regis, vel Gubernatoris. Pars affirmatiua videtur suaderi posse ex eo quod supra dixi; idest S. Michaellem Archangelum esse simul, & Custodem S. Ecclesiæ, & Summi Pontificis pro tempore existentis. Pars verò negatiua videtur argui posse ex eo quod Regna, quandoque adeo sunt distantia à suo Rege, vt non possit concipi eundem Angelum simul custodire Regnum, quod est v. g. in America, & Regem, qui est in Hispania; sed hæc ratio non multum urget, nec cōvincit, vt infra dicam. Fortius suaderi potest, ex eo quod quandoque, & sæpe causæ Regum, & causæ Regnorum sunt inter se diuersæ, & ex diametro oppositæ; in quo nec etiã leges humanæ concedunt eandem personam posse esse Advocatum, pro vtraque parte. In hac quæstione non vidi adhuc Auctorem, qui eam discutiat; ea propter, & ipse sub dubio illā relinquo. Pars tamē hæc negatiua magis placet, & ad argumentum desumptum ex Summo Pontifice, & Ecclesia respondeo esse disparem rationem; nam hic semper eadem est causa Summi Pontificis, & Ecclesiæ; idest causa fidei, non sic in Regnis temporalibus, quod tamē dictum volo, saluo meliori iudicio.

Dico 8. cum communi sententia etiam speciebus aliarum rerum præ-

ludc-

fidere Angelos, quod probatur primo ex Apocalypsi cap. 1. & 14. ubi habetur Angelam unum fuisse aquarum presidentem, alterum vero habuisse potestatem supra ignem. Secundo idem prob. Auctoritate S. P. Augustini, S. Gregorij Nazianzeni, S. Io: Damasceni, quos refert, & sequitur Suarez lib. 6. cap. 17. n. 15.

Dico 1. cum Caietano, Angeli nec producunt res irrationales, aut insensibiles, nec immutant eorum causarum secundarum; nec istæ sunt capaces illuminationis, aut doctrinæ; ergo sine necessitate, & fundamento ponitur talis præsentia. R. sufficiens fundamentum pro constituenda opinione probabili esse prædictas auctoritates, tam script. quam SS. PP. & pro sufficienti necessitate assignari potest, quod Angelus v. g. qui præstare potest impedire, & coercere tempestates pro salute, & bono hominum; qui præstare igni potest coercere magna incendia & sic de alijs: possunt etiam procurare conservationem ipsarum specierum, impedire magna nocumenta, v. g. ne locustæ deuorent segetes, Lupi oues, & alia ministeria exercere circa illas in bonum, & utilitatem hominum; cum earum existentia ad hoc sit ordinata.

Limitat Suarez loco citato hanc generalem regulam cap. 19. tribuendo solum huiusmodi curam, & protectionem, speciebus perfectis; nam in aliquibus alijs non apparet neces-

sitas, nec utilitas talis curæ; ut v. g. in aëneis hæræis, ibi enim non est periculum ne pereant; nec ab eis timetur malum.

Dices 2. vel assignatur vnicus Angelus pro tota specie v. g. Leonum; vel vnus pro quolibet indiuiduo. Primum est impossibile. Secundum est ridiculum; ergo non est admittenda talis custodia. Antecedens probatur quoad primam partem, quia vnus Angelus non potest sufficere pro omnibus indiuiduis talis speciei, qui sunt in toto orbe, cum sphaera actiuitatis, & loci ipsius sit limitata. Quoad secundam partem prob. quia tantæ dignitatis ponerentur esse Vrsi, & Lupi, ac sint homines. R. negando talem insufficientiam, vel impossibilitatem; nam prouidentia illa talis Angeli est solum pro aliquibus casibus in quibus vel toti speciei magnum aliquod immineret nocumentum, vel pateretur illud actu, vel ob aliquam aliam causam similem, quam optime potest præuidere talis Angelus; & statim ciuissimè accurrere; quod idem dicendum est de mari, quando imminet aliqua tempestas; & de alijs similibus casibus. Nec iudicarem inconueniens dicere, quod Deus constituendo talem præsentiam dederit quoque unicuique virtutem, & potentiam adiuuam operandi in prouisionem, & bonum cuiusque indiuidui sue speciei ad quam cuiusque distantiam. Quemadmodum cum subiecerit res corporales acti-

actiuitati corpori caelestium, & maxime Astorum, vt Solis, & Lunæ, &c. eorum actiuitatem, vt probatur experientia, voluit extendi ad totum orbem terrarum.

Dico 9. cum communiori sententia solum ex tertia Hierarchia assignari huiusmodi Angelos Custodes, est tamen dubium, an ex omnibus tribus Choris, vel solum ex infimo Choro. Quoad Angelos Custodes singulorum indiuiduorum naturæ humanæ; sicut etiam singulorum generum rerum corruptibilem, docet S. Thomas pri. par. qu. 113. art. 2. esse ex infimo Choro: cuius assertionis optima ratio videtur esse illa, quam assignat in articulo sequenti, quia scilicet minima pertinent ad infimum ordinem; At Custodia & procuratio eorum, quæ conducunt ad salutem vniustantum, est minimum inter officia Angelica. Ergo hæc spectat ad infimum Chorum, & pro hac sententia citantur etiam SS. Doctores Dionysius, Athanasius, & Gregorius. Cum quo tamen stat, quod custodia vniuersaliter hominum, vt Ecclesiarum, Regnorum, & Prouinciarum, spectet ad Angelos superiores, puta ad Archangelos, & ad Principatus, vt docet ibi art. 3. Angelicus Doctor, & toti Ecclesiæ Catholice esse supremum Seraphim idest Sanctum Michael, vt dictum est.

Dices 1. S. Io: Chrysostomum, homil. 60. in Matthæum docet An-

gelos Custodes esse ex Angelis excellentioribus. Ergo non sunt ex infima Hierarchia, nec ex infimo Choro. Respondent aliqui hunc S. Doctorem solum intendere, quod sint inter spiritus excellentiores, eo quod sunt superiores omnibus Dæmonibus, qui & ipsi spiritus, & Angeli Apostarum dicuntur, & hoc deducitur ex contextu illius homiliæ, quia explicans huiusmodi excellentiam, ait consistere in hoc quod *videant faciem Patris*; quod est commune omnibus Sanctis Angelis: hæc mihi videtur melior responsio cæteris. Nam illam quam assignant alij dicendo cum loqui de excellentioribus in infima Hierarchia non satisfacit planè; nam ex hac sequeretur etiam Angelos Custodes, cui usque hominis esse ex supremo Choro Tertiæ Hierarchiæ, quod est expressè contra prædictos Sanctos Doctores. Quod si dicas adhuc apud S. Ioan: Chrysostomum per ly videre faciem Patris non venire quamcumque visionem Beatam omnibus communem, sed specialem solummodo assistentiam, vt notauit quidam recentior. Respondeo me ex lectione illius homiliæ nihil tale deprehendere potuisse; quod si hoc esset, deberemus dicere S. Ioannem Chrysostomum in hac re dubia esse in opposita sententia. Præterea hic argumentum illud desumptum ex inæqualitate specifica cuiusque Angeli, quam do-

cent Thomistæ, eo quod sit res velle incerta, & adhuc ea admissa spectat ad Diuinam Prouidentiam assignare prædictos Custodes, iuxta regulas Diuinæ Sapientię, in qua re crediderim magis attendi dona supernaturalia ipsorum Angelorum, quā prædicata naturalia; Cum sint ad ministratorij spiritus in ministerium missi propter eos, qui hæreditatem capiunt salutis.

Dico 10. inter munera, quæ exercent Angeli in custodia hominum, præcipua esse quod illuminent intellectum. Impediant Dæmones in suis prauis intentionibus, & temptationibus. Auertant pericula spiritualia, & corporalia. Remoueant occasiones temptationum, & denique orationes nostras Diuinæ Maiestati offerant, vt habetur in eo Tobię cap. 12. dictum ab ipso S. Raphael Archangelo eidem Tobię; ac etiam in Apocalypsi cap. 8. Necessitas horum officiorum patet ex discursu S. Thomæ pri. par. qu. 114. art. 1. vbi ostendit nos assidue impugnari à Dæmonibus, vt est clarum ex Epist. ad Ephesios cap. 6. vbi Apostolus ait. *Non est nobis colluctatio aduersus carnem, & sanguinem, sed aduersus principes, & potestates, & aduersus Mundi rectores tenebrarum harum, contra spiritualia nequitia in caelestibus*, & passim de hoc in Sacris Scripturis admonemur. Prouenit autem hæc impugnatio principaliter ex ma-

litia ipsorum Dæmonum, qui propter inuidiam profectus hominum impedire nituntur; vnde & ardenti odio Diuinæ Maiestatis imaginem, & similitudinem in nobis persequuntur, & propter superbiam, Diuinæ potestatis similitudinem sibi vsurpant deputando sibi ministros deterritos ad hominum impugnationem. Ordinatur verò Omnipotens Deus, & ipsam custodiam bonorum, & Sanctorum Angelorum, vt primus Auctor, & prouisor bonorum omnium, & sapienter disponit, & ordinat impugnationem prædictam ea regula, & ordine, quibus nouit etiam malis benè uti, vt de facto vitur hac impugnatione ad nostram vtilitatem, & progressum.

Dices etsi in prioribus exercitijs SS. Angelorum Custodum appareat vel necessitas, vel vtilitas; in eo tamen quod est nostras preces offerre, vel deferre ad Deum nihil tale videtur; Deus enim nouit omnia, ac proinde etiam orationes nostras antequam fiant. R. nihilominus locutiones illas deferendi esse metaphoricæ, & sensum proprium illorum esse, quod iungunt suas preces cum nostris, vt nostræ efficaciores reddantur: Quin etiam, & sæpe independentes à nostris precibus, & ipsi pro nobis suas Deo fundunt orationes; vt communiter ex Sacris Scripturis docent PP.

Quæri hic solet an ad munus Angelorum

geli Custodis spectet corrigere, & punire clientes sibi commissos. & ex vitis Sanctorum constare eos correctione filiali in ordine a leinudationem etiam Sanctas personas corripuisse; Sæpe enim pro nostro profectu spirituali aliquid aduersum in bonis temporalibus disponunt, vel in pœnam nostrorum peccatorum curant, ut aliquid mali nobis eueniat, quo redeamus ad nos, vel ut in hoc Mundo pro pœnis in Purgatorio debitis satisficiamus: sæpe etiam excitant in nobis conscientie remorsum, ut vel doleamus de erratis præteritis, corrigamur præsentia, & caueamus ab illis in posterum. Censent etiam aliqui pii, & eruditi Auctores quandoque in bonum sui cliētis Angelum Custodem ex voluntate Diuina eidem mortem immediatè infligere, cum hæc quandoque immatura, & anticipata soleat esse Prædestinationis effectus, ac proinde maximum hominis bonum, ut habetur Sapientie cap. 4. *Raptus est pe malitia mutaret intellectum eius.* Porro decedentes in gratia, si habent aliquid ad purgandum Angelos tutelares comitari, & solari est communis, & pia Theologorum sententia, eosque feliciter absoluto pœnæ cursu ad Cælum deducere. Quod si nihil habeant ad soluendum in pœnis Purgatorii, eos statim à puncto mortis ad regna cælestia festiuos, & lætos perducere docet nos S. Ioan:

Chrysostomus in homilia de Lazaro mendico; ad illa verba, quæ habentur ex S. Luca cap. 16. *Factum est autem, ut moreretur mendicus, & portaretur ab Angelis in sinum Abrahæ:* ubi ait. *Nō sufficeret unus Angelus ad portandum? sed propterea plures veniunt ut Chorū latitia faciās. Gaudet unusquisque Angelorum tale onus tangere: libenter iacobus oneribus pręgrauatur, ut adducant homines ad regna Cælorum.* Ex his habemus non solum Custodem, sed etiam plurimos alios Angelos concurrere ad animam unius iusti deducendam in Cælum, quod & docet, & precatur S. Ecclesia Catholica in exequiis defunctorum illis verbis. *Subuenite Sancti, accurrite Angeli Domini, suscipientes animam eius, offerentes eam in conspectu Altissimi. Suscipiat te Christus, qui vocauit te, & in sinum Abrahæ Angeli deducant te.*

Abfoluo hunc de Angelis Custodibus & totum de Angelis Sanctis, Tractatum verbis illis quibus pius, & eruditus ille Doctor Augustinianus Auctor libri Soliloquiorum caput illud 27, vnde desumpti Axioma pro fundamento harum breuium de custodia Angelorum questionum, prosequitur, & explicat, ac breui complexu suam de custodia SS. Angelorum deuotam meditationem ad mentem S. P. terminat videlicet.

Diligunt nempe concines suos, per quos sua ruina scissuras instaurari ex-

pellant; ideoque magna cura, & vigilantissimo studio adsum nobis omnibus horis, & locis, succurremus, & providentes necessitatibus nostris, & solliciti discurreremus inter nos, & te Domine, gemitus nostros, atque suspiria referentes ad te, ut impetrent nobis facilem tuam benignitatis propitiationem, & referant ad nos desideratam tuam gratiam benedictionem. Ambulant enim nobiscum in omnibus viis nostris, intrant, & exeunt nobiscum attentè considerantes quam pè, quamque honestè in medio pravae nationis consersemur, quantoque studio, & desiderio quaramus Regnum tuum, & iustitiam eius, quantoque timore, & tremore serviamus, & exultemus tibi in laetitia cordis nostri. Adiuvant laborantes, protegent quiescentes, hortantur pugnantes, coronant vincentes: congaudent gaudentibus, de te, inquam, gaudentibus; compatiuntur patientibus, pro te, inquam, patientibus. Grandis est eis cura de nobis. Magnus est effectus dilectionis eorum erga nos: & hoc totum propter honorem tuam inestimabilis Charitatis, qua dilexisti nos. Diligant enim, quos tu diligis, custodiunt quos tu custodis, & deferunt quos tu deferis.

Nec diligant operantes iniquitatem, quoniam, & tu odisti omnes operantes iniquitatem, & perdes omnes, qui loquuntur mendacium. Quoties benedagimus gaudent Angeli, & tristantur Dæmones. Quoties vero à bono opere deviamus Diabolum latificamus, & Angelos tuos suo gaudio defraudamus: gaudium est enim eis super uno Peccatore penitentiam agente, sed Diabolo super uno iusto penitentiam deferente. Da igitur, da Pater eis semper gaudere de nobis, ut & tu semper per eos lauderis in nobis: & nos cum eis in unum ovile tuum adducamur, ut constitemus simul nomini Sancto tuo, Creator hominum, & Angelorum. Hac ipse commemorans coram te, confiteor laudans te: quoniam beneficia tua magna sunt, hac quibus nos honorificasti dāns nobis Angelos tuos spiritus in ministerium nostrum. Dederas enim quidquid Caeli ambitu continetur, & quasi parva reputas hac, quae sub Caelo sunt, nisi adderes etiam ea, quae sunt super Caelos. Laudent te Domine de hoc omnes Angeli tui, confiteantur tibi de hoc omnia opera tua, & ipsi Sancti tui tibi benedicant. In saecula saeculorum. Amen.

F I N I S.

Fff2



I N D E X

CONTROVERSIARVM, ET DVBIORVM

IN AXIOMATA

S. P. N. AVGVSTINI.

DE ANGELIS.

CONTROVERSIA I.

De existentia, & essentia Angelorum.

- Axioma primum. Existentiam Angelorum fide tenem^r. p. 1.
 Dubium. Vtrum Existentia Angelorú ratione naturali
 probetur. 2.
 Axioma 2. Natura Angeli est spiritualis. 14.
 Dubium. Vtrú Angeli sint immateriales, & incorporei. ibid.
 Axioma 3. Datur in Angelis aliqua compositio. 30.
 Dubium. Quænam compositiones sint in Angelis. ibid.
 Axioma 4. Differentiæ plures dantur in Angelis, quæ-
 dam tamen à nobis ignorantur. 43.
 Dubium. Vtrum Angeli differant specie. ibid.
 Axioma 5. Angelorum magnus est numerus. 54.
 Dubium. de eodem. ibid.
 Axioma 6. Angelus respectu potentiæ creatæ est im-
 mortal is, & incorruptibilis. 60.
 Dubium. Vtrum Angeli natura sua sint incorruptibiles. ibid.



CON-

CONTROVERSIA II.

413

De Potestate Angelorum circa corporalia.

Axioma 1. Angeli quandoque assumunt corpora.	66.
Dubium de eodem, & quomodo.	67.
Axioma 2. Angelus non potest in corpore assumpto exercere operationes vitales quoad substantiam.	75.
Dubium de eodem.	ibid.
Axioma 3. Angelis non conuenit illapsus in animas.	85.
Dub. utrū Angeli possint illabi animę rationali, vel corp.	86.
Axioma 4. Angelos quandoque commedisse habetur ex Sacra Scriptura.	90.
Dubium. Vtrum Angelus in corpore assumpto possit exercere alias operationes vitales.	ibid.

CONTROVERSIA III.

De loco, & motu Angelorum.

Axioma 1. Angeli sunt in loco.	94.
Dubium. Quænam sit Angelo ratio existendi in loco.	95.
Dubium alterum. Vtrum vnus Angelus sit tantum in vno loco, vel possit etiam simul, & semel esse in pluribus locis, & plures Angeli in eodem loco.	104.
Axioma 2. Mouentur Angeli per tempora.	110.
Dub. Vtrū Angelis competat mot ⁹ localis, & quomodo.	111.

CONTROVERSIA IV.

De intellectu, & cognitione Angelica.

Axioma 1. Angeli cognoscunt seipsos per suam subst.	115.
Du-	Du-

414	
Dubiū. 1.	Vtrum intelligere Angeli sit eius substantia. ibid.
Dub. 2.	Vtrum intelligere Angeli sit eius esse. 117.
Dub. 3.	Vtrum potentia intellectiva Angeli sit identificata cum eius essentia. ibid.
Dub. 4.	Vtrum in Angelo dentur intellectus agens, & possibilis. 118.
Dub. 3.	An in Angelis detur alia cognitio præter intellectivam. 121.
Axioma 2.	Dantur in Angelis species à Deo inditæ. 122.
Dub.	Quodnam sit medium cognitionis Angelicæ. ibid.

CONTROVERSIA V.

De obiecto intellectus Angelici, & de locutione, & illuminatione Angelorum.

Axioma 1.	Mens cognoscit se per suam substantiam. 142.
Dub. 5.	Vtrum Angelus cognoscat seipsum per suam substantiam. 143.
Axioma 2.	Vnusquisque Angelus cognoscit alium per speciem. 151.
Dub.	Vtrum Angelus cognoscat alium per substantiam suam, vel per substantiam cogniti, vel per speciem. ibid.
Axioma 3.	Angeli cognoscunt Deum. 160.
Dub.	Quomodo Angeli cognoscant Deum. ibid.
Axioma 4.	Angeli materialia, etiam singularia cognoscunt. 169.
Dub.	An & quomodo Angeli cognoscant materialia. ibid.
Axioma 5.	Angeli Beati cognoscunt quædam futura. 173.
Dubiū.	Vtrum Angeli cognoscant futura contingentia certo, & infallibiliter. 174.
Axioma 6.	Angeli non cognoscunt naturaliter certo cogitationes cordium. 180.
Dub.	Vtrum cogitationes, & affectiones nostræ possint ab

ab Angelis cognosci naturaliter.	415.
Axioma 7. Cognoscunt Angeli mysteria gratiæ.	181.
Dub. An ea cognoscant antequam fiant, vel solum postquam sunt facta.	192.
Axioma 8. Angeli inter se loquuntur.	ibid.
Dub. Quomodo Angeli inter se loquantur.	203.
Axioma 9. Angeli superiores illuminât mêtēs inferiorû.	204.
Dub. Quomodo vnus Angelus illuminet alium.	216.
	217.

CONTROVERSIA VI.

De voluntate, & amore Angelorum.

Axioma 1. In Angelis est voluntas, & libertas.	221.
Dubium. De eodem.	ibid.
Axioma 2. Angeli diligunt Deum, seipsos, & nos.	224.
Dubium. De eodem.	225.

CONTROVERSIA VII.

De gratia, meritis, & gloria Angelorum.

Axioma 1. Angeli fuerunt creati in gratia.	228.
Dub. Vtrum fuerint creati in gratia sanctificante.	ibid.
Axioma 2. Angeli omnes in primo instanti suæ creationis Deo amore casto adhæserunt.	242.
Dubium. Vtrum Angeli in primo instanti potuerint, aut etiam de facto se disposuerint ad gratiam sanctificationem per proprium actum.	ibid.
Axioma 3. Angeli non receperunt gratiam ex meritis Christi Domini.	255.
Dubium. De eodem.	ibid.
Axio-	

Axioma 4. Gratiā aſualem receperunt Angeli à principio.	273.
Dubium. Vtrum gratiā aſualem receperint Angeli à principio.	ibid.
Axioma 5. Angeli non acceperunt gloriā in primo inſtanti ſuæ creationis.	280.
Dubium. De eodem.	281.
Axioma 6. Angeli fuerunt viatores.	287.
Dub. Quæ, qualis, & quanta fuerit via Angelorum.	ibid.
Axioma 7. Angeli Sancti non poſſunt nec deficere, nec proficere in Beatitudine.	299.
Dubium. De eodem.	ibid.

CONTROVERSIA VIII.

De peccato, & pena Dæmonum.

Axioma 1. Angeli potuerunt peccare.	303.
Dub. Vtrum contra legem tam ſupernaturalem, quam naturalem poſſint peccare Angeli.	304.
Axioma 2. Peccauit Diabolus ab initio.	314.
Dubium. An in primo inſtanti potuerit peccare Angelus.	315.
Axioma 3. Diuerſimodè peccare potuerunt Angeli.	322.
Dub. Quibus modis potuerint Angeli peccare, & quo genere peccati de factò peccauerint Dæmones.	323.
Axioma 4. Aliqui Angeli de factò peccauere, quorum caput eſt Lucifer.	331.
Dub. Quinam Angeli de factò peccauerunt.	332.
Axioma 5. Primum peccatum Luciferi, & aliorum Dæmonum fuit ſuperbia.	339.
Dub. Quo peccati genere primo peccauerint Angeli.	ibid.

Axio-

- Axioma 6.** Obiectum superbiæ Angelicæ fuit dominus. 417
Dub. Quodnam fuerit obiectum primum superbiæ Angelicæ. 342.
Axioma 7. Casus Angelorum deferentium Deum. ibid.
Dub. Vtrum omnes Angeli, qui peccauerunt fuerint damnati. 361.
Axioma 8. Diabolus, & Angeli eius ad ignem æternum sunt destinati. ibid.
Dub. Quasnam pœnas incurrerint Angeli mali propter peccatum. 368.
ibid.

CONTROVERSIA IX.

De Ordinatione, Potestate, Missione, & custodia Angelorum SS.

- Axioma 1.** Angeli sunt dispositi per ordines. 377.
Dubium. Quomodo Angeli sint dispositi per ordines, & Hierarchias. ibid.
Axioma 2. Angeli Sancti ad nos mittuntur. 385.
Dub. An, & quomodo Angeli Sancti ad nos mittantur. 386.
Axioma 3. Angeli Sancti Custodes nostri sunt. 393.
Dub. An, & quomodo Angeli Sancti custodiant homines, & alias res. ibid.



INDEX NOTABILIVM.

Primus Numerus Paginam, Secundus indicat Columnam.

A

A

Angeli existentia quo sensu sit de fide. pag. 2. c. 1. caret compositione reali. 3. 1. Esse corporeū, vel non esse, non est definitum in Eccl. ibid. Si Angelorum nomine accipiantur substantie intellectuales complete omnino independentes à corpore, non potest ratione naturali euidenter demonstrari eos existere. 4. 2. Eos esse corporeos docuerūt aliqui Philosophi, & PP. 15. 1. Narrant plures SS. PP. & præcipue S. P. N. 16. 1. &c. Quatuor ordines substantiarum intellectualium ponebant Platonic. 23. 2. Admisit S. P. corpora Demonibus alligata in penam, non verò quæ ab eis informarentur. 24. 1. Nec etiam admisit in eis materiam propriè dictam. 26. 1. Compositiones à quæ non verò omnes admittuntur in Angelis. 30. 1. Non habent animas. 41. 1. Differunt inter se singuli, non tamen ut species aliquæ vniuersales 47. 1. Aliquos solum numero differre est possibile, & probabile simum. 47. 2. Esse in magno numero est de fide. 54. 1. Excedunt numerum rerum materialium, & quomodo. 56. 2. &c. Eorum numerus sciri non potest. 59. 2. Quomodo sint immortales, & incorruptibiles 61. 1. Comparati ad causas secundas exigunt durationem infinitam, non verò in ordine ad causam primam. 65. 1. Quomodo natura sua sint destruibiles, & annihilabiles. 65. 2. 66. 1. &c. Quandoque assumunt vera cor-

pora. 67. 1. Apparitiones eorum quod modis fieri possunt. 68. 1. Corpora quæ assumunt sunt sensibilia, non habent tamen semper veritatem rei, vel speciei quam representant. 71. 1. Vniuntur huiusmodi corporibus solum, ut motores mobilibus. 72. 2. Ex substantia tenuissima ea, ut plurimum assumunt. 74. 1. Non possunt producere formas substantiales, nec qualitates ad eas disponentes. 75. 1. Causant formas rerum, non influendo; sed mouendo corpora celestia. 76. 2. Quomodo Angeli maligni miscerint se mulieribus. 77. 1. Falsissimum est Angelos Sanctos cum eis concubuisse ibid. 2. Possunt moueri localiter, & producere aliquas qualitates, non tamen omnes. 78. 1. Mouentur per accidens ad motum corporis assumpti. 83. 1. Illis non conuenit illapsus in animas hominum 85. licet eas illuminent, & in eis species producant. 89. 1. Non possunt propriè exercere actiones vitales corporeas, nec quoad substantiam, nec quoad modum vitalitatis 91. 1. Secundum suam substantiam verè sunt in loco determinato. 95. 1. Alijs etiam modis dicuntur esse in loco. 101. 2. Non potest Angelus naturaliter esse in pluribus locis ad æquatis suæ perfectioni virtuali. 105. 1. Potest tamen esse in pluribus sibi inadæquatis ibid. 2. Probabile est quod presentia suæ substantia, sit semper in loco sibi adæquato. 105. 2. Per ope-

operationem potest esse non solum in aquali, sed etiam in minori. 106. 2. Solum intra latitudinem loci sibi adequati potest esse in loco maiori, & maiori. 106. 2. Possesse in loco minori, & minori non est maior, sed eadem perfectio. 108. 1. Presentia sua substantia possunt plures Angeli simul esse in eodem loco. 108. 2. Numquam plures Angeli sunt simul in vno aliquo loco, qui sit vnicuique illorum adequatus. 109. 1. Per operationem plures Angeli sunt in eodem loco, non solum materiali, sed etiam formali. 110. 1. Certum est eos se mouere localiter, 111. 1. non solum motu continuo. 112. 1. sed etiam motu discreto. 113. 1. Naturaliter secundum presentiam suam substantia non possunt se mouere ab extremo in extremum, quin transcant per medium. 114. 1. Licet tamē hoc nō possint efficere naturaliter, possunt nihilominus supernaturaliter ibid. 2. Angelorum intelligere non est eorum substantia aut esse. 115. 2. 117. 1. Probabilius est non dari in eis intellectum agentem. 118. 2. Nec habent aliam cognitionem, quam intellectiuiam. 121. 2. Cognoscunt plura obiecta per species. 124. 1. Quo perfectiores sunt copacioribus, & vniuersalioribus speciebus vtuntur. 139. 1. Non implicat Angelus qui omnia cognoscit per suam substantiam absque specie superaddita. 141. 1. De facto tamen vnusquisque cognoscit alium per speciem. 151. 1. Nec potest vnus per suam propriam substantiam cognoscere substantiam alterius distinctē. 152. 1. Probabile est posse vnum Angelum cognoscere alium per substantiam illius. 153. 1. Incertum tamen est an de facto ita contingat. 154. 2. Nullus comprehendit alterum, immo nec

suam essentiam, & virtutes. 158. 2. nisi nomine comprehensionis veniat solum quidditatiua, & distincta cognitio predictorum, & proprietatum naturalium ibid. 2. Per suam substantiam cognoscunt Deum naturaliter. 161. 1. Que cognitio nec est beatifica, nec ita obscura, & confusa vt est nostra. 162. 2. &c. Cognoscunt Deum per suam substantiam tamquam per obiectum cognitum, & tamquam per medium cognoscendi. 163. 2. Perfectius cognoscitur ab illis essentia Dei per suas substantias, quam per species. 164. 1. Cognitio eorū beatifica a S.P.N. Augustino descripta, & explicata. 165. 2. &c. ac eorum cognitio Matutina, & Vespertina. 167. 1. Cognoscunt propriē, & distinctē res materiales. 169. 2. & singularia. 170. 1. Futura contingentia quomodo cognoscantur ab Angelis naturaliter. 175. 1. Diuersimodē cognoscuntur a Beat. s. & a Daemonibus. 176. 1. &c. Non cognoscunt naturaliter cogitationes cordium, nec liberas affectiones. 180. nisi in suo effectu. 182. 1. Naturales tamen, & necessarias naturaliter cognoscunt. 184. 2. Nec etiam possunt naturaliter cognoscere actus imaginationis, & appetitus sensitiui quatenus liberi sunt, vel pendunt a libero arbitrio, & sunt moraliter boni, vel mali. 187. 2. Quare cognoscantur ab eis actiones libere Dei ad extra in suis effectibus ad extra, & non cognoscantur actus liberi creaturarum. 190. 1. Non possunt solo naturali lumine cognoscere effectus supernaturales reipsa futuros. 193. licet possint cognoscere aliquos esse possibiles, non tamen omnes. 194. 1. Mysterium Sacrosanctę Incarnationis, quo modo e s innotuerit. 196. 1. Naturaliter possunt cognoscere effectus

Huius illos, qui in entitate, sua sunt natura-
les, & solam in modo supernaturales.
 197. 2. non tamen illos, qui sunt super-
 naturales in entitate, & in termino.
 198. 1. Quomodo cognoscant Sanctissi-
 ma Eucharistia & Sacramentum. 200. 2.
 Subsistentiam humanitatis Christi Domi-
 ni. 201. 2. Virginitatem Beatissima Vir-
 ginis Mariae. 202. 1. Ac etiam ha-
 bitus supernaturales Fidei, Spei, & Cha-
 ritatis in animabus nostris. 203. 1. Lo-
 quuntur inter se, & quomodo 204. 1.
 Quomodo unus loquatur alteri absenti.
 209. 1. Deo quomodo loquantur. 210.
 2. Locutio, & auditio eorum in qua dif-
 ferant. 211. 1. Diversa sententia de lo-
 cutione Angelorum expenduntur. 211.
 1. Superiores illuminant inferiores.
 217. 1. Locutio, & illuminatio Ange-
 lorum in quibus differant. 219. 2.
 Liberum arbitrium est in Angelis 222. 2. Di-
 ligunt Deum, seipsum, & nos. 224. 1.
 Amor Angelicus est multiplex 225. 1.
 Quilibet Angelus naturaliter diligit
 alium sicut seipsum. 226. 1. Angeli
 mali oderunt homines, & alios Ange-
 los non quoad naturam, sed solum quo-
 ad illas perfectiones in quibus differunt
 ab eis. ibid. 2. Oderunt Deum ratione
 effectuum, id est damnationis, & punitio-
 nis. 227. 2.
 Omnes Angeli fuerunt creati in gratia.
 228. Non fuerunt creati ab aeterno.
 229. 1. An ante omnem creaturam cor-
 poralem est controversia. S. P. mens
 230. 1. sicut etiam quo loco. 232. 2.
 Gratiam sanctificantem largitus est eis
 Deus in primo instanti. 234. 2. Non est
 certum eos in se habere adhuc obie-
 ctum, quod semel complexi sunt. 241. 2.
 Omnes in illo primo instanti elicerunt
 actum dilectionis Dei. 243. 1. qui tamē

non fuit dispositio ad gratiam sanctifi-
 cantem. 245. 2. sed fuit effectus illius.
 248. 2. Est etiam probabile omnes eli-
 cisse actus Fidei, & Spei. 249. 1. Nec
 maior perfectio naturalis fuit causa re-
 cipiendi maiorem gratiam. Nec maior
 conatus fuit ratio cur primo daretur hu-
 iusmodi gratia sanctificans. 253. 1.
 Nec eam receperunt ex meritis Chri-
 sti. 256. 2. Quod prob. Auctoritate Sa-
 crae Scripturae, SS. PP. & rationibus.
 257. 1. &c. Gratiam actualem acceperunt
 omnes a principio. 273. 1. sine qua
 cum essent viatores non poterant elicere
 actus supernaturales. 247. 1. Quomo-
 do Angeli Sancti permanserunt in iusti-
 tia accepta: ubi de Perseuerantia, Li-
 bertate, & necessitate auxilij super-
 naturalis. 277. 1. Non habuerunt in pri-
 mo instanti suae creationis Beatitudinem
 supernaturalem. 281. 1. nec etiam per-
 transitum. 282. 1. Eodem actu volun-
 tatis, quo Angeli Sancti dilexerunt De-
 um in primo instanti, diligunt etiam nunc,
 licet actus intellectus fuerit mutatus.
 286. 2. Qui cum essent viatores adepti
 fuerunt Beatitudinem proprio merito.
 287. 1. Mali vero propter suum demer-
 itum ab ea defecerunt. 288. 1. Inter-
 cessit aliqua mora inter creationem, &
 Beatitudinem eorum qui steterunt. ibid.
 2. Via Angelorum bonorum ante ter-
 minum habuit solum unicum instans
 Angelicum. Via vero Angelorum ma-
 lorum ante terminum duobus instanti-
 bus fuit absoluta. 291. 2. Variæ aliorum
 Auctorum de hoc expenduntur senten-
 tia. 294. 2. Beatitudo accidentalis San-
 ctorum Angelorum est debita beatitu-
 dini essentiali. 297. 1. Qui de lege or-
 dinaria non possunt proficere, nec desi-
 cere in Beatitudine essentiali. 300. 1.

De facto tamen proficiunt in accidenta-
li. 301. 1.

Angeli mali indicabuntur a viris Sanctis in
iudicio. 302. 1. In Angelis Sanctis dura-
bit augmentum beatitudinis accidentalis
vsque ad diem Iudicii, & non ultra. 303.
2. Omnes Angeli in via poterant
ex natura sua peccare contra precepta
naturalia. 305. 2. ac etiam contra pre-
cepta supernaturalia. 312. 2. Nullus
Angelus fuit ex natura sua malus. 315.
1. nec peccauit in primo instanti. 316.
1. nec potuit peccare. 318. 1. &c. Po-
terant omnes peccare omni genere pec-
cati casualiter, & quoad malitiam; non
verò formaliter, & quoad actum pro-
prium. 323. 1. Formaliter, & comple-
te duo peccata in eis esse possunt super-
bia scilicet, & inuidia. 325. 1. Ita quo-
modo possit esse in eis. 326. 1. Quo mo-
do insit Diabolo odium Dei, Blasphemia,
Idolatria, Inobedientia, Infidelitas,
& Iniustitia. 326. 1. Gula, Luxuria,
Auaritia, & Accidia solum secundum
reatum. ibid. 2. Quomodo delecten-
tur Angeli mali rebus corporeis. 327.
1. Regulariter, & moraliter loquendo
primum Angeli peccatum non potuit esse
nisi superbia. ibid. 2. Non potuerunt
Angeli in v. a primo peccare venialiter,
vt docet S. Thomas. 329. 2. Vnico actu
versantur circa finem, & media, non sic
homines. 331. 1. Illi qui peccauerunt
fuerunt inducti a Lucifero ad peccatum,
qui est Princeps eorum non ratione natu-
ra, sed culpa. 336. 1. 2. Probabile est,
ex quolibet ordine aliquos Angelos ce-
cidisse. 337. 1. Plures fuisse Angeli,
qui permanserunt in gratia, quam illi
qui peccauerunt. 338. 1. Primum pec-
catum eorum fuit superbia. 340. 2. Ob-
iectum huius Superbiae fuit dominium,

seu Prælatio indebita. 342. & 344. 1.
Primum peccatum Angeli non fuit ap-
petitus vniuersalis hyppothetica. 353. 1.
Angeli, qui semel peccauerunt fuerunt
omnes damnati. 361. 1. ipsi fuit dene-
gatum auxilium ad penitentiam agen-
dam. 363. 1. nec fuit concessum spatium
penitentiae. 365. 1. fuerunt spoliati
quacumque notitia entitativæ superna-
turali. 369. 1. non tamen cognitione na-
turali. 370. 2. Omnes Angeli sunt mi-
nistrantes. 387. 1. Plures sunt mini-
strantes, quam assistentes. 389. 1. cuilibet
homini vnus Angelus est deputatus
in custodiam. 394. 2. omnibus, & An-
gelis hominibus fuit deputatus Angelus
Custos. 396. 1.

Anima humana quomodo cognoscat futura
contingentia. 177. 2.

Anima rationalis separata potest intelli-
gere seipsam, per suammet essentiam,
sine specie, non verò vnita. 150. 2.

Auerroes errauit negando Deo, & substan-
tijs separatis cognitionem singularem.
169. 1.

Auicenna errauit non admittendo aliam
cognitionem singularem in Angelis,
nisi quatenus conueniunt in ratione entis
ibidem.

Axioma illud quod est primum in vno
quoque genere est causa ceterorum
explicatur. 268. 1. & illud. Ad id quod
est tale per essentiam reuocantur om-
nia, quæ talia sunt per participatio-
nem. 16. d. 2.

Assistere Deo sumitur dupliciter. 386. 1.

B.

B Eati cognoscunt easdem res intuitiue
per species infusas, & abstractiue
per species acceptas a rebus. 145. 1.
Hhh Bea-

Beatifica Angelorum cognitio descripta à S. P. N. 165. 2.

Beatitudinem supernaturalem non habuerunt Angeli in primo instanti suæ creationis. 281. 1.

Beatitudo accidentalis SS. Angelorum est debita beatitudini essentiali eorum. 297. 1. Vbi plura de Angelorum Beatitudine.

C

Cognitio matutina, & vespertina SS. Angelorum explicatur. 167. 1.

Cognoscunt Angeli plura obiecta per spec. es. 124. 1. Ibi, & insequentibus habentur ea, quæ spectant ad cognitionem Angelorum.

Christus Dominus est caput hominum, & Angelorum. 266. 2. & insequentibus.

Christus Dominus manifestando cogitationes cordium efficaciter ostendit suam Divinitatem. 186. 2.

Concilium 2. Lateranense sub Innocentio Tertio definiuit quidem Deum ab initio temporis omnes creaturas condidisse: non verò an Angeli sint omnino incorporei. 3. 2. De creatione eorum quid doceat. 232. 1.

Concilium Bracarense definiuit Diabolum in Mundo nullas naturas condidisse. 76. 1.

Concilium Semonense docet animas Sanctorum cognoscere orationes nostras in speculo Divinitatis. 128. 2.

Concilium Aurascanum secundum docet auxilium Dei, etiam à Sanctis esse implorandum. 280. 2.

Concilium Tridentinum gratiam excitantem, & adiuvantem requiri ad iustificationem. ibid. 1.

Compositio ex esse, & essentia non datur in Angelis. 30. 2. datur tamen ex na-

tura, & subsistentia. 33. 1. ex subiecto, & accidente, ex genere, & differentia. 34. 1. &c. Non tamen ex materia, & forma substantiali, nec ex partibus quantitativis. 38. 1.

Corpora possunt assumi ab Angelis. 67. Quæ tamen non semper habent naturam speciei, quam representant. 71. 1. Quo sensu S. P. admisit corpora in Demonibus. 324. 2.

D

Dæmones quomodo è Calo deciderint, & plurimi sint intra corpus unius arreptitij. 18. 1. Quomodo miscuerint se mulieribus. 77. 1. Occultis suggestionibus, & phantasmatibus eludunt sensus humanos. 82. 1. quomodo cognoscant futura contingentia. 175. 2. Quomodo cognoscant cogitationes cordium, & liberos altus. 191. 2. dolent non posse habere Charitatem, quam habent homines Sancti. 240. 2. Diabolus non esse ex natura sua malum est certum, & de fide. 315. 1. est etiam certum in primo instanti illum non peccasse. 316. 1. Nec potuisse peccare est probabilissimum. 318. 1. &c. Diversitas ordinum Angelorum an remanebit post diem iudicij. 383. 1.

E

Effectus non demonstrant evidenter existentiam Angelorum sumpto Angelo pro substantia omnino incorporea. 8. 2.

Entis naturalis, & supernaturalis diversitas. 199. 2.

Essentia, & existentia in Angelis non distinguuntur, nec realiter, nec ratione. 31. 1. Essen-

Essentia Angeli non est actus intellectus eius in essendo. 147. 1. sed solum in inte. ligendo. ibid.

Euclidis propositio trigesima sexta de loco, & locato explicatur. 107. 1. & c.

Excessus, vel defectus eius quod gerit vicē speciei non attenditur secundum perfectionem essendi, sed secundum rationem representandi. 157. 1.

F

Formatio corporum in quibus apparent Angeli quid requirat. 68. 1.

Fictio non est in Angelis Sanctis, quando assumunt corpora, neq; frustra fit. 71. 1.

Fines ad quos ordinantur apparitiones Angelorum. ibid. & 73. 2.

Frustraneum non est eorumdem specie effectuum dari plures causas specie differentes. 81. 1.

Futura cognoscuntur ab Angelis. 173.

G

Generationem propriam non possunt exercere Angeli. 93. 1.

Gradus varij rerum secundum quos attenditur perfectio vniuersi. 55. 1.

Gratia sanctificans non est Angelo connaturalis, licet eam habuerit à principio. 241. 1. Eamque largitus fuerit liberè Deus in primo instanti. 234. 2.

Gratia maioris in Angelis non fuit causa, nec maior perfectio naturalis, nec maior conatus. 253. 1.

Gratiam sanctificantem non receperunt Angeli ex meritis Christi. 256. 2.



I

Illapsus propriè dictus in animas nostras non conuenit Angelis. 86. 1. nec etiam in corpora. 87. 1.

Illustrationibus Diuinis sibi accommodatis cognoscere Angelos in xta S. Dionysium quid sit. 142. 2.

Illuminantur mentes inferiores per Angelos superiores, & quomodo. 216. 1.

Incarnationis mysterium non fuisse reuelatum Angelis viatoribus est probabile. 269. 2. & dato quod fuisset non sequitur eos accepisse gratiam sanctificantem ex meritis Christi. 271. 1.

Incorporeum tripliciter accipitur. 14. 2.

Incorruptibilitas, & immortalitas quomodo competat Angelis. 60. 1.

Inuidia quomodo fuit in Angelis, qui peccauerunt. 341. 1. & c.

L

Lamiarum, & arreptionum effectus non ostendunt euidenter existentiam Angelorum. 11. 1.

Libertas Angeli quæ. 319. 2. & c.

Locutiones, & voces Angelorum in corporibus assumptis non fuerunt propriè vitales. 93. 2.

Locus competit Angelis, isque determinatus. 95. 1. In loco esse competit eis diuersimodè. 101. 2. Quomodo possit vnus esse in pluribus locis. 105. 1. Et plures in eodem loco. 108. 2.

Loquuntur Angeli inter se. 203. De modo diuersitas sententiarum. 205. 2. Probabilius videtur consistere in verbo mentali vnus, quatenus dirigitur ad alterum. 206. 2.

Luciferum fuisse in delitijs Paradisi iuxta Ezechielè quomodo intelligatur. 282. 2.

Est caput eorum qui peccauerunt, & Diabolus dicitur. 331. &c. qui inter omnes erat supremus in perfectione naturali. 333. 1. Cur dicatur Cherub. in Scripturis S. 336. 1. Induxit Angelos qui peccauerunt ad peccatum. ibid. 1. Quomodo sit Princeps Daemonum. ibid. 2. An appetierit praeesse solis Angelis, vel solis hominibus, an verò utrisque simul. 345. 2.
Lumen Angelicum esto efficacius nostro non potest abstrahere species ab obiectis. 130. 1.

M

Materia propriè dicta non datur in Angelis. 26. 1.
Mens S. P. N. Augustini de hoc aperitur. 28. 1.
Modus agendi quomodo proportionetur modo essendi. 81. 1.
Modi omnes, quibus potest Angelo competere esse in loco. 99. 1.
Modus operandi, & aquirendi propriam perfectionem consequitur modum essendi. 119. 2.
Modus, quo Angelus se mouet localiter tam latè patet, quam modus quo est in loco. 112. 2.
Motus Calorum non demonstrat euidenter existentiam Angelorum. 10. 2.
Mouentur Angeli per tempora. 110. 1.
Mysteria gratia à Deo facta sunt in duplici differètia. 193. 1. Nō possunt solo naturali lumine cognosci ab Angelis. ibid. 2.
Michael è vn° de primis Seraphim. 383. 2.

N

Nullo modo potest Angelus accipere species à rebus. 128. 1.

Numerum Angelorum excedere numerum rerum materialium, docet S. Dionysius. 56. 2.
Numerus filiorum Dei, iuxta quæm in Scripturis dicuntur constituti termini populorum quinam fuerit. 58. 2.
Numerus definitus Angelorum à nobis sciri non potest. 59. 2.
Nomina, qua singulis Choris attribuantur significant personas, & officia distincta. 379. 1.

O

Obiectum Intellectus Angelici, quod & quale; & quæ comprehendat. pag. 142. & sequentibus.
Obiectum in intellectu tripliciter esse potest. 206. 2.
Obiectum peccati Angelorum non fuit Incarnatio Domini. 271. 2.
Operationes vitales quoad substantiam non possunt exerceri ab Angelis in corporibus assumptis. 90. 2.
Ordo rerum in vniuerso duplex. 145. 2.
Obiectum superbie Angelorum fuit dominium, seu praelatio indebita. 342. &c.

P

Platonici quatuor ordines substantiarum intellectuum ponebant inter Deum, & nos. 23. 1.
Pluralitatem numericam cur admittat natura corporèa, non verò spiritualis iuxta doctrinam Thomistarum. 48. 1.
Potestas Angelorum circa corporalia. 66.
Potentia intellectiva Angeli est identificata cum eius substantia. 118. 1.
Præsentia substantia quomodo constituat Angelum in loco. 101. 2.
Propositio Euclidis applicata ad existentiam

tiam Angeli in loco explicatur. 107.1.
Principium formale, per quod potentia opera-
tur, nō est semper quid inferius, & sub
ordinatum illi. 150.1.

Principium, per quod cognoscitur ratio ge-
nerica, non est semper ratio cognoscen-
di gradum specificum, & individua-
lem. 153.1.

Principium coeffectuum intellectiōis non
semper requirit informare, seu inbarere
potentiā. 156.1.

Q

Qualitates dispositiue ad produciōē
firmarum substantiarum nō possunt
ab Angelis fieri. 75.1. &c. bene
tamen illa quae non sunt dispositiue ad
huiusmodi formas. 78.1. &c.

Quaeque qualitates in specie ab Angelis
produci possunt. 79.1. &c.

R

Rationes formales proximē constituē-
tes spiritum in loco definitiue vnde
sunt desumenda. 98.1.

Receptacula, ad quae migrant animae post
mortem, sunt loca corpora etiam per
S.P. 112.1.

Requisita ad formationem veri corpo-
ris. 68.2.

Res supernaturales excedunt vires natu-
rales effectiuas, & cognoscitiuas hominū,
& Angelorum. 155.2.

S

Adducentur error circa Angelos. 3.
1. &c.

Septima Synodus Generalis, quae est secun-
da Nicæna, definit esse p. ngendos An-

gelos in figura corporea, non tamen eos
esse corporeos. 21.1. &c.

Species quibus Angeli cognoscunt obiecta,
qua, & quales sint. 124.1. non sunt pro-
pria passionum eorum, nec forma super-
naturales. 131.1. Per huiusmodi spe-
cies recte cognoscuntur ab eis, tam vni-
uersalia, quam singularia; & rationes,
tam essentialia, quam accidentalia. 133.
1. &c. Alia alijs vniuersaliores esse
possunt in representando. 134.1.

Species indita Angelis sunt excellentiores
rebus ipsis in esse intelligibili, & repre-
sentatiuo. 137.1.

Species Angelicae representant vniiformi-
ter ex parte sui, & disformiter ex parte
rerum oppositarum, & conditiones in-
diuiduales rerum successuarum. 172.2.
Eadem specie non solum impressa, sed
etiam expressu representantur opposita
non solum contrarie, sed etiam contra-
dictorie. 172.1. Non repugnat huius-
modi speciebus infinitas in representan-
do. 173.2.

Spiritus nomine in Sac. Scriptura solet re-
plurimum intelligi aliquid incorpo-
reum. 17.1.

Substantia est immediate operativa. 149.1.
Superbia fuit primum peccatum Angelo-
rum. 339. & 340.2. &c.

T

Tribus modis fit vnum simpliciter per
Aristotelem. 73.1.

Tripliciter potest vna res aliam intelli-
gibiliter representare. 125.1.

Tribus modis essentia vnius rei cognita du-
cit in cognitionem alterius. 152.1.



Via

Vis Angelorum, qua & qualis fuerit.
a pag. 289. 1. & sequentibus.

Videre in Verbo creaturas non semper im-
portat intuitivam Dei visionem. 285. 2.

Virtus quo altior est, & efficacior operatur
ex paucioribus. 139. 2.

Vniuersi perfectio non euidenter ostendit
existentiam Angelorum. 5. 2. ex ea ta-
men probabilissime arguitur dari crea-
turas omnino incorporeas. 18. 1.

Vnio potentia cū obiecto requiritur ad co-
gnitionem, & qualis esse debet. 123. 1.

Vritas obiecti requisita ad unitatem scien-
tia, speciei, vel sensus quanam sit, &
qua sufficiat. 135. 2.

Vniuersalis cognitio est duplex. 142. 2.

Voluntas potest vno actu fieri, vel acce-
ptare diuersa obiecta propter diuersas
bonitates. 136. 2.

Voluntatem esse in Angelis est certissimū,
221. 1. Eaque esse liberam. 222. 2.

Nō distinguitur realiter ab intellectu. 223.

2. Quomodo libera in primo instanti ad
peccandum. 318. 2. &c.

Voluntas Angeli natura sua est flexibi-
lis. 363. 1.

F I N I S.



Errata.

Sic Corrige.

Pag. 2. Col. 1. *Angelorum*

4. col. 1. opponeretur

14. *Quæris* nomen *Quæris*, &c.38. col. 2. S. *Bonaventura*49. col. 2. *Philosophico*117. c. 2. *post illa verba realiter*
ab ipso

111. Dubium secundum

143. 2. *Eamque* tuetur *Scotus*

152. 1. perfecte & distincte

198. 1. appositum

299. 1. nonne

300. 1. Accidentales

ibid. 1. appositum

ibid. 2. ad litteram

302. 1. per illum

304. Scripturalem

ibid. 1. *Hoc*306. 1. loquens de Angelis & lu-
minibus.312. 1. per similes actiones eas
amittere posset317. 1. Et hoc quod in presenti
quæritur

318. 1. cap. 3. supra relati

Angelis

opponerentur

Quæris nomen *Quæris*S. *Bonaventura**Philosophico*.*addendum est*. Melior ergo ratio est,
quia in mea sententia esse est identifica-
tum cum essentia, & substantia Angeli,
& propterea sicut non identificatur cum
eius essentia, ita nec etiam cum eius
esse.

Dubium quintum.

eamque tuetur *Scotus*

perfecte & distincte

oppositum

tunc

Accidentalis

oppositum

ad litteram

per illam

supernaturalem

Hoc.

loquens de Angelis, & hominibus:

per similes actiones eam amittere
posset.

Et hoc est quod in presenti quæritur.

supra relati







